



Ex Lib. Equit. Prosperi de Rosa



C 1415

592970

Prac. Vill. C. 143(1)

JOSEPHI CYRILLI

JURISCONSULTI,

E T

PRIMARII ANTECESCRIS NEAPOLITANI

OPERA OMNIA

TOMUS I.



NEAPOLI

SUMPTIBUS, AC TYPIS VINCENTII VRSINI

MDCXC.


THE UNIVERSITY OF CHICAGO

LIBRARY

540 EAST 57TH STREET

CHICAGO, ILL. 60637

TEL. 733-7321



1975

11



DE JURE ADCRESCENDI

COMMENTARIUS.



N Florentino Indice, qui libros exhibet veterum Jurisconsultorum, ex quorum fragmentis Pandectae constant, nullus est Liber inscriptus *De jure adcrescendi*: & etsi tamen in hoc multiplici atque obscuro argumento latius fortasse ac subtilius, quam in aliis bene multis versatos, sexcenti Digestorum loci commonstrant. In corpore juris Justinianaei vix duo sunt Tituli, quibus ea res agitur, al-

ter Pandectarum *De usufructu adcrecendo*, alter Codicis *Quando non petentium partes petentibus adcrescunt*; sed duobus istis Titulis vix duos totius argumenti particulas dedit nobis Tribonianus; alias, quae maxima ejus pars sunt, aliis Titulis subjecit. Est igitur mihi deliberatum constitutumque hoc anno quae sparsim, atque obscure in Libris juris scripta sunt de jure adcrescendi, ea colligere omnia atque explicare. Praeivere quidem mihi in hac re magni nominis Jurisconsulti Antonius Goveanus, Franciscus Duarenus, Edmundus Merillius, Melchior de Valentia, Thomas Pappilonius, hisque nec par ingenio, nec suppar, non indiligens tamen scriptor Joannes Antonius Bellonus; sed non pauca sunt, quae illorum live diligentiam, sive intelligentiam fugere.

C A P U T I.

JURIS ADCRESCENDI DEFINITIO.

Jacobus Cujacius, qui, ut olim Servius Sulpicius (a), optimis definitionibus Jurisprudentiam auxit, in *L. idooque 2. D. de usufr. adcr. ex*
A
Lib.

(a) Quantum fuerit Servius Sulpicius in propria cujusque rei vi definienda, novissime demonstravit Everardus Otto in ejus vna cap. IV.



Lib. V. quaest. Africani, jus adcrefcendi definit in hunc modum : *Est jus adipiscendae, retinendaeve partis conjuncti, qui non concurrat, vel concurrere desit.* Expendamus hanc definitiorem. Aliud est conjuncti partem adipisci, aliud retinere. Si duobus una oratione res eadem legetur hac formula, *Titio & Gajo fundum Tusculanum do, lego*, videtur magis uni una, alteri altera pars fundi, quam solidus fundus singulis legari; proinde si unus conjundtorum non concurrat, alter non concurrentis partem adipiscitur. Contra si duobus non una oratione res eadem ita legetur, *Titio fundum Tusculanum do, lego*; *Gajo fundum Tusculanum do, lego*, plus quam manifestum est, singulis legari solidum fundum: quo fit, ut uno conjundtorum non concurrente, alter partem fundi retineat, quam ille concurrentis auferret. Priore casu proprie juri adcrefcendi, posteriore potius juri non decrefcendi locum fieri vulgo est traditum ex auctoritate Imperatoris Justiniani *L. un. §. 11. C. de caduc. toll.*, ubi priore casu *adcrefcere* partem inquit: posteriore rem solidam apud ipsum, qui habet, remanere nullius concursu deminutam. Ante Justinianum etiam id, quod non decrefcebat, *adcrefcere* dicebatur, *L. 1. §. interdum 3. D. de usufr. adcref.*, *L. haec scriptura 26. §. 1.*, & *L. si separatim 30. de condit. & dem.* Porro quod in definitione dicitur, *qui non concurrat, vel desit concurrere eo* pertinet, ut intelligamus, discrimen esse inter usufructum, & proprietatem. Haec jure adcrefcendi adquiritur, si conjunctus omnino non concurrat: ille, etiamsi desinat concurrere amisso usufructu, *cit. L. 1. §. 3.*: in cujus discriminis rationem inquiram suo loco. In Cujaciana definitione illud deest quod portio in proprietate portioni adcrefcit, in usufructu personae, *L. si Titio 33. §. 1. de usufr. & quemad. quis utat.* & *L. interdum 10. de usufr. adcref.*: unde vulgaris illa juris adcrefcendi partitio in reale, & personale.

C A P U T II.

JURIS ADCRESCENDI ORIGINES.

NON Lex XII. Tabularum, ubi nullum extat juris istius vestigium; sed jus illud civile, quod perlata ea Lege a Prudentibus disputatione fori compositum dicitur in *L. 2. §. 5. de orig. jur.*, primum introduxit jus adcrefcendi. Hanc sententiam, quae jamdudum vicit in Scholis, eo confirmat Merillius Obscuror. *Lib. sing. cap. 1.*, quod scriptum est apud Ulpianum *Fragm. Tit. 1. §. 21.*, *Tit. 17. §. 2.*, ac *Tit. 18. pr.*, apud Celsum in *L. pater 29. §. 2. de leg. 2.*, & apud Justinianum in *cit. L. un. pr.* partem adcrefcere jure antiquo, quo non aliud significare, quam jus ex ejus Legis interpretatione natum probant *L. 1. §. 16. de adq. poss.*; *L. ult. C. de her. inst.*, ac *tit. D. de div. reg. jar.*, quibus locis jus illud veteram regula, antiqua regula, & antiquum jus appellatur. Sed in hoc certe errat Merillius, quod uno eodemque sensu antiquum jus interpretetur, cujus acceptio multiplex. Do ego illi (ecquis est qui abnuat?) in *cit. L. 1. §. 16.*, in *cit. L. ult.*, & in *cit. tit. D.*, veterem regulam, anti-

antiquum reglam; & antiquum jus esse, quod Prudentes olim disputatione fori composuere; sed saepe ad jus aliquod novum refertur, cujus rei prostrant exempla apud Brittonium *De verb. sign. Lib. 1.* Non alta facienda est interpretatio antiqui juris apud Ulpianum, Celsum, & Justinianum. Jus antiquum est apud eos, quod obtinebat ante Legem Papiam Poppeam sub Augusto ad Populum latam, qua derogatum aliquid de jure adcrecandi, ut mox: ac desertissime Ulpianus, & Justinianus legi Papiae antiquum jus illud opponunt: Ego argumento hoc uno in eam rem utar. Ulpianus *Fragm. Tit. 24. §. 12.* Licinius Rufinus in *L. si ita quis 74. de her. inst.* partem ajunt adcrefcere *jura civili*, quod, quum nulla certa Lex sit, quo possit referri, esse omnino debet jus illud, quod *communis nomine dicebatur jus civile*; Hoc autem illud erat, quod sine scripto in sola Prudentum interpretatione consistebat *civ. L. 2. §. 5. & 12.* Jure isto civili deficientium portiones coheredibus, collegatariisque adcrefcabant. Num Lege sive XII. Tab., sive nova, an testamento heredes essent, nihil intererat. Docent id Paulus *Lib. 4. sent. tit. 8. §. 26.*, Ulpianus in *L. si Titio 61. §. 1. de leg. 2.*, & *L. 1. §. 9. ad Terull.*, Marcianus in *L. si ex pluribus 9. de suis & legit.*, & Justinianus in *cit. L. un. pr. & §. 1.* Stetit per omnia jus illud usque ad annum V. DCCLXII., quo anno M. Papius Mutilus, & Q. Poppeus Secundus suffedi Conf. Augusti jussu ulere ad populum Legem, quae ab utroque Consule Legis Papiae Poppeae nomen accepit, *Dio Lib. 56. p. 578. (a)*. Quod pertinet ad heredes legitimos, nihil mutatum ea Lege, nam portionum iis adcrefcensium meminer proxime *civ. loc. Paulus, Ulpianus, & Marcianus*, quorum temporibus Papiæ Lex servabatur. Solis heredibus scriptis, & collegatariis ademitt Lex Papiæ portiones deficientes, deditque aerario bellis civilibus & largitionibus exhausto, cui Antoninus Bassianus, seu Caracalla substituit fiscum, *Ulp. Fragm. tit. 17. §. 2. (b)*. Eorum autem, quae testamento scripta deficient, tria facit genera Justinianus in *cit. L. un. §. 2.*, primum eorum, quae *pro non scriptis* habentur: secundum eorum, quae *caduca*: tertium eorum, quae dicebantur *in causa caducorum*, seu *quasi caduca*. Non raro utuntur Jurisconsulti verbo *causa* pro *quasi*. Ita Ulpianus in *L. 1. §. 2. de tab. exhib.* pertinere ait codicillos *ad causam testamenti*, h. e. quasi testamenta esse: & Papinianus in *L. 1. §. 10. si is, qui test. lib. habere legatarios* inquit *pignoris causam*, i. e. quali pignus facit. Pignus a testatore vel Magistratu constitutum, de quo genere pignoris loquitur Papinianus, quasi pignus, seu in causa pignoris est. Heineccius

A 2

cius

-
- (a) Haec eadem Lex dicta etiam Lex Julia, & Papiæ, quia Lex Julia, de maritalibus ordinibus maximam partem in Legem Papiam influxit: quae de re diligentissime Heineccius ad *L. Jul.*, & *Pap. Lib. 1. cap. 3.*
- (b) Stabat adhuc aetate Ulpiani vetus discrimen inter aerarium, & fiscum. Sed stabat tamen verbo, non re. Vide a me scripta in *Courm. de jur. fisc.*

Jus ad L. Jul. & Pap. Lib. 3. cap. 4. & ad Briffon. de V. S. Lib. 3. *ausam pignoris* apud Papinianum interpretatur tadium pignus, magno sane errore. Taciti pignoris, quod legatarii habent, primus auctor Justinianus in L. 1. C. *comm. de legat.* Habentur pro non scriptis, quae in ipso iusticio deficiunt, veluti relicta iis, qui tempore testamenti non sunt in rebus humanis, aut alias capere non possunt, Tit. D. de his, quae pro non scriptis. Erant caduca, quae mortuo testatore deficiebant, veluti si heredem legatariūve ante apertas tabulas mori contingeret, sive quod is caderet heres, legatariūve (Ulp. *Fragm. Tit. 17. §. 1.*, *Isid. orig. lib. 5. cap. 25.*), sive quod ea ab herede legatariove caderent in fiscum, quemadmodum *caduca glans* dicitur in L. *Silva 30. §. 4. de V. S.* Erant in causa caducorum, quae deficiebant post testamentum testatore adhuc vivo. Jam ad ea, quae pro non scriptis sunt, Lex Papia non pertinebat *cit. L. un. §. 3.*, proinde nihil eorum aerario inferebatur, atque hoc est quod Plinius scribit Lib. 2. ep. 16. in eis *delatori locum non fuisse*: in caducis autem & quasi caducis coheredi, collegatariove, aerarium, ac subinde fiscum praeferebat, *cit. L. un. pr.* Servavit tamen ea Lex jus antiquum, h. e. jus adcrescendi, liberis, & parentibus heredibus insituit usque ad tertium gradum, Ulp. *Tit. 17. §. 2.*, & *Tit. 18. pr.* Quandoque in recta etiam linea ad certum usque gradum succeditur. Exempla congegit Antonius Scultingius in Ulp. *Tit. 18. pr.* Idem jus videtur iudem servasse extraneis, si liberos haberent: Id ex verbis Ulpiani *Fragm. Tit. 25. §. 17.*, itemque Juvenalis *Sat. 9. v. 86.* primus conjectando exculpit Jac. Gothofredus in L. un. C. *Th. de infirm. poen. coelib.*: tum nova argumentorum accessione confirmavit Heineccius ad L. Jul. & Pap. Lib. 3. cap. 3. num. 2. Habere autem liberos recte dici eum, qui vel unum filium, unumve filiam habet, non ambigitur, L. non est 148. de V. S. Ergo occasione liberorum, aut parentum, aliorumve, qui liberos haberent, de jure adcrescendi egisse credendum est veteres Jurisconsultos Papiae Legis interpretes, ac nominatim Paullum in L. *re conjuncti 89. de Leg. 3.*, & L. *triplici 142. de V. S.*, quae duo loca descripta sunt ex ejus Libro sexto ad L. Julianam & Papiam. Tandem Justinianus in *cit. L. un. caducis*, & quasi caducis sublati jus vetus restituit de jure adcrescendi; quo jure nunc utimur.

Permagni autem interest rationes nosse, quibus moti Prudentes jus adcrescendi introduxerunt. Multis est in hac re Bellonus *De jure adcresc. cap. 2. quaest. 2.*, & *cap. 3. quaest. 1. & 2.*, sed multum ei chartae periiit non magno fructu. Ego hac cura paucis desinam, & fortasse huic rei aliquid per me novae lucis accedet. Jus adcrescendi introduxit aut conjectura voluntatis seu testatoris, seu legis, aut necessitas juris. Ex conjectura voluntatis testatoris jus non decrescendi esse docet Justinianus in *cit. L. un. §. 11.*, his verbis, *Quia sermo testatoris omnibus prima facie solidum assignare videtur*: esse autem juris adcrescendi ratio eadem debet, quae juris non decrescendi, cujus naturam ipso juris adcrescendi vocabulo veteres explicarunt. Ac vel unus iste Imperatoris Justiniani locus vehementer errare probat Valentiam *Tract. 1. de jur. adcre. cap. 1. n. 9.* audacissime scribentem, nihil esse momenti positum in voluntate testatoris ad indu-

cen-

cendum prohibendumve jus adreſcendi : idque conſtare hoc argumento , quod in teſtamento militis nulla voluntas ſpectatur , nec tamen juri adreſcendi eſt locus ; quaſi non ſit vero propius , etiam in militis teſtamento deficientem partem adreſcere ex conjectura voluntatis ; qua de re inferius . Ex conjectura voluntatis Legis eſſe jus adreſcendi , ſi hereditas , bonorumve poſſeſſio ab inteſtato deſeratur , ex eo patet , quod liberi , agnati , cognati Lege , edictove per collectionem , ac veluti quaedam univerſitates vocantur : cui conſequens eſt , eam videri Legis edictive voluntatem , ut omnes bona omnia habeant inter eos concurſu dividenda , uti rectiſſime Duarenus *De jure adreſcendi lib. 1. Cap. 1.* , atque Hotomanus *Illuſtri quaest. 44.* De jure , quod liberi , agnati , aliive tanquam partes ejuſdem univerſitatis habent in bona ejus , qui inteſtato deceſſit , vide a nobis ſcripta *Inſti. reſpectu praedictionis tom. 2. p. 1. & 2.* Demum ex neceſſitate juris eſſe jus adreſcendi , probat locus Licinii Rulii in *L. ſi ira 74. de her. inſt.* , ubi , ſi quis inſtitutus ſit heres *exceptio fundo* (qua formula non obſcure verat teſtator , ne fundus heredi adreſcat) perinde eſſe inquit *jure civili* , atque ſi *ſine ea re* , h. e. non exceptio fundo , heres inſtitutus eſſet , quaſi dicat fundum ei adreſcere neceſſitate juris . Duae autem ſunt juris regulae , quae neceſſitatem illam inducunt ; altera , quae non patitur , eundem in paganis teſtato , & inteſtato deceſſere , *L. jus noſtrum 7. de reg. jur.* : altera , quae non patitur dividuum eſſe jus heredis hereditatiſve , qui , quaeve unam individuumque refert perſonam deſuncti , *L. haereditas 61. de acq. rer. dom.* , *L. heres 22. de uſuſ.* & *L. novatio 24. de novat.* Ad priorem illam regulam refero Licinianum illud *jure civili* ; eſtque mihi , ut eo referam , auctor Tribonianus , qui §. 6. *Inſti. de her. inſt.* ſcribit , ſi quis nunc tantum ex ſemiſſe heredem ſcripſerit (quae ſpecies proxime abeſt a Liciniana) totum aſſem in ſemiſſe ſuorum , neque enim idem *ex parte teſtiatus* , & *ex parte inteſtatus decedere poeſt* . Ad poſteriorem refero illud Paulli in *L. ſi ſolus 80. de acq. her.* , *Si ſolus heres ex pluribus partibus ſuero inſtitutus* , unam partem omittere non poſſum : nec intereſt , in quibusdam habeam ſubſtitutum , nec ne . Dato autem ſubſtituto ne poſſum partem omittere facit poſterior haec regula ; namque omiſſa pertineret ad ſubſtitutum , qui teſtamento , non lege eſt heres . Ecce nunc tibi regulam , qua alteram ab altera illius juris ratione internoscas . Quibus caſibus ſi nullum eſſet jus adreſcendi , aut mutaretur cauſa ſucceſſionis , aut jus illud individuum heredis hereditatiſve dividuum fieret , iis caſibus jus adreſcendi neceſſitas juris induxit . Contra quibus caſibus ſi nullum eſſet jus adreſcendi , nec mutaretur cauſa ſucceſſionis , nec jus illud individuum heredis hereditatiſve dividuum fieret , iis caſibus induxit jus adreſcendi conjectura voluntatis ſeu teſtatoris ſeu legis . Exemplis res clarior fiet . In ſucceſſionibus , quae ab inteſtato deſeruntur , jus adreſcendi eſſe ex conjectura voluntatis Legis , jam dictum . In legatis & fideicommiſſis eſt ex conjectura voluntatis teſtatoris , nam ſi legatario , aut fideicommiſſario pars non adreſceret , eam heres retineret non mutata cauſa ſucceſſionis . In hereditatibus , aliſque Praetoriis ſucceſſionibus , quae deſeruntur ex teſtamento , interdum conjectura voluntatis teſtatoris , interdum neceſſitas juris jus illud induxit ; poeſt enim pars adreſcere aut ſe-

cundum voluntatem, aut contra voluntatem testatoris. Finge scriptum, *Titius & Gajus ex semisse heredes sunt: Maevius ex altero semisse heres est.* Hoc casu pars Titii deliciens adcrevit Gajo, huiusque pars Titio adcrevit ex conjectura voluntatis testatoris, qui Titium & Gajum in semisse co-junxit: partes autem Titii & Gaji adcrevunt Maevio non ex iudicio Testatoris, qui a Titio & Gajo Maevium omnino disjunct, sed ex necessitate juris. Haec eadem necessitas juris facit, ut heredi scripto ex re certa, aut ex asse quidem scripto, sed excepta tamen certa hac illave re, quod reliquum est hereditatis, adcreseat.

Jam conjectura voluntatis seu testatoris, seu Legis non aliunde capitur, quam ex *sermone*, uti Justinianus loquitur in *cit. L. un. §. 11.*, seu formula, qua Lex, aut testator plures conjungit. Legis formula est plurium per collectionem vocatio ad eandem rem: eaque est semper una eademque testatoris formula est multiplex, qua duo, pluresve minus, magisve conjunguntur.

Reliqua est operis partitio. Commentarium divido in partes quinque. Prima diversas expendet conjunctionum species & secunda varios conjunctionum effectus: tertia modum, quo pars partii, personaeve adcrevit: quarta causas, in quibus juri adcrevendi est locus: quinta causas, in quibus cessat jus adcrevendi.



COMMENTARI I

PARS PRIMA

DE DIVERSIS CONJUNCTIONUM SPECIEBUS.

PAULLUS in *L. re conjuncti* 89. de leg. 3. duo facit conjunctionum genera, unum eorum, qui sunt *re conjuncti*, alterum eorum, qui sunt *verbis conjuncti*, non etiam *re*. Idem PAULLUS in *L. triplici* 142. de V. S. tertium addit genus eorum, qui sunt *re & verbis conjuncti*. Posteriore hoc loco de conjunctione heredum; priore illo de conjunctione legatariorum agi, producta iis locis exempla commonstrant. Sed aequè in legatariorum atque in heredibus tres istas conjunctionum species locum habere exploratissimi juris est.

Antequam singulas conjunctionum species expendam, duo hic praemonito. Unum est, ex diversis testamentis *jus conjunctionis non contingere*, uti Ulpianus loquitur in *L. si sub conditione* 16. D. quib. mod. usufr. cui neque illud contrarium est, quod idem Ulpianus inquit in *L. plane* 31. §. 10. de leg. 1., si quis in pupillari testamento alii eandem rem legaverit, quam mihi in suo testamento legavit, nos in eandem rem concurrere, neque alias quam concursu partes habere: neque illud, quod optimi quique Interpretes Juris docent, re conjunctos esse eos, quorum uni tes-

tamen-

flamento, alteri codicillis res eadem legatur; nam patris & filii testamentum pro uno habetur, *L. patris 20.*, & *L. coheredi 41.* §. *coheres 6. D. de vulg.*, & quemadmodum secundae tabulae principalium tabularum partem obtinent, ita codicilli pars intelliguntur testamenti, *L. sicut 11. D. testam. quemadm. aper.* Alterum est, duorum plurimve conjunctionem intelligi non posse, nisi duo illi, pluresve ad rem prorsus eandem vocentur. Apposite Julianus in *L. hujusmodi 84.* §. *12. de leg. 1.*, Quibus, inquit, ita legatum fuerit, Titio & Maevio singulos servos do lego, constat, eos non concurrere in eundem servum, sicuti non concurrunt, quum ita legatur, Titio servum do lego, Maevio alterum servum do lego. Sed a legataris in hac re differunt heredes. Hi, quoniam hereditas successio est in jus universum, & licet in plures divisa una est, *L. hereditas 62.*, & *L. quod contra 141.* §. *1. de reg. jur.*, quocumque modo scribantur heredes, in unam eandemque rem concurrunt; quod pluribus explicat Duarenus *De jure adcrefcent. Lib. 1. cap. 4.*

De re conjunctis ita Paulus in *cit. L. 89.*, *Re conjuncti videntur, non etiam verbis, quum duobus separatim eadem res legatur.* Tò separatim ad diversas orationes refertur: quantum respectu re tantum conjunctos Ulpianus non conjunctos vocat in *L. 1.* §. *interdum 3. de usufr. ad r.*, & Justinianus disjunctos in *L. un.* §. *10. C. de caduc. toll.*, sunt enim verbis disjuncti; quo pertinet tò non etiam verbis apud Paulum in *cit. L. 89.* Confirmat id Tribonianus §. *8. Instit. de legat.*, ubi scribit, *Disjunctim legari in hunc modum, Titio hominem Stichum do lego: Sejo hominem Stichum do lego.* Ecce duas diversas orationes. Ita disjunctim relinquitur hereditas in hunc modum, *Titius heres esto: Sejus heres esto*; namque hae sunt iudic. duae diversae orationes. Eos, qui sunt verbis, non etiam re conjuncti, designat Paulus in *cit. L. 89.* hoc exemplo, *Titio & Sejo fundum aequis partibus do lego*; cui simile exemplum in heredibus sime in hunc modum, *Titius & Sejus ex aequis partibus heredes sunt*. Et sunt quidem verbis conjuncti, quia una oratio est, non re, quia partes initio sunt. De conjunctis re & verbis ita idem Paulus in *cit. L. 142.*, *Nec dubium est, quin conjuncti sint* (subaudi, re & verbis), quos & nomen & rei complexus jungit: veluti, *Titius & Maevius ex parte dimidia heredes sunt*; cui simile exemplum in legataris finxit Tribonianus *cit. §. 8.* in hunc modum, *Titio & Sejo hominem Stichum do lego.* Complexus ille nominum orationem omnino unam ponit, nam jungi nomina nisi una oratione non possunt: complexus ille rei excludit partes. Atque hic novissimus Pauli locus conjundorum omnis generis definitiones suggerit sane elegantes. Re conjuncti sunt, quos rei, non nominum: verbis conjuncti, quos nominum, non rei: re & verbis conjuncti, quos nominum & rei complexus jungit. Conjungi autem nomina variis modis posse ait Paulus in *cit. L. 142.*, veluti *Titius & Maevius*: vel *Titius, Maeviusque*: vel *Titius cum Maevio*; tum quaerit, num, etiam si hos articulos detrahas &, quae, cum, interdum tamen conjunctos accipi oporteat, veluti, *Lucius Titius, Publius Maevius ex parte dimidia heredes sunt*: vel ita, *Publius Maevius, Lucius Titius heredes sunt*, *Sempronius ex parte dimidia heres esto*; & quoniam *Sempronius quoque ex parte dimidia scriptus est, verisimilius esse, inquit, in eundem*

dem semissem duos coactos & conjunctim heredes scriptos esse . Ait interdum , non enim semper soluta oratio vim habet connexae , sed tum demum , quum ita postulat conjectura voluntatis , ut in proposito exemplo . *Gaius Titius , Publius Maevius ex parte dimidia heredes sunt* : vel ita , *P. Maevius , Lucius Titius heredes sunt* : *Sempronius ex parte dimidia heres esto* . Est hoc , licet duo videantur , exemplum unum , cujus prior pars duobus modis efficitur , altero expressa parte sic , *L. Titius , P. Maevius ex parte dimidia heredes sunt* , altero non expressa parte sic , *P. Maevius , L. Titius heredes sunt* : posterior est , *Sempronius ex parte dimidia heres esto* . Posterior haec pars facit , ut soluta illa oratio *L. Titius , P. Maevius* vim habeat connexae , quoniam enim dimidia uni Sempronio relicta est , hinc capitur conjectura , *L. Titium , & P. Maevium conjunctos esse in alteram dimidiam* , sive haec sit adscripta , sive non . Quod si non adjecto Sempronio esset ita scriptum , *L. Titius , P. Maevius heredes sunt* , aut ita , *L. Titius , P. Maevius ex parte dimidia heredes sunt* , suam singuli dimidiam haberent . Sed nomina exprimi nihil est necesse . Satis est plures una oratione per collectionem vocari : eritque pro complexu nominum complexus personarum . Ita qui rem eandem *filiabus* legat , filias re & verbis conjungit , *L. qui quartam 15. §. 1. de leg. 1.* : nec dubito , quin , si *filiabus* legat ex aequis partibus , eas verbis conjungere intelligatur . De verbis conjunctis tacet Tribonianus *cit. §. 8.* , ubi rem eandem duobus legari ait *conjunctim* , vel *disjunctim* : tum hoc verbo re tantum conjunctos , illo re & verbis conjunctos intelligi , subjectis exemplis demonstrat : sed satis est eorum , qui sunt verbis conjuncti , meminisse Paulum *in cit. L. 89.* , aliosque veteres Jurisconsultos . Saepè , ut rem totam cognoscas , plura Librorum juris loca sunt congerenda .

C A P U T L

RE CONJUNCTI.

OMNIBUS conjunctionibus commune id esse dixi , ut duo pluresve in eadem re non concurrant . Potest autem res eadem in diversis orationibus varie explicari . Et explicatur quidem luculentissime proprio ipsius & i nomina repetito , ut in superius adscripta formula , *Titio hominem Stichum do lego* : *Sejo hominem Stichum do lego* . Interdum explicatur nomine communi , quod proprii vice sit , veluti , *Eundem* , aut *eum ipsum hominem do lego* . Sed & satis est expressis rei qualitatibus , aliave quovis indicio rem demonstrari . Testamento ita scriptum fingit Pomponius in *L. Titiae 36. de leg. 1.* , *Titiae tectores meos omnes lego* : *Plotiae vernas meos omnes lego* ; tum ait , quum essent quidam & vernae , & tectores , *eos esse ambos communes* . Quid sit momenti positum in verbo *omnes* , mox videbimus . Idem est , si uni totum , alteri pars totius legetur . Si alii *fundum* , inquit Modestinus in *L. si alii 19. de usu & usufr.* , alteri *usufructum ejusdem fundi testator legaverit* , si eo proposito fecit , ut alter nudam proprietatem haberet , errore labitur , nam detractio usufructus proprietatem eum

eum legare oportet : quod nisi fecerit , usufructus inter eos communicabitur : quod interdum plus valet scriptura , quam peractum sit . Idem habet Ulpianus in *L. idem Neratius 3. §. 2. de usufr. ader.* : Fundi vocabulo proprietates , & usufructus significantur . Ergo cui legatus est fundus , ei usufructus fundi legatus est : proinde is cum eo , cui legatus est usufructus , in eandem rem concurret . Ejus , quod contra scriptum est apud Ulpianum in *L. & puto 16. §. 1. fam. ere.* Si alii fundum , alii usufructum fundi iudex adjudicaverit , non communicari usufructum , illa vulgo redditur ratio , quod si usufructus communicaretur , iudex non aequas faceret partes , quas facere aequas pro suo officio debet , quum tamen liberum sit testatori pro arbitrio statuere de re sua : quae discriminis ratio facit , ut iudex a proprietate verbi recessisse intelligatur , non item testator . Sed & illud hinc accedit , quod pro fine , quem in familiae ecclesiae iudicio sibi partes proponunt , manifestum videatur , voluisse eos , inter quos res agitur , a communione discedere ; manifestae autem sententiae proprietates verborum in testamentis etiam cedit , *L. non aliter 69. de leg. 3.* Haec , si certa res uni , ejusque certae rei usufructus alteri legatur , exploratissimi juris sunt . Quid si certa res uni , alteri autem legatur usufructus omnium bonorum , quibus ea certa res inest ? Ego non video , quid causae sit , cur satis multi negent communicari inter eos usufructum ; quid enim interest , num res , cujus usufructus relinquitur , nominatim exprimatur , nec ne , dum tamen constet de voluntate testatoris ? Quod secundum proprietatem verborum generali sermone comprehenditur , pro expresso est . Ad rem facit , quod in simili specie respondit Scaevola in *L. Sempronio 33. de usu , & usufr. leg.* Domum testatoris uni ex heredibus praelegatam ponit , in eaque Sempronium vivo testatore habitasse : tum datum Sempronio legatum generali hac formula , *Sempronio ea , quae vivus praestabam , dari volo .* Quum autem fuisset quaesitum , an habitatio quoque Sempronio deberetur , respondit Scaevola , nihil , cur non deberetur , proponi . Ea igitur generali formulae inest , quasi nominatim expressae : quumque domus , quae mea est , aequae ac fundus , plenum rei dominium significet , heres , cui praelegata est domus , & Sempronius , cui relicta eius domus habitatio est , in eandem rem concurrunt . Quod autem scribit Paullus in *L. servis 99. §. 5. de leg. 3.* semper generi speciem derogare , id tum denuum verum esse arbitramur Bartolus , Baldus , aliique , quibus subscribit Bellonus *Cap. 5. quaest. 10. n. 59.* , si genus & species omnino eodem spectent , non si alio species , alio spectet genus . In proposito exemplo generi per speciem non derogatur , quia species dominium domus , genus habitationem spectat . At siingas uni legatum usufructum omnium bonorum , alteri usufructum certi fundi , aut uni legatos verbas , alteri cursores , & ex vernis quidam cursores sint , quod Paullus singit in *cit. L. 99. §. 5.* , quia genus & species priore casu aequae usufructum , posteriore dominium aequae spectant , generi per speciem derogatur . Non moveor eo , quod ex *L. Titiae 36. de leg. 1.* hoc eodem capite scriptum est , si Titiae textores omnes , Plotiae omnes vernae legati sint , servos vernas itidem & textores ambobus esse communes , licet genus & species aequae dominium spectent ; namque ponendum est apud

Paulum in *cit. L. 99. §. 5.*, vernas generaliter, cursores autem specialiter legatos, & ex vernarum numero exemptos. Ita Cuiacius ad *cit. L. 36.*, qui tamen rem more suo attigisse contentus non satis explicat, quo argumento credendum sit, fuisse cursores in specie *L. 99.* specialiter legatos, non item textores in specie *L. 36.* Ego argumentum hoc non aliunde quam ex ipsa testatoris formula ducendum reor. In *L. 36.* legati formula haec est, *Titiae textores meos omnes lego: Plotiae vernas meos omnes lego.* Quum de textoribus loquitur testator, ait *omnes*: idemque hoc verbum repetit, quum loquitur de vernis. Verbum hoc facit, ut quum quidam sint vernae aequae ac textores, si textores omnes tanquam & numero vernarum exemptos uni Titiae des, non habeat Plotia vernas omnes; quod voluit testator: ac proinde quo testatoris voluntas exitum habeat, quem potest, servos textores iidem, & vernas ambobus communis esse necesse sit. At in *L. 99. §. 5.* ait Paulus, *Si alii vernae, alii cursores legati sine, si quidam & vernae, & cursores sine, cursoribus cedent; semper enim species generi derogat*: quae verba hanc fuisse legati formulam demonstrant, *Plotiae vernas, Titiae cursores lego*, non adiecto verbo *omnes*; in qua specie conjectura voluntatis ex eo verbo ducta omnino cessat, ac proinde e vernis tanquam genere cursores tanquam species eximuntur. Hoc uno modo adduci in concordiam possunt duo ista Pandectarum loca: nec alia patet via. Nunc facile intelligis, labi Cuiacium, qui in specie *L. 36.* nihil momenti positum putat in verbo *omnes*. Nee eo moveor, quod docet Iulianus in *L. si Domino 99. de leg. 1.*, si Titio servi optio legetur, Cajo autem Stichus, & Stichum Titius optet, ad eum, cui Stichus nominatim legatus est, partem *Stichi dimidiam pertinere*, quasi sit utrique legatus. Non, inquam, moveor; non enim de legato generis loquitur Iulianus, sed de legato optionis, quod multo patet latius, quam legatum generis. Et vero is, cui genus legatum est servare modum debet, nec potest, quod optimum est eligere, *L. legato 37. de leg. 1.* Contra is, cui legata est optio, eligere quod optimum est, non prohibetur, *L. si quis 9. §. 1. de dol. mal.* Liberior haec eligendi potestas facit, ut videatur is, qui optionem legavit, nullum servum excipere voluisse, ne eum quidem, quem alii nominatim legavit. Subiungit id Duarenus *De iure adreſc. Lib. 1. cap. 7.*

Haecenus dicta legatum spectant certae speciei, quae multiplicari, ut summa, non potest. Quid si eadem summa legetur duobus? Interest, num testator ita scripserit, *Titio lego decem, eadem decem lego Sejo*: an ita, *Titio lego decem, Sejo decem do lego*. In priore exemplo *Ti* eadem facit, ut una summa ambobus relicta intelligatur: in posteriore duas duobus legari summas constans interpretum sententia est, quam probat *cit. cap. 7.* Duarenus argumento ejus, quod est apud Celsum in *L. quincena 12. D. de probat.*, si tibi quincena legata sunt testamento, & rursus quincena codicillis posita scriptis, censeri testatorem duplicare legatum voluisse, nisi heres contrarium probet; quae enim est ratio summae bis adscriptae in gratiam unius, eadem esse ratio debet summae in gratiam plurium adscriptae. Ego argumento isto non utar, nam Celsus eo movetur uno, quod legatarius duas scripturas h. e. testamentum, & codicil-

los

los offendit. Argumento utar, quod ducitur ex *L. si pluribus* 44. §. 1. de leg. 2., Si ita legatum fuerit, verba Pomponii sunt, Lucius Tuius heres meus Tuiaso quinque aureos dare damnas esto: deinde alio loco ita, Publius Maevius heres Tuiaso quinque aureos damnas esto dare, nisi Tuius ostenderit, adimendi causa a Publio legatum esse relictum, quinque aureos ab utroque accipiet. Quod autem de summa eodem testamento a pluribus heredibus bis uni legata dicitur, quid potest causae adferri cur non itidem dicatur de summa ab uno herede, aut generaliter a duobus legata.

Jam porro ad realem conjunctionem inducendam non est satis duos pluresve ad rem eandem vocari. Est & illud omnino necesse, ut ea singulis solida relinquatur, partes autem concursu fiant, *L. conjunctim* 80. de leg. 3.: quo illud fit, quod initio praemonui, altero non concurrente rem alteri magis non decrescere, quam addecrescere videri. Sed non ita juvat hoc loco jus vetus, cujus testes sunt Gaius *Inst. Lib. 2. tit. 5. §. 5.* Paulus *Sent. Lib. 3. tit. 6. §. 3.*, & Ulpianus *Fragm. tit. 24. §. 13.*; supersunt enim adhuc iacuria Triboniani ejus vestigia in Libris juris. Olim intererat, num per vindicationem, an per damnationem res eadem duobus *disjunctim* h. e. diversis orationibus legaretur. In legato vindicationis initio res singulis solida debebatur, partes tamen fiebant concursu, quo referendum quod Paulus habet in *cit. §. 3.* Si per vindicationem legatum sit, legatarii dimidium deberi, uno autem non concurrente solida remanebat penes alterum jure sive addecrescendi, uti veteres loquebantur, sive non decrescendi, uti tum dici coeptum ex auctoritate Justiniani in *L. un. §. 11. C. de cad. toll.* In legato damnationis res singulis in *solidum* debebatur, uti loquitur Ulpianus in *cit. §. 13.*, h. e., uti explicatus Gaius, uni *res ipsa*, alteri *aestimatio rei*: quumque ita non fierent concursu partes, nullus esse poterat in legato damnationis juri addecrescendi locus. Juris istius vestigia sunt in *L. non quocumque* 82. §. qui Gajum 5. de leg. 1., & in *L. duos* 13. §. 1. de leg. 2., ubi heres duobus dare separatim damnatus quod unus, aut duo ejusdem pecuniae rei debebant, uni praeflare compellitur actiones, alteri litis aestimationem. Nomen legari non alias poterat quam per damnationem, non enim erat inter res testatoris proprias, aut proprias heredis, quarum hae per sinendi modum, illae aut per sinendi modum, aut per vindicationem, aut per praeceptionem legabantur, *Ulp. Fragn. Tit. 24. §. 7. 8. 10. & 11.* Ex veteri etiam jure explicandum reor locum Ulpiani in *L. quid ergo* 53. §. si quis duos 2. de leg. 1., ubi heredum dare damnatorum mentio est. Sed jure novo Imperatoris Justiniani una est legatorum omnium natura, & generaliter si res eadem duobus legatur *disjunctim*, initio singulis solida debetur, concursu tamen partes fiunt, nisi testator *apertissime & expressim* disposuerit, ut uni quidem res solida, aliis autem aestimatio rei singulis in *solidum* praefletur, *cit. L. un. §. 11.* Idem jam antea scripserat Paulus in *L. si pluribus* 33. de leg. 1. hoc etiam addito, rei, vel pretii electionem servandam ei, qui prior de legato liem contestatus est, ita tamen ut non habeat licentiam altero electo ad alterum transire: in quem locum Gothofredus non excludit conjecturas arg. *L. licet* 74. eod.: quod & aliis ante & post eum placuit apud Beilonum *cit. cap. 5. quaest. 12. num. 25.*, nec mihi omni-

no displicet, si adeo graves vehementesque sint, ut expressæ scripturae pares possint videri; nam quod Accursius, & veteres fere omnes, atque e recentioribus Alciatus, & Duarenus docent apud eundem Bellonum *num;* 17., si duobus res eadem uno quidem testamento, sed a diversis heredibus legata sit, uni rem solidam, alteri aestimationem deberi, est id plane falsum, falsique eos convincit vel ipse Papiniani locus, quem laudant, quemque mox explicabimus in *L. quum singulis* 11. de usufr. ad. Interdum videtur secundum figuram verborum solida res singulis data, & ex conjectura tamen voluntatis datae sunt partes. Finge rem eandem a singulis heredibus legatam singulis hac formula, *Titius heres esto, ab eoque fundum Tusculanum Gajo lego: Sempronius heres esto, ab eoque eundem fundum lego Maevio*. Hoc casu Gajum & Maevium separatos videri scribit Papinianus in *ci. L. quum singulis* 11., non minus quam si aequis portionibus res eadem fuisset duobus legata; proinde inter eos jus adcrescendi non esse. Qui a singulis legavit, ad singulorum personas, & partes respexisse videtur, ac tot legatae rei partes initio fecisse, quot sunt personae, a quibus legavit. Fortasse in rem est Javoleni locus in *L. cui fundus* 56. de cond. & dem., quem *Cap. III. prim. hujus part.* expendam. Secus est, si aut ab uno herede, aut generaliter ab omnibus res eadem pluribus legetur. Nunc intelligitis, quam falsi sint, qui istinc colligunt, ideo inter legatarios jus adcrescendi non esse, quia qui singulis rem eandem a singulis heredibus legat, videtur res diversas legare, h. e. uni rem, alteri aestimationem. Novissime sciendum est, aliam legatariorum, aliam esse rationem heredum. Si scriptum sit, *Titio lego fundum Tusculanum: eundem fundum Gajo lego*, sunt re conjuncti Titius & Gajus, nam singulis solidum initio datur. At si Titius & Gajus diversis orationibus sine parte scribantur heredes hoc modo, *Titius heres esto, Gajus heres esto*, eos non esse re conjunctos recte docent Cujacius in *L. un. §. his ita C. de caduc. toll.*, Hotomanus *Quaest. illustr. 44.*, & Goveanus *Animad. cap. 6.*, quia omnes aequaliter heredes sunt, uti loquitur Ulpianus in *L. quotiens* 9. §. heredes 12. de her. inst., h. e. ad partes, non ad solidum vocantur. Quod autem uno eorum deficiente alter solidam capit hereditatem, facit id non conjunctio, sed mera necessitas juris, ne idem in paganis testato, atque intestato decedat. Ergo quo duo heredes sint re conjuncti, omnino est opus partem adscribere, eosque ad eandem partem vocari. In hoc exemplo, *Titius ex semisse heres esto: ex eodem semisse heres esto Gajus: Sempronius heres esto*, certe sunt re conjuncti Titius, & Gajus.



C A P U T II.

VERBIS CONJUNCTI.

Verbis conjunctos secundum ea, quae dicta sunt, una oratio facit. Ne ii sint etiam re conjuncti, facit rei, ad quam vocantur, partitio a testatore initio facta. Verbis conjunctis esse Titium & Sejum docet Paullus in *L. re conjuncti* 89. de leg. 3., si legetur hac formula, *Tiio & Sejo fundum aequis partibus do lego*: tum rationem hanc subjicit, *quoniam semper partes habent*. Ait semper, h. e. non solum concursu, ut re conjuncti, sed initio. *To' aequis* momentosum est, nam res ex disparibus partibus legari conjunctis nominibus, atque una oratione non potest. Si scriptum sit, *Tiio fundi Tusculani partem tertiam, Sejo reliquam lego*, jam nullus est in hac formula nominum nexus. Si scriptum sit, *Tiio & Sejo fundum Tusculanum lego*, huic ex parte tertia, illi ex reliquo, conjunguntur quidem initio nomina, sed continuo disjunguntur. Accedit, quod in uroque exemplo licet verbum *lego* semel expressum unius orationis indicium facere videatur, si tamen verbum illud subaudias (& est certe subaudiendum), non una oratio est. Hinc nusquam in jure conjunctorum verbis sit mentio, quin & aequarum partium fiat, cit. *L. 89.*, *L. quum singulis* 11. de usufr. adscr. & *L. si ita* 66. de her. inst. Vid. Govean. animadv. cap. 6., & Ant. Fabr. Conject. Lib. 6. cap. 1. Momentosum quoque est *to' partibus*. Hoc loco *paris* appellatione res pro indiviso significatur ex sententia Q. Mucii apud Paullum in *L. re* 25. §. 1. de V. S. Si aequae sint partes, sed tamen tales, ut demonstrari una queat sine altera, legatarii nullo modo conjuncti sunt; namque ad verbalem conjunctionem est opus, ut legatarii vocentur ad diversas partes ejusdem rei: at vero fundi pars pro diviso non est pars fundi, sed fundus, *L. si quis* 6. §. 1. comm. praed., ac cit. *L. 25.*

C A P U T III.

RE ET VERBIS CONJUNCTI.

Qui probe novit simplicia, is facile intelliget mixta: Ergo ex iis quae de conjunctis re sola, ac de verbis tantum conjunctis sunt dicta, facile intelligitis, esse re & verbis conjunctos, quibus res eadem relinquatur una oratione. Sed est aliquid in simplicibus illis conjunctionibus, quod non est in mixta. Si duo pluresve re conjunguntur, non solum res eadem omnibus relinquatur, sed & singulis solida, quae tamen concursu dividitur in partes: si duo pluresve verbis conjunguntur, res eadem relinquatur, sed expressis tamen initio partibus. At si duo pluresve re & verbis

verbis conjunguntur, licet res eadem una oratione omnibus relinquatur, tamen neque expressis initio partibus relinquitur, nec singulis solida. Scio, plerosque veterum, atque e recentioribus Cujacium, Hotomanum, & Fabrum in ea esse opinione re & verbis conjunctis initio solidum, ut re tantum conjunctis relinqui: scio etiam non levis operae esse loca juris, quibus opinionem illi suam confirmant (ea congestit omnia Bellonus cit. cap. 5. quaest. 32. a num. 9.), aliorum accipere; sed multo est major vis argumentorum, quibus alii, & nominatim Alciatus, Zasius, ac Duarenus contrariam sententiam tuentur. Et primum Ulpianus in *L. plane* §4. §. 9. de leg. 1. Si conjunctim, inquit, res legetur, constat partes ab initio fieri: his autem legari conjunctim, qui re & verbis conjunguntur, docet Tribonianus §. si eadem 8. Inst. de leg., ubi rei conjunctim legatae exemplum hoc proponit, Titio & Sejo hynitem Stichum do lego: quin ipse Ulpianus docet subiecto hoc exemplo, Titio et servo proprio. Porro Justinianus, & ecce tibi argumenta duo, a quibus nullum effugium est, in *L. un.* §. 11. C. de caduc. toll. de re & verbis conjunctis, ac de re tantum conjunctis agens duas inter duo ista conjunctorum genera differentias addit: alteram, quod conjunctis re & verbis pars deficiens accedit, re autem conjunctis sermo testatoris solidum adsignat aliorum concursus minuendum: alteram, quod re & verbis conjuncto non concurrentis pars cum onere adcrevit: re autem conjunctis personae deficientis onus non sensit, utpote qui non alienum, sed suum tantum legatum imminutum habet, quae, si ponas, conjunctis re & verbis initio solidum, ut re conjunctis, relinqui, quis est qui intelligat? His, velut cumulus, accedat ratio ex eo ipso testatoris sermone petita, ex quo argumentum solidi re conjunctis initio relictū ducit Justinianus. Qui separata oratione uni Titio legat fundum Tusculanum, tum altera separata oratione eundem fundum uni eidem Gajo legat, is singulas legatariorum personas respectu totius respicit: Contra qui Titii & Gaii nomina una oratione conjungens rem eandem legat utrique, magis videtur partes facere pro numero personarum, quam personas singulas respicere respectu totius. Hanc esse vim complexus nominum probat locus Pomponii in *L. si mihi* 110. pr. de verb. oblig., Si mihi, & Titio, in cujus potestate non sum, stipuler decem, non tota decem, sed sola quinque mihi debentur; pari enim aliena deducitur, ut quod extraneo inuuliter stipulatus sum, non augeat meam partem: & luculentius Papiniani locus in *L. reos* 11. §. 1. de duob. reis, Quum tabulis esset comprehensum, illum centum aureos stipulatos, neque adiectum, ita ut duo rei stipulandi essent, virilem partem singuli stipulari videbantur. Ita re & verbis conjuncti ad verbis conjunctos propius accedunt, neque alio differunt inter se, quam hoc uno, quod hi expressim, illi tacito testatoris judicio partes habent.

In hoc etiam genere conjunctionis a re certa separanda est summa, aut si quid est aliud, quod numero, pondere, mensurave constet. Ergo si ponas ita scriptum, Titio & Gajo lego decem, Titius & Gaius nullo modo conjuncti sunt, quasi unus ad quinque, alter sit ad alia quinque vocatus. Ita Duarenus cit. Lib. 1. cap. 7. atque Hotomanus A-

micab-

micab. resp. lib. 1. cap. 4., quibuscum sentio argumento *L. cui fundus § 6. de cond. & dem.*, ubi re eadem duobus legata sub conditione dandi decem, scribit Javolenus, *Quamvis summa universae conditioni sit adscripta, videri tamen eam enumeratione personarum in singulas personas esse divisam, ac proinde singulos cum sua parte & conditioni parere, & legatum capere posse.* Non eo moveor; quod hoc ipso Capite dictum est, certae etiam rei pluribus una oratione relictae partes pro numero personarum tacite fieri, & eos tamen conjunctos esse tamquam ad eandem rem vocatos; namque alia certae rei, alia est ratio summae. Facit locus Ulpiani in *L. Quam Stichus 29. de solut.*, In numis, oleo, ac frumento, & similibus, quae communi specie continentur, apparet hoc actum, ut numero dividatur obligatio. Communem speciem dicit Ulpianus, quod alii genus. Nec moveor Pauli verbis, quae plerisque veterum in contrariam sententiam duxerunt, in *L. qui quartam 15. §. 1. de leg. 1.*; Si quis unam summam filiabus legaverit, ut etiam de postuma sentios, si ea non est nata, superflui solidum debetur, quum enim plures non expressis nominibus, sed per collectionem vocantur ad unam summam, videtur haec tota universitati euidam relicta, ac proinde non in singulas personas divisa, maxime quum per collectionem vocati perinde habeantur, quasi omnes unus essent, ut loquitur Celsus in *L. si nepotes 5. D. de collat. bon.* Est aliquid adnectendum de heredibus. Si duo pluresve sint una oratione scripti sine parte, nec alius sit alia oratione cum parte scriptus, ut in hoc exemplo, Titius & Gajus, aut, Titius, Gajus, & Sempronius heredes sunt, constat eos non esse conjunctos secundum ea quae de heredibus in diversis orationibus sine parte scriptis Capit. praeced. sunt dicta. At si duobus pluribusve una oratione sine parte scriptis adjiciatur alius alia oratione scriptus, duos illos pluresve conjunctos esse ne ambigas, modo conjunctionem istam eo referas, ut Titium, & Gajum, aut, Titium, Gajum, & Sempronium in unum eundemque semissem coactos dicas, *L. lib. homo 59. §. Titius 2. D. de her. inst.* Num istius conjunctionis effectus sit itidem jus adcrescendi, venit in quaestionem, de qua inferius.





COMMENTARI

PARS SECUNDA

DE VARIIS CONJUNCTIONUM EFFECTIBUS.

Effectus conjunctionum sunt numero tres, rei partitio inter concurrentes, partis deficientis adcretio, & praelatio conjunctionum.

CAPUT I.

REI PARTITIO INTER CONCURRENTES.

Sunt qui in partibus faciendis non eodem jure censei putant omnis generis conjunctos: atque hos sequitur Bellonus *De jure adcr. cap. 5. quaest. 34.* Ego nullo discrimine conjunctis dari oio partes viriles. *In legato pluribus relicto*, inquit Ulpianus in *L. legata 19. §. 2. de leg. 1.*, si partes adjectae non sunt, aequae servantur. Pertinet certe hic locus ad re conjunctos pariter, atque ad conjunctos re & verbis; namque his aequae ut illis res relinquatur partibus non adjectis: verbis autem conjunctis partes semper aequas initio dari jam est superius demonstratum.

Sed non semper tot sunt partes, quot sunt personae. Exemplum est apud Celsum in *cit. L. 59. §. 2. de her. inst. Titius heres esto: Sejus & Maevius heredes sunt.* Verum est, quod Proculo placet, duos semisses esse, quorum alter conjunctim duobus datur. Similia exempla sunt in *L. Attius 11. D. cod. & L. triplici 142. de V. S.* In producto exemplo est Titius re tantum conjunctus Sejo & Maevio, suntque hi iidem Titio in eundem modum conjuncti: Sejus autem & Maevius re & verbis sunt conjuncti inter se: si omnes concurrerint, tres pro numero personarum partes fient, sed semisses duo, quorum alter uni Titio, alter Sejo & Maevio datur inter eos ex aequo dividendus, quia Sejus & Maevius a Titio verbis disjuncti ac re & verbis conjuncti inter se vice sunt unius personae. Ita Ulpianus in *L. plane 34. pr. de leg. 1.* Si conjuncti (subaudi re & verbis) disjunctive (subaudi verbis, non etiam re) commixti sint, commixtio haec facit ut re disjunctive accipiendum sit quasi scriptum disjunctive conjuncti unius personae potestate funguntur. Idemque jus est, si plures per collectionem vocati cum conjunctis ejusdem generis concurrant. Docet id Paulus in *L. si quis Attio 7. de usufr. adcr.*, Si quis Attio, & heredibus suis usufructum legaverit, dimidiam Attius, dimidiam heredes habebunt. Ceterum vocatus nominatim, & vocati per collectionem aequas partes ferent, si aut id testator expresserit, aut ita testatorem voluisse gravis aliqua suadeat conjectura. Expressit id testator apud Ulpianum in *L. in-*

L. interdum 13. pr. de her. inst., Interdum haec adjectio, *AEGROS HEREDES SUNTO*, testatoris voluntatem exprimit, ut puta, *Primus & fratris mei filii atque heredes sunto*, nam haec adjectio declarat, omnes ex virilibus paribus institutos, ut & *Labeo* scripsit: quae detracta semissem fratris filii, semissem *Primus* haberet. Suasit id conjectura voluntatis apud *Scaevolam* in *L. Lucius Titius 88. §. Lucius 6. de leg. 2.*, *Lucius Titius* testamento ita cavit. *Praediolum meum dari volo libertis libertabusque meis, & quos hoc testamento manumisi, & Sejae alumnae meae*, ita ne de nomine familiae meae essent, donec ad unum proprietas perveniat. Quaero, an *Seja* in communione cum libertis habeat portionem, an vero sibi partem dimidiam ejus praedioli vindicare possit: Respondi, perspicuam esse testantis voluntatem omnes ad viriles partes vocantis. Negat *Scaevola* debeti dimidiam *Sejae*: negat dimidiam alteram debeti libertis libertabusque, qui, quaeque dimidiam ferre deberent, tanquam tuius personae potestate fungentes. Viriles *Sejae*, ac singulis libertis libertabusque ait *Scaevola* debeti; hancque perspicuam esse voluntatem testatoris. At quum in verbis nihil perspicuum sit, quae erit perspicuae istius voluntatis conjectura? Diu multumque in hoc laborarunt Interpretes, ut conjecturam aliquam perspicuae istius voluntatis adderrent. *Vid. Bell. cit. cap. 5. quest. 35. a num. 11.* Duae tantum (longum est enim omnes) profero in medium, alteram, quae pietisque veterum, atque e recentioribus *Cujacio* placuit, alteram, quae placuit *Duareno*. *Cujacius* in *cit. L. 88. §. 6.* scribit, perspicuum esse, testatorem, qui legato praeceptum subiecit, ne de nomine familiae suae exiret, donec ad unum proprietas perveniret, non tam personarum, quibus legabat, quam familiae suae rationem habuisse, quasi familiae praediolum simpliciter praelegasset: quo casu viriles partes fierent *L. quum pater 77 §. hereditatem 4. D. eod.* Verum si ex libertis, libertabusque familia testatoris constabat, & *Seja* erat inter libertas, quid erat opus eam nominare? quod testator eam nominavit, id eo factum posset videri, ut ea tamquam dilectior sola dimidiam ferret. Multo igitur minus perspicua est *Cujacii* conjectura, quam potuit ea esse, quae *Scaevolam* movit. *Duarenius De jure adreffe. lib. 2. cap. 9.* scribit, testatorem nulos habuisse libertos nisi testamento manumissos, excepta *Seja* alumna, quae liberta quidem erat testatoris, sed non testamento manumissa: quum autem omnibus libertis suis legare praediolum vellet, ac vereretur, ne quis forte dubitaret, de quibus libertis sensisset, non fuisse contentum simpliciter libertis legare, sed maioris expressionis ac declarationis causa adiecisse haec verba, *Et quos hoc testamento manumisi, & Sejae alumnae meae*, quae tanti valent, quanti haec, *nam libertis, quos hoc testamento manumisi, quam Sejae alumnae meae, quae ante testamentum manumissa est*: vimque hanc habere geminum illud &, quod est in libro *Florentino*, ac per errorem abest a vulgari, in quibus legitur, *Libertis, libertabusque meis, quos hoc testamento manumisi, & Sejae*. Et mihi quidem videtur *Duarenius* rem acu, ut ajunt, tetigisse. Sed poterat is suam de *Scaevolae* loco sententiam aliquanto luculentius exponere in hunc modum. Si testator legatum comprehendisset huiusmodi verbis, *Praediolum meum dari volo libertis libertabusque meis, quoniam Seja tanquam liberta communi libertorum nomine comprehendebatur*,

tur, non fuisset dubitandum, quin perspicua fuisset testantis voluntas Sejam cum aliis ad virilem partem vocantis. Sed his tantum verbis, *Prædolum meum dari volo libertis, libertabusque meis* comprehendebatur legatum: verba & quos &c. fuere a testatore adjecta ex abundantia, ut in simili specie agebat Papinianus apud Ulpianum in *L. quaesitum 12. §. pen. de instrum. vel instrum. leg.*, quo nulla se se daret occasio dubitandi, num etiam Sejae legatum datum intelligeretur. Et de hoc dubitare aliquis potuisset eo argumento, quod quum testator testamento nominasset solos servos, servasque, quibus libertatem dabat, non item Sejam ante testamentum manumissam, videri poterat voluisse iis tantum liberis, libertabusque legatum dare, quos nominaverat testamento. Illud addo, geminationem particulae & vim habere res inter se diversas aequandi, ut in Virgillii *Aeneid. Lib. 1. v. 3. Multum ille & terris jactatus, & alio*. Ergo geminum illud & apud Scaevolam cum libertis libertabusque testamento nominatis Sejam coaequat.

Sunt & aliae ejusdem voluntatis conjecturae apud Bellonum cit. *Cap. 5. quaest. 35.*, quarum unam certo jure comprehensam Justiniani verbis propono in *L. ult. C. de imp. & aliis subst.*, *Si quis duobus heredibus instituit filio suo impuberi eos una cum alio serio substituerit, & verba testamenti ita composuerit: quisquis mihi heres erit, & Tuius filio meo heres esto: secundum quod apud Ulpianum invenimus, mortuo impubere filio, quaerebatur, quomodo ad substitutionem vocentur tres substituti: utrumne duo priores, & qui patri heredes fuerant scripti in dimidiam vocentur, tertius in reliquam dimidiam: an tres substituti, unusquisque ex triente, ad substitutionem vocentur. Nobis autem videtur tres substitutos, unumquemque in triensem vocari.* Conjecturam suggerit T^o quisquis, quod vim habet partitionis, & perinde accipiunt, ac si nomina heredum essent expressa, uti eleganter Duarenus loc. cit.

C A P U T II.

PARTIS DEFICIENTIS ADCRETIO.

Potissimus conjunctionum effectus est jus adcrendi quod proinde *jus conjunctionis* Ulpiano dicitur in *L. si sub conditione 19. D. quib. mod. usufr. amitt.* Sed non semper est verum conjunctionis effectum esse jus adcrendi. Et inter legatarios quidem aut re tantum, aut re & verbis conjunctos esse jus adcrendi, nulla dubitatio est. Quantum ad heredes, si diversis orationibus scripti sunt sine parte, eos nullo modo conjunctos esse dixi *Part. 1. cap. 1.*: tum dixi *Cap. 3.*, si una oratione scripti sunt sine parte, adjecto eis alio alia oratione scripto, haberi quidem eos pro conjunctis tanquam in unam partem coactos, sed venire in quaestionem, num conjunctionis illius effectus sit jus adcrendi. Atque hoc illud est, de quo disputandum aggredior. Magni nominis Interpretes ajunt: magni nominis Interpretes negant. Variat Conjaci in *L. triplici 142. de V. S.*, & in *L. un. §. 11. C. de cad. toll.* Ait hic, illic negat. Ego

CUM

cum iis sentio, qui inter heredes sine parte scriptos una oratione nullum agnoscunt jus adcrefcendi. Verum me non ea movent omnia, quae alios. Unice me movet auctoritas Ulpiani in *L. item quod Sabinus 17. §. 1. de her. inst.*, Idem (subaudi, Sabinus, cujus sententiam principio proposuerat Ulpianus) Idem *trahat*, si duos ex undecim, duos sine parte scriptis, *mox unus ex his, qui sine parte fuerunt, repudiaverit*; utrum omnibus semuncia, an ad solum sine parte scriptum pertineat; Et *variat*. Sed Servius omnibus adcrefcere ait, quam sententiam veriore puto, nam quantum ad jus adcrefcendi, non sunt conjuncti, qui sine parte insinuuntur: quod & Celsus libro sextodecimo Digestorum probat. Dnos sine parte scriptos non esse, quantum ad jus adcrefcendi, conjunctos ait Ulpianus. Non omnino negat esse conjunctos, nam qui in unam partem coguntur pro conjunctis sunt. Eos, quantum ad jus adcrefcendi, conjunctos esse negat. Quid clarius? Duo sunt loci, qui opponuntur, alter Paulli, alter Javoleni. Ait Paullus in *cit. L. 142. Nec dubium est, quin conjuncti sint*, quos & nominum & rei complexus jungit, veluti Titius & Maevius ex parte dimidia heredes sunt, vel ita, Titius Maeviusque heredes sunt: quibus adde, quod quibusdam aliis interjectis idem Paullus subjicit, *Sempronius ex parte dimidia heres esto*. Vides, aequè conjunctos esse ex parte, ac sine parte scriptos. Ait Javolenus in *L. heredes 63. de her. inst.*, *Heredes sine paribus, utrum conjunctim, an separatim scribantur, hoc interest, quod, si quis ex conjunctis decesserit, hoc non ad omnes, sed ad reliquos, qui conjuncti erant, pertinet, si autem ex separatim, ad omnes, qui testamento eodem scripti sunt heredes, portio ejus pertinet*. Ecce de hereditibus loquitur, qui sine partibus scripti sunt; & partem ait deficientis tantum conjuncto, qui concurrat; adcrefcere, non ad alios pertinere, qui non sunt conjuncti. Quod facit ad locum Paulli, duo sunt observanda, quorum alterum est, eum neque in suprascriptis verbis, neque in iis, quae sequuntur, loqui de jure adcrefcendi: alterum est, quod ait in iis, quae sequuntur, Titium & Maevium in partem dimidiam venire, h. e., in unam eandemque partem cogi; quo fit, ut eadem esse debeat Paulli sententia, quae Ulpiani in *cit. L. 17. §. 1. de her. inst.* Sunt quidem cum in suprascriptis Paulli verbis, tum in iis, quae sequuntur, exempla heredum ex parte scriptorum, inter quos certe est jus adcrefcendi, sed quoniam sunt itidem exempla heredum scriptorum sine parte, quibus jus idem non competit, videtur mihi Paullus consilio abstinuisse mentione ejus juris id tantum dixisse contentus, Titium & Maevium in partem dimidiam venire: quod cum ex parte, tum sine parte scriptis commune est. Hoc unum inter effectum coactionis duorum in eandem partem, atque effectum juris adcrefcendi discrimen agnosco, quod hic non alias sequatur, quam certa parte expressa, ille etiamsi nulla pars exprimat, dum tamen argumento ducto ex parte tercio adscripta habeatur pro expressa, veluti, Titius & Maevius heredes sunt: Sempronius ex parte dimidia heres esto. Locum autem Javoleni non ob stare, subtiliter & vere animadvertit Goveanus *Animadv. cap. 6.*, namque aliud est scribi heredes sine paribus aliud sine parte. Scribuntur sine partibus, qui scribuntur ex parte non in alias particulas ex aequo divisa, veluti Titius & Maevius ex parte dimidia

heredes sunt: in quo exemplo sunt *Titius & Maevius ex parte*, sed sine partibus scripti. Contra in hoc exemplo, *Titius, & Maevius ex parte dimidia aequis partibus heredes sunt*, non solum ex parte, sed & ex partibus initio factis scripti sunt.

Nunc videamus, num inter verbis tantum conjunctos juri adcrefcendi sit locus. Veterum nonnullos separasse usumfructum a proprietate, atque in hac quidem admisisse jus adcrefcendi, non item in illo, testis est Accursius in *L. 1. pr. de usufr. ader.*, quam sententiam sequuti sunt & recentioribus Duarenus *De jure ader. lib. 1. cap. 10.*, & Papillonius *Lib. sing. de jure ader. in Thes. Otton. tom. 4. pag. 772.*, tum Accursius inter verbis conjunctos nullo discrimine admisit jus adcrefcendi: in qua opinione sunt & modernioribus Donellus *Comun. lib. 7. cap. 13. & lib. 8. cap. 21.*, ac Vinus in *§. 8. Inst. de legat.*. Demum alii nullum omnino jus adcrefcendi agnoscunt inter verbis conjunctos: sumque hujus sententiae principes Goveanus *De jure ader. num. 12. & 25. & Lib. animady. cap. 6.* Hotomanus *Lib. 6. obs. cap. 12.*, Cujacius in *L. un. §. 11. C. de cad. toll.*, *Lib. 24. obs. cap. 34.* & alibi, & Faber *lib. 6. conjecl. cap. 1.* Difficile est sententiam eligere, in qua tuto consistas. Mihi de hac re diu fellicito prima vero propior est visa. Et inter eos quidem, quibus aequis partibus legatur usufructus, esse negat jus adcrefcendi Papinianus in *L. quam singulis 11. de usufr. ader.*, ubi quum singulis ab heredibus singulis ejusdem rei fructus leguntur, fructuarios ait separatos videri non minus, quam si aequis portionibus duobus ejusdem rei fructus legatus fuisset, eoque fieri, ut inter eos jus adcrefcendi non sit. Si nullum esse discrimen putes inter usumfructum, & proprietatem, quid causae fuisse dixeris, cur Papinianus usumfructum aequis portionibus legatum singat? cur inter fructuarios esse neget jus adcrefcendi, ne inter eos quidem futurum, quibus aequis partibus proprietates legantur? & cur non potius legatum ponat fundum, quo vocabulo usufructus aeque ac proprietates continetur? Consulto autem loquitur Papinianus tantum de usufructu, cujus proprium est adherere personae, atque hac deficiente ad proprietatem redire *§. 3. & 4. Inst. de usufr.* Et frustra opponitur Ulpiani locus in *L. 1. §. 3. de usufr. ader.*, ubi de usufructu loquens, *Concursu*, ait ille, *partes habemus*: tum, ut nihil dissete inter usumfructum, & proprietatem ostendat, continuo haec subjicit, *quod & in proprietate contingeret*; nam loquitur Ulpianus de usufructu duobus separatim legato, ac proinde de re conjunctis, inter quos jus adcrefcendi esse, quamvis agatur de usufructu, non dubitatur. Jam quod pertinet ad proprietatem, esse inter verbis conjunctos juri adcrefcendi locum, multis Jurisconsultorum locis solet probari. Ego uno utar Pauli in *L. re conjuncti 89. de leg. 2.*, *Re conjuncti videntur, non etiam verbis, cum duobus separatim eadem res legatur. Item verbis, non etiam re Titio & Sejo fundum aequis partibus do lego: quoniam semper partes habent legatarii. Praefertur igitur omnimodo ceteris, qui & re & verbis conjunctus est. Quod si re tantum conjunctus est, constat non esse potiorum. Si vero verbis quidem conjunctus sit, re autem non: quaestionis est, an conjunctus potior sit, & magis est, ut & ipse praefertur. Loqui Paulum vides primum de re tantum conjunctis, deinde de conjunctis verbis, non*

re, denique de re & verbis conjunctis. Vides de conjunctione eum loqui respectu praedicationis, ac proinde juris adcrefcendi, nam nisi ponas partem deficientem adcrefcere, frustra quaesieris, quis conjunctorum sit praefertendus. Ergo intelligis, non dubitasse Paulum, quin inter verbis conjunctos sit jus adcrefcendi. Accedit, quod in novissima textus parte re tantum conjuncto praefert Paulus verbis conjunctum. Quod autem tertiae sententiae assertores reponunt, verbis conjunctum re conjuncto praefertur ex accidenti & ex postfacto, quia concurren-
 te tertio re conjuncto, qui erat initio verbis tantum conjunctus, esse incipit conjunctus etiam re, est id plane ridiculum; anne enim concursus conjunctum faciet, quem non fecerat conjunctum voluntas testatoris? later juris adcrefcendi causas certe non est concursus.

Audoritati accedit argumentum vere decretorium, quod ipsa testatoris voluntas suggerit. Qui duos, pluresve aut verbis tantum, aut re sola, aut re & verbis conjungit, eum id velle certum est, ut omnes concurrant, cur enim duos pluresve conjungit? Hinc consequens est, velle eum, ut suam quisque partem ferat, qui enim alias possent concurrere? Ergo non solum verbis, sed & quoquo modo conjuncti recte dicuntur partes initio habere, si initium illud referas ad mentem testatoris. Sed & idem testator singulos habere vult solidum, non tamen initio, ita enim sibi non consentiet. Id velle intelligitur sub conditione, si alii deficient. Nisi id subinde vellet, frustra eos ad rem eandem vocaret. Ergo secundum mentem testatoris omnes cujusvis generis conjuncti initio partes habent: sub conditione & ex postfacto solidum. Ergo inter omnes cujusvis generis conjunctos secundum mentem testatoris esse debet jus adcrefcendi. Eorum, quae huic sententiae opponuntur, unum est quod me non parum obturbat: nempe quod in modum regulae scribit Ulpianus in *L. idem Neratius 3. de usufr. adcr.*, Toties jus adcrefcendi esse, quoties in duobus, qui in solidum habuerunt, concursu divisus est. Conjunctos, quo sit inter eos jus adcrefcendi, initio rem habere in solidum est opus, concursu autem partes; at qui verbis tantum conjuncti sunt, eos semper, h. e. non solum concursu, sed etiam initio partes habere ait Paulus in *civ. L. reconjuncti 89.*

Sed si qui rem initio non habent in solidum, inter eos non est jus adcrefcendi, cur est inter re & verbis conjunctos, quibus secundum ea, quae dicta sunt *Part. 1. cap. 3.*, solidum initio relinqui negat Justinianus in *L. un. §. 11. C. de cad. tolh.* Si qui partes initio habent, inter eos non est jus adcrefcendi, cur Paulus in *civ. L. 89.* verbis conjunctos, quos ait semper partes habere, praefert in jure adcrefcendi re conjunctis, quibus solidum initio datur? Facere haec debent, ut locum illum Ulpiani, quo cum aliis consentiat interpretatione adjuvemus: in eo autem vertitur interpretatio, ut primum mentem testatoris intueamur, tum externam spectemus verborum figuram. Dixi secundum mentem testatoris omnes cujusvis generis conjunctos initio partes habere, sub conditione & ex postfacto solidum. Sed inter mentem testatoris, atque externam verborum figuram vix est, ut convenire videatur. Si verba, uti sonant, accipias, tantum verbis conjuncti partes habent initio, h. e. ipsis verbis expressas, qui-

quibus conjunguntur : conjuncti autem re & verbis , multoque magis re sola conjuncti initio solidum , concursu partes ; hi , quoniam singulis separata oratione solidum datur : illi , quoniam , licet duplum plurimumque nomina conjungantur , non exprimitur tamen partes . Huc spectat illud Celsi in *L. conjunctim* 80. *de leg. 3. Conjunctim heredes institui , aut conjunctim legari hoc est , totam hereditatem , & tota legata singulis data esse , partes autem concursu fieri* . Certe de re & verbis conjunctis loquitur Celsus , nam *To' conjunctim* in libris juris orationem unam , nominumque complexum significat , §. 8. *infl. de leg.* , & solidum inquit initio dari , partes autem fieri concursu . Multo est ad rem appositior Triboniani locus in *cit. §. 8.* qui utriusque generis conjunctos complectitur , *si eadem res* , inquit Tribonianus , *duobus legata sit , sive conjunctim* (i. e. ea conjunctione , quæ re & verbis fit) *sive disjunctim* (i. e. ea , quæ fit re tantum) *si ambo perveniant ad legatum , scinditur inter eos legatum* , h. e. concursu partes fiunt . Haec autem a Cello , ac Triboniano dicuntur secundum externam verborum figuram , non secundum mentem testatoris . Est mihi hujus conjecturae auctor Ulpianus in *L. plane* 34. §. *si conjunctim* 9. *de leg. 1. his verbis* , *Si conjunctim res legatur , constat partes ab initio fieri* ; nonne enim alias a Cello ac Triboniano dissentiret Ulpianus ? At pulcre meo quidem judicio conveniet inter eos , si dixeris , Celsum , ac Tribonianum ad externam verborum figuram , Ulpianum ad mentem testatoris spectasse . Venio nunc ad Ulpiani locum , qui opponit in *cit. L. 3. de usufr. adcr.* , ubi *Toties jus adcresecendi esse ait , quoties in duobus , qui in solidum habuerunt , concursu divisus est* . Et loqui eum dico secundum externam verborum figuram , quum enim is idem scribat in *cit. L. 34. §. 9. de leg. 1. si conjunctim legatur , partes ab initio fieri* , nec tamen neget , re conjunctim legata esse jus adcresecendi , nisi locum hunc referas ad mentem testatoris , illum ad externam verborum figuram , qui possis inconstantiae notae Ulpianum eximere , plane non video . Porro quod ait is in modum regulæ , omnino esse accipiendum dico pro subiecta materia , cujus certum faciunt indicium Titulus *de usufructu adcresecendo* , cui subijciuntur is locus , ac *To' divisus est* , quod ad usufructum refertur . Quum de usufructu adcresecendo agitur , vera est regula toties jus adcresecendi esse , quoties in duobus , qui in solidum habuerunt , concursu divisus est , quia legato usufructu jus adcresecendi est tantum inter re , aut inter re & verbis conjunctos , quibus secundum externam verborum figuram solidum initio datur , quo fit , ut is locus ad quaestionem de jure adcresecendi inter verbis conjunctos pertinere non possit . Sed & illud ex dictis consequitur , Paulum in *cit. L. de verbis tantum conjunctis* scribentem , quoniam semper partes habent legatarii , verbo semper aequè ad mentem testatoris , aequè ad externam verborum figuram spectasse . Re autem , ac re & verbis conjuncti secundum externam verborum figuram habere solidum videntur , secundum mentem testatoris habent initio partes : verbis conjuncti secundum utrumque partes habent initio . Ita non est *To' semper* ad id , quod ex postfacto accidit , referendum ; praeferrì enim , quod idem Paulus ait , re conjunctis non possunt , qui solidum habeant ex postfacto .

CAPUT III.

PRAELATIO CONJUNCTORUM.

Postremus conjunctionum effectus est conjunctorum praelatio. Conjunctorum alii aliis potiores sunt, quia sunt alii aliis conjunctiores. Acclior illa nonnullorum conjunctio locum proprie, ac semper habet in conjunctionis diversi generis, qui commiscetur. Conjunctionis ejusdem generis, quorum par causa, pars deficiens pariter adcrefcit, *L. un. §. his ita 10. C. de cad. toll.*, nisi qui eorum sint per collectionem vocati, ut in exemplo illo Paulli in *L. si quis Attio 7. de usufr. adcr.*, Attio, & heredis meis lego, aut in illo Ulpiani in *L. interdum 13. de her. inst.*, Primus, & fratris mei filii heredes sunt. Utrumque est exemplum conjunctorum re & verbis, quorum unus nominativum, alii per collectionem vocantur. In utroque dimidiam unus, alteram dimidiam habent alii, *cit. L. 7. & cit. L. 13.*; sed si eorum unus non concurrat, pars deficiens reliquis, qui per collectionem vocantur, adcrefcit, eo, qui nominativum vocatur, prorsus excluso: cujus rei ratio haec est, quia vocati per collectionem personae unius potestate funguntur. De jure praelationis inter commixtos diversi generis conjunctos Paulus haec habet in *L. re conjuncti 89. de leg. 3.*, Praefertur omnino ceteris, qui & re; & verbis conjunctus est. Idem docet Ulpianus in *L. 1. §. 2. de usufr. adcr.*: atque huc illud pertinet, quod *arg. Auth. itaque C. comm. de success.* vulgo dicti sunt nostri, duplex vinculum fortius ligare. Finge scriptum, Titio, & Gajo fundum Tusculanum lego. Maevio lego fundum Tusculanum. Maevius re tantum conjunctus est Titio & Gajo, atque hi Maevio re itidem conjuncti. Titius autem & Gajus re & verbis conjuncti inter se; proinde si Titius deficiat, praefertur Maevio Gajus.

Pergit Paulus, quod si re tantum conjunctus sit, constat non esse potiorum. Id tanquam generaliter, atque absolute dictum ad alios sive verbis tantum, sive re & verbis conjunctos est referendum. Ergo ait Paulus re conjunctum nec re & verbis conjuncto, nec verbis tantum conjuncto praefertur, & merito: nihil enim re conjunctus habet, quod ceteris commune non sit, qui conjuncti esse non possunt, nisi ad eandem rem vocentur, uti recte Duarenus *De jure adcr. Lib. 2. cap. 7.*

Postremo ait Paulus, si vero verbis quidem conjunctus sit, re autem non, quaestionis est, an conjunctus potior sit. Ex magis est, ut & ipse praefertur. Exercuit locus hic Pauli Interpretum ingenia, & non est tamen meo judicio obscurus. Qui *To' an conjunctus* ad re conjunctum referunt hoc sensu, re conjunctum verbis conjuncto praefertur, quod Rogerio visum; quique referunt ad re & verbis conjunctum hoc sensu esse eum verbis conjuncto potiorum; quae fuit opinio Azonis; nae ii Paulum ineptissime loquentem faciunt. Recta sermonis oratio postulat, ut *To' an conjunctus* ad id referatur, quod proxime praecit; proxime autem praecit, mentio verbis conjuncti. Accedit, quod jam antea negaverat Paulus re conjunctum esse po-

po-

C O M M E N T A R I I

P A R S T E R T I A

DE MODIS, QUIBUS PARS DEFICIENS ADCRESCIT.

IN tertia hujus Commentarii parte de tribus quaerendum est, num pars deficiens ipso jure, an novo hominis facto adcreseat; num adcreseat volenti, an invito; num cum onere, an sine onere adcreseat.

C A P U T I.

PARS ADCRESCENS IPSO JURE.

IN hereditatibus, sive ex testamento, sive ab intestato deferantur, certi juris est, partem deficientem coheredi, qui suam partem adgnovit, adcrecere ipso jure, h. e. sine nova additione aliove novo facto, *L. un. §. 11. C. de cad. toll.*; cujus rei ratio haec est, quia hereditate pluribus delata, qui pro sua parte adiit caeteris deficientibus videtur totam hereditatem adisse, quasi sit ei soli initio delata, *L. liber homo §. 9. ult. de her. inst., L. si solus §. 1. de adq. her.*, atque hoc est, quod Gajus scribit in *L. qui ex duobus §. 3. §. 1. D. eod.* qui semel aliqua ex parte heres exiit, ei deficientium partes tacite adcrecere. Tacite fieri dicitur Jurisconsultis, quod potestate juris sit, ac sine ullo hominis facto. Exemplorum abunde est apud Brissonium *De V. S.* Idem de bonorum possessoribus, qui heredes imitantur, expresse constitutum est in *L. acquisitum 2. §. si duo 8. D. de bon. poss. sec. tab.* Neque interest, num heres, qui adiit, quo tempore aliorum partes deficient, vivat adhuc, nec ne, *cit. L. un. §. 11.*; transmittitur enim jus adcrescendi ad heredes: quod adeo verum est, ut eo etiam casu transmittatur, quum coheres est itidem substitutus coheredi, atque hoc deliberante, sicque nondum delata ex causa substitutionis hereditate decedit, *L. si quis heres 85. & L. qui pari §. 9. de adq. her.* Quod vulgo dicitur, jus substitutionis potentius esse jure adcrescendi, tum demum est verum, si alius a coherede sit substitutus: ubi autem utrumque jus in eandem personam concurrat, atque haec moritur ante delatam ex substitutione hereditatem, jus adcrescendi tantum spectatur.

Adscribenda sunt hic verba Ulpiani in *cit. L. 35.*, *Si quis heres institutus ex parte, mox Titio substitutus, antequam ex causa substitutionis ei deferatur hereditas, pro herede gesserit, erit heres ex causa quoque substitutionis, quoniam invito quoque ei adcreseat portio.* Difficile explicatu est il-

lud Ulpiani, *Erit heres ex causa quoque substitutionis*, nam substitutus ante delatam ex substitutione hereditatem heres esse ex causa substitutionis non potest. Quo igitur possit aliqua ratione explicari, adnoscendum est iis, quae continuo sequuntur, quoniam merito quoque ei adcrevit portio. Haec faciunt, ut Ulpianum illud, *erit heres ex causa quoque substitutionis* tanquam minus proprie dictum accipias, neque aliud dicas ad substituti heredes transmitti, quam jus adcrescendi. Confirmat id locus Neratii in cit. L. 59. *Qui patri heres extitit, si idem filio impuberi substitutus est, non potest hereditatem ejus praetermittere: quod sic recipiendum est; etiam si vivo pupillo mortuus erit, deinde pupillus impubes decesserit; nam is, qui heres extiterit, pupillo quoque heres necessario erit, nam si ipsum invium obligat, conjungi eam paternae hereditati, & adcrescendi jure adquiri cuicumque patris heredi, existimandum est.* Graviter obstat Marciani locus in L. *si ex pluribus 9. de suis & legit.*, ubi jus illud transmissionis in legitimis quidem heredibus admittit, non ita in testamentariis. Verba ejus sunt, *Si ex plurimis legitimis heredibus quidam omiserint adire hereditatem, vel morte, vel qua alia ratione impediti fuerint quominus adeant, reliquis, qui adierint, adcrevit illorum portio, & licet decesserint, antequam adcreveret, hoc jus ad heredes eorum pertinet.* Alia causa est instituti heredis, & coheredi substitui, huic enim vivo defertur ex substitutione hereditas, non etiam, si decesserit, heredem ejus sequitur. Sed obicem feliciter amovet Cujacius Lib. 12. obs. cap. 11. Marciani locum referens ad Legem Julianam & Papianam, quae jus antiquum h. e. jus adcrescendi inter legitimis heredes retinuit, inter testamentarios abrogavit, cit. L. un. §. 1. Non igitur poterat ad heredum testamentarios heredes transire jus adcrescendi, quod inter ipsos testamentarios heredes ea Lege non erat. At restituito tandem per Justinianum veteri jure certe jus illud transmittitur ad primorum heredum heredes. Ut autem inter Ulpianum, Neratium, ac Marcianum conveniat, ego sic facio conjecturam, Ulpiani, & Neratii loca deflexisse Tribonianum ad jus novissimum Imp. Justiniani, cujus tunc immemor Marciani locum intantum reliquit.

Haec vera sunt, si qui nondum delata hereditatis parte decessit, in ea causa erat, ut, si non decessisset, omnino is eam partem caepisset, h. e. si solus erat. Hoc juris principio innititur quod scriptum est apud Celsum in L. *liber homo 59. §. si ita 6. D. de her. inst.*, *Si ita scriptum fuerit: Titius ex parte tertia, Maevius ex parte tertia heredes sumo. Titius si intra tertias Kalendas navis ex Asia venerit ex reliqua parte heres esto. Videamus, ne Titius statim ex semisse heres sit: nam duo heredes instituti sunt, sed Titius aut ex semisse, aut ex besse. Ita sextans utique erit in pendenii. Et si conditio extiterit, ex besse heres erit: si non extiterit, ille sextans Maevio adcrevet; sed si decesserit Titius, antequam conditio existat, deinde conditio exstiterit: tamen ille sextans non Titii heredi, sed Maevio adcrevet, nam, cum adhuc dubium esset, Titio, an Maevio is sextans datus esset, Titius decessit, nec potest intelligi datus ei, qui tempore dandi in rerum natura non fuit. Hinc recte colligit Baldus, dubium eventum in ultimis voluntatibus non transmitti. Vulgo uno casu videtur nova additione opus esse, si cui hereditas per alium, puta per servum quaeratur. Hujus exceptio-*

nis argumentum suggerit Paulus in cit. *L. si solus* 80. §. *item* 2. & §. ego 3. his verbis, *Item si servus meus ex parte heres institutus sit pure, ex parte sub conditione, dato scilicet coherede, & jussu meo adierit, deinde eo manumisso, conditio alterius portionis extiterit: verius est, non mihi esse adquisitam illam portionem, sed ipsum comitari; omnia enim paria permanere debent in id tempus, quo alterius portionis conditio extet, ut adquiratur ei, cui prior portio acquisita est. Ego quidem puto, etsi adhuc in potestate sit, iterum adeundum esse, si conditio extiterit; & illud, quod dicimus, semel adeundum, in ejusdem persona locum habet, non quum per alium acquirenda est hereditas. Quod sub finem Paulus scribit de casu partis sub conditione relictae haud in scite producunt interpretes ad casum partis deficientis; namque eadem esse utroque casu ratio juris videtur.*

Quae de hereditatibus bonorumve possessionibus dicta sunt, habent itidem locum in legatis fideicommissive, quia multo magis in his locum habent, quam in illis, namque hereditas extraneo relicta non alias, quam additione, aliove hominis facto acquiritur; legatum vero fideicommissumve acquiritur ignorantii, *L. quum pater* 77. §. *surdus* 3. de leg. 2., & satis est non fuisse repudiatum. Facit locus Ulpiani in *L. servum filii* 44. §. 1. de leg. 1., Si quis rem sibi legatam ignorans adhuc legaverit, postea cognoverit, & voluerit ad se pertinere; legatum valebit, quia, ubi legatarius non repudiavit, retro ipsius fuisse videtur, ex quo hereditas adita est: si vero repudiaverit, retro videtur res repudiata fuisse heredis. Ergo si pars ante diem cedentem deficiat, h. e. vivo testatore, aut pendente adhuc conditione, spes ejus adcrefcit ipso jure: si post diem cedentem, & non dum adita hereditate, adcrefcit jure ipso jus transmittendi: si post diem cedentem, atque adita jam hereditate deficiat, adcrefcunt jure ipso actiones pro genere legati, fideicommissive, h. e. actiones in personam, atque hypothecaria, si quantitas, aut res aliena legatur; si vero certa species propria testatoris, etiam vindicatio. Vide Bellon. de jure adcr. cap. 8, quæsi. 2. a num. 6. Nunc intelligis, quae sit istius disputationis utilitas, Quod pars legati fideicommissive post diem cedentem, atque adita hereditate deficiens adcrefcit ipso jure, inde usque ab eo tempore hypotheca, dominiumve incipit; magna autem utilitas posita est in tempore.

C A P U T II.

PARS VOLENTI, AUT INVITO ADCRESCENS,

SEparanda in hac re sunt ab hereditatibus legata, & fideicommissa: Partem hereditatis coheredibus nolenubus adcrefcere inquit Justinianus in *L. un. §. 1. r. C. de cad. toll.*, si suas portiones jam adgnoverint: quæ autem invitis adquiruntur, eas etiam ignorantibus adquiri exploratissimum est §. *item* 3. *Inst. per quas pers.* Rationem subjicit Justinianus; quod sit absurdum, ejusdem hereditatis partem quidem adgnosere, partem vero respuere: in eo autem absurdum istud est positum, quod jus succedendi in universum jus defuncti (quæ propria est hereditatis definitio) individuum est,

quum quia defuncti persona est individua, tum quoniam individua est ejus voluntas: quod si pars hereditatis non adcreceret invito, aut ea perpetuo vacaret, &, praeterquam quod pendere dominium non potest, defunctus pro parte haberet heredem, qui eum pro parte referret: aut heredi live legitimo, live ex testamento quidem scripto, non tamen conjuncto cederet, & voluntas testatoris pro parte servaretur, pro parte non: atque huc ea redeunt omnia, quae utramque paginam faciunt apud Bellonum *cit. cap. 8. quaest. 4. n. 9.*: quumque in hereditatibus, quae ab intestato deferuntur, si non voluntate hominis, saltem voluntate legis, certe vero individuum personae defuncti spectetur, idem de iis hereditatibus jus esse non dubitatur: unde generaliter Gajus de quocumque herede scribit in *L. qui ex duabus 53. §. 1. de adquir. her.*, Qui semel aliqua ex parte heres extiterit, deficientium partes etiam invitatus excipit, id est, tacite deficientium partes etiam invito adcrescunt.

Nunc videamus, quemadmodum sit accipiendum *To nolentibus* apud Justinianum in *cit. L. un. §. 11.*, ac *To etiam invito* apud Gajum in *cit. L. 53. §. 1.* Et sane interest, num pars unius deficiat antequam alter coheres adeat, an postquam hic adiit pro sua parte hereditatem. Priore casu pars, quae jam antea defecerat, prorsus invito adcrevit, ita ut nullo modo possit onera, qualia, & quantumque sunt, detredare; quamvis maximam partem, & vero etiam omnia parti deficienti incumbant: namque jam antequam adiret, pars parti adcrevit: unde is ad eundem totam vere adiit hereditatem. In rem videtur esse quod scribit Ulpianus in *L. si duo 38. de adq. her.*, Si duo sint necessarii heredes, quorum alter se abstinuit, alter, posteaquam prior abstinuit, immiscuit se, dicendum est hunc non posse recusare, quo minus tota onera hereditaria subeat: qui enim scit, aut scire potuit, illo abstinente, se oneribus fore implicatum, ea conditione adire videtur. Ex verbo qui scit, colligi videtur posse, secus se rem habere, si quo tempore quis adit, jam antea defecisse partem ignoret: quod ex auctoritate Bartoli, aliorumque nonnullorum docet Bellonus *cit. cap. 8. quaest. 5. num. 49. & 50.* Sed quoniam sequitur apud Ulpianum, aut scire potuit, quod perinde accipiunt Nostri, ac nominatim Gothofredus, quasi scriptum sit, aut scire facile potuit, hinc & illud videtur posse colligi, tum demum secus se rem habere, quum quo tempore quis adit, id ignorat, quod facile poterat nosse. Sed de hac ipsa re mox rursus. Posteriore casu antiquus juris interpret Johannes, alique bene multi in ea opinione fuerunt, partem deficientem invito etiam coheredi adcrescere, si velit is partem, quam adiit, retinere: ceterum ei liberum esse aut totam hereditatem agnoscere, aut totam abjicere. Moventur Gaji loco in *L. si certarum 17. §. 1. de testam. milit.*, Julianus etiam ait, si quis alium castrensiarum rerum, alium caeterarum scripisset, quasi duorum hominum duas hereditates intelligi: ut etiam in aes alienum, quod in castris contractum esset, solus is teneatur, qui castrensiarum rerum heres institutus esset: extra castra contracto aere alieno, is solus obligetur, qui caeterarum rerum heres scriptus esset. Cui scilicet conveniens videtur respondisse, ut ex quaqua causa debeatur militi, vel huic heredi, vel illi, ipso jure debeatur. Quod si alterutra pars bonorum aeri alieno, quod

quod ex ea causa pendebit, non sufficiat; & propter hoc is; qui ex ea parte heres institutus est, non adierit; alterum, qui adisset, compellendum esse, aut defendere totam hereditatem, aut totam creditoribus solvere. Moventur itidem Martiani loco in *L. quum hereditate 55. de adq. her.*, Quum hereditate patris necessarius heres se abstineat, conditio coheredi, sive suo, sive extraneo deferatur, ut aut totam agnoscat, aut a toto recedat: & ita se abstinere potest propter alium, qui per suam personam non poterat. Hanc eandem optionem heredi heredis dedit Ulpianus in *L. 56.* his verbis, Si is, qui immiscuit se hereditati, decessisset, deinde alter se abstinet: eadem conditio deferenda est heredi ejus, quae & ipsi, quod Marcellus ait: Et fideicommissario etiam Scaevola in *L. si pupillus 79. D. ad Trebell.*, Si pupillus parenti suo heres extitit, & fideicommissam hereditatis partem restituit, mox abstinetur paterna hereditate: optio deferenda est fideicommissario, ut aut portionem quoque pupilli agnoscat, aut toto discedat. Eo denique moventur, quod vix aequum videatur, eum, qui adeundo partem testamento, aut lege delatam nihil facit, quod sibi debeat imputare, ex necessaria partis postea deficientis adcrezione damnum capere invitum.

Contrariam sententiam sequuti sunt Fulgofius, alique non pauci e veteribus, atque e recentioribus Duarenus *De jure adcrese. Lib. 2. cap. 1.*, ac Donellus *Comm. Lib. 7. cap. 12.* Moventur tribus iis, quae jam sunt superius adscripta Ulpiani, Gajl, & Justiniani locis in *L. si quis heres 35.*, & *L. qui ex duabus 53. §. 1. de adq. her.*, & *L. un. §. 111. C. de caduc. toll.*, ubi scriptum est, eis, qui portiones suas jam agnovrant, partes deficientes adcrecere *Nolentibus*, & *Inviis*: proprie autem dici *Nolentes* & *Inviis* non possunt, quorum in potestate est facere, ut illae adcrecant, aut non. Et vero qui alterum eligit de duobus, is velle intelligitur: quod argumentum tanti est apud me; ut nihil morer aut fori, quo contraria sententia recepta est, auctoritatem, aut quae pro ea asseruntur Librorum juris loca. Gajus in *cit. L. si certarum 17. §. 1.* loquitur de testamento militis, qui castrensia a non castrensibus separavit: qua separatione facta non est in ejus testamento juri adcrescendi locus *L. 2. C. de testam. mil.*: qua de re multis inferius: ideo compellitur heres, qui adiit, aut defendere totam hereditatem, aut totum creditoribus solvere, quia alias deberent bona auctione distrahi, sicque privilegium militi datum in ejus injuriam traheretur. Martianus in *cit. L. quum hereditate 55. de suo herede* loquitur, qui se abstinet beneficio Praetoris: quoniam autem suus heres post abstentionem, adhuc est heres jure civili, hinc sequitur, eo abstinente non vere desicere portionem, nec proprie locum esse juri adcrescendi: ne autem beneficium abstentionis, quod suo dat Praetor, in alterius injuriam trahatur, conditionem illam coheredi sive suo, sive extraneo deferri. Defertur quidem eadem conditio heredi heredis, sed non alii, quam sui heredis heredi, de quo loquitur Ulpianus in *cit. L. 56.* Neque alia est ratio ejus, quod de fideicommissario scribit Scaevola in *cit. L. si pupillus 79.*, nam de suo itidem herede loquitur.

Haec vera sunt, si pars jure communi vacet, non si jure singulari; h. e. per in integrum restitutionem. Si *minor annis*, inquit Macer in *L. si*

L. si minor 61. de adq. her., posteaquam ex parte heres exiit; in integrum restitutus est; Divus Severus constituit, ut ejus partis onus coheres suscipere non cogatur, sed bonorum possessio creditoribus detur: atque hoc casu minor nudo heredis nomine, quod post in integrum restitutionem adhuc retinet, testamenti causam tueretur, *L. ait Praetor 7. al. L. & si 8. §. sed quod Papinianus D. de min.*: nec si nolit coheres onus suscipere ejus partis, partem suam abjicere, ut in suprascriptis exemplis, est compellendus. Et certe errant, qui Scaevole locum in *cit. L. si pupillus 79.* de suo herede accipiunt in integrum restituto hoc argumento, quod eum inquit Jurisconsultus fideicommissam hereditatis partem restituisse, ac proinde se jam immiscuisse hereditati, tum contra immixtionem restitutum; nam loquitur Scaevola de suo herede impubere, qui non indiget, ut pubes, in integrum restitutione, sed etiam si se immiscuerit, abstinendi beneficium habet, *L. impuberibus 11.*, & *L. necessariis 57. de adq. hered.*

De jure adcrefcendi in legatis, fideicommissive non idem jus est: Legatarium pro parte acquirere, pro parte repudiare legatum posse, negant Pomponius in *L. legatarius 38. de leg. 1.*, & Paulus in *L. neminem 4. de leg. 2.* Huic consequens esse videtur, in legatis etiam fideicommissive partem deficientem adcrefcere invito. Sed verius est, separandum esse jus non decrefcendi a jure, quod proprie dicitur adcrefcendi, h. e. separandos re tantum conjunctos ab aliis, qui aut verbis tantum, aut re & verbis conjuncti sunt. Si duo pluresve re conjungantur, singulis initio solidum relinqui, non item, si aut verbis tantum, aut re & verbis conjungantur, clarissime demonstratum est *Part. I Comm.* Ergo verbis tantum, aut re & verbis conjuncto non alias quam volenti, re conjuncto etiam invito pars deficiens adcrefcit. Hic vocatur ad solidum, quod scindere contra testatoris voluntatem non potest: ille ad partem, quae si velit esse contentus, nihil facit aut contra voluntatem testatoris, aut contra regulas juris; non enim in legatis & fideicommissis est cur metuas, quod in hereditatibus cavendum est, ne quis ex parte testatus, ex parte intestatus decedat. Confirmat haec Justinianus in *L. un. §. 11. Cod. de rad. toll.* Loquitur ibi de legatariis, fideicommissariisve conjunctis, ac de disjunctis. Re tantum conjunctos proprie dici *Disjunctos*, alios proprie dici *Conjunctos* sat notum. Jam de conjunctis loquens Justinianus, partem deficientem inquit *Volentibus accedere*: de disjunctis vero loquens ait: *Si non omnes in rei acquisitionem concurrant, hanc solidam ejus esse*, qui concurrat, solidamque apud eum *Remanere nullius concursu diminutam*, quae diversa loquendi ratio facit, ut singulis re conjunctorum relidum intelligatur unum legatum, de quo loquuntur Pomponius & Paulus in *cit. L. 38. de leg. 1.*, ac *cit. L. 4. de leg. 2.*: conjunctis autem vel verbis tantum, vel re & verbis relidta, intelligantur tot legata quot sunt rei legatae partes pro numero personarum, aut saltem plura singulis relidta: quo casu liberum legatario est unum repudiare, alterum amplecti, *L. sed duobus 5. de leg. 2.*

CAPUT III.

PARS CUM ONERE, AUT SINE ONERE ADCRESCENS.

IN hereditatibus, quae ab intestato deferuntur, pars deficiens cum onere adcrefcit ex rescripto Imperatoris Severi, cujus testem do Ulpianum in *L. si Titio* 61. §. Julianus 1. de leg. 2., Julianus quidem ait: si alter ex legitimis heredibus repudiasset portionem, quum essent ab eo fideicommissa relicta: coheredem ejus non esse cogendum fideicommissa praestare: portionem enim ad coheredem sine onere pertinere; sed post rescriptum Severi: quo fideicommissa ab instituto relicta, a substitutis debentur: & hic quasi substitutus, cum suo onere consequetur adcrefcentem portionem. Non obstat, quod ab Antonino, aut ab eodem Severo rescriptum refert idem Ulpianus in *L. 1.* §. illud 9. de leg. 3., Si quis intestatus decedens, ab eo, qui primo gradu ei succedere potuit, fideicommissum reliquerit, si illo repudiante ad sequentem gradum devoluta sit successio, eum fideicommissum non debere, namque ille alius, ad quem repudiata hereditas pertinet, in alio gradu ponendus est, sicque ad repudiatam hereditatem admittendus ex successorio Edicto, non jure adcrefcendi, cui locus est inter plures ejusdem gradus.

Idem jus esse in hereditatibus, quae deferuntur ex testamento docet Pomponius in *L. si duobus* 16. §. heres 1. de leg. 1., Heres, adjecto ei nomine cujusdam, qui heres non sit, dare damnatus, totum legatum debet: nam si duos ex heredibus suis nominatim quis damnasset, & alter hereditatem non adisset: qui adisset, totum deberet, si pars ejus, qui non adisset, ad eum, qui adisset, pervenerit. Idem docent Paulus in *L. mortuo* 49. §. ult. de leg. 2., & Justinianus in *L. un.* §. his ita 10. C. de cad. toll. Sed non pauci sunt (estque horum numero Cujacius in cit. *L. si duobus* 16., & in cit. *L. un.*) qui adcrefcere quidem cum onere adfirmant, quae caduca, aut quasi caduca dicebantur, negant vero ea, quae pro non scriptis habentur. Verum haec quoque cum onere adcrefcere, non obscure tradit Paulus in *L. civitatibus* 122. §. Lucius 1. de leg. 1., Lucius Tuius, & Gajus Sejus Publio Maevio decem dare damnas sunt. Gajus Sejus heres non exiit. Sabinus ait, Titium solum legatum debiturum, nam Sejum pro non scripto habendum esse. Haec sententia vera est: hoc est, Titius tota decem debebit: cui Pauli loco (ne quis forte putet, quod Bellono visum *De jure adcrefc. cap. 8. quaest. 17. num. 25.* To Sejum pro non scripto habendum minus proprie dictum) adnectendus est multo luculentior Justiniani locus in cit. *L. un.* §. 10., In his itaque si quidem coheredes sunt omnes conjunctim, vel omnes disjunctim, vel instituti, vel substituti, hoc, quod fuerit quoquo modo vacuum, si in parte hereditatis, vel in partibus consistat, aliis coheredibus cum suo gravamine pro hereditaria parte, etiamsi jam defuncti sunt, acquiritur. Verba haec praeit §. 2., ubi ea proponuntur, quae variis ex causis vacabant, & nominatim quae pro non scriptis sunt: praeit etiam §. 3., ubi explicatur, quae pro non scriptis effici dicantur. Cum his confer To quoquo modo

do vacuatam, & cum onere ad crescere ne ambigas ea etiam, quae vacant quali non scripta.

Graviter obstat *L. quidam* 14. de jure Codicill. ubi de legato codicillis dato vel adempto post obitum heredis testamento scripti haec habet Scaevola, Quod post heredis obitum codicillis legatum, vel ademptum est, nullius momenti est, quia heres, ad quem (testator) sermonem conferat in rebus humanis non est, eaque ademptio et datio nunc vana efficitur. Vides legati onus heredi impositum, qui eo tempore in rebus humanis non erat, legatumque illud initio non valere: quod autem initio, non valet, facile intelligis, transferri cum parte ad crescentem in alium non posse.

Locus hic juris male habuit interpretes, quorum conjecturas colligit Bellonus *De jure ader. cap. 8. qu. 17. a num. 45.* Digna est Belloni interpretatio quae in medium adferatur: sed transcribi hic juvat locum integrum Scaevolae. Ait is in cit. *L. 14. pr.*, Quidam referunt (quantum repeto) apud Vivianum Sabini & Cassii & Proculi expositam esse in quaestione hujusmodi controversiam, an legata, quae, posteaquam institui mortem obierunt, codicillis adscripta vel adempta sunt, a substitutis debeantur, id est an perinde datio & ademptio etiam hoc tempore codicillis facta valeat, ac si testamento facta esset: quod Sabinum & Cassium respondisse ajunt, Proculo dissentiente. Nimirum autem Sabini & Cassii collectio (quam & ipsi reddunt) illa est, quod codicilli pro parte testamenti habeantur, observationemque & legem juris inde traditam servent. Ego autem ausim sententiam Proculi verissimam dicere, nullius enim momenti est legatum, quod datum est ei, qui tempore codicillorum in rebus humanis non est, licet testamenti fueris; esse enim debet, cui datur: deinde sic quaeri, an datum consistat, ut non ante juris ratio, quam persona, quaerenda sit, & in proposito igitur quod post obitum heredis codicillis legatum, vel ademptum est, nullius momenti est, quia heres, ad quem sermonem conferat, in rebus humanis non est, eaque ademptio & datio nunc vana efficitur. Haec in eo herede, qui ex asse institutus erit, dato substituto, ita ut ab instituto codicilli confirmarentur. Unum heredem ex asse institutum ponit Scaevola, codicillosque a primo tantum gradu confirmatos, aitque ex sententia Proculi, si tempore codicillorum jam obierat heres institutus, dationem, ademptionemque legati non valere, ac proinde nec dationem nocere, neque ademptionem prodesse substituto: vivit autem argumento ducto a persona ejus cui legatum datur, ad personam heredis a quo legatur; quemadmodum enim non valet legatum ei relictum, qui tempore codicillorum non est in rebus humanis, ita non valet, si heres, cui legatum onus imponitur, jam erat eo tempore defunctus. Pergit Scaevola §. 1., Quod si duo instituti sint, substitutis datis; unusque eorum decesserit (subaudi ante codicillos, qui fuere itidem ab institutis confirmati), utilia videntur legata, sed circa coheredem erit tractatus, numquid totum legatum debeat, si QUIS-QUIS MIHI HERES ERIT, legatum erit: an vero non quia sit substitutus heres, qui partem faciat (h. e. qui partem alterius heredis jure substitutionis capiat), licet ipse non debeat: idem etiam potest circa nomina expressa tractari: Multoque magis solum coheredem totum debere puto, quia is adjunctus sit (subaudi in onere legatorum codicillis relictorum) qui etiam tunc, quum adjuungebatur, in rebus humanis non erat: Duos heredes testa-

men-

mento institutos ponit, & codicillis post unius eorum mortem factis legatum datum: Atque, licet pars defuncti ad substitutum pertineat, solum coheredem totum debere ea fortasse ratione, quia testator ab eo praestari legatum voluit, qui heres esset primi gradus. Verbis Scaevolae adhaerens Tribonianus in *L. sed quum 15.* verba haec Africani, *Sed quum ea testatoris voluntas fuerit, ut ex universa hereditate legata erogarentur: Dicendum scriptis heredibus profuturam doli exceptionem: Si amplius quam hereditaria portio petatur.* Videtur Tribonianus collatis Scaevolae, atque Africani locis juri stricto opponere voluisse jus aequum. Jure stricto deberet heres solum legatum praestare: Aequum tamen non est, eum plus debere, quam hereditaria portio patitur. Habet is dimidiam hereditatis; ergo dimidiam legati praestabit. Se tamen tuetur heres exceptione doli, quae indicio est, eum ipso jure ultra dimidiam teneri. Alteram dimidiam legatarius perdet, qui enim posset eam petere a substituto, a quo confirmati non sunt codicilli? His ita expositis obicem sic amovet Bellonus. In specie Scaevolae legatum nullius momenti est, quia nulla est persona, in qua consistat. Et consistere quidem non potest in persona heredis, quia hic tempore codicillorum non erat in rebus humanis: Non in persona coheredis, quia unus est heres ex asse scriptus: Nec in persona substituti, quia ad hunc non pertinent codicilli. At in casu nostro plures heredes ponendi sunt: Proinde legatum, quod consistere non potest in persona heredis tempore codicillorum defuncti, recte consistet in persona coheredis, cui deficiens portio adcreseit. In specie autem Africani licet plures ponantur heredes, tamen ideo non praestat coheres dimidiam legati, quae parti deficiente incumbbat, quia haec dato substituto adcreescere non potest coheredi, Quin hoc ipso Africani loco recte confirmat Bellonus, quod traditur, etiam partem, quae deficit quasi non scripta, cum onere suo adcreescere; quum enim dicat Africanus doli exceptionem ideo prodesse coheredi, ne solidum legatum praestet, quia amplius, quam hereditaria portio peteretur, nos illud tacitus monet, si non dato substituto, deficiens portio adcresceret, exceptionem illam coheredi non profuturam.

Hactenus dicta de onere, quod partem adcrecentem sequitur, eo etiam casu locum habent, quum onus parti deficiente impositum peculia-rem aliquam ob causam praestare non tenebatur is, qui partem repudiat, veluti si onus imponatur legitima, in qua filius est institutus, et ea portio deficiat. Hujus rei argumento est locus Marcelli in *L. quum patronus 28. de leg. 2.*, *Quum patronus ex debita parte institutus fideicommissum reli-ctum ab eo praestare non cogatur, si omiserit institutionem; utrum, qui eam partem vindicant, eodem modo retinere, an vero praestare debeat fideicommissum? Et magis est, debere fideicommissum, quoniam, quod illius personae praestaretur, hoc nequaquam ad alium pertinere deberet.*

Eadem habent quoque locum, si pars, cui onus impositum est, deficiat posteaquam alter heres pro sua parte adiit hereditatem, veluti si quis ob non servatum testatoris praeceptum sua parte privetur, *Auth. hoc amplius C. de fideicom.*

Novissime sciendum est, discrimen esse inter onus rei impositum, atque onus impositum personae. Si quis simpliciter, h. e. non ab hoc illo-

ve herede alicui leget hac formula, *Gajo lego fundum Tusculanum*, aut legatum, fideicommissumve generaliter ab omnibus relinquat hac formula, *Quisquis mihi heres erit*; legati fideicommissive onus erit impositum rei h. e. ipsi hereditati, remque ipsam, h. e. partem hereditatis deficientem sequetur. Contra si quis legatum fideicommissumve a certo herede nominatim relinquat, isque heres deficiat, adcrecet pars sine onere; nam generaliter quae personalia sunt non egrediuntur personam, *L. jurisgentium 7. §. 8. D. de pact.* Num antea proprium heredis nomen expressum sit, an certa alia nota ejus persona designetur, nihil interest, *L. nominatim 80. de leg. 3.*

Non una legatorum fideicommissorumve, ut hereditatum est ratio. Rem totam dabo adscriptis Justiniani verbis incit. *L. un. §. 11. C. de Cad. toll.* Ubi autem legatarii vel fideicommissarii duo forte vel plures sunt, quibus aliquid relictum sit: Si quidem hoc conjunctim relinquitur: Et omnes veniant ad legatum, & pro sua portione quisque hoc habeat. Si vero pars quaedam ex his deficiat, sancimus eam omnibus, si habere maluerint, pro virili portione cum omni suo onere adcrecere. De iis loquitur, quibus conjunctim relinquitur, hoc est de conjunctis aut verbis tantum, aut re & verbis secundum ea, quae dicta sunt; Tum de iis, quibus disjunctim relinquitur, h. e. de re tantum conjunctis haec habet, sin autem disjunctim fuerit relictum: si quidem omnes hoc accipere & potuerint & maluerint, suam quisque partem pro virili portione accipiant. Sin vero non omnes legatarii, quibus separatim res relicta sit, in ejus acquisitionem concurrant, sed unus forte eam accipiat; Haec solida ejus sit. Sin vero nemo alius veniat, vel venire potuerit: Tunc non vacuatur pars quae defecit, nec alius adcrescit, ut ejus, qui primus accepit, legatum augere videatur; sed apud ipsum qui habet, solida remaneat, nullius concursu diminuta (horum verborum sententia est, partem non vacasse, quia potius non decrescit, quam adcrescit). Et ideo si onus fuerit in persona ejus, apud quem remanet legatum adscriptum: Hoc omnimodo impleat, ut voluntati testatoris pareatur. Sin autem ad deficientis personam (hoc) onus fuerit collatum: Hoc non sentias is, qui non alienum, sed suum (tantum) legatum imminutum habet. Sed & varietatis non in occulto sit ratio: Quum ideo videatur testator disjunctim hoc reliquisse, ut unusquisque suum onus non alienum agnoscat; nam si contrarium volebat, nulla erat difficultas conjunctim eo disponere. Separat Justinianus jus adcrescendi a jure non decrescendi. Est quidam in hereditatibus audore eodem Justiniano eadem differentia inter unum atque alterum jus, sed non quantum ad onus; namque hoc in hereditatibus regulariter imponitur rei, in legatis fideicommissive semper personae: Quae est ratio, cur licet in hereditatibus ea etiam pars, quae defecit quasi non scripta adcreseat cum onere, in legatis tamen & fideicommissis sine onere adcreseat cit. *L. un. §. in primo 3.*, & *§. ne autem 9. sub fin.* Onus in legatis, & fideicommissis imponitur personae, quumque haec tempore testamenti non sit in rebus humanis, illud pro non imposito habendum est, exceptis duobus Casibus, qui sunt in *L. quod quis in fin. D. de his, quae pro non scriptis, & L. quum vero 26. §. 6. de fideicommiss. libert.*, quibus nonnulli tertium addunt ex cit. *L. civitatibus 122. §. 1. de leg. 1.*: De quo tamen alii ambigunt, *V. Goth. in cit. L. un. §. 3. lit. M.*

Dictis huc usque in re dubia est locus, Cedunt tamen omnia volun-

tati testatoris, & non solum expressae, sed & ei, quae pro. vi. conjectura-
rum pro expressa est. Argumentum hoc lato persequitur Bellonus cit.
cap. 8.

COMMENTARIUM

PARS QUARTA

DE CAUSSIS, IN QUIBUS JURI ADCRESCENDI EST LOCUS.

In hereditatibus, bonorum possessionibus, ac legatis, fideicommissive lo-
cum esse juri adcrescendi sexcenta Librorum juris loca jam superius ex-
pensa commolant. De fideicommissis particulari est aliquid addendum hoc
loco. Postquam jure novo Imp. Justiniani in L. 2. C. comm. de leg. subla-
tae sunt differentiae inter legata & fideicommissa, in his aequae atque in il-
lis jus adcrescendi esse, non dubitavit. Et diserte idem Justinianus in L.
un. §. 21. C. de cad. toll., ubi de conjunctione, ac jure adcrescendi agit,
cum legatariis fideicommissarios conjungit. Num ante tempora Justiniani idem
jus fuerit, questionis est. Et fuisse in fideicommissis juri adcrescendi lo-
cum, praecise nego.

Illud me primum movet, quod fideicommissum proxime accedebat
ad legatum damnationis, quum quia utrumque dirigitur ad heredem, huius
jussu factio opus habet, tum quoniam per fideicommissum relinqui pote-
rant, quae per damnationem legari, ut Ulpianus loquitur *Fragm. tit. 25. §. 5.* : In legato autem damnationis certe non erat jus adcrescendi. *Ulp. Fragm. tit. 24. §. 13.* Deinde me movet Scaevolae locus in L. ult. §. 2. de leg. 2., *Sejo, quem heredi substitueras, ita legavit, Sejo, si mihi heres non erit, & uxori ejus Marcellae argenti libras quindecim dari volo. Quaero, quum Sejus heres existerit, an Marcellae legati dimidia portio debeat. Respondi secundum ea, quae proponerentur debere.* Ecce non solidum legatum Marcellae debetur? Sejus & Marcella re & verbis conjuncti sunt: Pars autem Seji non existente conditione deficit.

Ita vero; sed quamvis Scaevola testatorem dicat legasse (quo verbo interdum ipsa etiam fideicommissa significantur) vere tamen fuisse libras illas argenti per fideicommissum relictas, certo indicio sunt verba *dari volo*, quae Ulpianus cit. tit. 25. §. 2. verba fideicommissorum appellat: Idque in eausa est, cur Seji pars non adcreseat uxori. Denique me movet locus alter Scaevolae in L. uxorem 41. §. agri 9. de leg. 3. Ait Scaevola, *Agri plagam, quae est in regione illa, Maevio Publio, & Gajo transcribi volo pretio facio viri boni arbitrato, & hereditati illato duplae evitione expromissa reliquis heredibus.* Quae postrema verba ostendunt, Maevium Publium, & Gajum, quibus legabatur, fuisse etiam scriptos heredes. Pergit Scaevola, *quaesitum est, an legatum valeat, quum Publius emere velit, Gajus nolit, Re-*

spondit, cum, qui fideicommissum praestari sibi velit, posse partem dimidiam ejus agri, qui legatus est, petere, quamvis alter persequi no.it. Vides Publium & Gajum re & verbis conjunctos: Vides Gaji partem dedecere, nec tamen Publio adcrefcere. Quid ita? Quia in fideicommissio locus non erat juri adcrefcendi. Obstat videtur Papinianus in L. unum ex familia 67. §. rogo 7. de leg. 2., Rogo fundum, quum morieris reliquas ex libertis, cui voles. Quod ad verba attinet, ipsius erit electio, nec petere quisquam poterit, quandiu praeferrí alius potest: Defuncto eo prius quam eligat, petent omnes. Itaque eveniat, ut quod uni datum est, vivis pluribus unus petere non possit, sed omnes petant, quod non omnibus datum est; & ita demum petere possit unus, si solus moriente eo superfuit. De fideicommissio agi a Papiniano nemo non videt: Porro si heres priusquam eligat, moriatur, nemo est etiam qui non videt fideicommissum illud relitum intelligi libertis, atque inter hos adeo esse jus adcrefcendi, ut, si unus superfuerit, ei uni solidus fundus debeat.

Si dixeris, ideo solidum fundum uni deberi, quia fuit pluribus per collectionem relitum, obstat Scaevola in L. pater filium 38. §. filiam 2. de leg. 3., Filiam suam heredem scripserat; & ita caverat, veto autem aedificium de nomine meo exire, sed ad vernas meos, quos hoc testamento nominavi, pertinere volo. Quaestum est, defuncta herede & legatariis vernis, an ad unum libertum, qui remansit, totum fideicommissum pertineret. Respondit, ad eum, qui ex vernis superesset, secundum ea, quae proponerentur, virilem partem pertinere. Fundum testator vernis suis, h. e. libertis, qui tuerant servit vernae, sicque pluribus per collectionem reliquit verbis illis fideicommissum pertinere volo: Et ait Scaevola, si unus eorum superfuerit, ei, excluso prorsus jure adcrefcendi, virilem partem deberi. Scripta de hac re ab Accursio, Alciato, aliisque Cujacio antiquioribus nihil moror. Discrimen inter unam, & alteram speciem primus omnium adgnovit Cujacius in cit. L. 67. §. 7. In utraque specie pluribus relinquatur fideicommissum, sed in specie Papiniani pluribus per collectionem, in specie Scaevolae pluribus, quorum nomina exprimuntur. Quos, ait, hoc testamento nominavi, idest manumissi propriis nominibus expressis: Nominum autem nuncupatio ut in legato damnationis, ita in fideicommissis faciebat, ut singulae singulis ab initio adscriptae partes intelligerentur, ideoque non esset inter eos jus adcrefcendi, nisi contraria esset testatoris voluntas. Multa alia sunt apud Cujacium loc. cit., & Bellonum De jure adcr. cap. 6. qu. 21.; id unum ex sententia Cujacii moneo, post novas Justiniani Constitutiones concursu partes facere eos, qui ante illas Constitutiones initio partes habebant, & consequenter, esse inter eos jus adcrefcendi. Nunc quis non jure succenseat Triboniano, qui tot veteris juris vestigia in Pandectis reliquit? Sed multae aliae sunt causae, in quibus juri adcrefcendi est locus. Has enarrare singulas est animus.

CAPUT I.

JUS ADCRESCENDI IN SUBSTITUTIONIBVS.

Nulla est ratio dubitandi, num in substitutionibus locum habeat jus adcrescendi, quod certe habet in institutionibus locum; nam quid est aliud substitutio, quam species institutionis? Eam *secundi heredis institutionem* vocat Paulus in *L. ex facto 43. §. Lucius 2. de vulg.* Porro Diocletianus & Maximianus heredibus sive *instituitis*, sive *substituitis* etiam invitis coheredum repudiantium portionem adcrefcere diferte ajunt in *L. testamento 6. C. de imp. & aliis subst.*

Num in substitutione, quam dicunt fideicommissariam, seu in fideicommissio universalis juri adcrefcendi locus sit, dubitatur. Et in fideicommissaria etiam substitutione locum esse juri adcrefcendi probant locus Justiniani in *L. un. §. hæc autem 14. C. de ead. toll.*, ubi postquam multa caverat de jure adcrefcendi, ea omnia inquit locum habere in *omni ultimo elogio*, quale prorsus est fideicommissaria substitutio: Itemque duo Pandectarum loci, alter Mariani in *L. filius familias 114. §. Divi 11, de leg. 1.*, alter Papiniani in *L. quum pater 77. §. hereditatem 4. de leg. 2.* Martiani verba sunt, *Divi Severus & Antonius rescripserunt, eum, qui rogatus est sub conditione fratris sui filiis restituere, ante diem fideicommissi cedentem ne quidem ex voluntate eorum posse restituere his in potestate patris agentibus, quum possit, die fideicommissi cedente, sui juris constituitis ipsis debere restitui, vel, si aliquis ex his ante decesserit, non omnibus.* Si quis filiorum fratris ante diem fideicommissi cedentem decesserit, restitui quidem ex fideicommissio hereditatem ait Martianus, sed non omnibus, h. e. iis tantum, qui superessent: Non alio autem jure restitui solida heredibus superstitibus potest, quam jure adcrefcendi. Verba Papiniani sunt, *Hereditatem filius, quum moreretur, filiis suis, vel cui ex his voluisset, restituere fuerat rogatus: Quo interea in insulam deportato eligendi facultatem non esse poena (deportationis) peremptam, placuit, nec fideicommissi conditionem ante mortem filii heredis existere: Viriles autem inter eos fieri, qui eo tempore vixerint, quum de aliis eligendi potestas non fuerit.* Inter eos, qui eo tempore vixerint, h. e. inter filios filii jam defuncti superstites fieri ait Papinianus viriles, subaudi totius hereditatis: Quod intelligi non potest, nisi portiones defunctorum adcrefcere filiis superstitibus ponas.

Qui contra sentiunt, eo moventur, quod in fideicommissaria substitutione nullum periculum est, ne quis ex parte testatoris, ex parte intestatus decedat; nam pars, quam fideicommissarius recusat, penes heredem remanet, qui testamenti causam tueri. Eo etiam moventur, quod scriptum est apud Ulpianum in *L. ergo 16. §. si quis heres 4. D. ad Trebell.* Heredem restituere hereditatem rogatum, si adire nolit, adire ac restituere compelli, vel ipsi pirones sciunt §. 6. & 7. *Inst. de fideicommissis. her.* Scriptum est autem apud Ulpianum in *tit. §. 4.*, *Si quis heres institutus rogatus fuerit hereditatem non totam, sed partem restituere, vel si duobus restituro*

suere sit rogatus, & alter ex his velit sibi restituere hereditatem, alter recuset; utroque casu exonerari eum, qui suspectam hereditatem dicit (h. e. heredem adire ac restituere coactum), totamque hereditatem ad eum, cui restituitur, pertinere: Quod idem apud eundem Ulpianum scriptum est §. 10, Si servo duorum rogatus quis sit restituere hereditatem, & alter cogere velit suspectam dicentem, alter restituere sibi recuset: Quumque id ab Ulpiano proponatur tanquam jus singulare, cujus ea ratio est, ne qui non sua sponte adit, damnum capiat invitus, facile intelligis, jure communi, cui jus singulare opponitur *L. jus singulare* 15. *D. de leg.*, inter duos illos fideicommissarios jus adcrendi non esse.

Utrique huic difficultati haud infeliciter satisfaciunt nostrae sententiae adsertores, in quibus est Bellonus *De jure adcrendi cap. 6. quaest. 21. n. 32.* Et quod ad priorem facit, duos illi casus distinguunt, unum, si fideicommissarii universales nullo modo conjuncti sunt, veluti si tertia hereditatis pars Titio, reliqua Gajo restituenda sit ex fideicommissio; alterum, si sint re & verbis, vel re tantum, verbisve conjuncti: Atque hoc casu esse inter eos ajunt jus adcrendi tanquam necessarium conjunctionis effectum: Illo jus adcrendi non esse, quamvis in hereditatibus esset; licet enim fideicommissa universalia hereditates directas imitentur, tamen remanent, si refutentur, penes heredem, qui testamenti causam tuetur: Unde periculum non est, ne quis ex parte testatus, ex parte intestatus decedat. Quod facit ad jus singulare, cujus testis laudatur Ulpianus in *cit. L. 16. §. 4. & 10.*, illud non in eo positum ajunt, quod partem deficientem vindicari fideicommissarius possit (vindicat enim jure communi, si plures fideicommissarios conjunxit testator), sed in eo, quod illam suscipere cogatur invitus: Quum tamen jure communi fideicommissariis universalibus aequae ac legatariis non aliter quam volentibus pars deficiens adcrecat,

C A P U T II.

JUS ADCRESCENDI IN LEGITIMA, FALCIDIA, AC TREBELLIANICA,

IN legitima locum esse juri adcrendi, multis demonstrari facile potest. Et primum Justinianus in *Nov. 89.* postquam multa dixerat de liberis naturalibus, qui Curiae oblati, sunt legitimi, qua de re dictum *Lib. 1. Inst. tit. 4.*, si quis decedens in testamento suo Curiae dederit naturales, quos solos habebat liberos, his illum novem uncias relinquere omnino debere, ut ut eas inter liberos partiatur: ac si minus novem uncias testamento reliquerit, ex reliqua ejus substantia supplendum esse, quod deest: tum haec habet, quae in rem nostram sunt, Si aliqui quidem eligant, aliqui vero refutent (subaudi conditionem curialem) ad eos, qui eligunt, refutantium veniant portiones. Verba haec probant, esse in legitima Curialium juri adcrendi locum; nihil autem adferri causae potest, cur non multo magis esse debeat ei locus in legitima filiorum ex justis nuptiis susce-

sufceptorum, quorum, ut longe melior conditio, ita longe prior causa est.

Porto scribit Hermogenianus in *L. siue patronus 21. §. ex duobus 2. D. de jur. patron.* Ex duobus patronis unus ex debita parte heres institutus sine conditione, & dilatione contra tabulas bonorum possessionem petere non poterit licet, si minor ei portio esset relicta, & contra tabulas bonorum possessionem petisset, alia etiam portio ei ad crescere potuisset. Novissima Hermogeniani verba locum esse monstrant juri adcrescendi in legitima patronorum: recte autem posse a patronorum legitima ad legitimam filiorum duci argumentum non dubitatur.

De jure adcrescendi in Falcidia, ac Trebellianica sic habendum. Si pars hereditatis deficiens adcrefcit coheredi, hic Falcidiam, aut Trebellianicam detrahet, quam ille detraxisset, qui defecit; sicque quarta portionis deficientis adcrefcit coheredi: Si alterutro deficiente, inquit Gajus in *L. quod si 78. ad L. Falc.*, alter heres solus extiterit: utrum perinde ratio legis Falcidiae habenda sit, ac si statim ab initio is solus heres institutus esset (h. e. utrum heres, qui adiit, quartam a suo, semisse; & quartam alteram a semisse adcrefcite, seu, quod eodem redit, quartam a toto alio detrahat), an singularum portionum separatim causae spectandae sunt (h. e. quartam a suo tantum semisse detrahat, non ab eo, qui adcrefcit) & placet, si ejus pars legatis exhausta sit, qui heres extiterit, adjuvare legatarios per deficientem partem (sicque heredem a suo tantum semisse quartam detrahere) quia ea non est legatis onerata, quia & legata, quae apud heredem remanent, efficiunt, ut caeteris legatariis aut nihil, aut minus detrahaatur (Continent novissima haec verba argumentum a simili ductum, h. e. a legatis, quae apud heredem remanent, ad partem deficientem; quae adcrefcit. Gaii sententia est, quemadmodum legata, quae apud heredem remanent, h. e. quae fortasse, quia legatarii nonnulli praemortui sunt, ab herede non solvuntur, caeteris legatariis profunt, ita pars prodest, quae adcrefcit). Si vero defecta pars fuerit exhausta, perinde in ea ponendam rationem legis Falcidiae, atque si ad eum ipsum pertineret a quo defecta fieret, h. e. ab ea parte eum, qui adiit, falcidiam detrahere, uti is detraheret, qui non adiit. In summa si pars non onerata accedit oneratae, heres, qui adiit, a parte accedente non detrahit quartam: detrahit vero si accedit pars onerata. Non obscura discriminis est ratio, quum enim pars deficiens non est legatis onerata, heredi, qui adiit, semper accedit lucrum; quo debet esse contentus, quantumcumque sit: quum vero legatis est onerata, nullo legatiorum damno quarta ab eo detrahitur, quam detraxisset coheres. Haec de Falcidia scripta sunt: quod autem de Trebellianica, idem regulariter non incommode dici etiam de Trebellianica, quae non alio, quam Falcidiae nomine in libris juris appellatur, nostri interpretes docent, arg. *L. Marcellus 3. §. 1. ad Trebell.* Quod si non pars hereditatis deficiat, sed heres jus suum diminuens, uti non ineleganter Paulus in *L. potest 71. ad L. Falc.*, uti Falcidia, aut Trebellianica nolit, nullum alterius heredis jus est, quum quia in singulis heredibus rationem legis Falcidiae ponendam esse inquit Gajus in *L. in singulis 77. eod.*, h. e. singulos pro sua parte eo uti beneficio posse: tum quoniam quum non deficit pars

pars hereditaria, ac proinde non adcrefcit coheredi, alia eft quarta, quae uni, alia, quae alteri heredi defertur: Proinde ad res prorfus diverfas vocantur: Quo cafu certi juris eft, locum non efle juri adcrefcendi, *L. hujusmodi 84. §. 12. de leg. 1.* Utraque igitur quarta legatariorum, ac fideicommiſſariorum commodo cedit. Quid ſi legatorum alia ſint oneri Falcidiae exempta, alia non. Num his adcrefcit onus, quod iſta non ferunt? Et alia eft cauſſa legatorum, quae poteſtate Legis, oneri Falcidiae eximuntur, qualia ſunt legata teſtamento, codicillisve jure militari facti relictæ, aut relictæ ad pias cauſſas, *L. in teſtamento 7., & L. ut ſimiliter C. ad L. Falc.*, alia eorum, quae oneri Falcidiae eximuntur voluntate teſtatoris, qui in hoc, illove legato locum habere Falcidiam vetit: Quod ei facere permittit Juſtinianus *Nov. 1.* Priore caſu onus, quod in legatis exemptis remittitur, aliis non incumbere, docet Scaevola in *L. ſi poſt 17. D. ad L. Falc.* his verbis, *Si poſt miſſionem faciat codicillos miles, & intra annum decedat, ex teſtamento, quod in militia jure militari ſecit* (quodque intra annum poſt miſſionem honeſtam, aut cauſariam valet), *plena legata: Ex codicillis habita Falcidiae ratione praefari debere dicitur.* Sed res ita expedietur. Si quum quadringenta haberet, teſtamento quadringenta, codicillis centum legaverit, ex quinta parte, id eſt oſtoginta, quae ad legatarium ex codicillis pervenirent, ſi Falcidiam non pateretur, quartam, id eſt viginti heres retinebit. Sensus hic eſt. Miles, qui quadringenta habebat in bonis, teſtamento, codicillisque legavit quingenta, id eſt quintam ſupra vires patrimonii ſui partem; quae ex quadringentis, itemque ex centum deducta quadringenta illa ad trecenta viginti rediguntur, itemque centum ad oſtoginta. Quoniam autem ex teſtamento jure militari facto legata plena, h. e. integra praefantur, legata vero relictæ in codicillis poſt miſſionem, ac proinde rato jure communi factis Falcidiam patitur, heres ex oſtoginta, quae in codicillis legata ſunt, retinebit viginti: Ex trecentis viginti omnino nihil, ſicque onus, quod in legatis exemptis remittitur, aliis non incumbit. Eadem de Trebellianica Macer habet in *L. ſi miles 92. D. cod.* Confer *L. in teſtamento 13. C. de teſt. milit., & L. in teſtamento 7. C. ad L. Falc.*

Posteriore caſu onus, quod in hoc, illove legato a teſtatore remittitur, aliis legatis incumbere jure docuit Bartolus, quem plerique omnes ſequuntur apud Bellonum *De jure adcreſc. cap. 6. q. 4. n. 17. arg. L. ſi in teſtamento 64., & L. qui quadringenta 83. pr. ad L. Falc.* Ego quamvis argumento ex duobus iſtis Pandectarum locis ducto non movear (eſt enim meo judicio leviſſimum) Bartolo lubens adſentior, ſed nova ratione. Et jure quidem veteri, quo non erat teſtatori permiſſum Falcidiam prohibere, haec ſalva eſſe non alias poterat heredi, quam ſi ex aliis legatis integra deduceretur. Quo igitur voluntati teſtatoris, ac Legis praecepto fieret ſatis, onus in hoc illove legato remiſſum aliis incumbere neceſſo erat. Jure novo licet quidem teſtatori prohibere Falcidiam, ſed hoc verum eſt, ſi ſic expreſſerit: Ita enim loquitur Juſtinianus in *cit. Nov. 1. cap. 2. in fine, ſi vero expreſſim designaveris, non velle heredem retinere Falcidiam, teſtatoris valere ſententiam.* Quoniam igitur qui hoc illudve legatum oneri Falcidiae eximit, non poteſt dici Falcidiam expreſſe prohibuiſſe, neceſſario illud conſequitur, eſſe eam ex aliis legatis integre deducendam. CAP.

CAPUT III.

JVS ADCRESCENDI IN MORTIS CAUSSA DONATIONIBUS, VEL
CAPIONIBUS.

MORTIS causa donationes diremta veterum controversia ad exemplum legatorum per omnia fere redegit Justinianum scribit Tribonianus §. 1. *Inft. de donat.* Tò fere, quod est in cit. §. 1. aperte monstrat, Justinianum differentias aliquot reliquas fecisse, quas ego in meo *De donationibus Commentario* non indiligenter sum persequutus; sed certe nulla inter mortis causa donationes, & legata, quantum ad jus adcrescendi, differentia est. Docet id Justinianus duobus locis cit. *L. un. de cad. toll.*, unus est in §. *sin autem 7.*, ubi postquam dixerat apud heredem manere, quod legati fideicommissive titulo relicta sunt, si legatarius fideicommissariusve decedat, aut eo superstite deficiat conditio, haec subjicit, *nisi vel substitutus relicta accipiat, vel conjunctus, quum certi juris sit, & in institutionibus, & legatis & fideicommissis, & mortis causa donationibus posse substitui.* Verba quum certi &c. rationem continent verborum, quae praecunt, *nisi vel substitutus relicta accipiat, vel conjunctus*: Quoniam autem in his non solum substitutionis, sed et conjunctionis, ac juris adcrescendi mentio fit, sequitur, hanc eandem mentionem factam intelligi etiam in illis. Alter est in §. *haec autem 14.*, ubi Justinianus, *omnia superius scripta* (scripserat autem permulta de jure adcrescendi (locum habere inquit in mortis causa donationibus).

De mortis causa capionibus magna quaestio est. Mortis causa capio substitutionum nomen est, quo significant Jurisconsulti quidquid morte alicujus acquiritur, si tamen ejus proprium nomen desit. Quod igitur nec proprie legatum, nec proprie est fideicommissum, mortis causa capio erit. Mortis causa capi ait Gajus in *L. id autem 76. ad L. Falc.* quod conditionis implendae causa datur. Finge legatum Titio datum sub conditione dandorum Maevio decem. Maevius utpote positus in conditione legatarius non est, mortis tamen causa capit, *L. si quis sub conditione 2. D. si quis omissa caus. test.* Et non esse in mortis causa capionibus juri adcrescendi locum, videntur probare juris loca, quae sequuntur. Ait Pomponius in *L. sales 112. §. 1. de cond. & dem.*, Si Sumphoro (ita in Pandectis Florentinis: In aliis est Symphoro. Et y in antiquis exemplaribus saepe commutari innumeris exemplis docemur) si Sumphoro, & Januario centum Titius praestiterit, fundum ei lego. Sumphoro mortuo an legatum perisset? Sed hoc quoque sic puto interpretandum, ut dum quisque eorum vivet, praestitisset: Sed benigna interpretatione dicendum, si non post mortem Titii Sumphorus decessit, debere partem dimidiam Januario dantem, partem fundi dimidiam legatarium esse consequuturum. Opponit Pomponius jus strictum aequo. Jure stricto, si alteruter decedat, totum legatum deficere deberet, quia conditio impleri pro parte non potest. Sed benigna interpretatione voluntatis testatoris si legatarius dimidiam pecuniae partem superstiti dedit, dimidiam fundi legati

partem consequetur. Cur autem superstiti dimidia pecuniae pars datur? Quia inter Sumphorum, & Januarius, qui in conditione sunt positi, & mortis causa capiunt, nullum est jus adcrendi. Nonnulla alia in eandem sententiam argumenta congerit Bellonus *cap. 6. quaest. 24. a num. 20. ad 14.* Verum eo uno argumento, quod Pomponius suggerit in *cit. L. 112. §. 1.*, nullum esse in mortis causa capionibus juri adcrendi locum pronuncio.

Vehementer obstat Scaevolae responsum in *L. Thais 41. §. Stichus 14. de fideic. libert.*, Stichus servus meus jubeo, ut det, praestet filiae, & uxori meae hereditibus meis, sine ulla controversia tot aureos, & ut ipsum manumittant, fidei eorum committo: quaesitum est, quum uxor ab hereditate abstineret utrum duobus, an filiae praestare debeat: Respondit, filiae, quae heres ex asse extitisse proponeretur, pro solido dandum. Consensit Julianus in *L. qui duobus 23. de cond. & dem.*, Qui duobus hereditibus decem dare jussus est, & fundum sibi habere, verius est, ut conditionem scindere non possit, ne etiam legatum scindatur: igitur quamvis alteri quinque dederit, nullam partem fundi vindicabit, nisi alteri quoque adeunti hereditatem reliqua quinque numeravit, aut, illo omittente hereditatem, ei, qui solus adierit hereditatem, tota decem dederit. Mortis causa capiunt filia & uxor apud Scaevolam, heredesque duo apud Julianum: & tamen filiae, quae ex asse heres extitit, pro solido dandum, inquit Scaevola: atque uno hereditatem omittente, ei, qui solus adierit, tota decem deberi, ait Julianus. Ergo pars deficiens uxoris, quae se abstinuit, heredisque, qui omisit hereditatem, ei, qui adit, adcrevit.

Verum utroque loco qui mortis causa capiunt, heredes sunt: quod plurimum interest; quum enim testator impleri conditionem vult in persona heredum, rationem habere videtur non tam personarum, quam ipsius hereditatis, quae sive ab omnibus, sive ab uno aadeat, est semper eadem. Haec est verisimilior ejus loci interpretatio. Alias apud Bellonum habes in *cit. quaest. 24.*

C A P U T IV.

JUS ADCRESCENDI IN USUFRUCTU.

IN usufructu locum esse juri adcrendi monstrat Titulus *De usufructu adcrecendo*, quem hoc capite interpretabor. Quantum ad jus adcrendi differentiae duae sunt inter usufructum, & proprietatem: unam dat Ulpianus in *L. 1. §. 3. de usufr. ader.*; alteram Papinianus in *L. si Titio 33. §. 1. de usufr.* Ulpianus verba sunt, Interdum tamen, etsi non sint conjuncti (h. e. si re tantum conjuncti sint, non verbis), tamen usufructus legatus alteri adcrevit, utpote si mihi fundi usufructus separatim totius, & tibi similiter fuerit relictus; Nam (ut et Celsus libro octavodecimo Digestorum, & Julianus libro trigesimoquinto scribit) concursu partes habemus, quod in proprietate contingeret; nam altero repudicante, alter totum fundum haberet. Nunc id sequitur, in quo inter usufructum, & proprietatem non

non convenit. Sed in usufructu hoc plus est; quia & constitutus, & postea amissus, nihilominus jus adcrescendi admittit: Omnes enim auctores (h. e. Sabiniani & Proculiani, uti recte in hunc locum Gothofredus) apud Plautium de hoc consenserunt: Et (ut Celsus, & Julianus eleganter ajunt) usufructus quotidie constituitur & legatur: Non ut proprietates eo solo tempore, quo vindicatur. Quum primum itaque non inveniet aliter eum, qui sibi concurrat, solus utitur in totum: Nec refert, conjunctim, an separatim relinquatur. Proprietates concursu semel quaelita ad heredes deficientis transmittitur, L. un. §. . . C. de cad. toll., nam quo primum tempore acquiritur, perfecte & in omne tempus adquiritur, ac, si de ea Dominus aliter non statuatur, certe ad heredes transit. Usufructus concursu quaelitus, tum deficiente fructuario amissus adcrescit conjuncto, quum quia usufructus tanquam servitus personae heredes non sequitur, tum quoniam non semel & in omne tempus acquiritur, sed pro eo tantum tempore, quo quis utitur fruitur, ita ut quot sunt dies, & vero etiam momenta, tot esse legata videantur: Atque hoc est, quod ait Ulpianus, usufructum quotidie constitui, & legari: Interdum etiam in proprietate pars quaelita, & amissa adcrescit, veluti si pluribus Princeps communiter donaverit, nam si quis eorum nullo herede decesserit, ejus pars ad consortes pertinet excluso fisco, L. un. C. si liberalis. imperial. soc.: aut si quis heredum, quod voluntati testatoris non paruit, jam adita hereditate privetur; nam pars ei ademta coheredibus adcrescit, Nov. 1. cap. 1. §. 1. Alios nonnullos casus habes apud Dnarenum Lib. 1. de jur. adcresc. cap. 21. Papiniani verba sunt: Usufructum in quibusdam casibus non parvis effectum obtinere convenit: Unde si fundi, vel fructus portio petatur, & absolute sequuta, postea pars altera, quae adcrevit, vindicetur; in lite quidem proprietatis, judicatae rei exceptionem obflare, in fructus vero non obflare scribit Julianus: Quoniam portio fundi, veluti alluvio, portioni; personae fructus adcreveret. In proprietate pars partit: In usufructu pars adcrescit personae. Hinc illa juris adcrescendi divisio in reale, & personale. Sunt quidem sexcenti Librorum juris loci, quibus pars etiam quantum ad proprietatem adcrescere dicitur personae conjuncti: verum hoc perinde accipiendum, quasi scriptum, eam adcrescere propter partem, quae est penes eum, nam non alias adcrescit conjuncto, quam si hic partem habeat. Nunc superscripta Papiniani verba explicemus. Usufructum in multis casibus partem dominii esse ait Paulus in L. 4. D. de usufr. Ita reo in fundum obligato recte accipitur fidejussor in usufructum, L. si a reo 70. §. 2. de fidejuss., quia fidejussor accipi in partem potest, L. fidejussores 9. D. eod. Sunt & alii similes casus, quos proponit Cujacius in cit. L. 33. §. 1. Contra in quibusdam casibus non obtrine partis, seu dominii effectum, inquit Papinianus proposito hoc uno casu. Fundi partem petii, & absolutus est is, unde petii: Tum repudiatione collegatarii altera pars adcrescit. Hanc alteram partem si petam, obstat mihi exceptio rei judicatae; nam fundi pars partem sequitur, & parti adcrescit: Haec autem non est penes me. At si petii partem usufructus, & non obtinui, tum pars altera deficiat, & petam, non obstat mihi exceptio rei judicatae, quia usufructus hoc casu non est pars dominii, non habet effectum partis, quae partem sequitur, quae parti adcrescit, sed jus personae est, quod

quia pro conjuncto est, qui in conjuncti locum succedit, & rem habet. Atque hoc ipso Ulpiani loco refellitur prius Cujacii argumentum; quis enim adduci potest, ut credat, testatorem voluisse fisco dari hereditatem? Fisco, emtori, aliæ singulari successori, qui rem habet, Lex ipsa pro suo in bona civium imperio dat hereditatem, legatumve: Neque id novisse videtur testator, qui, quum id velle debuerit, quod vult Lex, in quam consensit, id voluisse intelligitur. Nec posterius Cujacii argumentum quidquam valet, nam certi juris est, ea, quæ accessiohis loco sunt, rei, cui accedunt, venditione comprehendi, *L. Julianus 13. §. si quid servo 18. de action. emt.*: adcrecentem autem partem accessionis loco esse, non dubitatur. Et scite Ulpianus in *cit. L. 2. §. 1.* ait *plerumque*, quo verbo aliquot regulæ casus eximit, ac certe excipit accessiones. Quod vero idem Ulpianus scribit in *cit. L. 4. §. 2.* videsi possidere eum, qui hereditatem vendidit, id ego admittendum reor in casu edicti *Si quis omisissæ causæ testamenti*, quod Ulpianus interpretatur eo loco. Novissime moneo separandas esse hereditates a legatis, fideicommissis, aliisve rebus, quæ nobis obveniunt titulo singulari; quoniam enim heres vendita hereditate non desinit esse heres, receptor sententia fert, partem deficientem directo adcrecentem venditori, utiliter autem emtori, cui est a venditore inferendum quidquid inde cepit emolumentum, ut latissime Bellonius *cit. cap. 7. qu. 67. a num. 29.* Quod si agatur de usufructu, pars deficiens venditori semper adcrecit.

C A P U T V.

JVS ADCRESCENDI EX LEGE:

AD ultimum hoc Partis V. Caput rejeci conjunctionem, quam nostri didant *legalem*, namque ex mera Lege est. Finge scriptum heredem servum duorum, aut servo duorum legatum fideicommissumve relictum: Hoc, illove casu res per servum venit ad plures, qui sola Legis potestate ad hereditatem, legatum, fideicommissumve vocantur. Finge etiam relictum uni legatum, hunc autem post diem cedentem, sed non dum adgnitum legato mori duobus heredibus relictis, ad quos legatum vi sola juris transmittitur, *L. si post diem 5. pr. D. quando dies leg. ced.* Hoc quoque casu res per unum mera juris potestate venit ad duos, quorum potest alter partem suam acquirere, aliter suam repudiare, *L. legatarius 38. pr. de leg. 1.* Et inter plures unus legatarii heredes locum habere jus adcrecenti ex Lege, qua non dum adgnitum legatum transmittitur, nulla dubitatio est: Nec ambigendum, habere quoque locum inter plures dominos servi heredis scripti, si hic unius eorum jussu adierit hereditatem. *Servus communis*, verba sunt Ulpiani in *L. servus 67. de adq. her.*, ab extero heres institutus, si jussu unius adierit hereditatem, pro majore parte interim heredem eum facit, quam pro dominica: deinde ceteris sociis non jubentibus tacito jure partes ei adcrecent: Cujus rei ratio est, ne alioqui testator ex parte testatus, ex parte intestatus decedat. De eo magnis animis disputatur, num,

num, quoniam cessat ea ratio in legatis, fideicommissive singularibus, sit inter dominos, jus adcrendi, si sint servo communi relicta: & non esse sensit Proculus, quem uterque Celsus pater, et filius sequutus est: Ita Celsus filius in L. & Proculo 20. de leg. 2. Et Proculo placebat, & a patre sic accipi, quod servo communi legatum sit, si alter dominorum omittet, alteri non adcrederet, non enim conjunctum, sed partes legatas, nam ambo si vindicarent, eam quemque legati partem habiturum, quam in servo haberet. Contra sensit Julianus, cui Ulpianus subscripsit in L. 1. §. 1. de usufr. ader. Denique apud Julianum libro trigesimo quinto Digestorum queritur, si communi servo usufructus sit relictus, & utrique domino adquisitus; an altero repudiante, vel amittente usufructum, alter tantum habeat. Et putat, ad alterum pertinere: Et licet Dominis usufructus non aequis paribus, sed pro Dominis adquiratur; tamen persona ejus, non Dominorum, inspecta ad alterum ex Dominis pertinere, non proprietati accedere. Quod vetus interpretes Johannes, ac plerique eum sequuti ajunt, loqui Ulpianum de usufructu, Celsum de proprietate, ac proinde in usufructu jus adcrendi esse inter servi communis Dominos, in proprietate non esse, id ipsi Celsus, & Ulpianus non patiuntur. Id Quod servo communi legatum sit apud Celsum, quodque pro ratione decidendi mox sequitur, non enim conjunctum; sed partes legatas, possunt aequae ad usufructum aequae ad proprietatem referri in Ulpiano non nego nominatim de usufructu loqui, sed subicit tamen is rationem proprietati communem. Recte Cujacius in cit. L. 20. a Juliano dissensisse inquit Celsum, qui saepe ab aliis dissidet. Et vero quae in cit. L. 20. adfertur ratio, ea refellitur in cit. L. 1. §. 1. Sunt igitur ista Pandectarum loca veteris dissidii reliquiae a Triboniano in libris Justinianaeis per imprudentiam relictæ. Proculus, & uterque Celsus in hac controversia personas Dominorum, partesque Dominicas non aequas spectabant; Julianus, & Ulpianus servum ipsum, cuius unius vice plures domini funguntur. Sed tum & idem Tribonianus Pandectis inseruit D. Pii rescriptum, quo tandem finita lis fuit. Extat illud in L. Plautius 40. ad L. Pale, ubi Paulus primum ex Cassii sententia scribit, quod servo heredis, & alterius legatur, totum ad socium pertinere, quia in persona heredis consistere non potest: Deinde haec subicit, Cassii sententia utimar, nam & D. Pius rescripsit, servo communi fideicommissum datum totum ad socium pertinere.



C O M M E N T A R I I P A R S Q U I N T A

DE CAUSSIIS, IN QUIBUS CESSAT JUS ADCRESCENDI.

Multae sunt causssae, in quibus cessat jus adcrescendi. Sunt autem quae sequuntur.

C A P U T I.

CONTRACTUS.

DE jure adcrescendi in contractibus latissime disputat Bellonus *cap. 6. qu. 32. 33. 34. 35. ac 36.* Eorum, quae iis capitibus ex recepta nostrorum sententia proponuntur, summa haec est, jus quidem non decrescendi esse in contractibus, si idem in solidum debeatur duobus, horumque unus non concurrat, *L. 2. de duob. reis*: jus autem, quod proprie dicitur adcrescendi, esse itidem in contractibus, quorum causa est onerosa, *arg. L. fundus 64. de contr. emt.* In iis, quorum lucrativa est causa, non esse. Ego nec jus adcrescendi, nec jus decrescendi in contractibus adgnosco. Duo sunt, quibus moveor, alterum, quod quum permulti sint Librorum juris loci, quibus agitur de jure adcrescendi, quo vocabulo ante tempora Justiniani jus etiam non decrescendi comprehendebatur, nullus sit eorum, quo non de minimis tantum voluntatibus hominum agatur: hinc, quod Justinianus in *L. un. C. de cad. toll.* postquam multa cavetat de jure adcrescendi haec habeat §. 14., *Haec autem omnia locum habere censemus tam in testamentis, quam in edicillis, & omni ultimo velogio, vel si quid ab intestato fuerit relictum, nec non in mortis causa donationibus*: quae verba jus adcrescendi in contractibus prorsus excludunt: quumque ea verba praeceat non solum juris adcrescendi, sed & juris non decrescendi tractatus, patet huic aequae, atque illi locum in contractibus non esse. Non obstat quod inquit Javolenus in *cit. L. 2.* quum duo eandem pecuniam stipulati sunt, ipso jure singulis solidum deberi: nec quod idem scribit in *cit. L. 64.* si fundum mihi & Titio etiam personam Titii supervacuo accipiendam, ideoque totius fundi emptionem ad me pertinere: nam priore casu ut solidum singulis debeatur: posteriore ut totus ad me pertineat fundus, non facit jus sive non decrescendi, sive adcrescendi, sed natura ipsa rei. Priore casu creditor si solidum exegit, id non cogitur eum correo communicare (qua de re Vinnius in §. 2. *Inst. de duob. reis stip.*), tantum abest, ut possit plurium concursus fieri: quod sive de jure adcrescendi, sive

sive de jure non decrescendi agatur, est omnino necessarium: Posteriori casu est quoque verum, concurrere Titium non posse, & secundum ipsius rei naturam est, ut qui unus uno pretio emit, ad eum unam solidus fundus pertineat.

C A P U T II.

SERVITUS INDIVIDUA

IN Titulo Digestorum *De usufructu adcrecendo* solius usufructus mentio fit; contra in Titulo Digestorum *De usu & usufructu & habitatione & operis per legat. vel fideicommissi. datis* aliae etiam servitutes cum usu fructu conjunguntur. Est id argumento, jus adcrescendi esse in sol^o usufructu, in aliis servitutibus non esse. Et ita quidem postulat ratio juris. Solum usufructum dividi: ceteras servitutes esse individuas ait Paulus in *L. 1. §. si usufructus 9. ad L. Falcid.*: in re autem individua locus esse non potest juri adcrescendi, nam partes concursu fieri non possunt. Et non solum jus adcrescendi, sed & jus non decrescendi in individuis cessat, nam non decrescere est non diminui, quod minui tamen poterat. Ut igitur singulis tota servitus debeatur, id non jus non decrescendi, sed ipsa rei natura facit. Accedit, quod individua servitus pluribus relicta non una est, sed multiplex. *V. Bellon. cap. 6. quaest. 42.*

C A P U T III.

CONTRARIA TESTATORIS VOLUNTAS:

Juris adcrescendi causam esse voluntatem, aut hominis, aut legis; abunde est *Princip. hujus Comm.* demonstratum: & voluntatem quidem hominis, si non admissio jure adcrescendi nullum in jure absurdum sequatur, ut in legatis, fideicommissive contingit: voluntatem autem legis, si & non admissio, aliquid sequatur absurdi, uti contingit in hereditatibus, quas jus nostrum non patitur ex testamento, & ab intestato simul deferri. His consequens est, posteriore hoc casu non posse voluntatem hominis facere, ne juri adcrescendi sit locus, namque homini non alias testari permittitur, quam si testatur secundum regulas juris civilis, *L. si quaeramus 4. D. qui testam. fac.*; priore illo cessare jus adcrescendi, si id malit testator: nec interesse, num voluntatem istam suam expressim declararet, an idoneum aliquod ejus indicium faciat, veluti si substituat legataria, quem cum aliis conjunxerat. Adeo autem verum est posse testatorem, si nihil sequatur absurdi, jus adcrescendi prohibere, ut prohibere id etiam possit in ipsis hereditatibus, si plures duobus scribat heredes, horumque uni adcrecere partem vetet, nam si duorum aliorum unus deficiat, hujus pars alteri adcrecit, qui testamenti causam metur.

Illud

Illud venit in quaestionem, num, si testator jus adcrescendi prohibeat contra leges prohibitio vetetur, an testamentum. Veteres juris interpretes apud Bellonum *cap. 10. quaest. 17.* plures casus fingunt, quorum non unam esse rationem putant. Ego, siue testator heredem universalem scribat certa re excepta, siue scribat heredem ex certa hereditatis parte, huiusque adcrescere reliquam vetet, siue ex re certa heredem scribat, & jus adcrescendi prohibeat, (quos illi casus fingunt) prohibitionem salvo testamento vitari contendo. Movet me locus Licinii in *L. si ita 74. de her. inst.* Si ita quis heres institutus fuerit, excepto fundo, excepto usufructu heres esto, perinde erit jure civili, atque si sine ea re heres institutus esset. Qui fundum, aut usufructum excipit, hunc, illumve prohibet adcrescere: & nullam prohibitionis ipsius vim esse, ait Rufinus. Me itidem movet Imperatorum Severi & Antonini rescriptum apud Marcianum in *L. si quis 29. ad Trebell.* Imperatores Severus & Antoninus Coccejo Campano. Testamentum secundo loco factum, licet eo certarum rerum heres scriptus sit, jure valere, perinde ac si rerum mentio facta non esset, sed teneri heredem scriptum, ut contentus rebus sibi datis, aut suppleta quarta ex lege Falcidia, hereditatem restituat sic, qui priore testamento scripti fuerunt, propter inserta fideicommissaria verba, quibus, ut valeret prius testamentum, expressum est, dubitari non oportet. Et hoc ita intelligendum est, si non aliquid specialiter contrarium in secundo testamento fuerit scriptum. Qui heredem scribit ex re certa, adcrescere ei reliquam vetat, maxime quum expresse vult valere prius testamentum, quo alter institutus est heres, & certe illius rei mentionem pro non facta esse, ac proinde non valere prohibitionem Imperatores rescribunt. Quae autem est ratio, cur herede scripto ex asse excepta re certa, aut herede ex certa tantum re scripto, prohibitio juris adcrescendi non valeat, ea ipsa ratio est, cur non debeat valere, si ex certa hereditatis parte sit scriptus. Periculum est autem, quod contrariae sententiae auctores reponunt. Novissima Marciani verba, & ita intelligendum est &c. accipiunt illi hoc sensu, posterius testamentum perinde ac si non sit facta certarum rerum mentio, valere, si non aliquid in eo scriptum sit contra ipsius testamenti vim, h. e. nisi specialiter & expresse inserta sit prohibitio juris adcrescendi: quo casu non valere posterius, ac proinde prius non tolli ajunt.

Ad Imperatorum, & Marciani verba animum attendenti patebit, & specialiter contrarium non referri ad vim ipsius testamenti, sed ad onus restitutionis; Marciani enim verba, Et hoc ita intelligendum est &c. iis Imperatorum verbis adnectuntur, quibus de hereditate agitur heredibus priore testamento scriptis restituenda. Est igitur haec illorum sententia, heredem secundo testamento scriptum certis rebus sibi datis contentum restituere debere heredibus primo scriptis hereditatem, subaudi totam, si non aliquam ejus partem specialiter aliis eum restituere voluerit testator. In Severi, & Antonini rescripto pro Campano, ut in ipsis Florentinis Pandectis legitur, est omnino legendum Campano. Vide A. Augustinum De nomin. propr. Pandect. cap. 3. Porro quae dicitur quarta ex lege Falcidia, ea est Trebellianica. Eadem abutio est in *L. 1. §. 19. ad Trebell.*, aliisque multis ejus Tituli locis.

Ex dictis conficitur, falsum esse quod ex receptiore nostrorum sententia docet Bellonus *cit. cap. 10. qu. 18. a num 5.*, testatorem, qui heredem certa re contentum esse jubet, sicque prohibet jus adcrefcendi, id velle videri, ut reliqua hereditas ex fideicommissio restituitur, quibus esset deferenda ab intestato. Huic opinioni aperte adversatur duplex ille, quem transcripti, Licinii Rufini, ac Marciani locus. Et locus quidem Marciani facit, ut eo tantum casu opinionem ipsam jure possis tueri, si qua sint inserta in hujus illiusve personae gratiam verba fideicommissi. Favere non possum, quia adscribam sane pulcrum Papiniani locum in *L. peto 69. pr. de leg. 2.*, *Peto Luci Titii contentus sis centum aureis, fideicommissum valere, placuit; idque rescriptum est.* Quid ergo si quum heredem ex parte instituisset, ita loquutus est, *Peto, pro parte tua contentus sis, Luci Titii, centum aureis?* Petere poterunt coheredes partem hereditatis, retinente sive praecipiente, quo contentum esse voluit defunctus. Sine dubio facilius est hoc probare, quam probari potuit illud, quum ibi (h. e. in primo exemplo) fideicommissum petatur ab his, cum quibus testator non est loquutus. Idem dicemus si cum ex asse scripsisset heredem, ejus gratia, qui legitimus heres futurus esset, ita loquatur: *Peto pro hereditate, quam tibi reliqui, quae ad fratrem meum jure legitimo rediret, contentus sis centum aureis, Lucius Titius, quem primum alloquitur testator, non heres est, qui fideicommissio oneratur, sed is, qui honoratur fideicommissio: Neque est is idem Lucius Titius, quem dein alloquitur.* Est hic heres ex parte scriptus, qui verbis illis *peto pro parte tua contentus sis centum aureis* intelligitur rogatus reliquam partem coheredibus restituere. Principio verba fideicommissi ad eum dirigigi oportebat, quem onerabat testator, non ad eum, quem honorabat: tum dirigi verba etiam ad eum, qui honorabatur, ut in primo Papiniani exemplo, permixtum est Constitutionibus Imperatorum, quod spectant *Tō placuit, ac Tō rescriptum est.* Quoniam autem juris ratio postulat, ut verba ad eum potius dirigantur, qui oneratur, recte inquit Papinianus, *facilius esse hoc probare* (id est fideicommissum in secundo, quod proxime praecit, exemplo propositum verbis ad heredem directis) *quam probari potuit illud* (id est fideicommissum propositum in primo exemplo verbis ad fideicommissarium ipsum directis) *quum ibi* (id est in primo illo exemplo) *fideicommissum petitur ab his* (hi sunt quibuscum agitur, non qui agunt) *quibus testator non est loquutus, id est, quos nominatim non oneravit.* Caepit tandem utiliter relinqui fideicommissum directis ad eum verbis, qui neque oneratur, neque honoratur: Ejusque exemplum est apud eundem Papinianum in *L. quom pater 77. §. donationis. 26. eod.* subiecta ea ratione, non enim quaei oportet, cum quo de supremis quis loquatur, sed in quem voluntatis intentio dirigatur, h. e. cujus gratia testator iis verbis utatur: cui & illud est consequens, in casu, in quo versamur, non alias posse in gratiam legitimorum heredum induci fideicommissum, quam si adpareat, testatorem in eos direxisse voluntatis intentionem, ut in tertio illo Papiniani exemplo, *Peto pro hereditate, quam tibi reliqui, quae ad fratrem meum jure legitimo rediret, contentus sis centum aureis, ubi expressa heredis legitimi mentio facit, ut in ejus gratiam inducatur fideicommissum: tantum abest, ut herede scripto ex re certa, adjecta prohibitione juris adcrefcendi, restituenda sit hereditas.*

ditas iis ; quibus esset ab intestato deferenda . Antequam a Papiniano abeam , moneo , aliud esse *relinere* , aliud *praecipere* . Retentio , inquit elegantissime Cujacius , est facti : Praeceptio sit beneficio actionis . Moneo etiam , hereditates , quae deferuntur ab intestato , recte dici *redire* , quia ad eandem familiam , agnationemque recurrunt , ad quam vel ante obitum ultimij possessoris pertinere bona videbantur . Vide a nobis scripta de hac re *Inst. repetitae praelectionis* Tom. 2.

C A P U T VI.

MILITARE TESTAMENTUM.

Q UOD in militari testamento nuda hominis voluntas spectatur , certi juris esse debet , in eo esse jus adcrescendi , si miles velit , non esse , si nolit . De eo dubitatur , num , si nihil expresserit miles , sit in ejus testamento , ut in testamento pagani , locus juri adcrescendi . Et non solum in legatis , fideicommissive , sed etiam in hereditatibus jus illud adcrescendi locum habet , quod ex sermone testatoris esse dixi *Princip. hujus Comm.* , quippe quod non juris necessitas inducit , sed conjectura voluntatis , cujus eadem vis est in milite , quae in pagano . Et quantum ad legata , id non obscure docet Marcellus in *L. si miles 31. D. de test. mil.* , Si miles Titio & Sejo servum legaverit , & eum Titius manumisset de liberante Sejo , moxque is legatum omisset , liberandum fore dico . Titius servum sibi , ac Sejo legatum solus manumittens nihil agebat . Et temporibus quidem Marcelli si quis servum communem sine consensu socii manumittebat ; pars ejus amittebatur , & socio adcrefcebat : Quod primus mutavit Justinianus in *L. 1. C. de comm. serv. man.* , sed omittente legatum Sejo , servum fore liberandum ait Marcellus . Quid ita ? Quia pars socii deficiente Titio adcrefcebat . Idem jus esse de jure adcrescendi hereditario , quod ex sermone testatoris , seu ex conjunctione est , eadem juris ratio evincit . Quod si militemingas castrensia bona a non castrensihus separasse , & aut unum castrensium , alterum non castrensium heredem instituisse , aut de alterutro tantum bonorum genere statuisset , verius est , nullum fieri locum juri adcrescendi , quum enim mori miles possit ex parte testatus , ex parte intestatus , cessat utroque casu necessitas illa juris , quae deficiente conjunctione , atque adeo conjectura voluntatis sola inducit jus adcrescendi . Confirmant id multi juris loci . Primus est in *L. de hereditate 19.* (in *Vulgatis deest* *Tô. de (V. Alciat. Disp. Lib. 4. c. 17.) §. filiusfam. 2. D. de eastr. pec.* , ubi Tryphoninus , Filius familias paganus de peculio castrensi fecit testamentum : Et dum ignorat patri se suum heredem exiisse , decessit . Non potest videri pro castrensihus bonis testatus , pro paternis intestatus decessisse : Quamvis id in milite etiam nunc rescriptum sit : Quia miles ab initio pro parte testatus , pro parte intestatus potuerat mori : Quod jus iste non habuerit : Non magis quam sine observatione legum facere testamentum . Necessario ergo castrensis peculij heres scriptus universa bona habebit , perinde ac si pauperrimus factio testamentum decessisset , ignorans se locupletatum per servos alio loco agentes .

res. Loquitur Tryphoninus de veterano, h. e. de eo, qui fuit miles, huncque militi opponit: Et veteranum inquit mori non posse pro parte testatum, pro parte intestatum, utitur enim is jure communi §. 3. *Infl. de mil. test.*, militem posse jure singulari. Quoniam autem ex eo, quod mori veteranus non potest ex parte testatus, ex parte intestatus, colligit Tryphoninus, heredem ex certa re scriptum ex asse heredem esse, tacitus monet aliud jus esse, si non veteranus, sed miles de castrensis tantum bonis testetur.

Secundus multo luculentior est in *L. filius qui patri* 42. §. 1. *D. de bon. libert.*, ubi Papinianus, *Castrensiū bonorum Titium libertus heredem facit, cæterorum alium. Adita est a Titio hereditas. Magis nobis placet, nondum patronum bonorum possessionem contra tabulas potere posse. Verum illa quaestio intervenit, an omitte e eo, qui reliqua bona accepit, (destinatione defuncti, non re ipsa) perinde Titio adreſcant, ac, si partem ejusdem hereditatis accepisset). Vides, castrenſia, & non castrenſia duas potius duorum hominum hereditates esse, quam unam minus, qui de re mox), verius mihi videtur intestati jure deferri bona cætera. Titius igitur heres non poterit invitare manumissorem, cum Titio nihil auferatur, nec cæteris bonis, quæ nondum ad causam testamenti pertinent. Ratio, cur adita a solo herede castrenſium hereditate non dum competat patrono bonorum possessio contra tabulas, hæc est, quia in bona castrenſia nec patrono, nec patri præterito ea possessio datur: Estque hoc inter privilegia militum, *L. si milite* 29. §. ult., & *L. 30. de milit. test.* Ergo in bona non castrenſia competit ea possessio patrono; sed expectare is debet, ut non castrenſium heres adeat, namque hic antequam adeat non est heres: illi autem possessio competit contra heredem, non, ut filio præterito, contra ipsum testamentum: Cujus differentiæ rationem hanc sane pulcram reddit Cuiacius in *cit. L. 42. §. 1.*, quia bonorum possessio, quæ datur filio præterito, aſſem persequitur: Quæ datur patrono, persequitur certam partem tantum, puta semissem, vel hodie trientem: Unde partienda hereditas est inter heredem scriptum, & patronum, & consequenter heredem prius esse oportet, cum quo partiatur patronus, cui, si heres scriptus repudiet, non certæ partis, sed aſſis possessio dabitur ab intestato, *L. si libertus* 23. *de bon. libert.* Jam omitte e eo, qui non castrenſium bonorum scriptus est heres, hæc ait Papinianus intestati jure deferri, subaudi patrono per bonorum possessionem unde legitimi, non enim casus exitit bonorum possessionis contra tabulas; sicque libertum militem excluso jure adreſcendi ex parte testatum, ex parte intestatum mori. Explicanda nunc est postrema Papiniani textus particula. Non posse inquit Papinianus Titium heredem castrenſium invitare manumissorem, h. e. patronum, quum nihil Titio auferatur. Sensus est non posse Titium efficere, ut petere patronus possit bonorum possessionem contra tabulas, cui secundum ea quæ dicta sunt, in bonis castrenſibus non est locus. Addit Papinianus, nec Titio castrenſiam heredi quidquam posse patronum auferre, nec cæteris bonis non castrenſibus, licet in his esse locus posset bonorum possessioni contra tabulas, quia bona ista non castrenſia ad testamenti causam nondum pertinent. *Tô non dum positi nonnulli putant pro non*: Cujus significationis vix est ut ullum possit idoneum exemplum pro-*

proferri. Ego nativam ejus vocis significationem retineo, qua significatione initio textus eadem voce usus est Papinianus, ejusque vocis argumento arbitror Papinianum, qui principio heredem non castrensem adhuc deliberantem sinxerat, tum eum sinxit hereditatem omisisse, in postrema textus particula ad primam hypothesein redisse. Papiniani sententia haec est, non posse patronum quidquam auferre ex castrensis bonis, quia horum causa deliberante non castrensem herede in suspenso est, & non adita ab eo hereditate, deferuntur jure intestati: quo casu locum habet bonorum possessio unde legitimi, non bonorum possessio contra tabulas. Mirum quam male fuerit locus iste Papiniani a veteribus acceptus. Sequuti sunt illi vulgatam lectionem plane mendosam. In vulgatis libris legitur, *ab intestato adita est a Titio hereditas*. Tò ab intestato non est in Pandectis Florentinis, nec potest rei convenire, quam Papinianus proponit. Porro in vulgatis libris legitur, *Titius igitur heres non poterit evitare manumissorem, quam Titio nihil auferatur in certis bonis*, quam lectionem Florentini Codicis auctoritas, non patitur, multoque minus quod subjicit Papinianus, *quae non dum ad causam testamenti pertinent*; nam si legas in certis bonis, haec esse dicas necesse est bona Titii, & castrensia, de quibus diu nullo modo potest, quod de iis dicitur, non dum pertinere ad causam testamenti.

Tertius est in L. 1. C. de test. milit. ubi Imp. Antoninus, *Frater tuus miles si te specialiter in bonis quae in paganis habebat, heredem fecit; bona quae in castris reliquit, petere non potes, etiam si is, qui eorum heres institutus est, adire ea noluerit; sed ab intestato succedentes veniunt, modo si in ejus locum substitutus non es, & liquido probetur* (in antiquo manu rescripto A. Contii rectius legitur *probatur*, sicque legendum probat. Tò ea, quod praestitit) *fratrem tuum castrensia bona ad te pertinere noluisse; nam voluntas militis in expeditione occupati pro jure servatur. Quid clarius? Jure quidem substitutionis, non jure adcrescendi castrensia bona ad heredem non castrensem pertinere*. Antoninus rescribit. Illud est in obscuro, quod post Tò si in ejus locum substitutus non es ait Imperator, *& liquido probetur, fratrem tuum castrensia bona ad te pertinere noluisse*. Quo heres in bonis paganis scriptus a legitimis heredibus excludatur, non est satis, non fuisse eum heredi in castrensis scripto substitutum; sed & liquido probari ab heredibus legitimis est opus, noluisse militem castrensia bona ad eum pertinere. Quid autem magis absurdum, quam ab intestato succedentibus imponi onus probandi, id militem noluisse? Onus probandi, voluisse militem, ut hereditas ab uno omnia alteri adcreseat incumbere debere heredi scripto, illud est argumentum, quod facta a milite bonorum separatione contra heredem scriptum est omnino praesumendum. Si duobus, verba sunt Pauli in L. 37. de test. mil., *a milite liberto scriptis heredibus alter omiserit hereditatem, pro ea parte intestatus videbitur defunctus decessisse, quia miles & pro parte testari potest, & competit patrono ab intestato bonorum possessio unde legitimi*. Ecce tibi regulam juris heredi scripto contrariam. Continuo sequitur heredis exceptio in haec verba, *nisi si haec voluntas defuncti probata fuerit, ut omittente altero ad alterum vellet totam redire hereditatem*: Oñis autem probandi exceptionem ei, qui excipit, ac proinde heredi incumbere non dubitatur. Et certe cum Paulo Jurisconsulto sentiendum. Nec

mo-

moveor rescripto Antonini in speciem contrario, quamvis optimorum quorumque interpretum ingenia exereuerit, & nominatim Duaren in *tit. D. de milit. test. cap. 6.*, ac Donelli in *cit. L. c. Verba & liquido probatur* &c. nullum probandi onus imponunt succedentibus ab intestato, sed praesumptionem continent ex ipso testamento pro legitimis heredibus nascentem, quasi scripserit Antoninus, quoniam non es substitutus, & ex ipsa bonorum separatione liquido probatur, voluisse militem pro parte intestatum mori, ideo bona, quae in castris reliquit, petere non potes: Cui interpretationi favet lectio Contiani illius manuscripti.

Antonini rescripto in *cit. L. 1. adnendum est alterum ejusdem Antonini rescriptum in L. 2. C. eod. in haec verba, Miles, si castrensiū tantummodo bonorum commilitonem suam instituit heredem, caetera bona ejus ut intestati defuncti mater ejus jure possidebit. Quod si extraneum scripserit heredem, isque adiit hereditatem, bona ejus in te transferri, non jure desideras. Prior istius rescripti pars illud idem probat, quod tribus juris locis jam satis probatum est: Nec *Tō tantummodo* esse argumento potest, hoc uno casu excludi jus adcresecendi, si quam testator adponat ex iis particulis, quas nostri *taxativas* dicunt: Primum enim *Tō tantummodo* magis videtur esse Imperatoris, quam testatoris: Deinde castrensiū, & non castrensiū bonorum distinctio, aut expressa horum tantum illorumve commemoratio facit, ut ea particula subaudiamur. Quoniam autem in priore rescripti parte, qua jus adcresecendi excluditur, heres est commilito: In posteriore heres est extraneus, videtur referre, num commilito, an extraneus, h. e. non commilito heres instituitur: Quod veteribus nonnullis teste Accursio visum. Sed certe Antoninus in priore rescripti parte commilitonis meminit, in posteriore meminit extranei, quia ita casus inciderat: Filius miles commilitonem ex castrensibus, extraneum ex non castrensibus heredem instituerat. Rescripsit Imperator, si extraneus adiit, nullum matris jus esse, successuram autem ab intestato, si solum commilitonem ex certo bonorum genere instituisset. Fortasse Antoninus minus scripsit, plus voluit. Scribere is voluit. Quod si etiam extraneum, h. e. non solum commilitonem ex castrensibus, sed & extraneum ex non castrensibus scripsit heredem. Et vide quae nunc animum subeat conjectura scripsisse Antoninum puto, quod si etiam extraneum, scriptum autem initio & pro etiam, tum *Tō* & omisum a librariis, quas primae sequentis vocis litterae deceperunt.*

Quartus juris locus est in *L. si certarum 17. §. 1. de test. milit.*, ubi haec sunt Gaji verba, Julianus etiam ait, si quis alium castrensiū rerum, alium caeterarum scripserit, quasi duorum hominum duas hereditates intelligi, ut etiam in aes alienum, quod in castris contractum esset, solus is teneatur, qui castrensiū rerum heres institutus esset: Extra castra contracto aere alieno is solus obligetur, qui caeterarum rerum heres scriptus esset. Cui scilicet conveniens videtur respondisse, ut ex quaqua caussa debeatur militi, vel huic heredi, vel illi, ipso jure debeatur. Res castrenses uni, non castrenses alii relictæ quasi duas faciunt duorum hominum hereditates: Quo fit, ut inter eos non sit familiae erciscundae judicium, quasi non sint coheredes, *L. heredes 25. §. 1.*

fam.

fam. etc. : In diverſis autem hereditatibus , & inter non coheredes , locus eſſe juri adreſcendi non poteſt .

Diſtis videtur obſtare ejusdem Antonini reſcriptum in *L. quamquam 3. C. de teſt. mili.* *Quamquam militum teſtamenta juris vinculis non ſubjiciantur, quum propius ſimplicitatem militarem, quomodo velint & quomodo poſſint, ea facere his concedatur; tamen in Valeriani quondam centurionis teſtamento inſtitutio etiam jure communi accepit auctoritatem; nam quum paterfamilias filiam ex duabus unciiis, uxorem ex uncia heredes ſcripſerit, nec de reſiduis portionibus quidquam ſignificaverit; in tres partes diviſiſſe eum adparet hereditatem; ut duas habeat, quae ſextantem accepit; tertiam, quae ex uncia heres eſt inſtituta. Uxor & filia, quamvis haec ex duabus tantum unciiis, illa tantum ex una ſcriptae heredes, totam jure adreſcendi capiunt hereditatem. Sed aliud eſt unum caſtrenſium, alterum non caſtrenſium heredi ſcribere, aut de uno tantum genere bonorum ſtatueri nulla aliorum bonorum mentione facta: aliud ex una, pluribuſve unciiis aſſem non explentibus facere heredem. Res caſtrenſes, vel non caſtrenſes ſunt certae res: unciae vero non certae res ſunt, ſed certae partes hereditatis. Et recte ſcribit Peretius in *Tit. C. de teſt. mili. num. 13.*, partem eſſe juris, rem facti, quia qui rem certam dicit, is rem dicit ab omni alia re ſeparatam: qui dicit partem, is rem dicit, quae intelligi non poteſt, niſi cum toto conjuncta. Miles, qui ex certa tantum re ſcribit heredem, ad hunc pertinere non vult reliquum hereditatis: quod jure ſingulari poteſt velle. Contra miles, qui ex una pluribuſve unciiis aſſem non explentibus unum pluſve heredes facit, videtur teſtari jure communi; quo licet duodecim unciae aſſem faciant, liberum teſtatori eſt aſſem redigere ad pauciores eo numero uncias, & vero etiam ad unam, eo, quod hereditatis eſt reliquum, uni pluribuſve heredibus pro hereditariis portionibus tacite adreſceme, §. 5. & 7. *Inſt. de her. inſt. & L. interdum 13. §. 1. 2. & 3. D. eod.**

Non videtur explicari alias poſſe Antonini reſcriptum in *cit. L. 3.* Verum ecce novus nobis obex occurrit. Apud Tribonianum in *cit. §. 5.* ſcriptum eſt, *Tot unciae aſſem efficiunt, quot teſtator voluerit, & ſi unum tantum quis ex ſemiſſe heredem ſcripſerit, totus tas in ſemiſſe erit; neque enim idem ex parte teſtatus, & ex parte inteſtatus decedere poteſt, niſi ſit miles, ejus ſola voluntas in teſtando ſpectatur.* Exemplum unius heredis ex ſemiſſe ſcripti, & verba illa, *niſi ſit miles &c.* apertiſſime probant, ſi niles heredem ex ſemiſſe ſcribat, alterum ſemiſſem inteſtaui jure deferri, & ſemis tamen non certa res eſt, & facti, ſed quota hereditatis eſt, & juris. Male me habet locus iſte Triboniani. Num verba *niſi ſit miles &c.* exceptionem continent non ejus, quod ibi definiitur, ſed rationis, qua juris definitio firmatur? Ita Gloſſa in *cit. §. 5.* Sed obſtat auctoritas Theophili, qui eum §. enarrans ſcribit, ſi miles heredem inſtituat ex quadrante, legiti-
mos heredes dodrantem accepturos. Num hic erravit, ut non raro alibi, Græcus ille, ut ut magni nominis, interpres? Id ego verius puto quam quod illi putant, qui locum iſtum Inſtitutionum cum Theophilo interpretantur, in ſpecie Antonini uxorem & filiam totam capere hereditatem, non quia unciiis, ex quibus eas Centurio heredes fecerat, reſiduæ portiones adreſcunt, ſed quia hereditatem tribuerat teſtator in partes

res tres, quas per errorem uncias appellavit. Et vero istius interpretationis nullum in ejus rescripti verbis indicium est: quin interpretationem istam illud prorsus excludit, quod ait Antoninus, Centurionis illius testamentum etiam jure communi accipere auctoritatem; jure autem communi unciae, ex quibus unus, pluresve heredes scripti sunt, quamvis non compleant, totum tamen assem comprehendunt, non quia errasse testator creditur, sed quia creditur assem redigere ad eas uncias voluisse.

Restat, ut videamus, num quod de milite unum ex castrensisibus, alterum ex non castrensisibus heredem instituente dictum est, dici itidem debeat de milite, qui quam alia uno, alia alio loco bona habeat, aut alia materna, alia paterna unum ex bonis, quae uno, alterum ex bonis, quae alio loco sunt, aut unum ex maternis, alterum ex paternis instituit heredem. Et a plerisque veterum, quos sequitur Cujacius in *L. qui non militabat* 78. pr. de her. inst., ita traditum est, quamvis bona a bonis loco, aliove modo separantur, nisi castrensis, & non castrensilium mentio fiat, locum esse juri adcrefcendi. Et ita docet non obscure Gajus in *L. si certarum* 17. pr. & §. 1. de test. milit. Si certarum rerum heredes instituunt miles, veluti alium urbanorum praediorum, alium rusticorum, alium caeterarum rerum valebit institutio, perindeque habebitur atque si sine partibus heredes eos instituisset: resque omnes suas per praeceptionem cuique legando distribuisset. Julianus etiam ait: si quis alium caeterarum scripisset: quasi duorum hominum duas hereditates intelligi. Aperte separat Gajus alterum ab altero casu, nempe casum, quo urbani praedia a rusticis separavit miles, a casu, quo castrensia a non castrensisibus separavit. Posteriores hoc casu jura adcrefcendi excludit iis verbis, quasi duorum hominum duas hereditates intelligi: priore illo valere ait institutionem, ac proinde haberi, atque si heredes scripti sint sine partibus: quod significat, tres illos heredis ex aequis partibus scriptos intelligi, quamvis pluri valeant urbana praedia, quam rustica, & pluri haec quam reliqua ex quibus tertius est scriptus heres. Huc etiam pertinet Papiniani locus in cit. *L. 78. pr.* Qui non militabat, bonorum maternorum, quae in Pannonia possidebat, libertum heredem instituit: paternorum, quae habebat in Syria, Titium Jure semisses ambos habere constituit; sed arbitrium dividendae hereditatis supremam voluntatem salvis adjudicationibus, & interpositis propter actiones cautionibus, sequi salva falcidia, scilicet ut quod vice mutua praestarent, doli ratione quadranti retinendo compensetur. Locum hunc Papiniani multo quam alii, melius explicavit magnus ille Papiniani interpres Cujacius. Finge. Testator bona habens materna in Pannonia, paterna in Siria, horum heredem scripsit Titium, illorum libertum. Hoc casu quamvis materna pluri valeant, quam paterna, tamen duos illos heredes jure semisses habere, sicque ex aequo heredes esse Libertum ac Titium, inquit Papinianus, non enim civile patitur heredes scribi certarum rerum, certorumve honorum. Quod autem de eo loquitur Papinianus, qui non militabat, ex eo ne colligas, aliud jus esse, si miles testetur. Non militantis mentio fit, quia mox sit etiam mentio Falcidiae, cui in testamento militis non est locus, *L. 12. D. de milit. test. & L. 7. C. ad L. Falc.* Verum haec ita cauta sunt jure subtili, quo sensu accipiendum *Tō jure* apud Papinianum, ut rectissime Cujacius. Caeterum judex fami-

familiae herciscundae arbitrer Papiniano dictus supremam testatoris voluntatem sequetur *factis adjudicationibus* : quod ut probe intelligas, finge hereditatem esse quadringentorum, & materna bona valere trecentis, paternam centum. Hoc casu semissem bonorum maternorum, i. e. centum quinquaginta, quem jure habebat Titius in iis bonis, cedit Titius Liberto : & vicissim libertus semissem, quem jure habebat in paternis, i. e. quinquaginta, Titio cedit : sicque libertus dimidium trecentorum capiet jure institutionis a seipso, dimidium jure praelegati a Titio coherede : & vicissim Titius quinquaginta a seipso capiet jure institutionis, totidemque a liberto coherede jure praelegati : sicque Papiniani locum illustrant superscripta illa G. j. verba, *Resque omnes suas per praeceptionem cuique legando distribuit*.

Quoniam vero potest alienum aes emergere, aut novum onus legatorum ex codicillis recens repertis, arbitrum dividendae hereditatis supremam voluntatem interpositis propter actiones cautionibus sequi debere ; porro ait Papinianus salva Falcidia scilicet ut quod vice mutua praestarent, doli ratione quadranti reinendo compensetur, ubi cautiones sunt stipulationes dantis fiduciarioribus interpositae inter libertum ac Titium, propter actiones subauditur creditorum, legatariorumque postea emergentium, qui nulla habita praelegatorum ratione hereditatem sequuntur, ac proinde duos illos semisses, quos libertum ac Titium subuli jure habere, ait Papinianus. Iis autem stipulationibus libertus Titio, itemque Titius liberto promittet, se quod amplius ceperit quam per legem Falcidiam liceat, redditurum. Atque hic etiam finge cum Accursio & Cujacio, post factis adjudicationes, aequae interpositas cautiones prolatis ex inopinato codicillos, quibus testator ab heredibus testamento scriptis centum viginti Maevio legaverat. Hoc casu cum liberto ac Titio Maevius agat pro hereditariis portionibus, i. e. pro semisse cum liberto, ac pro semisse totidem cum Titio, sicque sexaginta ab uno, totidemque accipiet ab altero, remanentibus penes libertum ducentis quadraginta, quorum partem jure hereditario, partem capit jure legati, quadraginta penes Titium, qui totidem viginti jure hereditario, viginti jure legati capit. Quoniam autem Titius in Falcidiam cogitur imputare tantum viginti, quae capit jure hereditario, non viginti, quae jure legati capit, *L. in quarum 91. ad L. Falc.*, & quadrans hereditariae portionis sunt quinquaginta, patet Titio triginta ad Falcidiam deesse. Nunc quaeritur, num possit Titius triginta isthaec petere a liberto. Et ait Papinianus, eum doli ratione, h. e. propter exceptionem doli, qua submoveretur, si a liberto peteret triginta, debere quadranti reinendo compensare, hoc est compensare cum Falcidia, & in Falcidiam imputare quod vice mutua praestaret, h. e. illud etiam, quod vice mutua accepit a coherede jure legati : sicque quum jure legati jam habeat viginti, his in Falcidiam imputatis a coherede petet decem. Non idem jus est, si eadem centum viginti sint aes alienum, & sexaginta a liberto, totidemque a Titio creditor accipiat, quoniam enim bona intelliguntur deducto aere alieno, in bonis defuncti erunt ducenta octoginta, non trecenta, sique liberti semis erunt centum quadraginta, totidemque Titii semis, & quarta huius, illive debita triginta quinque : proinde quum solvitis creditori a Titio sexaginta, penes Ti-

rium remaneant quadraginta, h. e. quinque supra Falcidiam, nihil ei refundere liberrus debet. Sunt & alia apud Cujacium, quem, si vacat, adi. Quaerenti autem tibi, cur separatis castrensis & non castrensibus bonis quasi duorum hominum hereditates intelligantur, respondeo, id eo fieri, quia miles, ea separatione facta, videtur velle jure militari testari, sicque duas hereditates relinquere unam heredibus testamento scriptis, alteram venientibus ab intestato. Voluntatis istius indicio est expressa castrensum, aut non castrensum bonorum mentio: unde facile adducor ut probem, quod Baldus, Paulus de Castro, alique non pauci tradunt, si miles solo loco sepulret bona, quaeque hic sunt, castrensia: quae illic, non castrensia sint, intelligi jure communi testatum.

C A P U T VII.

ALIMENTA.

AIt Papinianus in *L. dominus 57. §. 1. de usufructu*, *Per fideicommissum fructu praediorum ob alimenta libertis relicto, partium emolumentum ex persona viua decedentium ad Dominum proprietatis recurrit*. De usufructu loquitur Papinianus: in eo autem esse juri adcrendi locum non ambigitur. Ergo quid causae est, cur Papinianus fructum praediorum libertis relictum ponens (quae est formula mixtae conjunctionis), partem morte unius ex libertis deficientem recurrere dicat ad Dominum proprietatis, quum tamen collibertis superstitibus adcrecere deberet? Si testator libertis fructum praediorum legasset non adjectis iis *ob alimenta*, nulla esset dubitatio quin pars deficiens aliis collibertis adcreceret. Tò *ob alimenta* excludit jus adcrendi; qui enim pluribus fructum legat ob alimenta, videtur noluisse singulos quidquam habere ultra modum: & vero alimentorum certus est modus. Cessat igitur hoc casu jus adcrendi ex conjectura voluntatis testatoris. Huc refert Duarenus *De jure ader. lib. 2. cap. 14.* quod vulgo dicitur, legatum alimentorum non multiplicari, *L. alimenta 16. §. 2. D. de alim. leg.*: atque huc hidem refert Cujacius, quod in *L. in agris 16. de adq. rer. dom.* scribit Florentinus, *in agris limitatis locum non habere jus alluvionis*, cui simile est jus adcrendi, *L. si Titio 33. §. 2. de usufr.*

Obstare videtur Modestini responsum in *L. 41. D. de alim. leg.*, ubi proponitur fideicommissum libertis relictum Graecis verbis, latine sic redditus, *Libertis, libertabusque meis, quos vivens in testamento & codicillis manumisi, vel manumissam, dari volo mea praedia, quae in Chio insula habeo, ad hoc ut quaecumque vivente me acceperint, constituuant eis cibarii & vestiarum nomine*. Graeca Digestorum verba Latine interpretatum Pisani quendam nomine Berguntionem serunt. Verborum *ad hoc*, & eorum, quae sequuntur hic est sensus, ut ex iis praediis ipsimet percipiant, quae ego cibarii & vestiarum nomine vivens praestabam. Tum multa in quaestionem venisse ait Modestinus, quorum unum ad rem facit, id est, num si unus libertorum ante diem fideicommissi cedentem moreretur, pars ejus ad ceteros

teros fideicommissarios pertineret. Et pertinere Modestinus respondit.

Sed certe is Modestini locus non obstat. In specie, quam proponit Modestinus, ipsa praedia fuisse libertis relicta, ex verbis ipsis testamenti constat: aliud est autem pluribus alimenta relinquere, aliud relinquere praedia, ex quibus ii capiunt alimenta. Quum alimenta pluribus relinquuntur, certus singulis praescribitur modus, qui excludit jus adcrescendi. Quum relinquuntur praedia, unde alimenta percipiantur, proprietates ipsa praediorum relinquuntur, uti apertissime docet Modestinus: quae proprietates facit, ut non ipsa alimenta videantur relicta: quae est ratio ejus quod mox subiicit Modestinus, si plus sit in redditibus, quam in cibariis, h. e. si quid modum alimentorum excedat, id pertinere ad libertos.

21 C A P U T VIII.

SUCCESSIO EX JURE SINGULARI. ET CONTRA VOLUNTATEM DEFUNCTI.

Quandoque fit, ut jure singulari & contra testatoris voluntatem succedamus. Hoc casu non est juri adcrescendi locus. Exemplum est apud Papinianum in *L. mulieri 74. de coqd. & dem.* *Mulier, & Titio usufructus, si non nupserit mulier, relictus est. Si mulier nupserit, quandiu Titius & vivit, & in eodem statu erit, partem usufructus habebit; tantum enim beneficio legis ex legato concessum esse mulieri intelligendum est, quantum haberet, si conditioni paruisset: nec, si Titius, qui conditione defectus est, legatum repudiet, ea res mulieri proderit.* Lex, cujus meminit hoc loco Papinianus, est Lex Julia & Papia, qua hereditibus, legatariis, fideicommissariisve remittitur conditio si non nupserit tanquam publicae utilitati contraria: quod argumentum fuisse sum persequutus in *Commen. De Condit. & demonstr. cap. 4.* Sed hoc verum est, si in conditione sint nuptiae ejus, qui hereditate, legato, fideicommissove honoratur. Si ita scriptum sit, *Sejae, si non nupserit, lego*, conditio pro non scripta est, quia in conditione sunt ejus nuptiae, cui legatur: at si sit scriptum, *Titio lego, si Seja non nupserit*, non remittitur conditio, quia in conditione sunt nuptiae Sejae, cui nihil legatur: proinde Titius nubente Seja deficitur conditione. Venio nunc ad Papinianum. Ponit is legatum mulieri ac Titio usufructum sub conditione, si ea mulier non nupserit. Conditio haec certe remittitur mulieri. Ergo haec dimidiam usufructus capiet, quasi pure legatam. Non esset remittenda Titio, cujus nuptiae in conditione non sunt: & nihilominus Titio itidem remittitur. Non est novum, ut quod quis non habet per se, habeat per alium, aut propter alium, *L. si communem Quemadm. serv. amit. L. cum hereditate. D. de adq. her.* Ergo quamvis mulier nubat, sicque Titius conditione deficiatur, dimidia usufructus Titio debetur quamdiu vivit, namque usufructus morte fructuarii extinguitur, & in eodem statu erit, namque, ut morte, ita capitis diminutione finitur. Ratio, cur Titius ut ut defectus conditione ad legatum admittatur, haec est, quia tantum beneficio Legis Juliae, & Papiae ex legato concessum

est mulieri, quantum haberet, si conditioni paruisset, id est, quia mulier, si non nupsisset, plus dimidia legati non haberet, & non data Titio altera dimidia, ea totum legatum haberet: absurdum est autem plus ei dari, quam contra voluntatem defuncti nubit, quam quum parer conditioni. Ita quamvis Titius conditione deficiatur, pars ei relicta non deficit, nec proinde adcrefcit mulieri. Quid si legatum Titius repudiet? Hoc casu pars ei relicta deficit & ea res tamen mulieri non prodest, quia non ei adcrefcit, sed ad proprietatem recurrit: idemque jus esse, si Titii morte, vel capitis minutione, aliove modo ususfructus finiat, eadem juris ratio suadet. At enim Titius & mulier sunt re & verbis conjuncti. Ita vero, sed venit mulier ad legatum jure singulari, h. e. beneficio Legis Juliae, non ex judicio testatoris. De parte Titii loquitur Papinianus. Sed & eadem est ratio partis mulieri relictae, namque ut mulier, ita Titius jure singulari, h. e. propter mulierem ipsam, non ex judicio testatoris admittitur ad legatum. Ergo si morte mulieris, aliove modo finiat, ususfructus, ejus pars non Titio adcrefcet, sed redibit ad proprietatem: In summa quum uterque ad legatum veniat contra voluntatem testatoris, debere utrumque boni consulere, ait elegantissime Duarenus *De jure adcr. lib. 2. cap. 20. si sua ei pars salva sit.*

C A P U T IX.

CERTA PARS LEGIBUS DEFINITA.

Quod dictum est de alimentis, quorum certus est modus, idem dicendum est de certa portione, quam personis nonnullis relinqui Lex jubet: cujus rei aliquot exempla sunt in Libris juris. Unum est apud Paulum in *L. sed quum patrono 6. D. de bon. poss.*, *Sed quum patrono quidem contra tabulas certae partis bonorum possessionem Praetor polliceatur, scripto autem heredi secundum tabulas alterius partis; convenit, non esse jus adcrefcendi. Igitur non petente scripto secundum tabulas, alterius quoque partis nominatum patrono possessionem pollicetur: quum caeteri, quibus adcrefcendi jus est, semel debeans agnoscere bonorum possessionem.* Loquitur Paulus de patrono praeterito a liberto. Hic illi relinquere jure debet certam partem, quae olim dimidia erat, nunc triens, & *sed nostra 3. Inst. de succes. libert.*: patrono autem praeterito dabatur ejus certae partis bonorum possessio contra tabulas: atque haec est ratio, cur si scriptus heres deficiat, hujus portio non adcreseat patrono. Et vero quod testator, multo magis Lex ipsa potest, quae testari eum permisit. Testator, secundum ea, quae dicti sunt, legatis alimentis, excludit jus adcrefcendi, quia alimentorum certus est modus; multo igitur magis Lex certam alicui partem relinqui jubens excludere intelligitur jus adcrefcendi. Neque obstat, quod Paulus subjicit, non petente herede scripto, sicque eo deficiente alterius quoque partis patrono dari possessionem; portio enim heredis deficientis non jure adcrefcendi ad patronum pertinet; sed huic defertur ab intestato per bonorum possessorem unde legitimus: estque novae hujus bonorum possessioni locus, quia here-

heredem unum patrono praeterito ex aſſe ſcriptum Paulus ponit. Caeterum ſi patrono praeterito duo ſcribantur heredes, horumque unus non petat, ſine dubio pars heredis delicientis, ſalva patrono contra tabulas certae partis bonorum poſſeſſione, adcreſcet coheredi. Alterum exemplum eſt *In Auth. praeterea L. unde vir. & uxor.*, quae deſumpta eſt ex Imp. Juſtiniani *Novellis* 53. 74. & 117. *Praeterea ſi matrimonium ſit abſque dote, con- jux autem praemoriens locuples ſit, ſuperſtes vero labores inopia; ſuccedat una cum liberis communibus, aliterſve matrimonii in quartam, ſi tres ſint, vel pauciores: quod ſi plures ſint, in virilem portionem: ut tamen ejuſdem matri- monii liberis proprietatem ſervet, ſi extiterint: his vero non extantibus, vel ſi nullos habuerit, potietur etiam dominio, & imputabitur legatum in talem por- tionem.* Inopem uxorem viro ſuccedere in hunc modum exploratiſſimi ju- ris eſt. Num de viro etiam inope *Authentica* accipienda ſit, quaeritur. Numero vincunt, qui affirmant, ſed ego tamen proſuſ nego cum paucis; nam de uxore tantum loquitur Juſtinianus *Nov. 117. cap. 5.* quin diſcre- te negat de viro, quod de uxore ait. Ecce ejus verba ex *d. cap. 5.*, *Virum in talibus caſibus quartam ex ſubſtantia mulieris accipere, modis omnibus prohibemus.* Inopi uxori quartam, nec quidquam ultra deſerri Lex jubet, proinde aliud ei vetat adcreſcere. Ergo ſi quis deſiciat ex iis, quibus ma- riti hereditas deſertur ab inteſtato, hujus portio coheredibus adcreſcet, aut ſi omnes eodem gradu poſiti deſiciant, ad ſequentem gradum hereditas per- tinebit. Quid ſi nec liberi mariti, nec parentes, nec laterales extent, aut extantes omittant hereditatem? Iis non extantibus uxorem excluſo ſiſco ſuc- cedere per bonorum poſſeſſionem unde vir & uxor, nulla dubitatio eſt, *L. un. L. unde vir & uxor.* Iis vero omittentibus hereditatem, uxori quar- tam habenti reliquum hereditatis adcreſcere opinio eſt Baldi in *cit. Auth. praeterea num. 3.*, quem non pauci ſequentur. Sed reliquum hereditatis, jure ſucceſſionis uxori deſerri, ne ambigas, quia portio inopi uxori debita utpote legibus deſinita accipere incrementum non poteſt. Addunt & illud nonnulli, quod ea ad quartam venit jure civili, ad reliquum hereditatis jure Praetorio: inter eos autem, qui diverſo jure ſuccedunt, non eſt juſ adcreſcendi: Sed de hac re judicium in *ſin. ult. Cap. dabo*. Alia exempla ſuggerunt particularia locorum, & maxime Italiae ſtatuta, de quibus Bellonus *De jure ader. cap. 10. qu. 13. a num. 12.*, ſed in om- nibus iſtis caſibus ſi is, cui certa pars Legibus deſinita deſertur, ex ea parte heres inſtituatur, ei deſicientes coheredum partes adcreſcere non dubitatur; venit enim ad eum non beneficio Legis, ſed judicio teſtatoris.

CAPUT X.


DIVERSUM SUCCEDENTUM JUS.

CONSTANS noſtrorum paucis obloquentibus traditum eſt, inter eos, qui di- verſo jure ſuccedunt, non eſſe juſ adcreſcendi. Moventur Ulpianſ loco in *L. ſed quum patrono 6. D. de bon. poſſeſſ.*, cujus verba ſupe- riore Capite deſcripta ſunt. Ait ibi Ulpianus, inter patronum praeteritum, & he-

& heredem scriptum jus adcreſcendi non eſſe: cujus rei non ea ſolum eſt ratio, quia patronus ad certam partem Legibus definitam vocatur, ſed & haec, quia patronus praeteritus, & heres ſcriptus diverſo jure ſuccedunt, patronus per bonorum poſſeſſionem contra tabulas, ſcriptus per bonorum ſecundum tabulas poſſeſſionem. Moventur itidem altero Ulpiniani loco in *L. idem* 6. §. 1. *de uſufr. ader.*, Sed ſi cui proprietates deducto uſufructu legata ſit, & mihi pars uſufructus, videndum erit, an inter me & heredem jus adcreſcendi verſetur. Et verum eſt, ut quiſquis amiſerit, ad proprietatem revertatur. Legata alicui proprietates deducto uſufructu, patet uſufructum jure hereditario ad heredem pertinere. Quod ſi cui pars ejus uſufructus legetur, inter legatarium & heredem jus adcreſcendi verſari negat Ulpianus, ait enim, quiſquis, h. e. ſive legatarius, ſive heres amiſerit uſufructum, hunc reverti ad proprietatem, non alia ratione, quam quia diverſum eſt a jure hereditario jus legati. Sunt caſus nonnulli, quibus ſecus ſe rem habere ſatis multi contendunt. Ecce tibi unum ex *L. quidam* 20. *C. de jure delib.*, ubi, Si impuberem quis filium ſuum heredem ex parte inſtituit, & quemdam extraneum in aliam partem, quem pupillariter ſubſtituit: & poſtquam teſtator deceſſit, pupillus quidem patri heres extitit, extraneus autem hereditatem adiit, & poſtea adhuc in prima aetate pupillus conſtitutus ab hac luce ſubſtractus eſt, & pupillaris ſubſtitutus locum ſibi vindicavit; quaeritum eſſe, inquit Juſtinianus num poſſit jam heres ex principali teſtamento factus, pupillarem ſubſtitutionem repudiare. Et placuiſſe ait ſive in inſtitutione, ſive in pupillari ſubſtitutione, ut vel omnia admittantur, vel omnia repudientur, & neceſſitas imponatur heredi admittere etiam ſubſtitutionem pupillarem. Hoc caſu diverſum eſt jus inſtitutionis a jure ſubſtitutionis: quin alia eſt hereditas patris, alia hereditas filii; & haec tamen heredi patris adcreſcit. Ecce & alterum caſum ex *L. §. ſi quis ex nepotibus* 12. *D. de conjungend. cum emancp. liber.*, ubi haec habet Ulpianus, Si quis ex nepotibus portionem ſuam omiſerit, eveniet ut non ad patrem ejus, ſed magis ad fratrem pertineat. Sed & ſi omnes nepotes omittant, patruo nihil adcreſcet, ſed ſoli patri. Quod ſi pater omiſerit, tunc patruo adcreſcet. Exponit Ulpianus edictum Praetoris de conjungendis cum emancipato liberis. Jure civili antiquo ſuccedebant avo ſoli nepotes in poteſtate retenti excluſo filio emancipato, namque emancipato filio ſui ſunt ſoli nepotes: jure Praetorio ſuccedebat per bonorum poſſeſſionem ſolus filius emancipatus. Haec vel ipſi Juſtiniani probe ſciunt. At aequè durum Praetori viſum omnino excluſi filium emancipatum, ac nepotes in poteſtate retentos: unde mediani tenens viam novo edicto liberos cum emancipato conjunxit, ſucceſſionemque pro dimidia deſulit filio emancipato, pro altera dimidia liberis ejus. Jam in *cit. §.* ait Ulpianus portionem ab uno ex liberis omiſſam fratri adcreſcere, & portiones omnium liberorum adcreſcere patri: & diverſum eſt tamen hoc caſu ſuccedentium jus, nam pater jure Praetorio, filii jure civili ſuccedunt.

Verum prior ille caſus ad rem, quae agitur, non facit; nam de diverſo ſuccedentium jure diſputari niſi inter duos non poteſt: illo autem caſu unus eſt, qui patri, & filio ſuccedit: eique ideo imponitur neceſſitas admittendi ſubſtitutionem pupillarem, quia licet poſtquam filius patri he-

res extitit, alia sit hereditas filii, alia patris, tamen unum est testamen-
tum, ex quo partem capere, partem omittere non licet, & in favorem
filii, cujus interest heredem habere ex testamento, hujus hereditas habetur
pro parte hereditatis paternae, quasi hic non dum heres patris decessisset:
quod multis persequitur Bellonus *De jure ader. cap. 9. q. 37. num. 63.*
Posteriore autem casu non est diversum jus succedentium, licet pater
jure Praetorio, liberi jure civili succedant, nam jus Praetorium adeo est
commixtum confusumque cum jure civili, ut hoc & illud pro uno eodem
que in successionibus habeantur, dummodo qui jure civili, & qui jure
Praetorio venit, ex una eademque causa veniant, id est uterque ex te-
stamento, aut uterque ab intestato: cujus rei ut alia desint omnia, illud
est argumento, quod scribit Paulus in *L. hereditatis 138. de verb. sign.*,
appellatione hereditatis, quae vox est juris Civilis, contineri etiam bono-
rum possessionem, quae vox est juris Praetorii. Plura de hac re dabit vo-
bis Bellonus *De jure ader. cap. 5. q. 43. optimi adolescentes.*



IN TITULUM VI. LIBRI XXVIII. PANDECTARUM.

DE VULGARI, ET PUPILLARI SUBSTITUTIONE

COMMENTARIUS.



N Florentino Indice, qui Jurisconsultorum Libros exhibet, ex quibus Tribonianus Pandectas composuit, unus est *de secundis tabulis* Liber, quo de substitutione pupillari Paulum egisse constat, quum ex eo, quod secundis tabulis ea substitutio fiebat, *L. liberis* 18. n. 3. *de alim. leg.*, tum ex ejus libri fragmento in *L. qui plures* 38. *de vulg.* Quod alibi nullus sit alius de substitutione liber, id fortasse cuipiam posset indicio esse, veteres illos, Prudentes particulam istam juris non fuisse lateque, ut alias ad rem testamentariam pertinentes, tractasse, quod parum sive difficultatis, sive utilitatis haberet. Verum enim vero ut nullos illi peculiare libros de substitutione conscripserint, de hac tamen illos copiose, ac subtiliter disputasse, fragmenta XLVIII. nostro huic Titulo subiecta demonstrant. Et ita quidem res ipsa ferebat plena juris controversii, quod vestra ingenia exercebit hoc anno, & Romanis usitatissima: cujus moris (ut nihil nunc dicam de frequenti *secundorum heredum* mentione apud veteres latinos, maxime apud Tullium) Appianus *Lib. 2. bellor. civ.* testimonium hoc perhibet, *solent Romani alteros heredes adscribere, si forte contingat, priores hereditatem non adire.* Non minus frequens, quam Romae olim, apud Italos fuit substitutionum usus post seculum XI., quo Romanum jus in Italia revixit. Hinc tot interpretum in Titulum de vulgari & pupillari substitutione commentarii, quorum copia laboramus. Hinc Baldus iis, quae sola consulentibus de jure substitutionum responsa dederat, plus ducatis quindecim millibus parasse sibi gloriabatur. Hoc ego faustum vobis omen precor, optimae spei adolescentes: remque ipsam ingredior.

Quod vero non solum in hereditatibus, sed etiam in legatis, lideicommissis, mortis causa donationibus, & in contrahibus substitutioni est locus, Commentarium divido in partes duas, quorum prior de substitutis agit in locum heredum: posterior de substitutis in aliorum locum.

COM.

C O M M E N T A R I I .

P A R S P R I O R ,
D E S U B S T I T U T I S I N L O C U M H E R E D U M .

S U B S T I T U T I O N I S D E F I N I T I O .

Substituere latinis est rem subrogare in locum rei , quae defecit : quo sensu agri gregisque usufructu legato arbores ; aut *capita substitui* a usufructuario debere ajunt Paulus in *L. agri* 18. , & Pomponius in *L. vel institutum* 69. *de usufr.* Hinc facile posset videri , substitutionem , de qua nunc agimus , delinisse , & de ejus tamen definitione mirum quantum satagunt interpretes. Videamus , quid possit ex ipsis libris juris exculpi. Substitutionem definit Gajus *Instit. lib. 2. tit. 4. pr. Secundi heredis appellationem* , Paulus in *L. ex facto* 43. §. *Lucius* 2. h. t. *Secundi heredis institutionem* . Qui probe novit , quid proprie sit apud Latinos , & maxime Jurisconsultos *secundus heres* , recte delinitam a Gajo , ac Paulo substitutionem dicit . Secundus heres proprie est heres in *speciem secundam scriptus* , qui significatissime Tacitus *Annal. lib. 1. , h. e. in locum primi* , qui prima spes est testatoris , si forte defecerit , substituitur . Quod vero interdum Jurisconsulti *primos & secundos* vocant , quos scriptura , non *gradus primos & secundos facit* , *L. Julianus* 15. *pr. & §. 1. de her. inst.* , luculentior substitutionis definitio quaerenda est . Hanc autem suggerit Modestinus in *L. 1. pr. h. t.* his verbis , *Heredes aut institui dicuntur , aut substitui : institui primo gradu : substitui secundo , vel tertio* . Institutos a substitutis gradus separat , i. e. ordo successionis , non ordo scripturae ; *L. moribus* 2. §. *sed & si* 6. h. t. Si scriptum sit , ut apud Ulp. in *tit. L. 2. §. 6.* , *Si filius mihi heres non erit , Sejus heres esto : filius heres esto* . Heres institutus est filius , quamvis hunc ordine scripturae praebeat Sejus , nam filio primum , tum Sejo in locum filii deficientis successio deferretur . Ita si scriptum sit , ut apud eundem Ulpianum in *tit. L. 15. pr.* , *Tuius ex parte dimidia heres esto , Sejus ex parte dimidia heres esto* , licet secundum ordinem scripturae alter praebeat , alter sequatur , tamen ambo sunt institui , quia unus utriusque est gradus , nec uni post alterum , sed utrique simul deferretur hereditas . Ergo substitutio est heredis secundo gradu facta institutio , *secundum gradum* dico , qui primum sequitur , licet non proximae sequatur . Iracundia quoque , vel quartas , ulterioresve nuptias Jurisconsulti *secundas* dicunt , *Tit. C. de secund. nupt.*

Sed dubitari jure potest , num proposita definitio substitutioni pupillari conveniat , uti certe convenit vulgari ; quum enim pupillaris substitutio sit testamentum , quod liliolam. impuberi praefacit jure singulari , *L. Papinianus* 8. §. *sed nec impuberis* 5. *D. de inoff.* , qui pupillaris substitutus dicitur , proprie est primus filii heres , & quamquam solemne sit pupillarem substitutionem fieri hac formula , *Si filius heres erit , & in aetate pupilla-*

ri decejerit, ille heres esto: quo fit, ut ea substitutio ad institutionem filii relata, videtur, p. filio institutione secundo gradu facta, tamen patrem recte posse exheredato filio substituere scribit Ulpianus in *L. sed si plures* ro. 5. ad substitutos 5. h. t. i. quod casu nemo est, qui gradu praevisi substitutum.

Et veteri quidem jure, quo impuberem licebat scribi exheredem obex ille non ex facili poterat amoveri: nunc quoniam exheredari liberos novum jus non patitur, nisi ob ingrati animi vitium, quod in impuberes non cadit, *L. si quis suo* 33. §. 1. *L. de inoff.*, & *Nov. 115. cap. 3.* multo facilius amoveatur pupillari substitutione ad institutionem filii relata. Sed si exheredatum ponas pubertati proximum, qui dolus, ac proinde ingrati animi est capax: quin si etiam hodie quemcumque impuberem recte exheredatum ponas, res mihi videntur eodem redire. Et vero quum pater filio pupillariter substituit, duplex hereditas est, sed unum testamentum: neque hoc valere alias potest, quam si sibi pater heredem scripserit, sive filium, sive alium, neque ante hereditas filii deferatur substituto, quam fuerit patris hereditas delata, & vero etiam adita: nam non adita hereditate paterna pupillaris substitutio non valet, §. 5. *Inst. de pupili subst.*, & *L. moribus* 2. §. 1. h. t. Tantum militi datum filio facere testamentum, quamvis non faciat sibi, *cit. L. 2. §. 1.* Sed quae sunt praeter regulas juris, huc non pertinent. Ergo ex pupillari videtur, ut ex vulgari deferatur secundo gradu hereditas, hoc uno discrimine, quod quum in testamento, in quo fit substitutio vulgaris, una hereditas sit, haec una deferatur utroque gradu: contra quum in testamento, in quo pupillariter substituitur, duae sint hereditates, altera patris, altera filii, substituto hereditas filii deferatur. Sed discrimen istud negligunt leges. In rem laudo Justiniani locum, quem alios fugisse demiror. Quum quidam, verba ejus sunt in *L. 4. C. de necessar. servis her. inst.*, suum pupillum heredem instituit, & in secundo gradu, in quo pupillarem substitutionem faciebat, servum pupillo suo substituit. Ecce Justinianus pupillarem substitutionem fieri ait secundo gradu. Ergo nihil videretur necesse gradum a casu distinguere, quod noller Aulius facit in *h. t.*, quasi fiat ea substitutio non secundo gradu, ut vulgaris, sed secundo casu, qui est casus adquisitae hereditatis, & mortis simul, vel, si exheredatus sit filius, mortis tantum.

Ita se hac cura expediunt quidam non incelebres Interpretes juris. Verum quis Jurisprudentiam bene doctus facile illud concoquat, exheredato impubere datum huic a patre heredem secundi gradus heredem esse respectu heredis paterni? Nulla ratio est, cur secundus gradus in hereditatibus, quae deferuntur ex testamento, aliter accipitur, quam in hereditatibus accipitur, quae ab intestato deferuntur: & in pupillari substitutione aliter, quam in vulgari. In vulgari autem, atque in hereditatibus, quae deferuntur ab intestato, gradum respectu ejusdem hereditatis primum, & secundum dici, nemo unius ignorat. Fortasse veteres Jurisconsulti ad id respicientes, quod plerumque accidebat, plerumque autem scribebantur heredes filii, ex parentum voto dulces heredes dicti, qua de re scriptum aliquid in *nostr. Inst. repet. praelect.*, ad id, inquam, respicientes, testamentum filio impuberi a patre factum substitutionem dixere: tum vocabulum, quod usitatum receptumque erat, perpetuo servatum. Est haec non igno-

bilis

bilis conjectura Duarenii in *h. Tit. cap. 1.* Ergo praeclat dubitationis tollendae causa substitutionem definire in hunc modum, *Est heredis secundo gradu, vel casu facta institutio.* Dixi secundum casum esse adquisitae hereditatis & mortis simul, aut tantum mortis: primus autem est hereditatis non adquisitae, qui est casus substitutionis vulgaris. Duos illos casus aperte distinguunt Diocletianus & Maximinianus in *L. precibus 8. c. de impub. & al. subst.*, eosque Javolenus in *L. quum ex filio 39. §. 2. h. t.* substitutionum causas appellat.

CAPUT I.

SUBSTITUTIONUM GENERA.

Substitutionis genus duplex, alterum vulgaris, alterum pupillaris. Tantum duo haec genera praefecerunt nollet hic Titulus, ac Tituli duo *Libri II. Inst. XV. & XVI.* Quae alia interpretes conlinxere, ea recte posse ad alterutrum referri, mox ostendam. Vulgaris substitutionis formula est haec, *Si Lucius Titius heres non erit, tunc Sejus mihi heres esto*: pupillaris haec, *Si filius heres erit, & intra pubertatem decesserit, tunc Sejus heres esto.* Apud Modestinum in *cit. L. 1. §. h. t.* sub finem formulae substitutionis pupillaris legitur, *tunc Sejus heres mihi esto.* Sed quis non videt, mihi Modestino excidisse praeter jus? Filio substitutus filii intra pubertatem decessentis est heres, non patris: proinde si quando ea vox exciderit testatori, ad voluntatem ejus tuendam esse debet pro non adjecta, uti Julianus loquitur, *L. si ita 8. §. qui filio 1. de bon. poss. sec. tab.*

Jam vulgaris substitutio dicta est, quia vulgo fieri ab omnibus potest, soletque in locum cuiusvis heredis: in quam sententiam *vulgare pactum* dicitur Tryphonino in *L. Baebius 30. de pact. dotal.*: pupillaris autem nomen accepit a persona pupilli, cui ex testamento, quod ei fecit pater, substitutus succedit. Sunt qui substitutionem istam minus proprie vocari *pupillarem* putant eo argumento, quod is, cui pater testamento heredem scribit, impubes quidem sit, non pupillus. Et vero vox *impubes* certam hominis aetatem designat, vox *pupillus* statum hominis, qui morte patris exiit de potestate *L. 289. de verb. sign.* Num ea substitutio *pupillaris* dicta, quia in id tempus confertur, quo impubes futurus est pupillus? Ita plerique. Num quia impubes in potestate constitutus dici etiam *pupillus* recte potest, ut in *L. ult. §. 2. de verb. obl.*? Ita Duarenus in *h. tit. cap. 4.* Scio ego, impuberem, qui in potestate est, *pupillum* dici quum in *cit. L. ult.*, tum in *L. 7. §. 3. de pecul.*, & in *L. 18. §. ult. C. de jure delib.*, sed insolens est haec ejus vocabuli acceptio, & multo eil verosimilius, Jurisconsultos, quum substitutionem istam dixere *pupillarem*, tempus spectasse, quo hereditas pupilli desertur, non quo scribitur testamentum; idque ex eo conjicio, quod certe illius temporis respectu eandem substitutionem Paulus in *L. qui plures 38. §. ult. 44.*, alique *pupillares tabulas* appellarunt: non quod eas ipse sibi impubes scribit, sed quod ex eis impuberi jam pupillo succeditur.

Aliae substitutionum species ab antiquis interpretibus confictae sunt *exemplaris, brevisloqua, & compendiosa*. Dicunt *exemplarem*, quam parentes utriusque sexus liberis mentecapitis, ut in puberibus, faciunt in eum casum, si non sana mente decesserint, *L. 9. C. de impub. & aliis subst.* Dicunt *brevisloquam*, quae plures substitutiones numero personarum, quibus sunt, distinctas brevi lectione complectitur: qualis est, quae duobus institutis fieri solet in hanc formulam, *eosque invicem substituo*: qua brevi verborum conceptione, si uterque institutus, aut alteruter, sit extraneus, aut pubes, vulgares duae reciprocae: si uterque ex liberis, & impubes, vulgares duae, totidemque pupillares reciprocae comprehenduntur, *L. jam hoc jure 4. §. 1. & 2. h. t. 4., & L. quamvis C. eod.* Denique dicunt *compendiosam*, quae verborum compendio plures iidem substitutiones complectitur non numero personarum, ut *brevisloqua*, sed temporibus distinctis. Talis est, quam miles directo facit impuberi filio intra certos annos, vel post quandocunque sine liberis decessenti; nam si hic intra pubertatem decesserit, ea valet ut pupillaris: si post pubertatem, valet jure militari, *L. Censurio 15. h. t., & L. precibus 8. C. eod.* Quod vero secundum ea, quae dicta sunt, *brevisloquae, & compendiosae* non alia substitutio inest, quam aut vulgaris, aut pupillaris, facile intelligis esse quidem eas diversae substitutionis concipiendae modos, non species a vulgari, vel pupillari diversas: quodque Modestinus in *cit. L. 4. §. 1. h. t.* scripsit, substitutionem reciprocam tertium genus substitutionis esse, perinde accipiendum, quasi scripsisset tertium modum. Apud Jurisconsultos genus non raro est modus. In *L. servum 26. de manumissio.* Omni genere ideo est atque omni modo: Et in *L. cum qui 23. §. si autem 1. de usurp.* Eo genere, sonat idem, atque eo modo. Alia exempla sunt apud Brissonium *de V. S.*, quae tamen fugit Modestini locus in *cit. L. 4. §. 1.* Quod pertinet ad substitutionem *exemplarem*, haec ad pupillarem proxime accedit: unde eam utpote ad exemplum pupillaris inductam veteres Glossographi barbaro vocabulo *exemplarem*: Corusius in *cit. L. 9.* barbaro itidem, sed magis ferendo vocabulo *exemplatam*: politiores interpretes de more Romanorum Jurisconsultorum quasi pupillarem dixerunt. Certe una eademque est ratio utriusque. Parentes impuberibus liberis heredes scribunt, quia ea aetate sunt, quae nullum eorum animi iudicium est, §. 2. *Inst. quib. non est permis. fac. test.* quidam scribunt mentecapitis, qui mente carent, *cit. §. 2.* Num aetas, et aliud animi vitium eos impediatur sapere, quid intell?

Quod si substitutionem, quam dicunt *compendiosam*, quatinus *militarem* recte us dixeris: itemque substitutionem, quam dicunt *exemplarem*, omnino velis diversas esse species substitutionis, non abnuo. Militaris nulla nostro hoc titulo facta mentio est, quod potius ad titulum *De testamento militis* pertinere est visa: unde in *L. milites 5. eod.* proponitur ab Ulpiano. Nulla etiam hoc nostro fit facta est mentio substitutionis *exemplaris*; propositum enim Justiniano fuit Pandectas componere ex fragmentis Jurisconsultorum, quibus ea non innotuit, tanquam ab ipso Justiniano primum inducta. Fuit igitur in Justiniano Codice propositus ejusque respectu titulus, non ut in Pandectis *De vulgari, & pupillari substitutione*, sed *De impuberum, & aliis substitutionibus*. Quam dicunt *brevisloquam*,

ea certe non est diversa species substitutionis . Utrumque se res habeat , etiam si praeter duas illas , quae in Pandectis proponuntur , nulla alia sit species substitutionis , tamen quum contraria Glossographorum sententia dominatur in foro , vobis foro operam daturis utile erit eas etiam substitutiones , quae diversae a duabus illis species non sunt , quasi diversas intueri : proinde eas ego quasi diversas expendam . Eos adduci non possum ut patiar , qui duo alia substitutionis genera faciunt , unum ejus , quam dicunt *directam* , quia sit verbis directis , h. e. civilibus & imperativis : alteram ejus , quam dicunt *obliquam* , quia sit verbis obliquis , h. e. precariis , & propriis fideicommissorum . Et vero substitutio proprie est secundi heredis institutio : fideicommissarius autem non dicitur institui , hoc enim est verbum directum : & certe non est heres , §. 3. & 4. *Inst. de fideicom. her.* : unde in Libris Institutionum , Pandectarum , & Codicis Tituli quibus de substitutionibus agitur , longo intervallo dissident a Titulis , quibus explicatur S. C. Trebellianum : & in Titulo XXV. Libri IV. Codicis a substitutionibus separantur restitutiones , quae fideicommissariis sunt . Non me movent L. Censurio 15. , L. coheredi 41. §. 3. h. t. , L. heredes mei 57. §. 1. & 2. ad Trebell. , L. generaliter 6. C. de inst. & subst. , & L. post aditam 5. C. de imp. & aliis subst. , quorum locorum alii sunt , quibus mentio est substitutionis *directae* , quasi sit alia , quae fiat per fideicommissum : alii , quibus fideicommissum dicitur *substitutio* . Non , inquam , me movent ; namque iis locis substitutionis acceptio multo est latior , quam ut proprietates verborum juris ferre videatur . Proprie dicitur substitui , qui locum subit alterius omnino delicientis . Latissima significatione substitui etiam dicitur , qui alterius non omnino delicientis locum subit quoque modo . Possessore hoc sensu fideicommissarius dici *substitutus* potest , quamvis proprie non sit substitutus , quia proprie non est heres . Et fideicommissarium quidem heredis loco haberi ait Tribonianus cit. §. 4. *Inst.* , & quasi heredem vocat §. 5. ; heredem vero recto jure institutum restituta hereditate nihilominus heredem permanere inquit cit. §. 4.

C A P U T II.

SUBSTITUTIONUM ORIGINES.

IN XII. Tabulis scriptum est , *Uti legasset suae rei , ita jus esto* : quibus verbis latissimam tribui heredis instituendi facultatem inquit Pomponius in L. verbis 120. de V. S. , ac testamentarias hereditates confirmari Paulus ait in L. Lege 130. eod. Quod autem non ambigitur , substitutionem esse heredis institutionem , eaque testamentariam hereditatem deferri , patet iisdem XII. Tab. verbis jus datum substituendi . Quin ego jus istud non a Graecis adscitum reor , sed Romae natum , atque ex Regiorum temporum seu Legibus , seu moribus in XII. Tabulis conjectum : quo spectare arbitror Te confirmari apud Paulum . Lex XII. Tabularum non deferri ex testamento hereditates primum permisit : sed quas ex testamento deferri jus , mox se erat , augustinus sanctiusque confirmavit , Sed quod

quid est opus conjecturis? Romanos multo ante tempora XII. Tabularum testamenta fecisse auctor est Fiuarchus in Romulo, & Coriolano. Porro nihil jam inde ab Urbe condita antiquius fuisse, quam testatos moti, exploratissimum est. Quis autem credat eos, qui facere testamenta poterant, quique id maxime curabant, ne decederent intestati, aut non potuisse, aut noluisse plures facere gradus heredum: quod unum erat, si testamentum a primis heredibus delitui contingeret, subsidio tutum?

Haec de vulgari substitutione intelligenda sunt. Pupillarem fuisse Regiis temporibus ignotam, vel ex hoc potest intelligi, quod ne ipsa quidem Lex XII. Tabularum, quae testamentarias hereditates confirmabat, ejus fecerit potestatem. Lex XII. Tabularum patrifamilias legare permittit super re sua, tutelae suae rei: at qui pupillarem substitutionem facit, is testamentum filiosam scribit, sicque magis de aliena re statuit, quam de sua. Apposite Ulpianus in *L. sed si plures* 10. §. 5. *h. r.*, Neque enim suis bonis testator substituit, sed impuberis, quum & exheredato substituere quis possit. Nunc est explicatu proclive, quod de substitutione pupillari moribus introducta idem Ulpianus scribit in *L. 2. pr. eod.* De moribus post Leges XII. Tabularum receptis accipendus est locus iste Ulpiani; suntque si mores jus natum ex ipsarum Legum interpretatione, quae moribus utentium comprobata recepta regula, seu sententia, vel jus consensu receptum dicebatur. Vide a nobis scripta de hac re *Tom. 1. Inst. rep. praefect.* Pupilli, quod nullos testamentarios heredes haberent, adgnatorum infidiis patebant: proinde Prudentes utilitati eorum studentes *Id. saum* in XII. Tab. ita sunt interpretati, ut comprehenderet etiam filiosam. tanquam rem patris: unde & mancipari poterant, & jure Quiritium vindicari, *L. 1. §. 4. de rei vind.* sicque dederunt patri, ut quemadmodum filiosam, impuberi tutorem scribere testamento poterat, ita & posset heredem. Et quavis quo tempore pater scribebat filio testamentum, filius, ut tum ferebat jurisprudentia, nihil proprium haberet, ac si quid pupillo post patris obitum convenisset, id tantum pertineret ad substitutionem; fuit tamen Prudentibus visum ad pupillarem substitutionem tuendam satis personam ipsam filii, cui erant, forte bona quandocunque accessura, inter res patris ex jure Quiritium proprias haberi.

Substitutio, quam vulgo dicunt *militarem*, quamque Papinianus in *L. Centurio* 15. *h. r.*, ac Diocletianus, & Maximianus in *L. precibus* 8. *C. eod.* pertrahunt, originem trahit ex Constitutionibus Imperatorum, & fortasse Nervae, qui liberam testamenti factionem ab Julio Caesare militibus concessam ad tempus, multo liberorem, ac perpetuam fecit, *L. 1. de testam. milit.*

Demum substitutionis quasi pupillaris, quam vulgus dicitur *exemplarem*, primus auctor fuit Justinianus in *L. humanitati* 9. *C. h. r.*, unde eam Cujacius in *L. 1. h. r.* substitutionem *Justinianeam* appellat. Eluxerat quidem ante tempora Justiniani simile aliquod istius substitutionis exemplum, testemque ejus do Paulum in *L. ex facto* 43. *h. r.*, sed fuit illud jus singulare ex speciali Principis indulgentia profectum, ad consequentias non producendum.

CAPUT III.

SUBSTITUTIO VULGARIS.

Vulgaris substitutio est aut expressa, aut tacita. Expressae formula haec est, *Lucius Titius heres esto: si Lucius Titius heres non erit, tunc Sejus heres esto*: quae formula satis amplam disputandi materiam praebet. Et ex his quidem verbis, *Lucius Titius heres esto*, quae directam continent: Lucii Titii institutionem, prima illa enascitur quaestio, num necesse sit primum heredem recto jure institui, an satis sit omnia institutione directa scribi, *si Lucius Titius heres non erit*, quibus verbis primi heredis institutio tacite inest. Et posterius hoc sufficere, putavit Bartolus, quem plerique sequuntur. Contra sentiunt alii, quibus subscribo. Multi sunt juris loci, qui Bartolus manifesti erroris convincunt. Ego tres seligam, unum ex Institutionibus, reliquos ex Pandectis. Tribonianus §. 2. *Insi. de fideic. her.* Opus esse, inquit, ut aliquis recto jure testamento heres instituitur: instituitur autem recto jure qui instituitur verbis directis, *Heredem esse jubeo, heres esto*, & similibus, quae institutionem ex conjectura prorsus excludunt. Porro Pomponius in *L. si quis eum 16. §. 1. h. t.* ait, *Si pater heredem instituat, si vivo se filius decedat, testamentum non valere, in quo filius praeteritus est*, Vides verbis illis, *si vivo se filius decedat*, filium non intelligi institutum: & ea tamen apertissimo indicio sunt, voluisse patrem filium sibi heredem esse, si superesset. Denum Ulpianus in *L. ex falso 19. de her. insti.* scribit, *Ex falso agitatum Pomponius, & Arrianus referunt, si quis vagua parte relicta ita instituerit, si mihi Sejus heres non erit, (quam non instituerat) Sempronius heres esto, an hic occupare possit vacantem portionem. Et Pegasus quidem existimat, ad eam partem admitti. Aristo contra putat, quia haec pars esset data, quae nulla esset: quam sententiam et Javolenus probat, et Pomponius, et Arrianus: et hoc jure utimur. Scripserat testator, Maevius et Lucius ex semisse heredes sunt. Si mihi Sejus heres non erit, Sempronius heres esto. Maevius & Lucius ex semisse scriptis heredibus aliter semis vacabat, ex quo Sejus non fuerat expresse institutus. Sejo testatori praemortuo quaesitum est, num vacans semis ad Sempronium substitutum, an ad Maevium & Lucium pertineret. Sempronium substitutum admisit Pegasus; contra sensere Aristo, Javolenus, & Arrianus. Quae Pegasus ratio moverit, non exprimit Ulpianus; sed non obscurum ejus indicium facit contraria illa, quae Aristonem, Javolenum, & Arrianum ratio movit, quia huic (i. e. Sempronio, si ad vacantem portionem admitteretur) pars esset data, quae nulla esset, i. e. pars Seii, quae nulla erat, quia non data Sejo, & ideo non data, quia Sejus non fuerat institutus; quo spectat *Tō quem non instituerat*, quod praestitit apud Ulpianum. Ergo Sempronium substitutum admisit Pegasus, quia Sejum habuit pro instituto ex conjectura voluimus. Ecce quae olim Pegasi, ea dein fuit Bartoli opinio. Sed contraria Aristonis, aliorumque sententia recepta est, *Et hoc jure utimur* inquit Ulpianus: quae clausula juris recepti est index.*

Nunc

Nunc quid est in Libris juris, quod Bartoli sententiam juvet? Meo quidem iudicio nihil. Laudat is *L. si quis* 82. de her. inst., ubi Si quis, inquit Scaevola, ita haeres instituitur, si legitimus haeres vindicare nolit hereditatem meam, puto deficere conditionem testamenti illo vindicante: heredemque legitimum in conditione positum tacite institutum putat; eique hereditatem non vindicanti substitutum heredem, cujus mentio est principio ejus Legis. Quam ridicula interpretatio! Nemo non videt, nihil ibi de substitutione proponi: quemque Bartolus substitutum fingit, eum esse institutum sub conditione. Verba ipsa Scaevolae ejus rei faciunt fidem. Porro laudat is *L. Lucius Titius* 85. eod., ubi quum testator Titium fratrem ex asse scripsisset heredem, eique, si ante aditam hereditatem moreretur, aut filium filiamve ex se natum natamve non haberet, Stichum & Pamphilum substituisset, ait Scaevola, si frater aut aditi hereditatem, aut ante hanc aditam decessit liberis relictis, Stichum & Pamphilum non futuros heredes; non enim fratrem solum heredem praetulit, sed & ejus liberos: hos autem substitutis praeferrere ait Bartolus tanquam tacite institutos. Sed verius est, liberos in ea specie tanquam legitimos heredes substitutis praeferrere. Ad haec laudat *L. Gallus* 29. pr. de lib. & post., *L. quam*, in testamento 37. de her. inst., & *L. potest* 36. de vulg., quibus locis sola proponitur formula substitutionis, & tamen duo dicuntur fieri gradus heredum, quorum primum conditioni tacite inesse credendum est. Verum eos textus legenti patebit, ideo solum proponi formulam substitutionis, quia de substitutione sola disputatur: formulamque Institutionis tanquam non necessariam brevitatis causa omitti, omnino autem subaudiri oportere. Uno juris loco suam Bartolus posuisset opinionem tueri: eumque ego haud dissimulabo. Is est Imp. Constantini in *L. quoniam* 15. C. de testam., ubi scriptum est, Placuit, institutioni heredis verborum non esse necessariam observantiam, utrum imperativis & directis verbis fiat, aut inflexis; nec enim interest, si dicatur, Heredem facio, vel instituo, vel volo, vel mando, vel cupio, vel esto, vel erit; sed quibuslibet confecta sententiis, vel in quolibet loquendi genere formata institutio valeat, si modo per eam liquebit voluntatis intentio. Eo tantum contentus esse videtur Constantinus, ut de voluntatis intentione conset: idque novum jus est, cujus immemor Tribonianus contraria docuit in Libris Institutionum. Verum ut haec ita se habeant, nova illa Constantini Lege institutionem heredis ex conjectura probari tam falsum est, quam quod falsissimum. Ante Constantinum certae solemnesque erant formulae, quibus scribi heredem licebat. Apud Ulpianum in *Fragm. tit. 21. §. 1.*, & cit. *L. 1. §. 7.*, & Marcianum in *L. his verbis* 48. de her. inst. formulae hae sunt, Heres esto, vel sit: heredem esse jubeo: hereditatis meae dominus esto: nec scio num aliae fuerint veteri jure receptae. Unum id scio, quod addit ibidem Ulpianus, institutionem illam *Heredem instituo, Heredem facio*, plerisque improbatam fuisse, non tam quia heredem sola Lex facit, quam quia testator iis verbis magis referre atque indicare, quam imperare videbatur. Vide Cujac. in cit. loc. Ulpian., & Fabrum de err. Pragm. dec. 49. err. 10. num. 10. & 11. Nimiam istam, & miseram veterum observationem iussit Constantinus, & quibusvis verbis institui heredem permisit, dum tamen voluntatis intentio liqueret. Duplex autem est modus, quo liquere intentio

ista

illa voluntatis potest: alter in verbis positus, alter in sola conjectura. Posteriori hoc modo institui heredem posse putavit Bartolus; sed hic ille modus est, quem Constantinus exclusit. Verba Constantini sunt, *In quolibet loquendi genere formata institutio valet*. De institutione jam facta loquitur Constantinus: modumque, quo voluntatis intentio liqueat, in verbis ponit, quibus ea est facta, non in sola voluntatis conjectura. Conjecturam solam dico, qua voluisse testatorem intelligimus heredem facere, non tamen fecisse. Et eum quidem voluisse, non est satis: necessarium porro est, fecisse quod voluit. Si qua verba sint, quibus testatorem non voluisse solum, sed & fecisse heredem appareat, desit tamen verbum, quo posset de jam facta institutione apertius constare, recte potest suppleri ex conjectura quod desit: idque veteri etiam jure cautum erat apud Ulp. in *L. 1. §. 3. §. 6. & 7. de her. inst.* Sed jure veteri, etiam si verbum nullum deesset, si non imperativa & directa erant verba, nihil actum intelligebatur, Primus Constantinus institutionem inflexis etiam verbis factam valere iussit, atque huc ejus constitutio spectavit. Ergo quae institutio facta his verbis, *Tuum rogo, ut mihi sit heres*, ante Constantini tempora non valebat, post Constantinum valet, ex iis enim voluntatis intentio liquet aequae atque ex his *Tuius mihi heres esio*. Ergo, ut redeam ad ea, quae Tribonianus scripsit §. 2. *Inst. de fideic. her.*, aut eum credendum, quum illa scriberet, animum non attendisse ad novam Constantini Imp. constitutionem, aut *Tō recto jure* aliquanto latius accipere, ita ut inflexa eisdem verba comprehendat, quavi vī novae illius constitutionis inflexa habeantur pro directis: quae mea est conjectura, quantulumcumque est, in eum locum Triboniani.

Sequitur altera illa pars formulae, *Si heres non erit*. Haec omnes comprehenditur casus, quibus heres primo gradu scriptus non erit heres, sive testatori praemoriatur, sive testatori superstes non possit, aut nolit adire, *L. quum ex filio 39 §. ult. h. t., L. 3. C. de her. inst.* Sed num perpetuum sit, quod dicitur, verba *si heres non erit*, omnes illos casus comprehendi, quaesivum video, si filiusfamilias, aliisque suis & necessariis heres scriptus ponatur. Theophilus in *pr. tit. Inst. de pupil. subst.* sententia haec est, verba *si heres non erit* ad suum & necessarium heredem relata unum hunc casum spectare, si is heres esse non possit, veluti si testatore vivo mori eum contingat. Cur autem ita opinetur, optimum hanc ille rationem subjicit, quod qui suus & necessarius dicitur, statim post mortem testatoris ipso jure exiit heres, nec quod beneficio Praetoris abstinerit hereditate, desinit heres esse: cui consequens est, ut primum testator obit superstiti suo herede, vulgarem substitutionem expirare. At enim Scaevola in *L. ex contractu 4. de re jud.* tutores inquit pupillam abstinuisse bonis paternis, sicque bona ad substitutum pervenisse. Ita vero, sed vir C. I. Dominica Aulius Comm. in *h. t. quaest. 5.* Scaevolae locum accipit de substitutione facta in expressum casum, *si heres esse noluerit*, quam formulam eo differre putat a formula generali, *si heres non erit*, quod haec, quum ad solum impotentiae casum restringatur, jus sui, & necessarii heredis non tollit: tollit autem illa: atque in hanc modum Theophilus sententiam exponit. Sed nullum inter unam, atque alteram formulam discrimen ponunt

Accursius, Bartolus, & Faber; quod vero pertinet ad vim potestatemque substitutionis, dissident illi inter se. Accursius in *L. Papinianus* 8. §. 9. v. *ad substitutum D. de inoff. suum* & necessarium de necessario quidem fieri ait voluntarium; manere tamen suum: quo fit, ut substitutus excludatur. Bartolus in *L. 1. h. 1.* eum desinere esse putat quoniam necessarium, tum suum; proinde substitutum admittit. Faber *De err. Pragm. dec.* 32. err. 6. 7. & 8. vulgari substitutione tolli negat jus sui, & necessariū heredis, & tamen admitti substitutum contendit quasi bonorum possessorem, cui utiles tantum actiones dat Praetor. Longum esset singula expendere, quae in suam quisque sententiam profert. Fecit id quam diligentissime Aulsius noster *loc. cit.* Ego satis habeo opinionem, quam sequaris, deligere, & nova argumentorum accessione confirmare. Et ecce opinionem Bartoli deligo, quamvis non omnia probem, quae pro ea vulgo adferuntur. Et primum in suo etiam & necessario herede generalem formulam, *si heres non erit* utrumque casum comprehendere, *si non possit*, ac *si nolit*, probari posse ajo verbis Marciani in *L. jam dubitari* 86. *de her. inst.*, *Jam dubitari non potest*, suos quoque heredes sub hac conditione institui posse ut *si voluissent heredes essent: si heredes non essent, alium, quem visum fuerit, eis substituere*. Praeit suorum heredum institutio sub conditione, *si heredes esse vellent*: sequitur vulgaris substitutio sub generali formula, *si heredes non essent*. Quoniam autem in formula vulgaris substitutionis negatus, quod formula institutionis affirmat, utramque Marciani formulam conferenti patebit, *Ti si heredes non essent* eum quoque casum complecti, *si nollent*. Jam necessarium fieri voluntarium, apertissime docet idem ipse Marcianus §. 1., *Suis ita heredibus institutis, si voluerint heredes esse, non permittendum amplius abstinere se hereditate, quum ea conditione instituti jam non ut necessarij, sed sua sponte heredes extiterunt*, Nihil me commovet, quod ait Faber, fieri voluntarium, si conditio apponatur institutioni, ut in verbo Marciani, non item, si apponatur substitutioni; nam licet prior casu actus in suspensio sit, posteriore resolvatur sub conditione, tamen recte Aulsius monet effectum duos istos casus eodem redire, quum actus sub conditione resolutus perinde habeatur, ac si nihil actum fuisset, ut proinde res sit cum fructibus restituenda, *L. item* 6. *de in diem addict.* Ego plus puto, spectandam in hac re voluntatem testatoris, cujus arbitrio Marcianus permittit necessarium instituere, ut eum, qui sua sponte est heres: spectata autem voluntate nihil interesse, num testator utatur hac formula, *Filius meus heres esto*, *si volet*, an hac, *Filius heres esto*. *si filius heres non erit, Maevius heres esto*; quum enim illa, *Si filius heres non erit*, & casum, quo non possit, & casum comprehendant, quo nolit, quis non videt, illis permitti filio nolle, quod, necessario heredi non datur? Nec eo quiddam moveor, quod porro ait Faber tutores apud Scaevolam in *cit. L. ex contractu* 44. pupillam, cui fuerat vulgari formula substitutum, abstinuisse; quo nihil fuisset opus, si vi ejus formulae necessaria heres esse desisset; namque in ea specie ponendum est, filiam tutore auctore immiscuisse se hereditati paternae, qui enim posset alias intelligi, quod inquit Scaevola, *ex contractu paterno actum est cum pupilla tutore auctore*, & *condemnata est*? Erat igitur necesse pupillam paternis bonis abstinere.

abstinere per in integrum restitutionem, *L. ait Praetor 7. §. sed quod 10. D. de min., & L. 1. C. si min. ab hered. se abstin.* Denique suum heredem destinare suum esse, ex eo facile conficitur, quod locus fiat substituto, *cit. L. jam dubitari 86., & L. ex contractu 44.*: quumque hic sit secundus heres, si ille non delincret esse suus, jam duo minis essent ex alio heredes: quod quam ridiculum sit, nulli non patet. Est quidem inspecie pulchra conjectura Fabri, substitutum hoc casu magis bonorum-possessorem esse, quam heredem; sed quis dedit Fabri novam contingere bonorum possessionem, quam Leges ignorant?

Non minus difficilis, atque obscura est ea quaestio, num si testator alterum casum expressit, i. e. vel eum, quo nolit, vel eum, quo esse heres non possit, utrumque expressisse intelligatur. Putat Bartolus (& magnus cum eo facit interpretum numerus) si alteruter casus exprimat, etiam non expressum pro expresso haberi, quia testator in eum si nem substituit, ne moriatur intestatus: proinde argumento ducto, ex eo sine, credendum est, eum quamvis unum casum expresserit, in omnem casum substituisse. E vero multae aliae causae sunt, in quibus casus expressus producit ad non expressos, si unus omnium sit finis. Ita quum filiosfam. sui juris fiat vel emancipatione, vel patris morte, quum naturali, tum civili, casus emancipationis ad casum mortis extenditur, & contra, *L. Gallus 29. §. 5. de lib. & post., L. mulier 22. pr. ad Trebel., & L. si mater 3. C. de inst. & subst.* Ita etiam casus, quo filius, neposve nascatur post testamentum, mortemve testatoris, eum quoque casum continere, quod ante testamentum vel vivo testatore nascatur, & contra, *L. Titius 25. §. 5. D. de lib. & post., & L. uli. C. de post. her. inst.*: quin ubi idem est finis, pro eodem habentur nolle & non posse, ut in *L. 1. §. 2. de procurat.* A Bartolo discrepant Recentiores, quorum argumenta haec sunt. Poserat testator paucis illis & vulgaribus verbis, *si heres non erit*, omnes casus compledi, & maluit tamen his, *si heres esse noluerit*, aut his, *Si heres esse non potuerit*, casum unum exprimere: cui consequens omnino est, eum in unum illum casum substituere voluisse. Deinde *Tō si noluerit*, aut *si non potuerit* conditio est: conditiones autem in forma, ut ajant, *specificae* implendae sunt, *L. qui herede 44. pr. & L. Maevius 55. de cond. & dem.* Ad haec Pomponius in *L. commodissime 10. de lib. & post.*, postquam dixerat, eum, qui nondum natus est, institui heredem posse, *Sive vivo testatore, sive mortuo natus fuerit*, aut etiam pure, neutrius temporis habita mentione, haec subjicit, *si alteruter casus omisus fuerit, eo casu, qui omisus sit, natus rumpit testamentum.* Denique Papinianus in *L. pater totius de cond. & dem. Severinae* (al. Severianae) Proculae praedium a patre relatum ponit sub conditione, *Si Aelio Philippo cognato nupsisset*, h. e. ut eam Papinianus interpretatur, *si nubere voluisset*: quod si ea non nupsisset, h. e. noluisse nubere, idem praedium Philippo datum: tum ait, si filia nondum viripotens moriatur, Philippo non deberi fideicommissum; tanquam datum, si nollet filia, non si non posset. Haec ita disputatur in utramque partem. Diu est, quum Bartoli opinio exulavit e scholis, sed ea tamen dominatur in foro. Ego ad hunc usque diem a Bartolo seorsum sensi, nunc sentio cum eo: & fortasse novae aliquid lucis allu-

ram huic rei; sed non omnibus, quae aut is, aut pro eo aliis scripserunt, adsentior; nam quid magis ridiculum, quam nolle & non posse pro eodem habere, arg. *L. 1. §. 1. de procurat.*, quae nihil facit ad rem? Aut ibi Ulpianus, usum procuratoris necessarium esse, ut qui rebus suis ipsi superesse vel nolunt, vel non possunt, per alios possint vel agere, vel conveniri. Quis autem illinc recte colligat, generaliter pro eodem haberi nolle & non posse? Ubi de procuratore constituendo agitur, nolle & non posse speculato effectu videtur haberi pro eodem, quia Lex litigatoris arbitrio permittit procuratorem agere, vel conveniri, sive quia suis ipse rebus superesse non vult, sive quia non potest. At non ex heredis instituti arbitrio pendet hereditatem adquirat, nec ne, uti hâud in scire Thomas Papilionius *De direct. her. subst. cap. 7.* Uno argumento vere decretorio veram pronuncio sententiam Bartoli, quod quum in qualibet testamenti parte, tum maxime in *conditionibus voluntatem potius, quam verba considerari oporteat*, ut Papinianus scribit in *cit. L. pater 101.*, quae frustra opponitur, ut. mox: certe vero qui substituit, id eo facit, ut moriatur in omnem casum testatus: neque ulla potest ratio afferri, cur is qui voluit testatus mori, si primus heres adire nollet hereditatem, mori maluerit intestatus, si ille non posset, & contra; quodque is unum tantum casum expressit, non potest conjecturam istam voluntatis excludere. Saepe jurisconsulti supplent ex conjectura quod non expressit testator, verisimiliter autem expressisset, si de eo cogitasset, ut in *cit. L. 22. ad Trebel.*, & *cit. L. ult. C. de post. her. inst.*: quin eo casu minus a testamentario scriptum, quam a testatore dictum praesumunt, ut in *L. quum avus 102. de cond. & dem.* Non obstat *cit. L. commodissime 10.*, namque obtinere vim Legis non potest postquam Justinianus vetus dissidium dirimens, cujus ea vigilantia est in Pandectis a Triboniano indiligenter relatum, iussit postumum sub ea conditione scriptis heredibus, *si intra decem mensium spatium post mortem ejus editi fuerint*, voluntatem testatoris, sive post ejus mortem, sive eo vivo fuerint procreati, immutatam manere, ac proinde testamentum non rumpi, ne poenam patiatur praeteritionis, qui filios non praeteriit, *cit. L. ult. C. de post.*: quin ex nova Justiniani Constitutione gravissimum enascitur pro Bartolo argumentum. Neque obstat *cit. L. 101. de cond. & dem.*, in qua aliud ab eo agitur, quod nunc venit in quaestionem. De illo nunc queritur, num casus unus a testatore expressus ad alterum non expressum producat. At in *cit. L. 101.* hoc agitur, num possint late patentes clausulae, qualis illa est, *si non nupsisset*, ex conjectura voluntatis coangulari. Et Papinianus quidem in *cit. L. 101.* clausulam *si non nupsisset* duos casus comprehendentem, alterum, si noluisse, alterum, si non potuisset, interpretatione coangulavit, restrinxitque ad casum, quo noluisse, quia subesse rationem vidit, cur ita voluerit testator. Voluit pater praedio Severinae filiae relicto eam allicere ad nuptias cum Aelio Philippo cognato inendas: porro, si filia oblatas a patre nuptias recusasset, idem praedium transiit in cognatum eo certe animo, ut & filiam deserti officii moneret, & injuriam cognato inlariam quadanteus solaretur. Cessant autem ista, si ea aetate decessit filia, qua nec velle poterat, nec nolle. Nunc facile intelliges, quemadmodum sit accipiendum illud, quod

vulgo

vu'go d'itant Nostri, conditiones esse in forma specifica implendas. *Id* id quidem verissimum, si non aliud suadeat conjectura voluntatis. *Forma specifica* potior est voluntatis conjectura in *cit. L. 101. de cond. & dem., & in cit. L. 22. ad Trebell.*

Ad alia transeo, quae mihi supersunt, nondum tamen abeo a verbis, *si ille heres non erit*. Interest, num ille, cui alius substituitur, sui juris sit, an alieni. In eo, qui sui juris est, verba, *si heres non erit* illud significare ait Trib. §. 5. *Inst. h. t.*, si hereditatem non adquisierit sibi, eive, cui, sive patri, sive domino postea, i. e. post testamentum, sed ante testatoris obitum, subiectus esse caeperit: in eo autem, qui alieni juris est, ita accipi, *si neque ipse heres erit*, sui juris esse incipientis post testamentum, sed vivo adhuc testatore, neque alium, i. e. dominum patremve, heredem effecerit non desinens esse juris alieni. Eadem scripserat Julianus in *L. si paterfam. 40. de her. inst.* Utrouque casu certi juris est substitutum excludi, *L. post. adiam §. C. de imp. & al. subst., & L. si quis 7. D. de adq. her.* Quod vero filiusfam. ac servus jussu patris, ac domini adeunt hereditatem, *L. si ego 26. eod.*, questionis est, num, si pater, vel dominus jubeat adire, filius autem, servusve officium detrectet, ipse possit pater, aut dominus adire excluso substituto. Et secundum ea quae modo sunt dicta, negandum videretur; nam filiusfamilias servusve aut sibi deberet mutata post testamentum conditione acquirere hereditatem, aut non mutata conditione patri vel domino: acquirere autem alias quam adeundo non potest: nec quisquam potest, nisi velit, adire, arg. *L. nolle 4. D. eod.* Hoc argumento satis multi negant, & nominatim Fachinacius *Contrav. lib. 4. cap. 63.* Et magna quidem vis esset illius argumenti, si sola esset ratione pugnandum. Sed Justiniani auctoritas obstat in *L. ult. pr. §. 1. & 2. C. de bon. quae lib.*, qua moti Bartolus, alique patremdominumve praefereunt substituto. Agens ibi Justinianus de bonis adventitiis, quorum ususfructus pertinet ad patrem, hunc ait recusante filio liberam habere licentiam sibi adire hereditatem, & omne sive damnum, sive lucrum in suam habere fortunam. . . . quasi ipse pater ab initio fuisset heres institutus. Et quamvis de solo patre loquatur, quin idem de domino senserit, non dubitandum. Idem utriusque jus est: quin potius domini jus est, quam patris. Illud & hic addo quod si heres scribatur servus alteri legatus, utri ei vulgari modo substituant, ut in hac formula apud Saevo-
volam in *L. servum 48. §. 1. h. t.*, Siichum Maevio do lego. Siichus heres esto: si Siichus heres non erit. Haec verba si heres non erit unum hunc casum recipiunt, si dominum non elegerit heredem: quod in *cit. §. 1.* non obscure docet Saevola. Hujus tamen ratio haec est, quia quem servum testator heredem instituit, eum ipsum eodem testamento legavit Maevio.

Porro interest, num testator conditionem primi heredis scierit, ne ne. Si sciat, iis sit locus, quae modo sunt dicta: si nesciat, locus sit iis quae sunt apud Julianum in *L. si paterfam. 40. D. de her. inst.*, unde descriptis Tribonianus §. 4. *Inst. h. t.*, Si paterfamilias, inquit Julianus, Titium, quem ingenuum esse credebatur heredem scripserit, eique si heres non esset, Sempronium substituerit: deinde Titius, quia servus fuerat, jussu domini adierit
heres.

*hereditatem; potest dici, Sempronium in partem hereditatis admitti: & hoc Tiberium Caesarem in persona Parthenii servi sui constituisse scribunt Pomponius in cit. L. 41. eod., ac Tribonianus in cit. §. 4. In dubia re media sententia ut plurimum tutior. Exempla sunt in L. antiqui 3. D. si pars hered. pet., & in §. ult. Inst. qui & quib. ex caus. man. in proposita specie si velis alterutri solidum dare, neutri tuo dabis. Ne domino des, tacit coniectura voluntatis testatoris, qui, quod heredem institutum putaverit patremfamilias, videtur non fuisse institutus, si eum esse servum scisset: tantum abest, ut possit videri consulere domino voluisse. Ne des substituto, vetat regula illa juris, plus valere quod in veritate est, quam quod in opinione, §. 11. Inst. de leg. Acquisivisse igitur Julianus ac Tribonianus substitutum in partem admittunt: acquisivisse divisam Tiberio Caesare hereditatem Pomponius inquit. Tò in partem apud Julianum, ac Tribonianum, ac Tò divisa hereditas est apud Pomponium apertissimo indicio sunt partium aequarum; regula est enim juris, Si non fuerit certa portio adjecta, dimidiam partem deberi, L. nomen 164. §. 1. de V. S., ut vix sint ferendi, qui duos faciunt semisses, horumque alterum ex aequo partiuntur inter substitutum ac dominum, alterum dant integrum aut domino, aut substituto. Utramque sententiam solide refutavit Jac. Gothofredus *Animadv. jur. cap. 15. & 16.* Accursum, atque Aretinum utriusque sententiae principes egit transversos, quod sequitur apud Julianum in cit. L. 40., Igitur in hoc casu semisses fient, ita ut alter semis inter eum, qui dominus instituti heredis fuerit, et substitutum aequis portionibus dividatur. Ecce alter semis inter dominum, & substitutum dividitur: alter huic, aut illi integer dandus. Res est multae operae, ac laboris, erba Juliani sic interpretari, ut eum proprie loquutum dicas; meo enim iudicio de verborum proprietate, non de sententia juris ambigitur. Collatis Juliani, Pomponii, ac Triboniani locis manifestissimum fit, inter dominum & substitutum aequum ex aequo dividi, non alterum semissem. Opiniones sive eorum, qui aliquid emendant, suppletive, sive eorum, qui aut Tò aliter, aut Tò inter, aut Tò dividatur aliter explicant, quam vulgo eae voces forant, sive eorum, qui Juliani locum ad certam speciem restringunt expendere nunc tempus non fuit.*

Sed nonne Juliani, Pomponii, ac Triboniani locis obstat Imperatoris Alexandri rescriptum ad Vitalem militem in L. quum proponas 3. C. de her. instl. Ita praefecerunt haec ejus verba, Quum proponas, Alexandrum equitem testamento primo loco Julianum, ut libertum suum, heredem instituisse, eique substituisse his verbis, Quod si ex aliqua causa primus heres hereditatem meam adire noluerit, vel non potuerit; tunc in locum ejus secundum heredem substituo Vitalem: post mortem autem testatoris Julianum servum communem fuisse defuncti militis, & Zoili fratris ejus apparuerit, an tu ex substitutione admittaris, voluntatis est questio. Nam si credens eum proprium & suum libertum, heredem instituit, nec per eum ad alium quemquam hereditatem pertinere voluit: exitit conditio substitutionis, ibique hereditas delata est. Quod si verba substitutionis subscriptae ad jus retulit, ut si nec per semetipsum alium fecisset heredem (potuit enim, quamvis jubente domino, nolle adire) ita demum substitutus vocaretur, si tamen paruerit domino, & adierit: substiti-

substitutioni locus non est. Eam ipsam speciem, quam Julianus, Pomponius, ac Tribonianus, tractat Alexander, atque quaestionem esse voluntatis, hanc autem ita esse interpretandam, ut ino casu dominus, altero excludatur substitutus, utroque uni tota hereditas detur. Non placet, quod Chifletio *De substit.* cap. 12., aliisque bene multis video placere, jus vetus de hereditate inter dominum, & substitutum dividenda fuisse ab Imperatore Alexandro immutatum; ita enim ponendum esset, Tribonianum, quum Pandectas componeret, novae Constitutionis, quam Codici inseruerat, oblitum, rursusque ejus oblitum, quum componeret Institutiones: dominum, quum Codicem ederet repetitae praelectionis, fragmentorum Juliani, ac Pomponii, quae in Pandectis, atque Institutionibus proposuerat, oblitum: quod vix est, ut cuiquam verisimile possit videri. Placet autem, quod Accursio, Cyno, Castrensi, & magno Cujacio placuit, casum quem in Pandectis, atque Institutionibus Julianus, Pomponius, ac Tribonianus proponunt, alium ab eo esse, quem proponit Alexander. Hic casum proponit, quo ex conjectura voluntatis aut substitutus domino, aut dominus substituto praeferatur. Casum illi proponunt, quo nulla suppetit conjectura, nec aut domini, aut substituti causa praeponderat. Duos casus habes apud Alexandrum, tertium apud Julianum, Pomponium, ac Tribonianum.

Jam vero, quod superius dictum est *To si heres non erit* id etiam significare, si non alium effecerit heredem, putat Bartolus, cui plerique omnes subscribunt, non modo ad dominum patremve, sed & ad eos pertinere, ad quos non dum adita hereditas transmittitur. Hos nostri *transmissarii* vocant. Eorum genus triplex: primum eorum, qui *transmissarii sui heredis*: secundum eorum, qui *transmissarii Theodosiani*: tertium eorum, qui *transmissarii Justiniani* vulgo appellantur. Si quis suorum heredum testamento scriptus heres mortuo testatore decedat, hereditatem ad heredes suos ut ut extraneos transmittit, namque haec illi statim post mortem testatoris quaeritur ipso jure, sicque quaesita transit illo mortuo ad heredes, qui proinde *transmissarii sui heredis* dicuntur. Porro liberi utriusque sexus, quum sui, tum emancipati a parentibus utriusque sexus paternis, maternisve scripti heredes; si non sint ultra tertium gradum, ad suos tantum liberos cujuscunque sexus, vel gradus hereditatem transmittunt ex constitutione Theodosii in *L. un. C. de his, qui ante apert. tab.*, unde *transmissariorum Theodosianorum* nomen. Postremo heredes quicumque si intra tempus decesserint, quod eis ad deliberandum est datum, (tempus hoc varium est. *L. ult. §. 13. C. de jure delib.*, & *L. siquis 72. de adq. her.*) jus illud deliberandi intra tempus, quod reliquum est, ad quosvis heredes transmittunt ex Constitutione Justiniani in *L. quum in antiquioribus 19. C. eod.*, unde hi *transmissarii Justiniani* dicti sunt. Venio nunc ad Bartolum, certaque separo ab incertiis. Substitutos a *transmissariis sui heredis* excludi, non ambigitur. Quae de suo herede modo sunt dictae, quaeque alia a nobis scripta sunt *Infr. repet. praelect. tom. 2.* id manifestissime evincunt. Excludi etiam a *transmissariis Theodosianis*, verba ipsa Theodosianae Constitutionis demonstrant. In *cit. L. un.* scriptum est, liberos utriusque sexus, si non sint ultra tertium gradum, a parentibus scriptos heredes etiam ante apertas tabulas, ac sive se noverint scriptos heredes,

five

sive ignoraverint derelictam sibi hereditariam portionem in liberos transmittere. Verba, etiam ante apertas tabulas, ac sive se noverint scriptos heredes, sive ignoraverint, firmissimo sunt argumento, Theodosium liberos non suos, quem de hereditate transfundenda agitur, pares suis heredibus fecisse. Ergo quemadmodum ad transfusarios suorum heredum, ita ad Theodosianos jam quaesita hereditas transit: proinde vulgarem sublimitum excludi necesse est. Verba hereditariam portionem in liberos transmittere, apertissime probant, liberos ea transmissione heredes fieri: adeoque substituto vulgari secundum ea, quae de vi formulae si heres non esset, sunt dicta, fieri locum non posse. Jam potro scriptum est in cit. L. un. Theodosianos istos transfusarios hereditatem tanquam debitam vindicare; dicitur autem vindicari, quod iam est questum. Et licet quod nobis est debitum proprie codicatur, non vindicatur, §. 2. Inst. de ad., tamen recte monet Faber de err. Prag. dec. 34. err. 4. num. 14., non esse tantam verborum proprietatem tam exinde desiderandam in Constitutionibus posteriorum Imperatorum, praesertim Theodosii & Valentiniiani, quorum temporibus jam erat multum de veteri illa prudentum, priorumque Imperatorum eloquentia deminutum. Num idem de transfusariis Justinianaeis jus sit, incertum. Et plerique omnes post Bartolum ajunt: rectius negat post veterum nonnulli Faber in cit. dec. 34. er. 5.; alia enim transfusariorum primi, & secundi generis, alia transfusariorum tertii generis ratio est. Ad hos jus tantum deliberandi, non hereditas: ad illos ipsa hereditas transmittitur. Primus heres, quo substitutus excludatur, alium facere heredem debet: id vero facere transfusio juris deliberandi non potest, nam nemo plus juris in alium transfert, quam ipse habeat L. nemo §. 4. de reg. jur.: si autem, qui nihil deliberans moritur, non moritur heres: contra sunt, & liberi mori heredes intelliguntur hoc ipso quod hi hereditatem non recusaverint, uti Theodosius loquitur in cit. L. un., ille non abstinuerit hereditate. Hoc uno argumento satis refelluntur qui sentiunt cum Bartolo, ac nominatim Fachin. Contr. lib. 4. c. 62.

Nec quidquam faciunt ad rem juris loca, quae in sua illi sententiam laudant. Ad rem non facit quod agebat Scevola apud Paulum in L. quod si minor 24. §. 2. de minor, minorem, qui juvenili levitate dulus omisit, vel repudiavit hereditatem, heredemque etiam minoris re integra exaudiendum adversus substitutum? nam quid commune habet in integrum restitutio cum jure deliberandi? In integrum restitutio facit, ut res redeat ad primum statum, cit. L. 24. §. 4., ac proinde nunquam omissa, aut repudiata fingatur hereditas: non repudiata autem hereditate locus vulgari substituto non erat. Contra jus deliberandi statum rerum non mutat: status autem hic est, ut heres institutus nec ipse se, nec alium fecerit heredem. Multo minus ad rem facit argumentum, quod ducunt ex Imp. Gordiani rescripto in L. si fratris 3. C. de jure delib.: id autem recte intelligi nisi adscriptis Gordiani verbis non potest. Verba sunt, Si fratris tui filius mortis tempore in patris sui fuit potestate, sive ex affe heres institutus est, etiam clausis tabulis heres potuit existere: sive ex parte, nihilominus statim suus ei heres extitit; nec ea propter quod intra paucos dies mortis patris sui concessit in factum, tu ad ejusdem Patris tui potes

potes accedere *successionem*. Prior hæc pars rescripti ad *transmissarium* pertinet sui heredis. Obstat is substituto, multoque magis heredi legitimo. Pergit Gordianus, Quod si, quum sui juris esset ante aditam hereditatem decessit, iuque fratri tuo legimus heres extitit, quæ hereditariarum facultatum sunt, vel quæ ab alio injuria detinentur, Praetidis diligentia tibi restituatur. In posteriore hac parte rescripti subaudiunt illa, sive ex *asse* infans esset, sive ex parte, tum ajunt si sui juris filio heredi scripto datus est coheres, & filius ante aditam hereditatem decessit, coheredem, cui jus adcrescendi competit, a fratre testatoris, eodemque filii defuncti patrum tanquam *transmissario* juris deliberandi excludi: demum si juris illius transmissio obstat juri adcrescendi, eam obstat eisdem ajunt substitutioni; nam quid est aliud jus adcrescendi, nisi tacita substitutio? Confer *L. si Titio 61. §. 1. de leg. 2.*, & *L. non iussum 4. C. ad SC. Trebell.* Multo, inquam, minus argumentum hoc ad rem facit; primum enim nulla ibi habetur mentio, quin nulla potuit haberi *transmissarii* Justiniani annis 292. post Gordianum institui: deinde quia si in posteriore parte rescripti subaudiretur *Ti ex parte*, intelligi non posset quod sequitur, iuque fratri tuo legimus heres extitit. Dato enim coherede, ad quem hereditaria pars pertinet ex testamento, nullus est reliquus heredi legitimo locus, nisi obiisse patrem, ponas testatorem, intestatoremque: quod jus nostrum in paganis non patitur. *L. jus nostrum 7. de reg. jur.*: demum quia illud ipsum, quod dicitur, fratrem, eundemque patrum heredem legitimum extitisse, transmissionem omnem excludit; nam *transmissarius* ex testamento fratris successisset, non, ut a Gordiano rescriptum, ab intestato. In *cit. L. 3. vide Fabrum in cit. dec. 34. err. 7.*, quem tamen, ut alios, fugit ea observatio, in posteriore rescripti parte ponendum omnino esse, sui juris filium ex *asse* institutum. Sed nec illud est omittendum, si casus Gordiano propositus hodie contingeret, mortuo sui juris filio heredibus liberis aliud jus futurum; hi enim tanquam *transmissarii* Theodosiani, quos Gordiano recentiores esse constat, heredi legitimo obstarent. Demum non facit ad rem, licet primo oculorum obtutu videatur facere, quod post institutum *transmissarium* Justinianum Justinianus ipse scripsit in *L. un. §. quum autem, 3. C. de caduc. toll.*, Quum autem in superiore parte legis non aditam hereditatem minime, nisi exceptis quibusdam personis, ad heredes defuncti transmitti disposuimus, necesse est, si quis solidam hereditatem non adierit, hanc, si quidem habeat substitutum, ad eum, si voluerit, & potuerit, pervenire; nam nihil necesse est, verba illa veluti per parenthesis interjecta nisi exceptis quibusdam personis &c., quæ certæ sunt de Justiniano etiam *transmissario* intelligenda, verbis adnectere, si quidem habeat substitutum, ita ut concurrentibus *transmissario* Justiniano, ac substituto ille sit potior: nec potest superior pars Legis, quo spectare ea verba expresse ait Justinianus, absurdissimam illam interpretationem pati. Superior illa pars Legis est §. in novissimo §. *cit. Leg.*, ubi sermo est de *transmissario* Theodosiano, ac Justiniano: ibi autem ne verbum quidem unum de substituto; sed id tantum dicitur, ab utroque *transmissario* fiscum excludi, qui jure caduci veniebat. Ex dictis consequitur, *transmissarium* sive sui heredis, sive Theodosianum quum legitimo heredi, tum substituto obstat, quamvis mutata non sit conditio

L

here-

nebit, nec intererit, prior substitutus post infinium, an ante decedat. Duo nos docet Papinianus, alterum, nihil referre, quis sit ordo scripturae, i. e. num testator Titio & Gajo heredibus instituit primum Titio Gajum substituat, tum Gajo Sempronium, an hunc primum Gajo, tum Titio Gajum: alterum, non interesse, num Gajus prior substitutus post Titium institutum, an ante decedat. Sed contrarium verbis Scaevolae videtur tradere Tribonianus in *L. qui habebat 47. h. t.*, *Qui habebat filium & filiam impuberes, instituto filio herede filiam exheredavit, & si filius intra pubertatem decessisset, filiam eidem substituit; sed filiae, si antequam nuberet, decessisset (i. e. decessisset non dum nubilis & impubes) uxorem suam, item sororem suam substituit. Quaero, quum filia impubes prior decesserit, deinde frater ejus impubes, an filii hereditas ad uxorem & sororem testatoris jura substitutionis pertineat? Respondi, secundum ea, quae proponerentur, non pertinere subaudi, jure substitutionis.* Num Tribonianus verbum Papiniani a Scaevola praecipuum suo dissentientis, atque Imperatorii rescripti immemor Scaevolae locum Pandectis inseruit? Sed quis est, cui verisimile possit videri, Tribonianum adeo immemori, atque hebeti ingenio fuisse, ut eidem Titulo subjecerit duos contrarios locos, quorum alter prope aberat ab altero? Num in specie Scaevolae ponendum, secundam substitutionem pubertate filiae expirasse, legendumque filia pubes, aut impubes accipiendum quasi scriptum olim impubes, nunc pubes? Ita visum Accursio. Id vero quis potest pari? Prius libri Florentini, caeterorumque exemplarium fides: posterius verba latini sermonis ratio non parit: ac ne ipse quidem Scaevola, qui distinguit apertissime casum, quo substitutus prior, a casu, quo posterior decedit: nihil autem causae est, cur ita distingueret, nam ne tunc quidem, quum substitutus post infinium jam pubes factus & heres moritur, locus est reliquis substitutione. Ego cum iis sentio qui pupillarem substitutionem separant a vulgari: & in hac quidem substitutione substituto esse ajunt substitutum institutum, in illa negant. Certe alteram ab altera substitutione separant Scaevola, & Papinianus. Hic de vulgari loquitur, ille de pupillari. Sed quae ratio est, cur aliud in vulgari placuerit, aliud in pupillari? Janus a Costa, Bachovius, & satis multi interpretes Institutionum rationem hanc adferunt, quia quum contra rationem juris receptum sit, ut pater filio heredem scribat, non est facile in pupillari substitutione admittendum quod ex tacita ipsius testatoris voluntate admittitur in vulgari. Jacobus Cujacius in *L. 27. h. t.*, Thomas Papillonius *De direct. hered. subst. cap.*, Vinnius, alique non pauci in *cit. §. 3. Inst.*, diversum istud jus ex eo natum putant, quod in vulgari de duobus partibus agitur unius hereditatis: in pupillari de duabus hereditatibus: quo sit, ut in vulgari scindi hereditas nequeat inter heredem legitimum & substitutum: in pupillari vero nihil vetet, alteram hereditatem ex testamento, alteram deferri ab intestato. Porro idem Bachovius observat, in specie Scaevolae non substitui pupillo heredem, ut apud Papinianum, sed filiam exheredatam: quo casu multo esse difficilius videtur, eos, qui exheredatae filiae sunt substituti, etiam pupillo heredi scripto substitutos censeri. Ego Cujacianam rationem habeo potiorē. Sed & dici a eo judicio posset (nihil enim vetat ne in re adeo obscura meum ego judicium, qualecunque sit, interponam) in substitutione

tionē pupillari primum substitutum non proprie substitutum esse, sed primum heredem filio scriptum, adeoque eo ante filium mortuo expirare substitutionem.

Exemplum alterum substitutionis, quae substitutioni tacite inest, habes apud Justinianum in *L. ult. C. de her. inst.* Ulpianus in suis ad Masuriū Sabinum libris a testatore, cui nomen non erat Plotius, ita scriptam finxerat, *Sempronius Plotii heres esto*. In hac specie creditum a nonnullis primum inquit Justinianus, testatorem scripsisse sibi heredem Sempronium, ac *Tō Plotii* errorem nominis esse: quam sententiam merito reprehendit, quis enim adeo supinus, & vero etiam stultus, ut nomen suum ignoret? Tum ait, si forte testator Plotio etiam heres exiit, manifestum esse, eum sibi Sempronium heredem instituisse; nam regula juris est heredem heredis testatoris esse heredem. Vnum haec subiicit, quae faciunt ad rem, *sin autem nihil tale factum est, supervacuum & inanem hujusmodi institutionem esse: nisi prius herede Plotio sibi instituto, sic adjecerit, SEMPRONIUS PLOTII, HERES ESTO; tunc enim existimandum est eum dixisse, si non Plotius heres sibi fuerit, tunc Sempronium in totam partem Plotii ex substitutione vocari: ita ut ex consequentia verborum Plotius quidem institutus, Sempronius autem substitutus inveniatur.*

Praeter eunda non est quaestio inde usque a temporibus Romanae Reip. apud Centumviros agitata, nam substitutioni pupillari tacite inest vulgaris. De hac re disputatum in causa *M. Curii* refert Cicero in *Bruto Cap. 36*. Causa, quantum ex multis Tullii locis colligit Corradus, haec erat. Coponius quidam filio, si in decem mensibus nasceretur, atque intra pubertatem decederet, *M. Curium* substituit. Non nato filio *M. Coponius* testatori adgnatus hereditatem petebat tanquam sibi delatam ab intestato. Contra *Curius* ex tacha vulgari vindicabat hereditatem. *M. Coponius* causam ex scripto tuebatur vir in jure peritissimus, & juris peritorum eloquentissimus *Scaevola*. Causam *Curii* tuebatur ex aequo et bono eloquentium juris peritissimus *Crassus*. Et vidum apud Centumviros a *Crasso* *Scaevolam*, non obscure demonstrant Tulliana haec de *Crasso*, ita multa contra scriptum pro aequo & bono dixit, ut *Q. Scaevolam* obruerit argumentorum exemplorumque copia. Est autem cur miremur, controversiam istam ad tempora usque Justiniani nulla certa Lege finitam fuisse, & pendere adhuc in Scholis: & vero quae olim *Crassi*, ea tum fuit sententia *Accursii*, *Bartoli*, ac plerumque quum antiquiorum, tum recentiorum interpretum juris: quae fuerat *Scaevolae*, ea tum fuerit *Vigilii*, *Fabri*, aliorumque. Sed rectissime *Cujacii* in *L. jam hac jure 4. L. r.* quod in causa *Curiana* pronunciarunt Centumviri, confirmatum scribit constitutione *Divorum Fratrum*: cujus rei locupletissimus testis est *Modestinus* in *eu. L. 4. pr.* his verbis, *Jam hoc jure utimur ex Divi Marci, & Veti constitutione, ut quum pater impuberi filio in alterum casum substituisse, in utrumque casum substituisse intelligatur; siue filius heres non exiit, siue exiit, & impubes decesserit Tō in alterum idem est atque in alterutrum: sicque recte opponitur Tō in utrumque. Ergo certi juris est vulgari expressae tacha pupillarem, & pupillari expressae vulgarem tacha inesse, idque lucubenter confirmant, quae apud *Modestinum* sequuntur §. 2.*

Ait

Ait is, si filii duo alter pubes, alter impubes hoc communi verbo, *Eosque invicem substituo*, sibi fuerint substituti, in vulgarem tantummodo casum factam intelligi substitutionem ex constitutione Severi & Antonini: tum consilium patri dat; Hoc itaque casu singulis separatim pater substituere debet: ut si pubes heres non exstiterit, impubes ei substituitur, si autem impubes heres exstiterit, & intra pubertatem decesserit, pubes frater in portionem coheredis substituitur, quo casu in utrumque eventum substitutus videbitur. Impuberi fratri fratrem puberem substitutum ponit Modestinus in eum casum, si heres exstiterit, & intra pubertatem decesserit: qui casus est substitutionis pupillaris; & eo casu substitutum videri ait in utrumque eventum, h. e. quum in casum substitutionis pupillaris expressae, tum in casum vulgaris, quae pupillari tacite inest. Quid clarius? Et duo tamen reponit Faber. Alterum est, si tacitam vulgarem D. Marci constitutio induxisset, nihil futurum fuisse causae, cur de ea Modestinus tanquam de re dubia disputet: eoque movetur ut credat sub nomine Modestini imperitum Tribonianum latere. Alterum est, casum a Modestino tractari mutuae substitutionis expressae, eoque uno casu pupillari vulgarem inesse, nam cujus, cumque mutuae dispositionis reciprocatio ipsa favorabilem apud jurisconsultos causam facit, *L. si pater C. de inoff. test.* Sed Fabiana ista mirum quam levia sunt. Tantum adest, ut de eo disputet Modestinus, num pupillari tacite inest vulgaris, ut potius ex eo, quod vulgaris certe inest pupillari, patrem moneat, ut, si filios alterum puberem, alterum impuberem habeat, & puberem substituere impuberi velit in utrumque casum, abstineat generali formula, *eosque invicem substituo*, nam si vel solam exprimat substitutionis pupillaris formulam, hac una voti compos fiet. Porro nihil est in verbis Modestini, quod aliquo esse indicio queat, eo tantum casu, quo mutua est substitutio, tacitam vulgarem admitti.

Nunc quae sunt argumenta, quibus Viglius, Faber, alique in contrarium nituntur? Primum illi contrariam sententiam ex scripto tuerentur, quasi non in plerisque causis aequum & bonum praevaleat. Atque ut non aliunde, quam a substitutionibus ejus rei exempla petamus, ecce, vulgari substitutioni tacite inest pupillaris ex Divorum Fratrum constitutione in *cit. L. 4. pr. & ex bono quidem & aequo*, i. e. ex conjectura voluntatis inest praeter scriptum. De patris in filium voluntate Lex quam optime praesumit. Quod igitur filius in pupillari aetate decedens facere sibi testamentum non potest: potest autem pater filio facere testamentum: quodque filio expediat testamentum mori, censendus est pater facere voluisse quod poterat, filique iuxta verum fieri. Ita quum ipsi patri expediat mori testamentum, quamvis in cura casum expresse substituerit, si filius heres esset, atque in aetate pupillari decederet, multo magis credendum est; substituere etiam voluisse in casum, si heres non esset; quis est enim qui quem vult filii sui heredem esse, eum non sibi heredem velit? maxime quum *heredis appellatione contineatur, L. heredis 65. de V. S.*: quod sit ut si filio impuberi exhereditato substituitur, nullus iacitae vulgari sit locus.

Deinde Javoleni locum opponunt in *L. paterfamilias*, quae in Pandectis Florentinis est 28. de rebus auct. jud. possid., in Vulgaris libris est 13. de priv. illeg.

vileg. credit. Paterfamilias impuberi filio, si ante pubertatem decessisset substituit heredem: is huius paterna hereditate se abstinuit, idque bona patris venierunt: tum alia hereditas filio obvenit, hincque ea adita decessit. In hac specie Javolenus sibi utrum admittit, & Quaero autem quum Praetor in ipsum pupillum, quamvis postea hereditas obvenisset, creditoriis tamen patris actionem non daret: an in substitutum, creditoriis patris danda sit actio: quum ex bonis paternis, quae scilicet ad creditores missos ab bona pertinent, nihil acquirit: & quum etiam vires nihil juris in bonis pupilli habuerint, eorumque nihil interfuerit, adiecit, ne ne, pupilli hereditas, quum ea bona, admissa a substituto hereditate, ad creditores non pertinebant. Substitutum admittit Javolenus ex substitutione pupillari expressa, namque cum mortuo ante pubertatem filio, & post aditum ab eo hereditatem admittit. Si qua tacita vulgaris inesset pupillari, vivo adhuc, & se abstinente filio substitutum admisisset Javolenus, eumque coegisset paternis creditoribus respondere, nec ulla fuisset ratio dubitandi, nam substitutus paternis creditoribus teneretur, nam qui non solum pupillo ex pupillari expressa, sed & ipsi patri ex tacita vulgari succedit, certe non potest hereditatem patris ab hereditate filii separare. Sed hinc illud unum posset consequi, Javolenum in ea opinione fuisse, in qua olim fuerat Scaevola, non item illud, pupillari substitutioni non inesse vulgarem; id enim primi constituerunt M. Antonius & Aelius Verus multis annis recentiores Javoleno, quem Trajano coeum Plinius facit *Lib. 6. ep. 15.* Ita subtrahi quispiam posset Tribonianus, quod opinionem novam divorum Fratrum constitutione abolitam reliquerit in Pandectis.

Finem Capiti imponat quod temporibus veterum Jurisconsultorum venerat in questionem, postquam vero Tribonianus Fragmenta duo Pandectis inseruit, alterum Pauli in *L. sed si plures 10. §. ult.*, alterum Scaevolae in *cit. L. servum 48. §. 2. h. 1.*, certi juris esse caepit. Quaesium scribunt Scaevola, & Paulus, num possit institutus ipse sibi substitui. Et in hac quaestione quaerendum esse ait Scaevola, *utrum unus gradus sit, an duo, & an causa mutata sit substitutionis, an eadem permaneat.* Unus est gradus, quum institutus recta, h. e., non per aliam interpositam personam sibi substituitur. Duo sunt gradus, quum sibi quidem substituitur quia is idem est institutus, & substitutus, sed per aliam interpositam personam. Si scriptum sit, *Titius heres esto: si Titius heres non erit, Titius heres esto*, unus est gradus. Si scriptum sit, *Titius heres esto: si Titius heres non erit, heres esto Gajus: si Gajus heres non erit, Titius heres esto*, duo sunt gradus. Porro duos iidem esse gradus inquit Paulus, si coheres adjiciatur heredi instituto, & hic illi in ejus partem substituitur, ut in hac formula, *Titius heres esto, Gajus heres esto: si Gajus heres non erit, in partem Gaji heres esto Titius*; quoniam enim coheres est quasi substitutus, Titius, qui Gajo coheredi, & quasi substituto suo substituitur, substitui intelligitur ipse sibi, uti rectissime Goveanus ad *cit. L. 10. §. ult. n. 6.*, quumque ipse sibi substituitur per interpositam Gaji personam, duo esse gradus videntur. Sed momentosum est in proposita formula *Totum in partem.* Non sola coheredis adjectio duos gradus facit: institutum coheredi substitui in ejus partem necesse est, alioquin unus erit gradus: quod non obscure

seure docet Paulus ibidem. Jam in substitutione mutari causam institutionis, scribit Goveanus n. 4. & 7., quum substitutionis major, quam institutionis est modus, h. e., quum plus est in substitutione, quam in institutione, sique causa mutatur in melius: quod mox exemplo illustrabitur. His praestructis definitio juris apud Paulum haec est, *Neminem institutum, & sibi substitutum sine causae mutatione quidquam proficere, & apud Scaevolam, Causa institutionis mutata subsitui posse, i. e. non mutata causa non valere substitutionem, mutata causa valere.* Id autem ita est intelligendum, si unus sit gradus; nam si duo sint, valere substitutionem Paulus ait, quamvis non mutetur causa: quo fit, ut si institutus sibi substitutus praetermiserit institutionem, recte possit substitutionem amplecti, L. 2. §. 6. D. si omis. caus. testam. Mutatae, aut non mutatae causae, ubi unus est gradus, exempla sunt apud Scaevolam. Finge scriptum, *Titius, si navis ex Asia venerit, heres esto: si Titius heres non erit, idem Titius heres esto.* In hoc exemplo major substitutionis, quam institutionis est modus, h. e., plus in substitutione est, quam in institutione, quia substitutio pura est, institutio sub conditione, quae potest deficere, ideoque in substitutione causa institutionis mutatur in melius, & manet substitutio, recteque potest Titius omis. institutione substitutionem amplecti. Contra finge scriptum, *Titius heres esto: si Titius heres non erit, idem, si navis ex Asia venerit, heres esto.* In hoc exemplo non mutatur in substitutione causa institutionis, quia plus est in institutione pura, quam in substitutione conditionali, ideoque substitutio nullius momenti erit, nec, si semel Titius omiserit institutionem, ad hereditatem poterit ex substitutione venire. Idem jus esse inquit Scaevola, si *Titius heres scriptus sit*, subaudi pure, & *si heres non sit, idem heres esse jussus sit*, subaudi pure. Hoc etiam casu non valet substitutio, quia non mutatur causa. Igitur sic habe, non mutari causam institutionis, aut quum minus est in substitutione, aut quum non plus in substitutione est, quam in institutione. Nunc facile est intelligere, quod sequitur apud Scaevolam. Praeposit is speciem hanc sane pulchram, *Titius heres esto: Stichum Maevio do lego: Stichus heres esto: si Stichus heres non erit, Stichus liber heresque esto.* In hac specie si Stichus fuisset hereditas data, non item libertas; quia fuerat Maevio legatus, verba *si heres non erit*, unum hunc recepissent casum, si dominum non effecerit heredem, uni superius dictum est. Quoniam vero non solum heres, sed liber etiam est factus, legato praevaleret libertas, & quo tempore legatum est factum, eo ipso tempore adeuntum intelligitur, ac proinde non adeunt hereditatem Titio, Stichus sibi adquirit hereditatem. Jam Stichus legato, & instituto, ac sibi substituto duo sunt gradus, quia quum propter legatum acquirere legato debuisse hereditatem, alii videtur substitutus, non recta sibi: instituto autem, & non legato unus est gradus. Duobus istis Scaevolae, & Pauli locis adnecendus est tertius in L. 1. §. 5. D. si quis omis. caus. testam., ubi haec Ulpianus, Si proponatur idem & institutus, & substitutus, & praetermiserit institutionem, an incidat in editum, quaeritur. Es non puro incidere quasi testator hanc ei dederit facultatem, qui eum substituit: Quo autem haec recte intelligantur, animadvertendum est, edito *si quis omis. causa testamenti locum fieri non eo solum casu, quo scriptus testamento heres*

avus, & non poterat. Ecce cautionem, quae vice est substitutionis pupillariorum: Sed bonne poterat avus nepotem emancipatum adrogare, tum eam invicem substituire in alterum casum? Ita vero; & hoc multo expeditius fuisset. Ecquid igitur causae fuit, cur oportuerit de ea re consuli Jurisconsultos? Noluisset avum adrogare scribit Duarenus in *h. Tit. cap. 14.*; sed cur noluerit, causae video nullam. Ego, quod de nepote popilio agebatur, avum non potuisse ajo. Olim non adrogabatur nisi iam vesticeps, i. e. pubes, auctore Gellio *Noct. Attic. lib. 5. cap. 19.* Pupillorum adrogationes primus permisit Imp. Antoninus secundum ea, quae a nobis sunt scripta *Inst. rep. praelect. tom. 1.* Antoninum autem aetate praeiverunt non Labeo solum, & Otilius, & Cascellius, & Trebanius, sed & ipse Javolenus, qui illos ab avo consultos refert: Jam verba Africani sunt. *Si mater in testetur, ut filium impuberem cum erit annorum quatuordecim, heredem instituatur, eique pupillaribus tabulis, si sibi heres non erit, alium substituat.* Quod tabulas istas Africanus pupillares appellat, ex eo ne colligas matri permittere Africanum filio facere testamentum. Veniat id ipse Africanus, qui filio substitutum ponit ea formula, *si sibi heres non erit*: quae formula est substitutionis vulgaris. Ecur autem tabulas matris vulgari modo substituentis vocat is pupillares? Num quia filium impuberem mater scripserat heredem? Ita me bene multos sequutum scripsisse memini in *Tit. Inst. de pupill. substituit.* Sed mirum quam insolens ea loquutio est, & mirum quam ridiculus videtur Africanus, qui solius subtilia juris tractare, proposita eo loco substitutione vulgari a matre facta, valet, inquit, *substitutio*: quasi fuerit qui dubitaret, num posset mater eum filio dare substitutum, quem omnes omnibus poterant. Faciunt duo haec, quae nunc mihi veniunt in mentem, ut facile probem quod scribit Duarenus in *Tit. cap. 14.* ab Africano proponi genus quoddam extraordinarium substitutionis partim vulgaris, partim pupillaris. Certe in proposita specie mater tantum sibi, non filio testamentum facit, quod proprium est substitutionis vulgaris: sed confert tamen ea institutionem filii in tempus pubertatis, quod, utpote incertum, facit conditionem; ac proinde quem filio substituit, eum videtur heredem instituere in casum, si filius impubes decesserit, quae institutio effectum habet similem quodammodo substitutioni pupillari.

Quidam putant sufficere, eum, cui substituitur, in potestate testatoris esse tempore mortis. Fraudi eis fuit Ulpiani locus in *L. moribus 2. pr. h. t.*, *Si extraneum quis impuberem heredem scripserit, poterit ei substituire, si modo eum in locum nepotis adoptaverit, vel adrogaverit, filio praecedente h. e. tanquam ex filio natum.* Locum hunc illi perperam accipiunt, quasi *Tō adoptaverit, vel adrogaverit* tempus spectet, quod substitutionem iam factam sequitur: quum tamen sit omnino referendum ad tempus, quod praestitit. Et ita postulat manifesta ratio juris. In toto jure civili qualitas juncta verbo (veteri nostrorum effato utar) verbi tempus complectitur, h. e. qualitas ad actum, qui geritur, necessaria, debet, quo tempore geritur, inesse, arg. *L. si alienum §. in extraneis de her. inst.* Sed rem satis luculenter definit Papinianus in *L. coheredi 41. §. quum filiae 2. h. t.*, *Quum filiae, vel nepoti, qui locum filii tenuit, aut post testamentum caepit tenere, parens substituit: si quis ex his mortis quoque tempore non fuit in familia,*

M

sub-

substitutio pupillaris fit irrita. Tà quoque apertissimo est argumento, esse & aliud tempus, quo si filia, vel nepos non est in familia, h. e. in potestate, irrita fit substitutio pupillaris: id autem tempus. esse aliud a tempore testamenti non potest.

Sed redeo ad Ulpianum. In specie, quam is tractat, adoptio, vel adrogatio testamentum praeit filii, non patris. Posse patrem suo testamento perfecto alia hora, aliisque tabulis filio facere testamentum exploratissimi juris est, *L. si quis eum* 16. §. 1. h. t. Ergo fingit Ulpianus, primum a testatore scriptum heredem extraneum: tum hunc adoptivum, adrogatum: demum factam substitutionem pupillarem. Ita quum dicitur, eum, cui substituitur pupillariter, in potestate testatoris esse oportere tempore testamenti, id de eo testamento intelligendum est, in quo illi pupillariter substituitur. Uno casu recte substituitur ei, qui in potestate non est. Postumis. posse parentes pupillariter substituere, nulla dubitatio est, *cit. L. 2. pr.*, & negat tamen Paulus in *L. ult. de collat. bon.*, eos, qui nondum nati sunt, in potestate parentis esse. Verum quoniam sola pupilli utilitas pupillarem substitutionem induxit, & qui in utero est, quæties de commodo ejus agitur, habetur pro nato, *L. qui in utero* 7. *D. de statu hom.*, placuit postumis perinde substitui, quasi jam natis.

Quod porro dictum est, oportere eos, quibus substituitur, primum in familia gradum habere, eam ipsam causam habere, quae fuit causa substitutionis pupillaris. Hanc permiserunt mores., quia pupillis testari per aetatem non licebat. Solus igitur supplendus erat defectus aetatis. At qui non primum in familia gradum obtinet, post mortem testatoris recasurus est in patris potestatem: quo casu testari prohibetur non quia impubes, nam, si pubes sit, etiam prohibetur; sed quia non est sui juris, *L. qui in potestate* 6. *D. de testam.*: unde Ulpianus in *cit. L. 2. pr.*, *Nepotibus etiam facere testamentum possumus, & deinceps. si qui non recusari sunt in patris potestate.* Ita scriptum est in libro Florentino. In aliis legitur *in potestatem.* Posteriolem hanc lectionem si velis praeferre, non abnuo, dum tamen in priore illa nihil esse vitii credas. Sextum casum a Latinis non raro positum pro quarto, multis collatis exemplis demonstrant Aufonius Popma, Dukerus, aliiqæ. Idem dicendum est de nepote adoptivo: quo vulgo referunt superius adscripta Ulpiani verba, *sed si extraneum quis impuberem heredem scripserit, poterit ei substituere, si modo eum in locum nepotis adoptaverit, vel adrogaverit filio praecedente.* Sunt qui legunt, *filio praecedente*: ita enim nepos adoptivus non est in potestatem filii recasurus: sed omnino legendum est, ut in vulgaribus libris, & veto etiam Florentino legitur, *praecedente*, quam lectionem duo sunt, quae meo iudicio confirmant, alterum quod apud eundem Ulp. praet, *si eos patres praecedant*: alterum, quod verbi *praecedere*, quamvis a latini sermonis ingenio abhorreere non videatur, nullum, quod sciam, exemplum est apud bonos latinistat auctores. Praemori, aut alias desinere esse in familia filium: est opus, ut nepos locum ejus subeat, primumque obtineat in familia gradum; sed hoc in adscriptis verbis non exprimit Ulpianus: id expressite contentus in iis, quae praecunt, *si qui non recusari sunt in patris potestate.* Alio spectant Ulpiani verba, *Sed si extraneum, & quae sequuntur usque ad* *T. filio pra-*

praecedente; adnectenda sunt autem, quo recte intelligantur, verbis praecedentibus, *Nepotibus etiam possumus*: sed si eis patres praecedant, ita demum substitui eis potest, si heredes instituti sint, vel exheredati, ita enim post Legem Vellejam succedendo non rumpunt testamentum, nam si principale ruptum sit testamentum, & pupillare evanuit. Continuo sequuntur, sed si extraneum quis impuberem heredem scripserit. &c. Propositum Ulpiano fuit tradere, quid commune sit substitutioni nepoti naturali factae, ac substitutioni factae nepoti adoptivo. Utrique id commune est, ut nepos, quem pater praecedit, institui debeat, vel exheredari, alioqui succedendo, ut Ulp. loquitur in *cit. §. 1.*, subaudi, in locum filii, qui vivo testatore desit suus heres esse, rumperet tanquam praeteritus testamentum avi, quo rupto pupillaris substitutio evanescit. Institui autem debet ex formula Legis Juniae Vellejae, de qua vide a nobis scripta *Inst. rep. praecit.* Secundo ejus Legis capite, quod enarrat Scaevola in *L. Gallus 29. §. 13. de lib. & post.*, nepotem istum institui permittum est hac formula, *Filius meus heres esto: si filius me vivo suus heres esse desierit, tum qui mihi ex eo nepos est, heres esto.* Nepote in hunc modum instituto periculum non erat, ne successione ejus in locum filii rumperetur testamentum avi, sicque & pupillare testamentum evanesceret, nam quod de nepote adoptivo dictum est, tum demum est verum, quum tempore testamenti avi jam erat adoptivus; nam si eo tempore nondum erat adoptatus, adrogatusve (hunc Ulp. in *cit. §. . . extraneum* appellat) vulgari quidem modo scribi heres potest, ex formula Legis Vellejae non potest: sed si tum avi testamentum sequatur adoptio, institutio illa licet vulgari modo facta sufficiat, ne, ejus successione in locum filii, testamentum quasi praeteritus rumpat: quod Goveanus in *cit. L. 2. pr. n. 25.* recte colligit ex Papiniani loco in *L. filio 23. §. 1. de lib. & post.* Si Titius nondum adoptatus instituatur heres, tum loco nepotis quasi ex filio adoptetur, & postea filius vivo testatore decedat, nepotis istius successione in locum filii testamentum non rumpi ait Papinianus, ea ratione, quia heres invenitur, quamvis vulgari modo, & non ex formula Legis Vellejae scripius, quod sufficit, ne tanquam praeteritus rumpat testamentum. Nec praetereundum, quod idem Goveanus monet *num. 26. & 27.*, interesse, num quis simpliciter, an quasi ex filio in locum nepotis adoptetur, aut adrogetur, nam quasi ex filio adoptatus, adrogatusve scribi heres post adoptionem non alias potest, quam ex formula Legis Vellejae, quippe qui in potestatem filii est recasurus: quo fit, ut in hujusmodi adoptionem consentire filius debeat, ne ei invito heres detur, *L. quum nepos de adopt.* contra simpliciter adoptatus adrogatusve, quoniam recasurus non est in filii potestatem, scribi heres vulgari modo post adoptionem potest; quin huic posse superstiti adhuc filio pupillariter substitui ex eo patet, quod non alia est ratio, cur nepoti substitui filio superstiti non possit, quam quae ab Ulpiano traditur in *cit. L. 2. pr.*, quia is est in potestatem filii recasurus. Ergo quandoque pupillariter substitui non suo potest: nunquam ei, qui non est in potestate.

Redeo nunc ad titulum Ulpiani in *cit. L. 2. pr.* Nam si principale ruptum sit testamentum, & pupillare evanuit. Rupti tantum testamenti memi-

nit Ulpianus, quia ita res ferebat, quam agebat eo loco. Caeterum idem ipse Ulpianus §. 5., ait eo etiam casu pupillare testamentum evanescere, quum non est adita hereditas patris, subandi ab herede extraneo; namque extranei proprium est adire: suus heres imminiscere se dicitur hereditati. Quid si suus beneficio Praetoris abstineat? Num pupillares tabulas sustinet nudum sui heredis nomen, quod abstentione non tolli compertissimum est? Negant Viglius in §. 1. *Inst. h. t.*, Alciatus in *L. si filius 12.*, Goveanus in *L. moribus 2. §. 5. num. 28. h. t.*, alique. Multo plures post Bartolum ajunt, & nominatim Donellus *lib. 6. comm. cap. 25.*, Hostianus *lib. 9. obs. cap. 10.*, & Cujacius in *L. 1. §. 3.*, in *L. sed si plures 10. §. 4. & in L. si filius 12. ex lib. 3. quaest. Papiniani h. t.* Sibi non contrit Faber. Priorem *Lib. 2. conjest. cap. 2.*, posteriorem sententiam doctior factus tuetur *De err. Pragm. dec. 32. err. 1.* Ego posteriorem tuebior: quia in re plus, quam aliis, debere me profiteor Cl. Auliso nostro, qui in posteriore hac sententia tuenda, quod is facit *Comm. in h. t. quaest. 14.*, aliorum omnium sive diligentiam, sive intelligentiam vicit. Et rectissime quidem is monet, frustra in eam sententiam produci cit. *L. si filius 12.*, ubi, si filius, qui patri, & postea fratri ex secundis tabulis heres exiit, hereditatem patris recuset, fraternam autem retinere malit, audiri debere ait Papinianus; nam quod recusante paternam hereditatem filio secundae tabulae sustinentur, id non eo fit, quod sui heredis nomen filius retinet, sed eo, quod filio, qui paternam hereditatem recusavit, datus erat coheres frater, qui jure adulescendi heres exiit ex asse; continuo enim subiicit Papinianus, *Jussus Praetorem facturum existimo, si fratri (qui recusavit) separationem bonorum patris concesserit, h. e. eorum bonorum patris, in quae frater successerat, cui is est substitutus.* Quo autem disputationi, in qua versamur, fieri locus possit, omnino ponendum est, nullum heredem ex testamento patris exiisse. Jam multi sunt juris loci, quibus posterior sententia luculentissime probatur. Primus est Ulpianus in *L. quum quasi 30. §. 10. de fideicom. libert.*, *Non est sine herede qui suum heredem habet, licet abstinentem se.* Praetor enim, qui suo heredi jus indulget abstinenti, dicitur dem exheredemque facere non potest: quia de re vide scriptum in *Nostr. Inst. repet. praelect. tom. 2.* Secundus est Juliani in *L. filius 41. de adq. her.*, *Filius, qui se paterna hereditate abstinit (ecce tibi tuum heredem, qui proprie dicitur abstineri), si exheredati fratris hereditati se immiscuerit, & pro herede gesserit (ecce tibi filios duos, alterum exheredatum, alterum ex asse heredem scriptum), poterit ex substitutione (subaudi pupillari) hereditatem (fratris obtinere).* Tertius est Ulpiani in *L. 42. eod.*, ubi primum a Juliano traditum scribit, *Si pupillus paterna hereditate se abstinisset, deinde ei aliquis heres exiisset, non esse eum compellendum credituribus paternis respondere, nisi substitutus ei fuit: tamen sententiam Juliani, qui substitutum subicit oneribus paternae hereditatis, qua se abstinentat pupillus, a Marcello recte notatam ait, impugnare enim utilitatem pupilli, qui ipse saltem potest habere successorem; metu enim onerum patris imitidius quis etiam impuberis hereditatem adit.* Quartus est Javoleni in *L. paterfam. 12. de privileg. cred.*, al. 28. *de reb. auct. jud. possid.*, ubi speciem hanc proponit, *Paterfamilias impuberi filio, si ante pubertatem decessisset,*

isset, substituit heredem: is filius paterna hereditate se abstinerit, ideoque bona patris venierunt: postea filio hereditas obvenit, quae adita decessit: tum quaero, ait, quum Praetor in ipsum pupillum, quamvis postea hereditas obvenisset, creditoribus tamen patris actionem non daret: in substitutum creditoribus patris danda sit actio. Ecce ablinet se filius hereditate paterna, & fit tamen locus substituto pupillari. Apponunt contrariae sententiae assertores illud Ulpiani in cit. L. 10. §. 4. h. t., *Nec enim valet filii testamentum, nisi patris adita fuerit hereditas: nec sufficit ad secundarum tabularum vim sic factum esse testamentum, ut ex eo adiri hereditas possit.* Sed hoc leve est, quum aditae hereditatis mentio, quae suo heredi instituto non convenit, tum quae proximae praeeunt Ulpiani verba commonstrant agi eo loco de extraneo herede scripto ex asse, qui tum sui filio exheredato pupillariter substitutus: praeeunt autem haec, *Si ex asse heres institutus filio exheredato substitutus repudiavit patris hereditatem, quum non haberet substitutum, non poterit filii hereditatem adire.* In eodem modum accipendus est locus ille Ulpiani in L. 2. §. 1. eod., *Nisi adita patris hereditas sit, pupillare testamentum evanescit.* Duo sunt quae graviter obstant: alterum, quod si quis heres, qui paterna hereditate ablinet juri adcrescendi, ac substituto vulgari locum facit, quem non faceret, si adhuc esset heres: alterum, quod si duo fuerint a patre institui eum filio ejus impubere (verba sunt Ulpiani in L. apud Julianum 11. §. 1. ad Trebel.), & idem substitui filio, sufficit ei, qui fideicommissum in secundis tabulis accepit, unum ex hereditibus institutis cogere adire patris hereditatem; hoc enim facto, confirmatisque patris tabulis, poterunt ex substitutione ambo cogi adire, & restituere hereditatem; unde sequitur, aditione, non nudo sui heredis nomine secundas tabulas confirmari. Verum duabus hisce difficultatibus feliciter se expediat Aulilius: & quod pertinet ad priorem, ait fuisse jus ablinendi propter utilitatem sui heredis introductum, nec aliam ab causam, quam ut pupillo prospiceretur, introductam itidem substitutionem pupillarem: quod autem non debent, quae alicujus gratia sunt introducta, in ejus odium retorqueri L. Carbonianum 3. §. duae §. de carbon. edict., ex eo fieri, ut quum ejus utilitas agitur, non habetur pro herede, is idem, si ejus utilitas aliud postulaverit, pro herede habeatur. Utile pupillo est non haberi pro herede, quum suspecta est hereditas patris: proinde eo ablinente locus fit substituto vulgari, aut juri adcrescendi. Utile est itidem pupillo tabulas pupillares servari, quo testator decedat: proinde quamvis ablineat se paterna hereditate non desinit heres esse; ac proinde eo intra pubertatem mortuo locus fit substituto pupillari. Quod vero pertinet ad posteriorem, posthabitis aliorum sive emendationibus, sive interpretationibus, ait in specie, quam tractat Ulpianus, ideo cogi filium immiscere se hereditati paternae, quia de fideicommissio restituendo agitur: hoc autem restitui Praetor cogit, is idem Praetor, qui suum heredem, nisi se immiscuerit hereditati, non habet pro herede, L. 1. §. 7. D. si quis omis. caus. test. Legata, & substitutiones pupillares, quia juris civilis sunt, nudum sui heredis nomen, quod est itidem ex jure civili, satis confirmat non fideicommissa, quae Praetor utitur. Sed magni refert, locum hunc juris de herede cogendo adire, quo fideicommissum convalescat, enuclea-

tius explicari. De hac re ita Ulpianus in cit. *L. 2. §. 2. h. t.*, *Interdum etiam pupillaris testamenti causa compellendum heredem institutum adire hereditatem ut secundis tabulis fideicommissum convalescat: ut puta si jam pupillus decessit. Caeteram si adhuc vivat, improbum esse Julianus existimat eum, qui sollicitus sit de vivi hereditate.* De fideicommissio hereditatis pupilli loquitur Ulpianus; & tamen omnino ponendum est, extraneum heredem scriptum, filium vero exheredatum: loquitur enim Ulpianus de herede compellendo adire: quod verbum extraneo convenit. Sed vix est ut juris ratio possit pati, ut exheredato filio valeat fideicommissum secundis tabulis a patre relictum. Potest quidem pater filio exheredato in secundis tabulis heredem dare, namque hoc vulgaris beneficii loco erat apud Romanos: nam si pater filium exheredavit, & ei nihil reliquerit, nullum esse fideicommissum propriarum facultatum filii scribit Papinianus in *L. coheredi 41. §. quod si 3. h. t.* Sed accipiendus est Papinianus de filio exheredato, cui non sit substitutus heres, quem sibi pater scripsit: contra Ulpianus de herede instituto, qui exheredato filio substitutus est. Eam ipsam speciem proponit Ulpianus, quam dilinte propoluerat Julianus in *L. ita tamen 27. §. a patre 4. ad Trebell.* his verbis, *A patre heres scriptus, & exheredato filio substitutus, si rogatus fuerit hereditatem, quae ad eum ex substitutione pervenerit, initio restituere, cogendus non est, vivo pupillo patris hereditatem adire: primum, quia sub conditione fideicommissum datum est: deinde, quia non probe de hereditate vivens pueri ager; mortuo autem pupillo, compelli debet hereditatem patris adire.* Jam locis illis collatis patet, partes suas Praetorem interponere, si sit fideicommissum universalitatis: quod idem Ulpianus expresse docet in *L. cogi 16. §. 2. eod.*: in singulis rebus per fideicommissum relictis cessant partes Praetoris, *L. si quis omnia 17. D. si quis omnia caus. test.* Quod autem iniquum est, heredem suo periculo, atque alieni compendii causa suspectam patris hereditatem adire cogi, omnino dicendum est, Praetorem actiones in eum denegare. *V. scripta a Goveano in cit. L. 41. §. 3. num. 8.* Idem jus est, si suus heres sit institutus, & abstinere. Eum compelli a Praetore miscere se hereditati, & sic deinde restituere ait Ulpianus in *L. recusare 6. §. 2. eod.*: quo etiam sit, ut secundae etiam tabulae resuscitentur, *L. qui plures 38. §. 3. de vulg.*: nec interest, num in primis, an in secundis tabulis relictum sit fideicommissum, *L. apud Julianum 11. §. idem 1. D. ad Trebell.*, cui non obstat *L. ita tamen 27. §. si pater 3. eod.*, ubi posse Julianus ait hereditatem restituui, & si filius non immiscuerit se hereditati; namque is idem Praetor, qui tuetur fideicommissa, fideicommissorum restitutiones a filio se abstinere etiam sponte factas tuetur. *Vide Aulifum nostrum quaest. 15. sub finem.* Quod dictum est de rupto, de fideicommissis, idem generaliter scriptum est apud Tribonianum §. 5. *Instit. de pupil. subst.*, si patris testamentum non valeat, ea ratione, quia pupillare testamentum pars est & sequela testamenti patris. Sed scite monet Cujacius in *L. 1. §. 3.*, & in *L. is qui 22. h. t.* interesse, num testamentum patris omnino tollatur, an sola institutio vitietur, *L. Papinianus 8. §. sed nec impuberis 5.* Si testamentum patris omnino tollitur, manere pupillaris substitutio non potest: si sola institutio vitietur, manet. Ita omnia causa testamenti vitietur sola institutio, nam legata & caetera eo testamen-

flamen-

flamento scripta debentur, *Tit. D. si quis omiff. caus. test.*, proinde si omiffa causa principalis testamenti ab intestato possideatur hereditas, ait Ulp. in cit. §. 1., & pupulo substitutum servandum: qui locus intelligendus est de filio impubere herede instituto. Hic filio testamenti causam omittenti, hereditatemque possidenti ab intestato substitutus servatur, subaudi a Praetore, cuius proprium est iustam ob causam servare, quod alias ipso jure non valeret, *L. servus. de bon. auct. jud. poss.* De filio testamenti causam omittente loquitur Ulpianus, non de filio omittente hereditatem. Hac prorsus omiffa pupillaris substitutio nec jure civili potest valere, nec servari a Praetore. Ita quum post *Novell. 115.* querela inofficiosi solam rescindat institutionem, hac rescissa pupillarem substitutionem manere non dubitatur. De judicio defuncti per bonorum possessionem contra tabulas a liberis praeteritis emancipatis impugnato videntur contraria scripsisse Gajus in cit. *L. is qui 22.* & Africanus in *L. ex duobus 54. §. ult. h. t.* Ait Gajus, *Is qui contra tabulas testamenti patris bonorum possessionem petierit, si fratri impuberi substitutus sit, repellitur a substitutione.* Contra ait Africanus *Si contra tabulas patris bonorum possessio petita sit, substitutionem pupillarem valere.* Sed Cujacius in cit. *L. 22.* Iurisconsultos in speciem dissidentes componit hoc discrimine. Si qui bonorum contra tabulas possessionem petitis, is est, qui impuberi est substitutus, evanescit substitutio: si alius a substituto, manet. Nec obscura discriminis ratio est. Pupillaris substitutio beneficium est a testatore datum: substituto: indignus est autem eo beneficio qui defuncti iudicium impugnat. Rem ita se habere, uti Cujacio visum, luculentissime probant formulae ipsae, quas adhibent Gajus, atque Africanus. Hic petitionem ponit bonorum contra tabulas possessionem: eum vero, a quo petita sit, non demonstrat. Ille petitionem ponit ab eo ipso, qui fratri impuberi est substitutus: & potro hunc ait *repelli a substitutione* quali indignum beneficio defuncti. Ex vero si adierit ex substitutione fratris hereditatem, hanc illi tanquam indigno aufert fiscus, *L. 2. de his, quib. ut indign.* Ergo per bonorum contra tabulas possessionem regulariter non rescinditur testamentum pupillare. Et quamvis hoc casu non sola institutio vitietur, non enim debentur legata ab instituto relicta; verum est tamen, non omnino tolli testamentum paternum, nam si qua legata ab instituto relicta sunt liberis, aut parentibus, itemque uxori, nurui, aut pronurui dotis causa, ea certe debentur, *Tit. D. de legat. praesi.* Accedit, quod per bonorum contra tabulas possessionem non rescinditur ipso jure testamentum, uti rectissime Goveanus in cit. *L. 34. §. ult.*, non enim potest Praetor facere, ut non valeat, quod jure civili valet.

Ex eo, quod dictum est, pupillare testamentum partem & sequelam esse testamenti paterni, videtur consequi, quod habet Ulpianus in cit. *L. 2. §. 4. h. t.*, *debere patrem sibi primum scribere heredem, tum filio, ac si converso scripturae ordine ante filio, quam sibi testamentum faciat, non valere.* Sed videtur sibi parum constare Ulpianus §. 5., ubi, *Si quis, inquit, ita fuerit testatus, si filius meus intra XIV. annum decefferit, Sejus heres, esio, deinde, filius heres esio, valet substitutio; licet conversa scriptura filii testamentum fecerit.* Mitto, ne longum faciam, quae de hac re in mentem venerunt Goveano *Var. I. 8.*, & Charondae *Verisim. II.*, 13., sicque Asto

cum

cum plerisque, posse testamentum filii praeire, si unus sit patrum pupillariumque tabularum contextus; tum enim nihil prius, nihil posterius, sed omnia simul acta censentur, nec scripturae, sed successionis ordo spectatur, *cit. L. 2. §. 6.*: atque in hanc sententiam accipi oportere locum Ulpiani in *cit. §. 5.*, formula ipsa ab eo proposita nos monet: quod si vero alio tempore paternae, alio pupillares tabulae confectae sint, has sequi, tanquam accessionem, est opus: sicque explicandus est Ulpianus in *cit. §. 4. Vid. Robert. Recept. Læst. I, 34.* Nec quod pupillare testamentum paterni pars dicitur, id facit, ut fieri debeat eodem contextu. Si suo testamento perfectio, inquit Pomponius in *L. si quis eum 16. §. 1. h. t.*, alia rursus hora pater filio testamentum fecerit adhibitis legitimis testibus, nihilominus id valebit. Et tamen patris testamentum ratum manebit: quo etiam pertinet illud Ulpiani in *L. patris 20. §. 1. eod.*, Si pater sibi per scripturam, filio per nuncupationem, vel contra fecerit testamentum, valere. Tota hora apud Pomponium non est adeo stricte accipiendum, ut non longius temporis spatium comprehendat. Satis est, patrem suo sibi testamento heredem scripserit, ut testamentum filii postea, quam patri placuerit, factum valeat. Idem est, filii testamentum partem esse ac sequelam testamenti paterni, atque a paterno testamento pendere: siue autem post horas, siue post dies sit factum, non pendet a testamento paterno: quo fit, ut testamento filii post horas, diesve facto non rumpatur testamentum patris; nam prius testamentum posteriore non alio rumpitur, quam si posterius tale sit, ut non pendeat a priore. Govean. in *cit. L. 16. §. 1.* Huc facit quod sequitur apud Pomponium, Nam & si sibi & filio testamentum pater fecisset, deinde sibi tantum, utrumque superius rumpetur.

Nunc ad alia transeamus. Liberum patri est si plures filios impuberes habeat, vel singulis substituere, si neminem velit decedere intestatum: vel ei, qui eorum novissimus morietur impubes, si malit jus legitimarum hereditatum integrum custodiri inter eos, *L. vel singulis 37. h. t.*: Idem est autem singulis substituere, ac filios omnes substituere invicem, & ei, qui novissime decesserit, aliquem alium, *L. si pater 25. h. t.*: idemque iudem est novissimo impuberum substituere, ac duobus impuberibus institutis adjicere, si uterque impubes decesserit, ille heres esse: quae fuit opinio Sabini lic facientis conjecturam, cognasse patrem, primo decedente, fratrem suum in ejus portionem succedere. Putabant quidem alii (fortasse Proculiani) alterutro decedente substitutum illico admitti in partem; sed vicit tandem sub Justiniano sententia Sabini, *L. quum quidam 10. C. de imp. & al. subst.* Senferat jampridem cum Sabino Papinianus in *L. qui duos 42. h. t.*, nec, si Merillium audias, variavit in *L. heredes 57. §. 1. ad Trebel. Vide a Merillio scripta in cit. L. 10.*, quae nra est ex decisionibus Justiniani. Post Nov. 118. c. 2. quoniam mater concursit cum fratribus, si pater jus legitimarum hereditatum inter fratres integrum servat, etiam matri salvum id esse debet: proinde ad eum, qui novissimo est substitutus eae tantum partes jure pertingunt, quae in hereditate sunt novissime defuncti.

Porro potest pater aut certum hominem filio impuberi substituere, aut generaliter in hunc modum, *Quisque mihi heres erit, idem filio meo*
impu-

impuberi heres esto: quibus verbis vocari ex substitutione inquit Trib. §. 7. de subst. pupil., eos qui & scripti sunt heredes & existerunt, & pro qua parte heredes facti sunt. Ait, qui scripti sunt, h. e. non quisquis patri heres existerit, sed qui existerit ex testamento, uti loquitur Ulp. in L. 8. §. 1. de vulg. i. e. ex certo iudicio testatoris: & ideo neque pater, qui per filium, neque dominus, qui per servum exiit, ad substitutionem admittitur, neque heredis heres, quia non ex iudicio venit, cit. §. 1., h. e. non ex iudicio certo: unde Paulus in L. sciendum 79. de V. S., ideo heredem heredis ad substitutionem impuberis admitti negat, quia incertus est: ab herede autem incerto est cur sibi metuat pupillus. Haec una est ex paucis speciebus, quibus heredis appellatio proximum continet. Contrariam regulam habes in L. heredis 65. eod. ubi Ulpianus, Heredis, inquit, appellatio non solum ad proximum heredem, sed & ad ultiores refertur, nam & heredis heres, & deinceps heredis appellatione continetur: Cujus regulae exempla sunt in herede heredis, si accedit possessio defuncti ad completionem usucapionem necessaria L. 2. §. etiam 18. D. pro emt.: item in herede heredis, cui debetur legatum fideicommissumve certo homini, huiusque heredibus relatum in annos singulos, L. 22. C. de legat.: demum, uti aliis exemplis abstinere, in herede heredis, in quo conditio, si heredi dederit, recte impletur, L. quum ita 54. §. 1. de cond. & dem. Quod de patre, ac domino didum est, eos per filium & servum non admitti ad substitutionem, id ita est ab Accursio acceptum, si hereditatem impuberis eo nomine ad se pertinere arbitrentur, quod hereditas patris apud eos sit, sine ullo novo filio, servive factio. Non penes quem ea hereditas sit, sed quis sit scriptus heres, inspicendum. Ergo si filius, servusve de potestate exiit, sibi, eive, cujus iur. sub. se cepit, inquireret: si in eadem causa permanferit, acquireret quidem patri, aut domino, sed novo facto, L. quum filio 3. de vulg. Et quoniam filii servive factio videatur pupilli hereditas novo parenti, aut domino non ex sententia testatoris adquiri, ita tamen pollulat necessitas iuris, quam remittere testator non poterat, cuique voluisse se subicere intelligitur. Ait porro, & existerunt, subasti ex institutione, uti Ulpianus inquit cit. L. 8. pr., nam non alias existere heres dicitur, quam si adierit hereditatem: quo sit, ut patri heres scriptus, ac filio impuberi sub. situtus repudiata patris hereditate snilla, contendat ad hereditatem pupilli, quali defectus conditione, cit. L. 8. pr. Hoc autem ita est accipiendum, si filio impuberi ex generali illa formula substitutus patri sit scriptus heres ex parte, & repudiet hereditatem: hoc enim casu coheres facit, ut patris testamentum consistat. Caeterum si testamentum patris omnino desituiatur, pupillarem substitutionem evanescere non dubitatur. Quod si patri ex parte scriptus heres, & non ea formula Quisquis mihi heres erit impuberi substitutus, hereditatem patris repudiaverit, nihil est, cur ad substitutionem non admittatur. Huc facit locus Africani in L. ex duobus 34. §. 1. h. t., Filium impuberem, & Titium heredes institui: Titio Maevium substituit: filio, quisquis sibi heres esset ex superscriptis, substituit. Titius omisit hereditatem: Maevius adiit, mortuo deinde filio, putat magis ei soli ex substitutione deferri pupilli hereditatem, qui patris quoque hereditatem adierit: ex quo etiam loco intelligis, nihil interesse, num heres scriptus testatori he-

res exstat ex institutione, an ex substitutione; namque is etiam, qui ex substitutione succedit, heres est non heredis, sed ipsius testatoris, & ex certo ejus judicio venit. Demum ait, & pro qua parte heredes facti sunt: quod idem vadit Ulpianus cit. L. 8. §. 1. atque huc pertinet regula illa juris videri testatorem, quas partes in institutione expressit, eas dedisse in substitutione. De substitutione nominatim facta aliud jus est; nam possunt patri non scripti heredes impuberi nominatim substitui: scripti autem licet paternam hereditatem repudiant, recte admittuntur ad pupillarem, nisi si quis sub conditione, si heres eris, scribatur, cit. L. 8. pr., & L. 10. §. 3. eod. Dictis adde quae scripta sunt apud Julianum in L. in substitutione 31. b. t., In substitutione filii ita facta, quisquis mihi ex superscriptis heres erit, idem filio meo heres esto, quaeritur quisquis heres quandoque fuerit intelligatur, an quisquis tunc heres erit, quum filius morietur. Placuit Prudentibus, si quandoque heres fuisset; quamvis enim vivo pupillo heres esse desisset (forte ex causa de inofficioso, quae pro parte mota est), futurum tamen eum heredem ex substitutione, creditum est. Tò placuit Prudentibus certo indicio est, fuisse de hac re disputatum in scholis Jurisconsultorum. Et certe non deerant, qui putabant necessarium omnino esse, substitutum impuberi datum cedente die hereditatis pupillaris heredem patris reperiri. Sed contrarium plerisque visum, quum quia ita postulare favor pupilli videbatur, tum quoniam verba quisquis mihi eris herit, conditionem continent, quam fuisse semel impletam est satis. Hinc confice, eum, qui semel heres fuit, desinere aliquando esse heredem. Neque obstat illud Ulpiani in L. ait Praetor 10. de minorib., sine dubio heredem manere, qui semel exiit; namque id eo pertinet, ne Praetor, de cuius jurisdictione ibi agit Ulpianus, efficere possit, quin heres fiat: ceterum civile jus recte potest efficere, ut qui semel heres fuit, desinat esse heres. Et vero loquitur Julianus de herede, qui desit heres esse ex causa de inofficioso, hoc est, quia mota in eum inofficiosi querela fuit iudicio victus: exploratum est autem, inofficiosi querelam juris civilis esse. Novissime adnotandum est, non abundare apud Julianum 10. pro parte, nam rescisso in totum testamento paterno pupillaris substitutio evaniscit.

Possit testatorem liberis impuberibus substituere non solum eos, quos sibi scripsit heredes, sed & alios, modo dictum est. Magni iamen referre, num alius ab herede testatoris, an ipse testatoris heres impuberi sit substitutus docet Papinianus in L. coheredi 41. §. coheres 6. ff. t., quae est ex responsorum libro vi. Coheres, ait is, impuberi filio datus, eidemque substitutus, legatum a secundis tabulis relictum perinde praestatur, ac si pure partem, & sub conditione partem alteram accepisset. Non idem servabitur alio substituto; pars ille falsitiae rationem induceres, quasi plane sub conditione primis tabulis heres institutus: tamen si maxime coheres filio datus quadrantem integrum obtineret. Nam & quum legatum primis tabulis Titio datur, secundis autem tabulis eadem res Sempronio, Sempronius quandoque Titio concurrat. Loquitur Papinianus de contributione hereditatis paternae cum pupillari: Materia contributionis nullam esse in iure difficultatem scribit Cujacius in cit. L. 41. Et adscriptus quidem Papiniani locus diligentem interpretem desiderat. Sunt autem duae ejus partes. In priore duos a patre facti scriptos sibi heredes ponit Ju-

Ju.

Jurifconsultus, filium impuberem, & Gajum Sejum, tum hunc filio impuberi substitutum, & legata a secundis tabulis relicta. In ratione Legis Falcidiae inveniunda substitutum legata perinde praestare ait, ac si pure partem, & sub conditione partem alteram accepisset. Hoc quid sit, paucis explicabo. Finge scriptum heredem Titium in hunc modum, Titius heres mihi esto ex semisse: idem si navis ex Asia venerit ex altero etiam semisse heres esto. Finge etiam eum dare jussum legata ab utroque semisse, alterum autem exhaustum legatis. Num potest Titius pro semisse legati exhausto quartam detrahere ex Lege Falcidia? Legatorum ab uno, & legatorum ab altero semisse relictorum nullam fieri posse separationem, docet nos idem Papinianus in *L. in ratione* 11. §. *quaesitum* 7. *Falc.* Ergo consulis, quum conditio extiterit, portionibus, legatisque ab utroque semisse relictis inveniunda est ratio Legis Falcidiae. Ab herede ex altero semisse scripto sub conditione proxime abest coheres impuberi coheredi pupillariter substitutus, quemadmodum ad substitutionem pupillarem proxime accedit institutio sub conditione. Ergo consulis itidem hereditatibus patris & filii legata omnia communi calculo subiciuntur, & invicem inducent contributionem, uti eleganter Papinianus in *cu. L. 11. §. 7.*, cuius rei ratio ea est, quia testamentum patris, & filii unum testamentum est duarum hereditatum: In proposita autem specie non est distinguendum, num filius patri heres extiterit, an abstinerit hereditate. Aliud jus est, si a filio in primis tabulis data legata ponas, eumque non praestitis legatis impuberem decessisse. Rem totam habes apud Julianum in *L. qui fundum* 87. §. *qui filium* 4. *ad L. Falcid.*, Qui filium suum impuberem, & Titum aequis partibus heredes instituerat, a filio totam semissem legaverat, a Titio nihil, & Titium filio substituat: *quaesitum* est, quum Titius ex institutione adisset, & impubere filio mortuo, ex substitutione heres exiisset: quantum legatorum nomine praestare deberet. Et placuit, solida legata eum praestare debere; nam confusi duo semisses efficerent, ut circa legem Falcidiam totius assis ratio haberetur, & solida legata praestarentur. Sed hoc ita verum, si filius, antequam patri heres existeret, decessisset. Si vero patri heres fuit: non ampliora legata debet substitutus, quam quibus pupillus obligatus fuerat: quia non suo nomine obligatur, sed defuncti pupilli, qui nihil amplius, quam semissis dodrantem praestare necesse habuit. In posteriore ejus loci, quem superius adscripsi, parte, non idem servari in Papinianus alio substitutus, id est, non coherede impuberi substituto, & alio coherede impuberi dato, nam legata a coherede, atque substituto non coherede relicta non confunduntur, sed ille, id est substitutus non coheres pupilli falcidiae rationem inducit, h. e. falcidiam detrahic, quasi plane sub conditione primis tabulis heres institutus: quorum verborum sententia haec est, substitutum non coheredem pupilli, enimque, qui coheres est pupilli pro coheredibus habebit; & hunc quidem quasi scriptum pure, illum quasi sub conditione scriptum, quemvis non in eisdem tabulis scriptum sint: quod confirmat Papinianus his verbis, nam & quum legatum primis tabulis Titio datur, secundis autem tabulis eadem res Sempronio, Sempronius quandoque Titio concurrat: quasi dicat, quemadmodum collegatarii sunt, ita esse coheredes: in singulis autem heredibus rationem Legis Falcidiae separatim ponendam exploratissimi ju-

ris est, *L. in singulis 77. ad L. Falcid.* De ista hereditarium contributione luse ac subtiliter disputat Valentinus in *Tract. De jure aderei cap. 7.*

Proposui jam modos aliquot, quibus pupillaris substitutio evanescit. Est & alius modus, quem libris Institutionum operam dantes a vestris praeceptoribus accepistis. Sed novi aliquid fortasse audietis. Is modus est pubertas. *Masculo*, inquit Tribonianus §. 8. *de pupillar. subst.*, usque ad quatuordecim annos substitui potest: seminae usque ad duodecim annos: & si hoc tempus excesserint, substitutio evanescit. Eos, si Tribonianum audias, annum sive decimumquartum, sive duodecimum excessisse necesse est. At vero quum eo tempore finire pupillaris substitutio debeat, quo primam possunt mares, seminae sibi scribere testamentum, obstat videtur Tribonianus Ulpiano, qui in *L. 5. qui test. fac. de aetate*, qua fieri testamentum potest, edisserit in hunc modum, *Virum excessisse debeat quis XIV. annum, an sufficiens complexisse? Propono, aliquem Kalendis Januariis natum testamentum ipso natali suo fecisse quartodecimo anno: an valeat testamentum? Dico valere. Plus arbitror, etiamsi pridie Kalendarum fecerit post sextam horam noctis, valere testamentum; jam enim complexisse videtur annum quartumdecimum. A Vigilio, aliisque de haec re cogitata nihil innotat. Tribonianus plus scripsit, minus sentit: neque est aliud excedere, quam compleri, uti testissime Bachovius: & porro complere explicandum ex sententia juris, quod caepta in favorabili causa habet pro completis, *L. 1. de manumission.* Vide nunc quid mihi venit in mentem. Pupillarem substitutionem fuisse in utilitatem pupilli moribus introductam, non semel est dictum. Praeterea quod Ulpianus scribit in *cit. L. 5.* etiamsi impubes pridie Kalendarum fecerit testamentum post sextam horam noctis valere, id certe ipsius pupilli utilitas extorsit. Ergo, quoniam duas istas pupillorum utilitates ita conjungi est aequum, ut altera alteri non officiat, ego sic facio conjecturam, si impubes pridie Kalendarum fecerit testamentum, hoc valere, nulla pupillaris substitutionis ratione habita: si non fecerit, & decesserit antequam potrema ultimi diei particula dilapsa sit, valere substitutionem. Ita recte conveniet inter Ulpianum, ac Tribonianum. Consequitur ex dictis impuberi substitui ultra tempus pubertatis non posse, & licet longius tempus expressum sit, tamen finire substitutionem pubertate, *L. in pupillari 14. h. t.* Sed non vetatur tamen pater ad certum aliquod tempus intra pubertatem substituere: quo casu decedente filio post illud tempus, substituto non est locus, quamvis ille moriatur impubes, *L. si ita 21. h. t.* Quid si haec facta proponatur substitutio, Filius meus si intra decem annos decesserit, Titius heres esto: si intra quatuordecim, Mevius? Num si filius octo annorum decesserit, Titius solus ex substitutione ei heres erit, an & Mevius, quia certum est, & intra decem, & intra quatuordecim annos filium decessisse? Speciem hanc sane pulchram Paulus tractat in *L. ex filio 43. §. item quaero h. t.*, & respondet in haec verba, *Omne quidem spatium, quod est intra pubertatem, liberum esse patri ad substituendum filio: sed finis hujus pubertatis est, magis autem est, in utroque eorum tempus suum separatim servari, nisi contraria voluntas testatoris aperte ostendatur.* Ergo, nisi alias constet de voluntate testatoris, hunc voluisse credendum est suum cuique substituto tempus servari: quo illud facit, quod in multis causis, & maxime in te-*

gati.

gatis jure tantum est; generi per speciem derogari *L. uxorem* 41. §. 3. *D. de leg. 3.*

Ad modos, quibus pupillaris substitutio fititur; omnino pertinet, quod de patris, aut filii, aut utriusque captivitate tractatur apud Julianum in *L. Lex Cornelia* 28.; & apud Scaevolam in *L. si pater* 29. h. t. Testamentum rite factum captivitate irritum fieri: lege autem Cornelia utilitatis causa confirmari, vel ipsi Justiniani sat norunt. Nunc quid Julianus, & Scaevola doceant, videamus. Verba Juliani sunt, *Lex Cornelia*, quae testamenta eorum, qui in hostium potestate decesserant, confirmat, non solum ad hereditatem ipsorum, qui testamenta fecerunt, pertinet: Sed ad omnes hereditates, quae ad quemque ex eorum testamento pervenire potuissent, si in hostium potestate non pervenissem. Quia propter quum pater in hostium potestate decessit, filio impubere relicto in civitate, & is intra tempus pubertatis decesserit, hereditas ad substitutum pertinet, perinde ac si pater in hostium potestatem non pervenisset. Sed si pater in civitate decessit, filius impubes apud hostes, si quidem mortuo patre filius in hostium potestatem pervenerit, non incommode dicitur, hereditatem ejus ex ea lege ad substitutos pertinere. Si vero vivo patre filius in hostium potestatem pervenerit, non existimo legi Corneliae locum esse: quia non efficitur per eum, ut is qui nulla bona in civitate reliquit, heredes habeat. Quare etiam si pubes filius vivo patre captus fuerit, deinde, mortuo in civitate patre, in hostium potestate decesserit, patris hereditas ex lege XII. Tabularum, non filii ex lege Cornelia, ad agnatum proximum pertinet. Vides loqui Julianum de captivitate aut patris, aut filii. At vero Scaevola de captivitate utriusque haec scribit. Si pater captus sit ab hostibus, mox filius, & ibi quomodo decedat; quidvis prior pater decedat, lex Cornelia ad pupilli substitutionem non pertinebit; nisi reversus in civitate impubes decedat, quoniam & si ambo in civitate decessissent, veniret substitutus. Quantum ad locum Juliani videbatur substituto pupillari locus non esse, quum pater in potestatem hostium pervenit, filius autem remansit in civitate; nam captivitate patris liberatur filius potestate, sicque quum definit vivo patre in familia esse, irrita fit substitutio pupillaris, *L. coheredi* 41. §. 2. h. t. Quamvis ratio haec fuerit apud veterum nonnullos, docet Papinianus in *L. pater* 10. de captiv. & postlim. rev., Pater, inquit, instituto impuberi filio substituerat, & ab hostibus captus decessit; postea defuncto impubere legitimum admitti quibusdam videbatur: neque tabulas secundas in ejus persona locum habere, qui vivo patre sui juris effectus fuisset. Sed continuo haec subiecit Papinianus; Verum huic sententiae refragatur juris ratio, quoniam si pater, qui non rediit, jam tunc decessisse intelligitur ex quo captus est, substitutio suas vires necessario tenet. Jam quod veterum nonnulli ajebant, locum non habere secundas tabulas in ejus persona, qui vivo patre effectus est sui juris, verum est quidem in eo, qui potestate patris omnino est liberatus, non in eo, quem spes est recasurum in potestatem; qualis est is, cujus pater est apud hostes: unde rectissime Tribonianus in §. si ab hostibus 5. Inst. quib. mod. jus. patr. pot. solv., inquit, patre ab hostibus capto jus liberorum pendere; In adscriptum Papiniani locum subtiliter commentarios scripsere A. Faber Lib. 10. conject. cap. 4. & 10., ac Valerius Tract. de fiction. hered. postlim. & Leg. Corn. cap. 9. Porro nec videbatur substituto pupillari lex

cus esse ex *Lege Cornelia*, quum mortuo patre in civitate filius in potestatem hostium pervenit; nam lex *Cornelia* de testamento loquitur, quod is fecit, quum captivus decessit, *L. 12. de testam.*: testamentum autem pater fecit, qui nunquam fuit apud hostes, non filius, qui decessit captivus. Sed argumentum hoc diluit *Julianus* ea phrasi, *Non incommode dicitur*: quia illud videtur monere, si verba *Legis* spectemus, eo caso hereditatem filii non pertinere ad substitutos: ex sententia tamen *Legis* pertinere: quod in causa est, cur scripserit *Papinianus* in *cit. L. 20. §. 1. utiles actiones in hereditatem substituto dari*. Directae actiones ex verbis *Legis*; utiles ex sententia descendunt. Quantum ad locum *Scaevolae* videtur huic oblati *Papiniani* locus in *L. quod si filius 11. §. 1. de capti. & postlem. rev.*, Sed si ambo apud hostes, & prior pater decedat, sufficiat lex *Cornelia* substituto, non alias, quam si apud hostes pater defuncto, postea filius in civitate decessisset. Et *Scaevola* quidem ait, patre ac filio apud hostes defunctis substitutionem pupillarem non valere. Contra *Legem Cornelianam* substituto sufficere, i. e. non deficere, ac proinde substituto prodelle, ait *Papinianus*; *Scaevolae* locum in mendo esse putant *Faber Lib. 18. Conject. cap. 7.*, & *Valentia cit. cap. 9. sub. finem*: ac porius aliam *Scaevolae*, ac *Papiniano* sententiam assignunt. Et certe tamen utriusque sententia haec est, patre ac filio apud hostes defunctis non valere substitutionem pupillarem: cuius sententiae ratio est, quam proponit *Julianus* in *cit. L. 28.*, quia per *Legem Cornelianam* non efficitur, ut is, qui nulla bona in civitate reliquit, heredes habeat. Non inficior, quum suxerint *Scaevola*, & *Papinianus* utrumque apud hostes decessisse, minus proprie illud apud *Scaevolam* sequi, nisi reversus in civitate impubes decedat: illudque apud *Papinianum*, quam si postea filius in civitate decessisset; verum id tanti non est apud me, ut aliam utriusque sententiam, quod quidam faciunt, assignam. Multa in fragmentis *Jurisperitorum* occurrunt minus proprie scripta, de quibus, si eorum mens pateat, non est tantopere laborandum. Rectissime autem *Cujacius* in *cit. L. 11.*, quae est ex *Lib. XXIX.* quaest. *Papiniani*, *Papinianeum* illud, si ambo apud hostes ita interpretatur, si ambo apud hostes sint, si pater & filius capti sint ab hostibus, subaudit is voculam sint; solumque patrem decessisse apud hostes ponit. Fortasse etiam scripserat *Papinianus*, Sed si sint ambo apud hostes: tum duobus postremis ejus voculae elementis vetustate extritis librarius in genitum illud si incidens omisit alterum, quasi vitio abundaret. Amplius deliberandum.

His adde, quae *Goveanus* habet ad *L. 2. §. 5. n. t. num. 37. 38. & 39.* Substitutionum aliae nunquam constituisse, aliae irritae fieri, aliae evanescere, aliae finire dicuntur. Non constant aut ab eo factae; a quo non poterant fieri, aut ei factae, cui non poterant, veluti si mater fecit, aut pater filio emancipato. Irritae sunt, quae initio recte factae vim suam ex posita facto amittunt salvo testamento, veluti si tempore mortis testatoris, aut pupillus non sit in potestate, aut jam decesserat substitutus: evanescent sublato testamento, quod initio valebat, velut deportatione testatoris, secundo testamento jure facto, non adita ex testamento hereditate; aut postumi, ejusve, qui postumi loco est, praeteritione. Sed errant hic *Bartholus* & *Goveanus*; hic, quod rupto per querelam testamento substitutionem pupilla-

rem

rem evanescere, quin tamen hoc casu, qui jure novissimo non omnino tollitur testamentum, maneat substitutio secundum ea, quae superius sunt dicta: ille, quod putat praeteritione non omnino tolli testamentum post *Auth. ex causis C. de lib. pract.*, ubi scriptum est, *Ex causis praeteritionis irritum esse testamentum quantum ad institutionem, caetera autem firma permanere*, ac proinde per eam *Auth. ut legata, in pupillares* substitutiones confirmari, quum tamen apud optimos quosque juris interpretes exploratissimum sit, intelligi *Auth.* illam debere de liberis non a parte praeteritis sed a matre, quae substituere pupillariter non potest.

CAPUT V.

IN L. PRECIBUS 8. C. DE IMPUB. ET ALIIS SUBSTITUTIONIBUS.

COMMENTARIUS.

DE tacita substitutione quum vulgari, tum pupillari non pauca dicta sunt suis locis. Ad utrumque autem pertinet Commentarius hic in L. precibus 8. C. de impub. & aliis subst., quae est Imperatorum Diocletiani & Maximiani rescriptum ad Patronam. Verba sunt, *Precibus tuis manifestius exprimere debueras, maritus quondam tuus miles defunctus, quem testamento facto heredem communem filium vestrum instituisse proponis: & secundum heredem scripsisse, utrum ne in primum casum, an in secundum filio suo, quem habuit in potestate mortis tempore, si intra decimum quartum suae aetatis annum, aut postea decesserit, substituerit. Nam non est incertum juris, quod si quidem in patris militis positus potestate, primo tantum casu habuit substitutum, & patri heres extitit: eo defuncto ad te omnimodo ejus pertineat successio. Si vero substitutio in secundum casum, vel expressa, vel compendio, non usque ad certam aetatem facta reperitur: si quidem intra pubertatem decesserit, eos habeat heredes, quos pater ei constituit, & adierint hereditatem. Si vero post pubertatem: tunc ejus te successione obtinente, veluti ex causa si deicommissi bona, quae cum moreretur, patris ejus fuerint, a te peti possunt. Non omnia, quae Imperatorum rescripto comprehenduntur, sunt hoc Capite explicanda, sed ea tantum, quae vulgarem pupillaremve tacitam spectant. Ajunt Imperatores, Si in patris militis positus potestate (quem certe inpuberem ponunt) primo tantum casu, qui est casus substitutionis vulgaris, habuit substitutum, & patri heres extitit, (sicque vulgaris substitutio expiravit) eo defuncto (in aetate pupillari, quod omnino esse subaudientium rescripti contextus probat), ad te (matrem pupilli) omni modo ejus pertineat successio. Hoc juris loco tam clare probari ait Corasius in tit. L. 8. num. 21. communem sententiam, quae fert, tacitam pupillarem vulgari non inesse contra matrem pupilli, ut temerarium sit secus sentire. Porro confirmari eam inquit, nova Justiniani Constitutio in L. al. C. de inst. & subst., cujus verba sunt, Quum quidem praegnantem habens conjugem, scripsit heredem ipsam quidem suam uxorem ex parte, ventrem vero ex alia parte, & adiecit, si non postumus natus fuerit, alium sibi heredem esse,*

postu-

postumus autem natus impubes decesserit: dubitabatur, quid juris sit, cum Ulpiano, quam Papinianus viris discretissimis voluntatis esse quaestionem scribentibus, quum opinabatur Papinianus eundem testatorem voluisse postumo nato & impubere defuncto, matrem magis ad ejus venie successorem, quam substitutum. Si enim suae substantiae partem uxorī reliquit: nato magis & luctuosam hereditatem ad matrem venire curavit. Nos itaque in hac specie Papiniani dubitationem reserantes, substitutionem quidem in hujusmodi casu, ubi postumus natus adhuc impubes viva matre decesserit, respuendam esse censuimus. Tene autem tantummodo substitutionem admittimus, cum postumus minime editus fuerit, vel post ejus parum mater prior decesserit. Atque ita vulgo traditum est post Accursium. Quin & aliud additur, quemadmodum tacita pupillaria vulgari non inest contra matrem pupilli, ita vulgarem tacitam pupillari non inesse contra matrem patris, si filius impubes, cui fuerat pupillariter substitutum, patri praemoriatur, tum pater superflite matre sua deccodit, ut proinde testatoris hereditas matri ejus ab intestato deferatur, non substituto ex ea voluntatis conjectura, quae tacitam vulgarem induxit. Et vero utroque casu idem videtur eadem humanitatis ratio postulare. Humanum est matre luctuosam filii amissi hereditatem solati loco deferri, ne & filii & pecuniae damnum sentiat; uti sapientissime in simili specie Pomponius in *L. jure 6. pr. D. de jur. dos.*

Sed utroque casu substitutum matri praefertur e vetustioribus Baldus in *cit. L. precibus*, e recentioribus Connanus *Conn. Lib. 10. cap. ult.*, & egregie praeter ceteros Faber *Consect. Lib. 15. cap. 9.*, ac de *err. Pragm. dec. 33. err. 5.*: quae sententia vero propior est. Et sane scribit Modellinus in *L. jam hoc jure 4. §. 2. hoc tit.*, in altera utranque substitutionem intelligi, h. e. vulgari expressae pupillarem tacitam inesse, si voluntas parentis non refragetur. Contrariam esse necesse est voluntatem testatoris, quod videtur autem posse dici voluntatem ejus contrariam esse hoc solo, quod superflite pupillo sit mater, cui facile poterat testator cavere, & non docuit. Videtur quidem mater filio superflite aliquem promereri favorem juris, sed hic tantus esse non debet, ut prevaleat favori ipsius pupilli, cui primum mores, tum Leges pupillari substitutione inducta maxime prospectum voluerunt secundum ea, quae superius non semel sunt dicta. Accedit, quod tacita pupillaris ex Lege est: si autem matre superflite cessaret, illud consequeretur, fuisse eam Legem sub ea conditione perlatam, si matrem praemori contingat: quo nihil absurdius in jure nostro; nec enim Lex quidquam facit unquam sub conditione, sed vel pure & praecise, vel nullo modo, uti loquitur Faber in *cit. err. 5. n. 8.*: quae ratio est ejus, quod a Divo Pio rescriptum refert Ulpianus in *L. de statu 15. Qui testam. fac.*, De statu suo dubitantes testamentum facere non posse: Non obstat Diocletiani, & Maximiani rescriptum in *cit. L. precibus 8.*; loquuntur enim Imperatores de testamento militis, de quo multa jure singulari sunt cauta, & maxime illud, ut iusta testatoris voluntas spectetur: quod facit ut in ejus testamento non juri accedendi, non saecidiae, aut iis omnibus sit locus, quae in testamentis paganorum Lege supplentur. Atque huc omnino referendum quod Imperatores scribunt, non esse incerti juris, si in patris militis positus potestate primo agnum casu habuit substitutum, & parri

patris heres extitit, eo defuncto ad matrem pertinere successionem; nam quod non incerti esse juris dicitur, eo spectat, ut intelligamus, certi juris esse, in militari testamento nihil suppleri. Et non inepte Diocletiani & Maximiani rescripto adnectitur illud Gordiani in *L. 8. C. de testam. militi*, *Certi juris est, militem ad tempus etiam heredem instituere posse. Lex*, quae heredem a pagano scripta ad tempus semper habet pro herede, in testamento militis nihil supplet. Multo magis obstat Justiniani Constitutio in *cit. L. ult.*: idque vel ex eo intelligi potest, quod Faber istum idem declinaturus eo confugiat, quo solet in magna aliqua difficultate. Et irascitur quidem is Tribonianus, quod Papiniani responsum corruperit discretissimum illum Jurisconsultum inscitissime argumentantem faciens a minori ad majus in hunc modum. Cui pater hereditatis suae partem reliquit, ei multo magis hereditatem suam reliquisse intelligitur: quum potius argumentum Papiniano dignum hoc fuisse facturum, cui totum reliquit testator, hunc illi reliquum multo magis partem totius, *arg. Auth. multo magis C. de SS. Eccl.* Suboluerat id vel ipsi Francisco Accursio *Tō multo magis* explicanti, quasi scriptum non minus, ut ita Papinianus a pari argumentatus videatur. Sed nec paria esse totum & partem, nemo est, qui non videt. Alia igitur quaerenda est ratio, qua Papiniani argumentum tueamur: haec autem praesto est, & quidem duplex. Altera est haec. Pater in primis tabulis de re sua statuit: in secundis de aliena, qualis est hereditas pupilli: qui autem liberalis est de re sua, multo magis esse liberalis intelligitur de aliena. Altera, & ea quidem potentior haec est. Mariti hereditas non debetur uxori, ut filii hereditas matri. Igitur cui testator hereditatis suae non debuit partem relinquit, ei relinquere hereditatem filii jam debitam voluisse intelligitur. Nunc facile est óbicem amovere. In specie, quam tractat Justinianus, vulgari non inest pupillaris, quia *voluntas parentis refragatur*, quo uno casu, in altera utramque substitutionem intelligi, negat Modestinus in *cit. L. 4. §. 2.*: refragantis autem voluntatis luculentissimum argumentum ex eo ducitur, quod testator uxorem suam eandemque matrem pupilli heredem sibi ex parte scripserat, filioque sive nato, sive postumo dederat coheredem. Atque hinc illud etiam intelligis, quod scite monet Faber *lib. 15. Conject. cap. 9.*, si uxori eidemque matri legatum a marito eodemque patre relictum sit, aliud ius futurum, nam multo luculentius voluntatis argumentum ex hereditate ducitur, quam ex legato.

CAPUT VI:

SUBSTITUTIO QUASI PUPILLARIS.

Quasi pupillarem latine, ac de more veterum Jurisconsultorum dico substitutionem, quam ab antiquis Glossographis barbaro vocabulo *exemplarem*, a Corasio *exemplatam* minus quidem barbaro, sed non latino vocabulo appellari, jam dixi initio hujus Commentarii. Ad exemplum substitutionis pupillaris inductum est, ut uno casu alter alteri ut ut puberi heredem recte scribat. Exemplum patris pro filio muo testantis ex indulgentia Principali extat apud Paulum in *L. ex facto 43. D. h. t.* Sed nulla ante Justinianum Lex fuit, quae id generaliter permitteret. Erat Princeps in

singulas causas exorandus. Primis Justinianus in *L. 9. C. de imp. & al. subst.* parenti concessit puberi etiam filio, filiaeve, aliiſve liberis perpetuo mentecapiti ſubſtituere, ſi mentecapiti decederent, *certas perſonas*, uti loquitur Tribonianus §. 1. *Inſt. de pupill. ſubſt.*, i. e., mentecapitorem liberos ſanae mentis, ſive omnes, ſive certos, ſive unum: liberisque non extantibus, fratres, quos mallet: hiſque deficientibus extraneum. De parentibus loquitur Juſtinianus: quo vocabulo omnes ſuperiores utriuſque ſexus contineri ait Gaſſus in *L. appellatioe 51. de verb. ſign.*, ut vix ſerendis ſint, qui (horum numero vel ipſum Cujacium eſſe deſpiror) Juſtinianeam conſtitutionem interpretatione coarctantes eſſe ibi parentes putant, qui liberos habent in poteſtate. Id mihi decorum, & vero etiam aequiſſimum videtur, judicium patris judicio matris praeferri, & judicium ejus, qui filium in poteſtate habet, judicio ejus, qui, quum per ſexum habere non prohibeatur in poteſtate, non habet tamen. *Vid. Papillon. De ſubſtit. mentecap.* Cur id etiam parenti ſuperioris ſexus indulſerit Juſtinianus, nimis anxie quaeritur. Alii muliebris ſexus gratiam apud uxorium Imperatorem bene multam hujus rei cauſam ſtatunt: alii alias comminiſcuntur. Quid multis laboramus de hac re? Non juris ſubtilitas, quae teſtamentum a patre impuberi filio factum patria poteſtate tueretur, ſed humanitas, a qua Conſtitutionem ſuam commendat Juſtinianus, i. e. pietas in liberos, utrique parenti communis, Legem ſuaſis. Quod plerique docent patri, quae ſecundis nuptiis contrahis filio mentecapito vitricum induxit, non licere filio facere teſtamentum, id maniſeſta juris ratio ſuadet; cui enim bonorum filii adminiſtratione interdictum eſt, *L. 22. §. pen. C. de admin. tu.*, abſurdiſſimum eſt permitti ei bona teſtamento alienare: quod multo plus eſſe, quam bona adminiſtrare, nemo non videt.

Uti cauſa, ita etiam effectu ſimilis eſt haec ſubſtitutio pupillari. Ergo ad exemplum pupillaris, quae filio jam pubere expirat, expirare quali pupillarem ait Juſtinianus, ſi filius reſipuerit. Sed & alterum modum, quo ſubſtitutio haec ſinitur, colligunt interpretes ex verbis Pauli in *cit. L. ex ſa. 43.*, *Ex ſaſto quaeritur. Qui filium habebat mutum puberem, impetravit a Principe, ut mutus ſubſtituere ei liceret, & ſubſtituit Titium. Mutus duxit uxorem poſt mortem patris, & naſcitur ei filius. Quaero, an rumpatur teſtamentum?* Reſpondi. Beneficia quidem principalia ipſi principes ſolent interpretari, verum voluntatem Principis inſpiciendibus, poteſt dici, eatenus id eum tribuere voluiſſe, quatenus filius ejus in eadem valetudine perſeverat, & ut quemadmodum jure civili pubertate finitur pupillare teſtamentum, ita Principes imitatus ſit jus in eo, qui propter infirmitatem non poteſt teſtari; Nam & ſi furioſo filio ſubſtituiſſet, diceremus, deſinere valere teſtamentum, quum reſipuiſſet, quia jam poſſet ſibi teſtamentum facere, etenim iniquum incipit fieri beneficium principis, ſi adhuc id valere dicamus; auferi enim teſtamenti ſactionem homini ſanae mentis. Igitur etiam agnatione ſui heredis dicendum eſt rumpi ſubſtitutionem, quia nihil intereſt, alium heredem inſtitueret ipſe filius poſtea, an jure habere coepiſſet ſuum heredem, nec enim aut patrem, aut Principem de hoc caſu cogitaſſe verſimile eſt, ut eum, qui poſtea naſceretur, exheredaret. Nec intereſt, quemadmodum beneficium principale intercedat, circa teſtamenti ſactionem, utrum in perſonam unius, an complurium: quae poſtrema verba id ſignificant nihil intereſſe, num unus ſit pubes mutus, an plures. Argu-

mento hinc ducto si mentecaptum, qui nuptias ante dementiam contraxit (contrahere enim demens non potest) suscipere liberos contingat, evanescere substitutionem vulgo traditum est: meo quidem iudicio rectissime, nec enim verisimile est, aut parentes, aut Iustinianum de hac casu cogitasse, ut eum, qui postea nasceretur, exheredarent.

CAPUT VII.

SUBSTITUTIO MILITARIS.


Inter militaris testamenti privilegia illud est, quod Ulpianus scribit in *L. milites 5. de test. milit.*, *Milites etiam his, qui heredes extiterunt, possum substituire in his dumtaxat, quae sunt ex testamento eorum consequuntur.* Titulus, cui subijcitur locus ille Ulpiani (proponuntur eo titulo privilegia militaris testamenti), ac *Titulus* etiam apertissimo indicio sunt, loqui Ulpianum de substitutione extraneis facta in secundum casum, *h. e. si heredes extiterint, ac decesserint.* Id pagano licet, si liberis in potestate constitutis substituat: extraneis substituire ex vulgari tantum formula licet. Differentiae ratio ex eo petenda est, quod quum in testamento militis nulla ejus voluntas, non subtilitas juris spectetur, militi liceat heredem scribere ex certo tempore, aut ad certum tempus, *L. miles 41. cod.*: quod pagano subtilitas juris non permittit, *L. qui solvenda 58. de her. inst.*

Sed de milite nonnulla cauta sunt jure singulari: quo pertinent Diocletiani & Maximiani rescriptum in *L. precibus 8. C. de imp. et al. subst.*, & Papiniani responsum in *L. Centurio 15. D. h. t.*: quae duo loca conjungenda hic sunt. Imperatorii rescripti verba adscripsi *cap. VI.*: verba Papiniani ecce hic adscribo, *Centurio filiis, si intra quinquaginta & vigesimum annum aetatis sine liberis vita decesserint, directo substituit: intra quatuordecim annos etiam propria bona filio substitutus jure communi capiet: post eam autem aetatem, ex privilegio militum, patris dumtaxat cum fructibus inventis in hereditate.* Ponit Papinianus datum filio militis substitutum in secundum casum, sed expressa certa aetate, quae pupillarem excedit. Diocletianus & Maximianus factam ponunt substitutionem in secundum casum vel expressa (subaudi certa aetate), vel compendio (subaudi orationis) non usque ad certam aetatem, veluti hac formula, *quandocumque filius decesserit*, quae aetatem pupillarem, aliamque posteriorem comprehendit. Sive autem certa aetate expressa, sive compendio orationis sit facta, filio, qui heres extitit, intra pubertatem decedente, substituto pupillari sit locus nullo discrimine inter testamentum militis, ac testamentum pagani. Quod si filius post pubertatem decedat, substitutio, quae testamento pagani directo facta non valet, ex testamento militis directo facta valet. Sed de substitutione in testamento militis post pubertatem facta non idem, quod Diocletianus & Maximianus, videtur tradere Papinianus. Apud Diocletianum & Maximianum haec sunt, *Si vir, post pubertatem decesserit, tunc ejus re (cui rescribunt Imperatores) successionem detinente, veluti ex causa fideicommissi bona, quae quum moreretur, patris ejus fuerint, a se peti possunt.* *Titulus a se personam designat, unde bona petuntur, non personam, quae petit.* Secus

sus est. Filio post pubertatem decedenti mater succedit; sed ab ea potest substitutus veluti ex causa fideicommissi petere bona, quae patris militis tempore mortis fuerunt, quasi mater legitima filii heres ea restituere rogata sit, Cum Imperatoribus consentit Papinianus quantum ad bona patris, quae sola pertinent ad substitutum; sed nullum tamen fideicommissum agnoscit iis verbis, *Post eam aetatem ex privilegio militum patris duntaxat bona capiet cum fructibus inventis in hereditate*. Ergo substitutio id genus ex sententia Papiniani esse videtur duplex, i. e. popularis; qua filio intra pubertatem decedenti succeditur, filio autem decedente jam pubere, quodammodo vulgaris, qua succeditur tantum patri, Dixi, quodammodo, nam quae proprie vulgaris est, ea, semel adita patris hereditate, expirat. Substitutionem istam dicere posses quasi vulgarem. Ne haec filii etiam bona comprehendat, facit ratio illa juris, aequum non esse, beneficium principale militibus datum tanti valere, ut factionem testamenti auferat homini puberi, arg. *L. ex facto 43. h. t.* Quantum ad illud Dioeletiani, & Maximiani veluti ex causa fideicommissi non adsentior Fabio, qui lib. 15. *Conject.* cap. 12. particulam illam veluti supposititiam non ex veteris alicujus Codicis fide, sed ex mera conjectura expungit: nec probo quod scribit Cujacius in cit. *L. precibus*, To veluti non similitudinem significare, sed approbationem & confirmationem, quasi scriptum sit, verba directa substitutionis dessecti favore militiae ad causam fideicommissi; nam verba militis, ut scripta sunt in testamento, ita sunt servanda, nec quidquam jure suppletur, uti superius dictum. Accedit, quod si quasi vulgaris illa substitutio vere valeret jure fideicommissi, substitutus non deberentur fructus in hereditate patris inventi, quos tamen deberi ait Papinianus. In fideicommissi hereditatis restitutione constas non venire fructus, nisi ex mora, aut quoniam quis specialiter fuerit rogatus etiam fructus restituere, *L. in fideicommissaria 18. D. ad Trebell.* Contra fructus sive ante testatoris obitum percepti, sive mortis tempore pendentes, sive post obitum, sed jacente tamen hereditate percepti, pars sunt hereditatis, quae directo desertur, ac proinde debentur substituto, *L. in falcidia 9. D. ad L. Falcid.*, qua de re Duaren. cap. 23. h. t. Redissime idem Duarenus lib. 2. *Disp. cap. 7.* eorum verborum veluti ex causa fideicommissi haec ait esse sententiam, substitutionem directo factam a milite tanquam directam valere, quemadmodum, si a pagano facta esset verbis fideicommissi, valeret. Ita To veluti apud Dioeletianum, ut in aliis bene multis locis juris, omnino, est similitudinis nota.

Atque ecce tibi substitutionem illam, quam vulgus interpretum dicitur compendiosam propter verbum illud compendio, quod est in jam expposito Dioeletiani & Max. rescripto. Eam non esse diversum substitutionis genus jam vides, uti nec ea est, quam dicunt breviloquam. *Vid. scripta cap. 2. hujus Commentarii*. Quae alia sive de compendiosa, sive de breviloqua discurrant in foro, prostant apud Peregrinum in *Traetat. de fideicommissis*. Fufarium in *Traetat. de substitutionibus*, aliosque. Omnia ab iis pendere, quae nostro hoc commentario tradita sunt.

Antequam imponatur Commentario satis, jura aliquid dici de separatione hereditatum, quae substituto interdum conceditur, interdum negatur. Sed satius erit integrum Pandectarum caput de separationibus, qui multo patet, latius explicare,



IN TITULUM VII. LIBRI XLII. PANDECTARUM.

DE SEPARATIONIBUS

COMMENTARIUS.



Ure civili hereditas, ut primum est adita, fieri incipit patrimonium heredis; est enim heres idem quod dominus, §. ult. *Instit. de her. qual. & diff.* Hinc sequitur, si creditores distincti, & creditores heredis concurrant, horum aequae atque illorum idem jus esse, neque ullam fieri oportere separationem bonorum. Summum illud jus summae iniuriæ loco habuit Praetor, edictumque proposuit *De separationibus*: unde Ulpianus in *L. 1. pr. h. t.*, Separationem, inquit, solere impetrari decreto

Praetoris, aut, quod is idem addit §. 14., Praesidis, si in Provinciis res agatur. Edictum proposito exemplo, qui Iosepnus in docendo Jurisconsultorum mos fuit, Ulpianus §. 1. & 2. explicat in hunc modum. Debitorem quis Sejum habuit, hic decessit, heres ei exiit Titius: hic non est solvendo: patitur bonorum venditionem. Creditores Seji dicunt: bona Seji sufficere sibi: creditores Titii contemnos esse debere bonis Titii: & sic quasi duorum fieri bonorum venditionem; fieri enim potest, ut Sejus quidem solvendo fuerit, potueritque satis creditoribus suis, vel in a semel, (id est, in solidum), & si non in assm, (h. e. in solidum) in aliquid tamen satisfacere: admissis autem, commixtisque creditoribus Titii, minus sint consequuturi, quia ille non est solvendo, aut minus consequantur, quia plures sunt. Hic est igitur aequissimum, creditores Seji desiderantes separationem audiri, impetrareque a Praetore, ut separatim quantum (subaudi, debetur) cujusque creditoribus praestetur. Ex contrario autem creditores Titii non impetrabunt separationem. Nam licet alicui adducendo sibi creditorem, creditoris sui facere deteriorem conditionem. At qui igitur (Tò igitur non est in nonnullis exemplaribus) adiit hereditatem debitoris mei non faciet meam deteriorem conditionem adducendo, quia licet mihi separationem impetrare: suos vero creditores oneravit, dum adiit hereditatem, quae solvendo non est: nec poterunt creditores ejus separationem impetrare. Hinc patet, fuisse edictum de separationibus a Praetore propositum in gratiam creditorum hereditariarum, seu defuncti, quibus permittitur separationem postulare,

800

non in gratiam creditorum heredis, quibus ea separatio negatur: quod adeo verum est, ut quaesitum scribat Ulpianus §. 5., an interdum etiam heredis creditores possint separationem impetrare, si forte ille in fraudem ipsorum adiecit hereditatem. *Et nullum, inquit, remedium est prodium, sibi enim impudent, qui cum tali contraxerunt.* Et quamquam Ulpianus continuo haec adjiciat, *nisi si extra ordinem putamus Praetorem adversus calliditatem ejus subvenire, qui solum fraudem commentus est,* tamen & aliud subijcit, quod non facile admissum est.

Videant autem creditores hereditarii, ne sibi noceant separatione impetrata, potest enim res esse periculi plena; quod pulchre explicant Paulus, & Ulpianus: hic in cit. L. 1. §. 17., ille in L. si creditores §. eod. Utriusque verba juvabit adscribere, non enim omnia, quae huc pertinent, sunt, apud singulos. Ait Paulus, *Si creditores hereditarii separationem bonorum impetraverunt, & inveniantur non idonea hereditas, heres autem idoneus, non poterunt reverti ad heredem; sed eo, quod semel postulaverunt, stare debent.* Sed si post impetratam separationem aliquid heres adquisierit, si quidem ex hereditate, admitti debebunt ad id, quod adquisitum est illis, qui separationem impetraverunt. Sed si illis satisfactum fuerit, quod superest, tribuetur propriis heredis creditoribus. At si ex alia causa heres adquisierit, non admittentur hereditarii creditores. Quod si proprii ad solidum pervenerunt, id quod supererit,tribuendum hereditariis quidam putant: mihi autem id non videtur, quum enim separationem petierunt, recesserunt a persona heredis, & bona sequuti sunt, & quasi defuncti bona vendiderunt, quae augmenta (subaudi, adventitia & extrinseca, ut bene Gothofredus) non possunt recipere, (homogenea enim, ut idem Gothofredus loquitur, qualia sunt fructus, recipere). Idemque existimo dicendum, etiam si circa separationem bonorum decepti minus consequuti sunt, quam proprii heredis creditores; proprii autem heredis creditores habent propria ejus bona, & personam, quae potest, donec vivit, acquirere. Ait Ulpianus, Item sciendum est, vulgo placere, creditores quidem heredis si quid superfuerit ex bonis testatoris, posse habere in suum debitum, creditoribus vero testatoris ex bonis heredis nihil: cujus rei ratio illa est, quod qui impetravit separationem, sibi debet imputare suam facilitatem, si cum essent bona idonea heredis, illi maluerint bona potius defuncti sibi separari: heredis autem creditoribus hoc imputari non possit. At si creditores defuncti desiderant, ut etiam in bonis heredis substituantur, non sunt audiendi; separatio enim, quam ipsi petierunt, eos ab istis bonis separavit. Si tamen temere separationem petierunt creditores defuncti, impetrare veniam possunt iustissima scilicet ignorantiae causa allegata. Quam Ulp. veniam appellat, ea est in integrum restitutio, quae majoribus etiam quandoque indulgetur, Tit. ex quib. caus. major. Sed videtur vix aequum quod Paulus & Ulpianus ajunt impetrata a creditoribus hereditariis bonorum separatione, ne id quidem illis tribui, quod, dimissis propriis heredis creditoribus, superfuerit. Et vero contra sensit Papinianus in L. debitor 3. §. 2. h. t., Sed in quolibet alio creditore, qui separationem impetravit, probari commodius est, ut si solidum ex hereditate fervari non possit, ita demum aliquid ex bonis heredis ferat, si proprii creditores heredis, fuerint dimissi, quod sine dubio admittendum est circa creditores heredis dimissis hereditariis. Ad Papinianum certe spectat

T^o quidam putant apud Paulum in cit. L. 5., qua eadem formula Papinianum suppresso ob reverentiam nomine etiam designat in L. *lecta D. de reb. cred.*, in L. 8. *usufr. quemadmod. caveat*, & in L. *qui heredi §. si duorum de cond. & dem.* Paulum, itemque Ulpianum Papiniano invisibile, nemo est qui ignorat. Sed rem ipsam agamus: Ulpianus & Paulus aperte dissentiunt a Papiniano. Hic aequitatem, illi subtile ius sequuntur. T^o commodius est apud Papinianum aequitatis est nota, & multo satius est in hac re aequitatem praeferre. Ita Cujacius in cit. L. 3. ex lib. 27. *quaest. Papin.* Aliorum in dissensione ista componenda inutilis labor.

Hactenus dicta intelligenda sunt de creditoribus chirographariis, seu personalibus, qui tantum personam debitoris habent obligatam, non de hypothecariis, qui separatione opus non habent, namque iis satis est cautum actione hypothecaria, quae in rem est. *Vid. A. Fabr. de err. Pagn. dec. 3. err. 1.*

Non solum creditoribus, sed etiam heredibus interdum conceditur separatio. Ita datur heredi necessario contra creditores hereditarios: qua de re idem Ulpianus in cit. L. 1. §. ult., item sciendum est, necessarium heredem servum cum libertate institutum impetrare posse separationem, scilicet, ut si non attigerit bona patroni, (i. e. si non dum bona ejus administraverit) in ea causa sit, ut ei quidquid posita adquisierit, separaretur; sed & si quid ei a testatore debetur. Et nihil causae est, cur id creditoribus hereditariis jure displiceat, sufficere enim debet, quod talis eorum conditio sit, qualis fuisset nullo necessario herede scripto: quo casu postulare potuissent non alia bona vendi, quam quae reliquisset defunctus. Quod de servo cum libertate instituto scribit Ulpianus, pertinet ad veterum Jurisconsultorum disputationem de ea re. Proprios servos etiam non adscripta libertate recte institui, liberos heredesque futuros aiebat Attilianus teste Paulo in suis ad Sabinum, & Plautium libris. Contra non aliter, quam adscripta libertate institutionem valere, creditum a plerisque: unde Plinius Lib. 10. cap. 4., *Consult.* inquit, cum *Prudentibus*. Convenit inter omnes, libertatem non deberi, quia non sit data. Adeo autem vicit ea sententia in foro, ut eam quasi ius certum proponat Ulpianus in *Fragm. Tu. XXII. §. 6.* Tandem Justinianus Attilianae opinionem confirmavit in L. *pen. C. de ne c. fer. her.* quum favore libertatis, tum ex conjectura voluntatis testatoris, qui quum non debeat videri in re seria nugari, praesumitur, quem voluit heredem, eum & liberum voluisse, exemplo ejus, quod de servo tuore scripto sine libertate docet Tribonianus in §. 12. *insti. qui test. tut. dar. poss.* Ergo quod Ulpianus in cit. §. ult. scribit de servo cum libertate instituto, hodie verum est, etiam si sine libertate sit institutus. Quid est autem, quod in cit. §. ult. inquit Ulpianus, servo heredi scripto separari se quid ei a testatore debetur. Nec servum quidquam debere posse, nec servo posse deberi scribit idem Ulp. in L. *nec servus q. 1. D. de pecul.* Tacent interpretes. Ego casum, quo dominus servo heredi scripto debeat, ita posseungi ajo. Gajus Stichus dominus quum Titio centum deberet stipulanti Titio promissu, se quod illi debebat, Sticho, quum liber esset soluturum, tum Sticho sibi necessarium scripsit heredem.

Num idem de suo herede ius est? Huc pertinet nobilis Papiniani lo-

CUS

hereditatem haberet. Ad haec extraneo hereditatem recusante destituitur testamentum, & per consequentias evanescit substitutio pupillaris, quam tamen, filio se abstinente, nudum sui heredis nomen tuetur.

Sed interest, num filius, cui fuit pupillariter substitutum, paterna hereditate abstinerit, nec se unquam immiscuerit hereditati, an abstinuerit se ea, postquam se immiscuerat, quod facere impuberibus licet, *L. necessarii 57. de acquirend. her.* Posteriore hoc casu substitutum in omne aes alienum etiam patris invitum obligari ait Javolenus in *cit. L. paterfamilias*, quia tunc hereditas & patris & filii una est. Unam mixtio illa fecit. Priore casu separat substitutus hereditates, nec paternis creditoribus obligatur, quia abstentionem mixtio illa non praecessit, ac proinde unam non fecit patris & filii hereditatem, Id argumento ducto ex contrario sensu videtur tacitus docere idem ipse Javolenus, qui mixtionis illius discrete meminit; ex eaque conficit, unam esse hereditatem patris & filii. Nec Javoleno obstat Ulpianus, qui in *L. 42. de adq. her.* substitutum filio, qui abstinuit, oneribus eximit hereditatis paternae; nam quoniam Ulpianus abstentionis meminit, non mixtionis, est locus ejus ad priorem casum referendus, quo illum rectissime refert Cujacius. Ita pupilli abstentio, quam nulla mixtio praecessit, prodest substituto: mixtio, quamvis abstentio sequatur, nocet.

His, quae dida sunt, graviter obstat perdifficilis, ac prope desperatae interpretationis locus Ulpiani in *L. quaesitum 40. de adq. vel omit. her.* Quaesitum est, inquit, an licet quis paternae hereditatis nihil attingat, aliquid tamen propter patris voluntatem habeat, vel faciat, an creditoribus paternis cogatur respondere, ut puta si impuberi fuerit substitutus. In qua specie Julianus Libro XXVI. Digestorum scripsit, incidere eum in edictum, si se immiscuerit impuberis hereditati, nam qui iudicium parentis oppugnaverit, non debet ex eadem hereditate quidquam consequi. Sed Marcellus eleganter distinguit, multum interesse utrum ex asse fuerit institutus in patris testamento, an ex parte, ut si ex parte, posuerit sine metu, remota patris successione, impuberis hereditatem amplecti. Loquitur Ulpianus de eo, quod paterfamilias primis tabulis sibi, secundis filio impuberi heredem scripsit; atque illud fuisse quaesitum ait, num si is paternae hereditatis nihil attingat, puta hereditate patris omitta, aliquid tamen propter patris voluntatem habeat, vel faciat; habeat ex substitutione, ut bene Accursius, quae licet filii testamentum sit, patris tamen iudicium est, *L. 8. §. sed nec D. de inoff.*: quo verbo ita explicato, nihil necesse est pro eo legere capiat, quod fecit Cujacius: faciat se pro herede impuberis gerendo, uti recte Cujacius in *cit. L. 12. de vulg.*, num, inquam, is paternis creditoribus cogatur respondere: tum subjicit Juliani sententiam, qui *Lib. XXVI. Digestorum* scribit, eum, si se immiscuerit impuberis hereditati, incidere in edictum, hoc est cogi eum paternis creditoribus respondere: eamque rationem sane elegantem addit, nam qui iudicium parentis oppugnavit, puta hereditate ejus omitta, non debet ex eadem, h. e. paterna hereditate quidquam consequi. Postremo Marcelli notam proponit. Non laudat Ulpianus librum Marcelli, ex quo notam descripsit: nec prostat is liber in Indice Justiniani; sed satis constat ex *L. 1.*, & ex epigraphae *L. 11. Quod metus causa*, scripsisse Marcellum notas in *Libros Digestorum*

Juliani, quibus Julianum castigat, quo factum, ut Jurisconsulti aliquid certi juris esse ostendant ea formula *Julianus hoc dicit, & consensit Marcellus, L. si servus §. sed eum is qui servum D. ad L. Aquiliam, & L. 2. in fin. de nox. act.* Marcelli nota haec est, multum inesse, num ex asse fuerit institutus in patris testamento, an ex parte, ut si ex parte, potuerit sine metu, remota patris successione, impuberis hereditatem amplecti, nec paternis creditoribus cogatur respondere; si vero ex asse, secus. Jam videtur quid distet a Juliano Marcellus. Sententia Juliani est; heredem patris, eundemque impuberi filio substitutum, si paterna hereditate omissa impuberis hereditati se immiscuerit, semper cogi paternis creditoribus respondere. Sententia Marcelli est, ita demum cogi, si patris heres ex asse institutus sit.

Sunt haec multo obscuriora, quam fortasse videri possunt, ac sedulum interpretem desiderant: fierent tamen perspicua, si fingi facile posset species, quam tractat Ulpianus. Sed hoc opus, hic labor.

Prodeat omnium prima species Viviani. Filium impuberem, & extraneum heredes scripsi, tum filio extraneum ex pupillari formula substitui. Filius heres est pro sua parte, & nondum factus pubes moritur: extraneus partem suam, sique hereditatem meam repudiat, vult tamen pupillo ex substitutione succedere. Nunc illud quaeritur, an pupillo substitutus, qui hereditatis meae partem repudiavit, creditoribus meis pro parte, quam recusavit, cogatur respondere: & ait Julianus, cogi, perinde ac si hereditatem meam pro ea parte adiisset. Secus esse inquit Vivianus, si duos extraneos filio exheredato heredes scripsi, unumque eorum filio substitui, alter autem pro parte sua adiit hereditatem. Vivianus igitur heredem patris, eundemque filio substitutum prorsus extraneum fingit.

Sed primum is notam Marcelli videtur omnino negligere, quam tamen adprobat Ulpianus: tum speciem fingit, in qua locus esse non potest edito, in quod substitutum incidere inquit Julianus. Editum istud verecundissimus Accursius, adjecta dubitationis nota *forte*, suspicatur esse Editum, de quo est peculiare Caput in Pandectis, *Si quis omissa causa testamenti*, quod & Cujacio *Lib. 18. Obs. c. 8.*, & Marcio Gordiono *Praeterea mis. jur. c. 13.* est visum. Sed continuo Accursium deterret is obex, quod Julianus hoc loco de paternis creditoribus loquatur, quum tamen ex *L. 1. ac tot. Tit. si quis omissa causa* exploratissimum sit, eo Editio legataris quidem & fideicommissaris, non creditoribus fuisse consultum. Hinc addit, Editum Juliani prorsus aliud fuisse, quod aetatem non tulit. Hanc posteriorem conjecturam arripuit Bartolus, qui novo huic edito hanc sententiam affingit, *quisquis paternam hereditatem repudiaret, pupillarem habere non possit*. Antonius Faber de *err. Pragm. dec. 32. et. 1.* & novum istud Editum ridet, & priorem Accursii conjecturam resemit. Verum is non meliora in medium profert, sed hostem fingens, quem seriat, novum Editum nugas magno Cujacio placuisse ait: quum tamen Cujacius totus sit in eo, ut Juliani Editum esse Editum si quis omissa causa demonstrat: & sane tradit, quod Julianus scribit hoc loco, substitutum incidere in Editum, ita esse accipiendum, quasi diceret, incidere eum in sententiam Editi; & si enim soli legatarii, ac fideicommissarii verbis Editi com-

prehendantur, ex sententia tamen Edicti, & per consequentias, creditoribus paternis tenetur, qui legatariis tenetur, quibus post creditores de munus praestari legata comperitissimi juris est.

Nunc, ut ad Viviani speciem revertar, dubitabundus ajo, vix esse, ut habere locum possit, si ad edictum si quis omissa causa referatur. Certe edictum illud contra eos est, qui omissa causa testamenti ab intestato possident hereditatem, ut ex ipsis tituli verbis compertum sit. At vero si fingas, heredem patris eundemque substitutum filio prorsus extraneum esse, quo pacto posset is hereditatem ab intestato possidere, plane non intelligo. Scio quidem Pandectarum caput ita inscribi, *si quis omissa causa testamenti ab intestato, vel alio modo possideat hereditatem*; sed & illud scio verba illa vel alio modo referri debere ad alias causas, seu titulos possidendi universales praeter causam intestatae successionis ex jure civili, quales causae sunt bonorum possessiones. Quomodo autem extraneus hereditatem, quae jam ad heredes legitimis pertinet, ex universali causa possidere possit, ego non liquere pronuncio, nisi si quasi praedo possideat hereditatem fingens sibi aliquem titulum ab intestato possessionis, ut Ulpianus loquitur in L. 1. §. 9. eod.: quod rarissimus est casus.

Jam quod de filio impubere atque extraneo scriptis heredibus, idem esse addit Virgarius, si fingas, extraneum filio exherede scripto ex asse institutum, tum filio, ex pupillari formula substitutum. Atque hanc speciem fingit Jac. Cujacius *Obs.* 18. c. 2.

Sed & Vivianus, & Cujacius in hac specie labuntur, si enim fingas, extraneum ex asse institutum paternam hereditatem repudiasse, qua ratione possit pupillarem substitutionem amplecti, non video. Quoniam enim post longam disputationem obtinuit tandem, pupillarem substitutionem paterni testamenti partem esse & accessionem, ut Tribonianus tradit *Lib. 2. Inst. de pupil. subst. §. liberis* 5., consecraneum illud est, paterno testamento desinito pupillares tabulas corruiere: quae de re fusa dictum in *Comm. de vulg. & pup. subst.* Mortuo igitur, antequam in suam tutelam veniat, filio imputare, hereditas legitimis desertur heredibus, atque omnis de substituto inutilis est quaestio. Id quidem vitium prior Viviani species non habet, nam si fingas substitutum filio coheredem datum, quod extraneus partem suam recusat, id nihil quidquam obviat, nam filius heres est, & quidem suus, qui nullo facto suo, sed jure ipso est heres.

Franciscus Duarenus in *Tit. de adq. vel omi. her. sub fin.* contendit, etiam unum fuisse testamento patris scriptum heredem, & impuberi filio exheredato substitutum, sed eam tamen fuisse impuberi filio fratrem: quod videatur Ulpianus de instituto loqui tanquam de filio, ibi, *Quaestum est, an licet quis paternae hereditatis nihil attingat, aliquid tamen propter patris voluntatem habeat, creditoribus paternis cogatur respondere.* Et mox, *Nam qui judicium parentis oppugnaverit: & denique remota patris successionem, quae minus proprie ad impuberem ipsum referas, quo ea reserit Cujacius in L. si filius qui patri* 12. de vulg. ex lib. 3. *quaest. Pap.* Potuisset Duarenus alio argumento, quod ex hoc ipso loco suppeti, idem probare; de substituto enim sic habet Ulpianus, *Julianus scribit incidere eum in Edictum, si se immiscuerit impuberis hereditati.* Verbum *immiscuerit* momentolum est: *Immiscere*

sapient. Interdum tamen verbis abusi sunt; quod hoc uno exemplo probatur satis. Certe *gerere* gestoris negotiorum proprium est, non procuratoris, eo tamen verbo abusus est Ulpianus *L. 33. de Procurat.*

Martius Gordonius *loc. cit.* contendit heredem patris impuberi substitutum fuisse fratrem testatoris, adeoque impuberi patrum. In hac specie fit locus edicto, quoniam enim substitutus agnatus est, recte potest ab intestato possidere, licque, quod in fraudem edicti possideat, creditoribus paternis respondere cogi. Perperam Gordonius; namque omissa a patro institutione, si is erat ex asse scriptus, pupillaris substitutio evanescit, patrisque hereditas filio defertur ab intestato.

Sed qualis tandem erit in specie Juliani heres patris filio impuberi substitutus? Ego de hoc loco sollicitus tandem ita statui apud me. Juliani species ita lingenda est, ut heres non sit extraneus, cui sit coheres filius impubes, namque is possidere ab intestato non potest: non extraneus solus, quum quia possidere non potest ab intestato, tum quoniam, corruente ob non aditam hereditatem substitutione, hereditas ad legitimos redit: non frater testatoris easdem ob causas: non denique frater impuberis idemque filius testatoris, namque is separatione impetrata metuere sibi ab edicto non potest. At haec si vera sunt, quid aliud nobis est reliquum, quam ut de loci istius interpretatione desperemus. Unum ex his tribus affirmes necesse est, heredem patris, eundemque impuberi substitutum, aut prorsus extraneum fuisse, aut adgnatum, aut suum. Quidquid dixeris, absuendum.

Videamus quid in hac re conatus sit A. Faber. Ait is, locum hunc juris, nisi a Triboniano corruptum dicamus, plane explicari alias non posse. His autem argumentis suam adstruit conjecturam. Principio Julianus ait, substitutum incidere in Edictum. At quodnam est Edictum istud? Non aliud, nisi Edictum si quis omissa causa testamenti. Anne igitur eo Edicto creditoribus consultum? Ex verbis Edicti legatariis tantum & fideicommissariis, ex sententia autem creditoribus. Ita ex Cujacio interpretes. Sed quem locum juris in eam rem Cujacius laudat? Nullum, nec laudare ultimum poterat, nam creditoribus consulere ex mente Edicti non est. Legatariis & fideicommissariis subveniendum putavit Praetor, ut conservarentur legata, & fideicommissa, quae altoqui deserto testamento ipso jure intercidissent. Creditorum salva semper res est. Omittit causa testamenti Legitimi heredes creditoribus respondent. Ab intestato etiam repudiatur hereditas? Praestio est missio in possessionem, ac bonorum venditio, *Tu. Quib. ex causis in possess.* Vacantia bona Fiscus occupat ex *L. Julia*, Fiscus creditoribus facit satis, *L. 1. & passim de jur. fisc.* At vero deitur Cujacio Edicti sententiam ad creditores pertinere; pertinebit certe, ubi hereditas caeperit ab intestato possideri: quae species cum Juliani loco non convenit, nam loquitur Jurisconsultus de eo substituto, qui & nihil paternae hereditatis attingat, & aliquid propter patris voluntatem habeat, ac proinde de illo, qui successit impuberi ex substitutione pupillari, quae licet testamentum filii, iudicium tamen patris est. Deinde quod ex hoc loco apertissime patet, Juliani sententiam fuisse a Marcello notatam, falsum esse contendit Faber, atque Marcello bene convenire cum Juliano: cuius

con-

tam filiam, quam is habebat in potestate: ab eoque multa legata relicta. Extraneum istum inquit Papinianus si omitta institutione, ne legata a se relicta praestaret, filiam iussit adire ex substitutione, *legata ab ipso data ex sententia edicti praestaturum*. Ergo qui omittit institutionem, atque hereditatem amplectitur ex substitutione facit contra sententiam edicti, quamvis extraneus sit, cui possidere non licet ab intestato. Ita posset species poni in extraneo. Sed quoniam in cit. *L. quaesitum*, distinguitur inter heredem ex asse, & heredem ex parte institutum, quis intelligat, quod ibi traditur, extraneum ex asse heredem, qui remota patris successione hereditatem impuberis amplexus est, creditoribus paternis respondere compelli? Desstituto patris testamento rui omnino substitutio pupillaris: Ecce nunc tibi conjecturam, quam facio. Non loquitur Ulp. de herede, qui paternam hereditatem recusavit, sed de herede, qui nihil attingit paternae hereditatis, h. e. de eo, qui paternam hereditatem non dum agnovit, ac proinde de eo, qui adhuc deliberat. Eo adhuc deliberante, nec dum desstituto patris testamento mori pupillum singe, huiusque hereditatem extraneum substitutum amplecti, unum pupilli heredem iam factum paternam hereditatem recusare. Hanc speciem wassars Julianus incidere cum ait in Edictum, quia hereditatem amplexus ex substitutione institutionem omisit, ac patris creditoribus respondere cogi, quasi hereditatem patris iam attingisset; hoc enim ipso, quod amplexus est substitutionem, quae testamenti paterni pars est, hereditatem patris agnovisse intelligitur. Marcellus autem, si extraneus ex asse scriptus est heres, consentit cum Juliano, si ex parte, non teneri substitutum i. quid paternis creditoribus respondere, nam recusata hereditatis pars adcrevit coheredi, qui creditoribus respondebit. Ita substitutus uno casu pro herede est, altero non est heres patris. Ita *L. quaesitum* 40. non obstant *L. si filius* 12., aliaequae iam superius explicatae. *Lex quaesitum* 40. de herede extraneo accipienda est in eum modum, qui propositus est: *Lex filius* 12. de vulg. & *L. si filius* 41. de adq. her. accipiendae omnino sunt de filio sua herede, ut sunt scriptae.


Ut ut sit redeamus ad Julianum. Ait is, cogi substitutum paternis creditoribus respondere ea ratione, nam qui iudicium patris oppugnaverit (recusata post aditam hereditatem pupilli hereditate paterna) non debet ex eadem hereditate quidquam consequi. Hic certe non est ferendus Faber, qui de dec. err. 1. reprehendit ea verba ex eadem hereditate, quod praeter nomine hereditatis venire hic utramque hereditatem patris ac filii: quo nihil dici filius potest, quum extra dubitationem sit possum, patris ac filii duas esse hereditates. unius testamenti. Equis est, qui non videt, verba illa ex eadem hereditate ad hereditatem patris referri? nisi quis malit hereditatem interpretari testamentum, quod putavit post Fulgosium Cujacius. Testamento patris debet substitutus hereditatem filii, quam est amplexus: haec autem non meretur, qui testamentum patris oppugnat. Quoniam vero semel adita pupilli hereditas repudiari amplius non potest, *L. si aut* 4. *E. de resud. vel abst. her.*, qua ite elegantissime Faber in *Jurispr. Papin. tit. 6. pr. 5. illat. 3.*, hinc fit, ut vel invitum pro herede patris habeatur.

Magna cura haud infelicitur defuncti pergamus ad alia. Edictum de sepa-

Separationibus ad alias etiam causas Principum constitutionibus, aut Prudentum interpretatione productum est. Et vero beneficium separationis est datum heredi rogato hereditatem restituere, si compulsus adiit, ac persona deficit, cui restituatur. Si quis, verba sunt Ulpiani in L. 1. §. 6. de separat., suspectam hereditatem dicens compulsus fuerit adire, & restituere hereditatem, deinde non sit, cui restituat, ex quibus casibus solet hoc evenire (casus erit, si fideicommissarius nullo herede decedat, ut in L. apud Julianum 11. §. 2., & L. postulante 44. ad J. C. Trebell.), & ipsi quidem desideranti succurri sibi adversus creditores hereditarios, subveniemus. Hoc & Divus Pius rescripsit; ut perinde testatoris bona venirent, atque si adita hereditas non fuisset. Creditoribus quoque hujusmodi heredis desiderantibus, hoc idem praestandum puto; licet ipse non desideravit, ut quasi separatio quaedam praestetur. Locum hunc Ulpianus a Triboniano corruptum putat Faber lib. 18. Conject. cap. 8. Fabrianas conjecturas expendere temporis angustiae vetant. Datum est itidem creditoribus castrensis. Si filii familias bona veneant, qui castrense peculium habet, ejusdem Ulpiani verba sunt in cit. L. 1. §. 9., an separatio fiat inter castrenses, caeterosque, videamus. Simul ergo admittuntur, dummodo, si qui cum eo contraxerunt, antequam militaret, fortasse debeant separari: id postulantibus creditoribus castrensis, in quorum gratiam sit separatio: Quod puto probandum. Ergo qui ante contraxerunt, si bona castrensia distrahantur, non possunt venire cum castrensis creditoribus. Item si quid in rem patris versum est, forte poterit & creditori contra dici, ne castrense peculium inquietet, cum possit potius cum patre experiri. Hunc quoque locum male habitum a Triboniano contendit Faber in Jurispr. Papin. cit. pr. §. illat. 3. Mihi Fabriana argumenta incudi reddere per tempus non licet.

Est & illud genus separationis inductae per novas Justiniani constitutiones in L. ult. C. de jur. delib., & Nov. 1. de heredi. & scilicet quibus caveatur, heredem rite facto inventario supra vires hereditatis non teneri. Hinc consequitur, ut postulantibus non creditoribus defuncti, ut olim ex Edicto de separationibus, sed creditoribus propriis heredis, hujus bona separantur a bonis defuncti? Vid. Fabrum cit. pr. §. illat. 1. & 2.

Separationis commodum creditores hereditarii amittunt, si novandi animo ab herede stipulentur, aut satis, pignusve accipiant, ita enim heredem sequuntur, eliguntque, L. 1. §. 10. 11., & 15. de separat. Sed jure novo non aliter novatio admittitur, quam si contrahentes specialiter remiserint priorem obligationem, & hoc expresse: si hoc non sit expressum, nihil penitus prioris cautelae innovari, sed anteriori stare, & posteriora illis accedere inquit Justinianus in L. ult. C. de novat. Amittunt itidem, posteaquam bona hereditaria ita sunt cum bonis heredis commixta & confusa, ut pene impossibilis sit separatio: si qua tamen separari possunt, eorum separatio impetratur, cit. L. 1. §. 12. Denique amittunt post lapsum quinquennii ab additione numerandi, cit. L. §. 13. Sed postremum hunc separationis amittendae modum non puto perferre ad genus illud separationis, quae facto ab herede inventario creditoribus ejus datur. In L. debitor 3. de separat., quae sane elegantem continet Papiniani disputationem ex Quaestionum lib. XXVII. Vid. Cujacium in suo Papiniano, atque A. Fabrum lib. 7. Conject. cap. 16.



IN LIBROS PANDECTARUM XXX, XXXI, AC XXXII.

DE LEGATIS ET FIDEI- COMMISSIS.

COMMENTARIUS.



N ea juris civilis parte, quae de legatis, & fideicommissis agit, veteres Jurisconsulti tantum operae, quantum vix in alia, posuere. Bene multos de ea re libros scripsisse Aburnium Valentem, Gajum, Pomponium, Volusium Maetianum, Ulpianum, Paulum, & Modestinum, testis est index Jurisconsultorum Pandectis Florentinis praefixus. Quod autem gravissimi illi viri indignum ducebant tempus iis tradendis impendere, quae difficultatis, utilitatisque parum habe-

rent, tot eorum libri argumento sunt plane maximo, in ea nos hoc anno tractatione juris versari, quae ingenia vestra egregie praeter ceteras exercebit, vobisque fructus uberrimos pollicetur. Pauca haec ad diligentiam vestram exacuendam praefatus, rem ipsam (quod bene feliciterque vertat) ingredior.

Commentarii quatuor erunt partes. Prima legatorum fideicommissorumque naturam exponet. Secunda modos, quibus dantur: Tertia regulas, quibus deferuntur: Quarta causas, quibus aut minuuntur, aut pereunt.



COMMENTARI I.

P A R S I.

DE LEGATORUM FIDEICOMMISSORUMQUE NATURA:

IN tribus Pandectarum libris, quos interpretandos adgredior, separantur legata a fideicommissis. Et vero multis olim differebant inter se: tum differentias novum jus sustulit; sed eas tamen operi suo adpersit Tribonianus: unde vetus aequae ac novum jus nosse necesse est.

Q

CA.

Lege fiant: cujus rei illustre exemplum habes in *L. miles* 17. §. 1. ad *L. Jul. de adult.* Tacita fideicommissa redigebantur in fiscum ex *S. C. Planciano*, de quo Heineccius ad *L. Jul. & Pap. lib. 2. cap. 6. n. 6.* Accessit & altera fideicommissorum inducendorum causa. Interdum peregre morientibus copia non erat septem civium Romanorum, quibus testibus facerent testamentum. Caepere igitur codicillis, seu epistolis futuros sibi heredes rogare, ut aliquid facerent: quod temporibus Augusti primum a Lucio Lentulo factum, auctor est Tribonianus, *pr. tit. Inst. de codicil.* Quod autem fideicommissis publica auctoritas deerat, nullo juris vinculo continebantur: proinde quamvis heredem fides, ac pudor moneret, nulla Lex tamen cogebat invitum. Quod heres facere non tenebatur, quae fuerat rogatus, faciendo beneficium dabat: quo refer illud in veteri marmore apud Reinesium *Inscr. Claf. II, 73.*, *L. Cestius qua ex parte ad eum hereditas M. Agrippae munere pervenit &c.* Pritius Augustus Consules iussit auctoritatem suam interponere inquit Trib. §. 1. *Inst. de fideicom. her.*, h. e. heredes testamenti codicillisque rogatos cogere, ut restituerent: quod paulatim, i. e. sub Claudio, conversum est in assiduam jurisdictionem, h. e. in jurisdictionem non quotannis a Principe demandari solitam, ut ante tempora Claudii factum narrat Svetonius in Claudio cap. 23., sed in perpetuam, & ex officio competentem: quam eandem jurisdictionem etiam per Provincias Potestatibus, i. e. Praesidibus ab eodem Claudio datam Svetonius addit. Creatum subinde scribit Tribonianus Praetorem proprium, qui de fideicommissis jus diceret. Hic est Praetor ille, qui Praetor de fideicommissis in veteri titulo apud Gruterum, & fideicommissarius dicitur in multis locis juris apud Brissonium. Praetores duos meminit Pomponius in *L. 2. §. 31. de O. J.* Quod nemo alius praeter Pomponium Praetores duos meminerit, id Pomponio non abrogat fidem. Qui Praetorem unum meminere, ii scripsere post tempora Titi, quem de duobus detraxisse unum, auctor est idem Pomponius: Quod legisse se in Svetonio Heineccius inquit, Praetores duos a Claudio constitutos, id ego nequaquam legi. Apud Svetonium mentio est Magistratum, quo vocabulo recte possunt designari Consules, ac Praetor unus; cave enim putes, creato Praetore fideicommissario desisse a Consulibus jus in urbe dici de ea re. Praetores a Claudio adjectos scribit Pomp. in *L. 2. §. 32. de O. J.* Etiam Ulp. *Fragm. XXV* 12. cum Consulibus conjungit Praetorem. Summae Praetoria cognitione majoris persequendaeque apud Consules meminit Quintil. *Inst. Orat. 111. 6.*, unde quantitate sola akeram ab altera jurisdictione rectissime separant, Cujacius *obs. XXI, 34.*, & Merillius *obs. V. 36. In L. 26. de probat.* Imp. Commodus de fideicommissis magnae quantitatis cognovit certe ex appellatione. Iia fideicommissis publica auctoritas accessit: auctoritas Magistratus, non item juris stricti: quae duo sunt separanda. Juris stricti auctoritas in eum exercetur, in quem recte potest actio intendi, tanquam eum, qui jure civili stricto tenetur. Auctoritas Magistratus in quibusdam causis ei succurrit, cui nulla jure civili stricto prodita est actio; est tamen natura aequum aliquid dari, praestari. Dixi, in quibusdam causis; namque eorum, quae juris gentium sunt, quaedam civile jus pudori hominum relinquit, quaedam sua facit, & prodita actione confirmat: quaedam mera

Magistratus auctoritate tuetur. Duplex hoc genus auctoritatis pulchre adstruit locus Papiniani in *L. hereditas* 50. §. 1. de *hered. pet.*, *Quamvis stricto jure nulla teneantur actione heredes ad monumentum faciendum*, tamen Principali, aut Pontificali auctoritate compelluntur ad obsequium supremæ voluntatis. Refertur eodem potest locus Pomponii in *L. Quintus Marcius* 7. de *ann. leg.* Nunc intelligis, non esse a jure abhorrentem, ut quidam putant, vulgarem illam officii jus dicentis partitionem in mercenarium, quod actioni subservit, & nobile, quod cessante actione, ut natura æquum, interponitur. Ergo fideicommissa ante tempora Augusti pudori hominum relicta ceperunt sub Augusto ad meram jus dicentis auctoritatem, seu ad nobile ejus officium pertinere: Ulpianus in *L. pecunie* 178. §. 2. de *V. S.* postquam docuerat, aliud esse actionem, aliud persequutionem, *Persequutionis verbo*, scribit, *extraordinarias persequutiones puto contineri, ut puta fideicommissorum & si quæ aliæ sunt, quæ non habent juris ordinarii executionem*: quasi scribat, fideicommissa peti non actione apud datum a Magistratu judicem proposita: quæ erat juris ordinarii executio; sed implorato officio Magistratus, qui pro imperio suo heredes ad supremæ voluntatis obsequium compellebat. Hoc idem aliquanto luculentius exprimit idem ipse Ulp. in *fragm. tit. 25. §. 12.* his verbis, *fideicommissa non per formulam (h. e. per actionem) petuntur: sed cognitio est Romæ quidem Consulum, aut Praetoris: in provinciis vero Praefidum provinciarum*. Dicam verbo, Legata sunt juris civilis stricti: fideicommissa sunt juris gentium, quod civile jus non actione, sed merâ Magistratus auctoritate tuetur.

Ex hac una differentia omnes aliæ, tamquam consecutaria proficiscuntur. Legatorum verba erat civilia, imperativa, & directa: fideicommissorum *precaria, & inflexa*, seu obliqua. Quæ Ulp. *fragm. tit. 25. §. 1.* verba civilia vocat, ea idem Ulpianus *fragm. tit. 24. §. 1.* interpretatur verba *Legis modo*, idest, *imperative prolata*; & diserte Constantinus *imperativa* appellat in *L. quoniam* 15. C. de *testam.* Haec eadem Constantinus in *cit. L. 15.*, & Justinianus in *L. 2. C. com. de leg. & fideic. directis* dicunt. *Legare*, quò verbo Lex XII. Tab. institutiones & legata, non item fideicommissa comprehenderat, a lege factum, uti rectissime Vossius in *Etymologico*: proinde idem est atque in modum imperantis, & quasi in modum Legis statuere: unde legata pro tributis, aut vectigalibus, quæ publice indicebantur, *L. Julianus* 13. §. 6. de *act. emi*: quod verbum juris minor Brissonio, atque Heineccio excidisse. Verbis civilibus, & imperativis proprie opponuntur *precaria: directis inflexa, & obliqua: Inflexorum* (quod inde verbum a Brissonio, atque Heineccio omissum) mentio est in *cit. L. 15.*: obliquorum nulla, quod sciam, in Libris juris, in commentariis autem interpretum frequentissima: nec Latini scriptoris auctoritas deest. Ammianus Marcellinus, Sylvano, inquit *Lib. 15. cap. 5.*, *rogante verbis obliquis*. Tam diversa istorum verborum ratio non aliunde, quam a diversa legatorum, & fideicommissorum origine petenda est. Quæ Legum permisso facimus, ea facimus imperantes: quæ non ex auctoritate juris, precantes: precamur autem oblique, h. e. aliorum operam lidemque interponentes: contra directis, & nos ipsi imperamus.

Eadem diversa origo fecit, ut legata tantum Latine scripta valerent, fidei-

fideicommissa etiam Graece, quin & alia alterius cujuscunque gentis lingua, Ulp. in *Fragm. tit. 15. §. 9.*, & in *L. fideicommissa 11. pr. de leg. 3.* Quae juris civilis sunt, ut legata, Latinis tantum verbis civium Romanorum propriis peraguntur: quae juris gentium, ut fideicommissa, omnium gentium verbis, *L. an inuicis 6. de acceptis*.

Neque alia est ratio ejus, quod scriptum est apud Ulp. *tit. 25. §. 1.* fideicommissa non ex rigore juris civilis profecti, ut legata, sed ex voluntate dari relinquentis: unde illud non uno librorum juris loco inculcatum, voluntatem in fideicommissis intuendam servandamque, *L. a fratris 127. de leg. 1.*, *L. fideicommissa 11. §. 19.*, & *L. quisquis 95. de leg. 3.*, & *L. 16. C. de fideic.* Juris civilis propria sunt subtilia, & solemnitas juris gentium aequitas, & simplicitas: hujus laxior, illius adstrictior est interpretatio: quod subiectis exemplis patebit. Legata verbis dabantur, & usque ad tempora filiorum Constantini, qui legatorum formulas sustinere, *L. 3. C. de form. subl.*, & *L. 15. C. de testam.* non aliis, quam *passis*, uti ea vocat Ulp. *Fragm. tit. 24. §. 11.*, h. e. conceptis, & legitimis: fideicommissa etiam *nutu*, *L. nutu 21. de leg. 3.* Jure gentium solus natus fidem facit voluntatis. Legabatur tantum testamento, codicillisve confirmatis testamento, cujus pars quaedam erant; fideicommittebatur codicillis etiam non confirmatis. Gajus *Inst. Lib. 2. tit. 7. §. 8.*, Ulp. *Fragm. tit. 25. §. 8.* Solennes scripturas civile jus requirebat: jure gentium satis est quaecumque extare indicium voluntatis. Hinc legari ante heredis institutionem non poterat, quia quam jure civili potestas testamenti ab heredis institutione inciperet, legata non instituto herede data extra testamentum, & non ex solenni scriptura data intelligebantur. Ulp. *Fragm. tit. 24. §. 15.*, & *tit. 25. §. 8.* Post mortem heredis legatariive inutiliter legabatur, namque ab heredibus, & contra heredes incipere actiones vetus juris civilis ratio vetabat: fideicommissa vero in eum modum relicta jus gentium sola defuncti voluntate spectata tuebatur. Ulp. *tit. 24. §. 16.*, & *tit. 25. §. 8.*, & Trib. *Inst. de leg. §. 35.* A legatario jus non erat legari: fideicommissum vero a legatario fideicommissariove relinqui jus erat, Gajus *loc. cit.*, Trib. *pr. tit. Inst. de sing. reb. per. fideic. re. id.* Lex XII. Tab. patrifam. permettebat legare rei suae: non videtur autem rei suae legare qui quod uni jam semel legavit, alteri legat ab eo. Legamus rei nostrae, quam aut ipsi damus, aut dare jubemus heredes, per quos dare nos ipsos civile jus fingit. Sed subtilitas ista juris civilis tanti jure gentium non erat, ut non potius intuenda servandaque videretur voluntas defuncti. Si certa species testatoris propria legabatur, ejus dominium a testatore recta via transibat ad legatarium, *L. a Titio 64. de furt.*: qua de re fufe ac distincte Aulilius noster de leg. & fideicom. quaest. 4.: fideicommissum autem sola possessio transferrebat, *L. qui usumfructum 4. D. si ususfr. pet.* Fideicommissio, uti juris stricti auctoritas decrat, dominium transferri civilis ratio non patiebatur, transferri possessi nem, quae magis facti; & juris gentium est, non vetabatur Legatum intercedentibus inter testatorem & legatarium capitalibus, gravissimae inimicitiae ademptum videbatur, sed doli exceptione opposita: fideicommissum autem ipso jure, *L. si quis ita 3. §. ult. de adim. leg.* Est hoc tribuendum simplicitati juris gentium, quod ut in dando; ita in adi-

men-

rendo fideicommissio nondam spectat hominis voluntatem: illud est trifidendum subtilitati juris civilis.

C A P U T II.

LEGATORUM, ET FIDEICOMMISSORUM EXAEQUATIO.

TAndem legata & fideicommissa exaequata sunt. Quo tempore, quove auctore id factum, non liquet. Tribonianus §. 3. *Inst. de leg. exaequationis* istius auctorem facit Justinianum, cujus est *L. 2. C. comm. de leg.* in eam sententiam scripta. At vero Ulpianus multo antiquior Justiniano in *L. 1. de leg. 1.*, Per omnia, inquit, exaequata sunt legata fideicommissis. Sed nova hinc enascitur dubitatio, non enim verisimile est, ita scripsisse Ulpianum, & ejus *Fragmentis* tot legatorum fideicommissorumque differentias descripsi *Capite superiore*. Mirum quantum ingenia in interpretum torserit locus ille juris. Diversa fere omnium interpretationa collegit Osualdus Hilligerus *Donelli enucl. Lib. 8. cap. 2.*, & nuperrime Bynkershoekius *Obs. jur. Lib. 7. cap. 18.* Longum est omnia: placet tamen proferre & expendere selectiora. Id ut ordine fiat, interpretes distribuo in classes tres. Prima eos habet, qui locum illum adjudicant Ulpiano: secunda eos, qui aliquid inibi a Triboniano mutatum putant: tertia eos, qui nihil mutandum contendunt. In prima sunt sane multi, nominatim Viglius, & e recentioribus Wisenbachius. Viglius in §. 11. *Inst. de testam. ord.* persuasissimum semper habuisse se scribit, sub nomine Ulpiani Tribonianum latere. Idem novissime visum Wisenbachio in *Emblem. Trib.* Conjecturam confirmant Pandectarum editio Haloandrina, ubi nulla est ejus capitis inscriptio: Codex Bituricensis, in quo Duareno teste *Disp. lib. 2. cap. 9.* nomen illi inscribitur Imperatoris, non Ulpiani: quodque idem Viglius addit, audivisse se in nonnullis antiquis libris caput illud deesse; sed quoniam Tribonianus legatorum fideicommissorumque exaequationem Imperatori suo tribuit in *cit. §. 3.*, & *cit. L. 2.*, si eam affinxisset Ulpiano, ipse se falsi damnaasset, Haloandrinam editionem, Codicem Bituricensem, aliasque, si quae sunt, manuscripta exemplaria nihil motor. In aliis omnibus libris, maxime Florentino, qui unus instar est omnium, iis verbis Ulpiani nomen inscribitur.

In secunda classe sunt A. Augustinus, & Hotomanus: A. Augustini *Emend. Lib. 3. cap. 9.* conjectura haec est, fortasse Ulpianum ejus sententiae exceptiones aliquot adscripsisse, quas non descripsit Constitutionis Justinianae memor Tribonianus. Eodem redit conjectura Hotomani scribentis in *cit. §. 3.*, vel tale quidpiam, quod nova Justiniani Constitutio fecit, ne describeret Tribonianus. Non longe abest Alexander Turaminius in *Disp. de exaequat. leg. & fideic. cap. 6. num. 7. & 11.* To per omnia a Triboniano adjectum contendens. Longe alia conicit Galvanus *de usufr. cap. 14. num. 13.* Is Ulpianum scripsisse suspicatur, Per omnia exaequata sunt legata fideicommissis: Tribonianum autem scripsisse legata fideicommissis. Conjecturae argumenta haec sunt. Aetate Ulpiani producta jam erant a legatis ad fidei-

fideicommissa Lex Julia & Papia, *L. fideicommissum* 87. *de leg. 3.*, quae est ex Lib. 4. Pauli ad *L. Juliam & Papiam*: Lex Aelia Sentia, *L. in fraudem* 27. *qui & quib. man.*, Lex Falcidia, *L. is cui* 31. ad *L. Falcid.* S. C. Libonianum, *L. 1. §. 7. ad L. Cornel. de fals.*: Edictum de legatis praeflandis, *L. 1. D. de leg. praesl.*: Interdictum quod legatorum, *L. un. C. quor. leg.*: Edictum, si cui plus quam per Legem Falcidiam, *L. 1. §. 6. D. si cui plus*: Edictum, ut legatorum nomine, *L. 1. §. 10.*; & *L. haec stipulatio* 4. *D. ut legat. seu fideic. serv. caus.*: Edictum ut in possessionem legatorum, *L. is cui* 5. §. 16. & §. 25. *ut in poss. leg.*: quibus adde S. C. de legato eorum, quae sunt aedibus iuncta, *arg. L. si se* 42. *de leg. 1.*, quae est Ulpiani ex Lib. 3. *fideicommissorum*, & *L. seq.*: Edictum de remissa a Praetore iurisiurandi conditione, *L. quae sub conditione* 8. §. 2. *de cond. inst.*, & Edictum si quis omnia aequa testamenti, *L. si non solus* 10. §. 1., & *L. de libertatibus* 12. *D. si quis omis. caus. test.* Erant igitur exaequata, ubi id par utilitas postulare videbatur, legatis fideicommissa, non fideicommissis legata: idque bene multa legatorum propria, quae ex ejusdem Ulpiani Fragmentis in *superius caput* congesti, luculenter confirmant: multo luculentius hoc inidem confirmat ipsa subjecta Ulpiano materia. Est ea Lex descripta ex Ulpiani Lib. *LXVII. ad Edictum*, quo libro egisse eum de interdictis, indicio sunt inscriptiones, *L. 1. de interdict.*, *L. 1. quor. bon.*, & *L. 1. quod legat.*: occasionem autem ejus traditionis recte poterat dicere Ulpianus, fuisse exaequata legatis fideicommissa; nam quo tempore ea interdicta prodire, vix ulla habebatur ratio fideicommissorum: cui consequens est, fuisse primum illa de legatis scripta, tum, ubi increbescere fideicommissa, atque exaequari legatis coeperunt, fuisse a legatis producta ad fideicommissa. Ememplo sit interdictum, *Quod legatorum*, quo cautum, ut quod quis legatorum nomine non ex voluntate heredis occupavit, id restituat heredi, *L. 1. quod legat.* Interdicti ratio duplex, alteram juris publici, quod nemo potest sibi ipse jus dicere, *cit. L. 1. §. 2.*, altera juris privati, quo non potest heres cogi legata praestare nisi deducto aere alieno, & Falcidia retenta, *L. un. C. quor. legat.* Quod autem aequae pati jus publicum non poterat fideicommissarium sibi ipsum jus dicere; jamque Falcidiam ad fideicommissa rerum singularium produxerat interpretatio prudentium, ut, contra quam docere videtur Tribonianus §. 5. *Inst. de fideicom. her.*, demonstratum a nobis est in *nostris Inst. repet. praesl.*, aequissimum fuit, interdictum illud ad fideicommissa productum, *cit. L. un. C. quor. leg.* Erat igitur ab Ulpiano scribendum, exaequata esse legatis fideicommissa. Quod autem aeo Justiniani vicissim fuerant legata fideicommissis exaequata, Tribonianus, paucis mutatis, Ulpiani verba ad jus sui temporis deflexit. Quod fecisse Tribonianum IV Viri isti putant, id ille fecisset pro jure suo, *L. 2. C. de vet. jur. enuel.*; sed nihil fuisse causae, cur aliquid eorum faceret, quae A. Augustino, Hottomano, ac Turamino in mentem venerat, mox demonstrabo: certe vero non poterat facere, quod ab eo factum opinatur Galvanus; primum enim temporibus Ulpiani non pauca fideicommissorum propria legatis accesserant: qua de re *Parte 2. hujus Commentar.*, ubi de legatis tacitis: deinde non erat adeo hebes Tribonianus, ut non intelligeret, quod nemo est, qui non in-

intelligat, exaequari legata fideicommissis non posse, quia itidem fideicommissa exaequantur legatis. Res esse aequalis alteri non potest, quin sint aequales inter se, uti rectissime Duarenus in *cit. L. 1. de leg. 1.* Denique si alterum ab altero differre credidisset Tribonianus, utrumque expressisset in hunc modum, *per omnia exaequata sunt legata fideicommissis, & fideicommissa legatis.*

In tertia classe magnus est interpretum numerus. Seligam ex eo numero unum, aut alterum. Cujacius, cui Raevardus, alique satis multi subscribunt, *Obs. lib. 8. cap. 4.*, pertinere inquit Ulpiani locum ad Legem Falcidiam, atque interdictum quod legatorum, quae suere, ut modo dixi, a legatis producta ad fideicommissa. Eo autem movetur, quod is locus descriptus est ex *Lib. 67. ad Edictum*, quo libro Ulpianum de illo interdicto tractasse probat *L. 1. D. quod legat.*

Ego Ulpianum occasione interdicti Quod legatorum exaequationem illam meminisse non nego: ne tamen eam ad id solum referam, de quo inibi agebat, quum *Tò per omnia*, tum alia vetant, in quibus paria tunc temporis esse ostendi legata & fideicommissa.

Claudius Chiffletius *Lib. 2. fideicom. cap. 6.* scribit solemne Jurisconsulti fuisse regulas concipere generali aliqua formula, quae plerosque casus comprehenderet, nec tamen excluderet exceptiones. Ita Pomponius in *L. 1. solut. matrim.* dotium causam praecipuam esse inquit *semper & ubique*: quae generalis formula non excludit casus certos, quibus praecipua non est ea causa. Cum Chiffletio sensit Bykershoekius *loc. cit.*, ubi Jurisconsultus saepe placuisse hyperbolem, multis collatis exemplis demonstrat. Ergo *Tò per omnia in cit. L. 1.* accipiendum est, quasi scriptum fere *per omnia*, sonatque idem atque *in plerisque*. Adverbium fere non raro omittitur in multis locis juris, est tamen inibi subaudiendum. *V. §. 1. Inst. de de donat.* Atque haec ejus loci interpretatio mihi potior videtur.

Tandem legata & fideicommissa omnino exaequavit Justiniani Constitutio in *cit. L. 2.*, qui verbosus, & obscurus est locus juris: Ego ei lucis aliquid adferam. *Omne verbum*, inquit Justinianus, *significans testatoris legitimum sensum legare vel fideicommittere volentis, vivae atque validum est sive directis verbis, sive precariis utatur.* Sententia haec est, voluntati testatoris quoquo modo expressae, nisi qua ei Lex obstat, patendum. Id unum est hodie necesse; ut consentanea sit Legibus: quo *Tò legitimum* spectat: ceterum cum civilia, an precaria sint verba, quantum ad effectum juris, nihil interest. Pergit Justinianus, *Et omnia, quae naturaliter inveniuntur legatis, & fideicommissis inhaerere intelligantur: & contra quidquid fideicommittitur, hoc intelligatur esse legatum: & si quid tale est quod non habet naturam legatorum, hoc ei ex fideicommissis accommodetur: & sit omnibus perfectus etenus, & ex omnibus nascentur in rem actiones, & ex omnibus hypothecariae, ex omnibus personales.* *Tò contra* non est hoc loco positum pro e contrario, quae frequens est ejus voculae significatio, namque verbis illis Justiniani omnia, quae naturaliter inveniuntur legatis, & fideicommissis inhaerere intelligantur, contrarium non est, quod sequitur, *Et quidquid fideicommittitur, hoc intelligatur esse legatum*; quin recidit eodem; sed idem sonat ac vicissim: quo sensu Plautus *Amphit. act. 2. sc. 2. v. 28.* Quae, inquit

inquit, *me amat, quam contra amo*. T^o naturaliter habet meo iudicio apud Justinianum peculiarem quandam significatum, cuius vix est aliud, quod sciam, in libris juris exemplum. Sexceinta sunt eorum loca, quibus *naturaliter & civiliter* opponuntur. Hoc civilis, illo naturalis ratio significatur. Et vero apud Justinianum *naturaliter* idem sonare ajo, ac *civiliter*, quaeque dicuntur *naturaliter inesse legatis*, ea esse, quae jure civili propria sunt legatorum: quae legatorum naturae insunt, qualem civile jus effinxit. Illud me movet, quod magis in fideicommissis, quam in legatis ratio naturalis elucet: ut proinde haec potius legatis accedere a fideicommissis debeat, quam contra. Legatorum propria sunt dominii eorum traslatio secundum quod superiore capite dictum est: civilis eorum praestandorum obligatio, quarum subinde meminit Justinianus, in rem hypothecaria, & in personam. In personam actio ea ipsa est, quae ex testamento dicitur in Pandectis, & ex quasi contractu est, §. 1. *Inst. de obl. quasi ex contrah.* Ante Justinianum ea sola competebat pro legato damnationis, *L. duos 14. de usu & usufr. per leg.*; pro legato vindicationis, etiam in rem, *L. quod legatur 38. de judic.*, nam rei per damnationem legatae dominus erat heres, creditor legatarius: rei legatae per vindicationem creditor & dominus is idem, cui fuerat legata. Atque haec sunt variae illae actiones, quibus usos olim legatarios inquit Papinianus in *L. quum filius 76. §. 8. de leg. 2.* Post Justinianum, qui legata omnia exaequavit in *L. 1. C. comm. de leg.*, legatorum omnium quomodolibet relictorum creditor, itemque jure ipso dominus est legatarius, modo rem esse testatoris propriam, certumque corpus legatum ponas, quum fieri non possit, ut quod in dominio testatoris non est, a testatore transeat in legatarium, nec pati juris ratio queat, ut quantitas non sit in dominio heredis, qui eam habet, atque ut alia, quam in personam actione a legatario condicatur. Hypothecariam actionem vetus jus omnino ignoravit. Eam primus dedit Justinianus in *cit. L. 1.* omnibus hereditariis rebus tacite hypothecae subiectis in gratiam legatariorum. Quibus Pandectarum locis scriptum est, legatarios habere pignoris causam, his de pignore agitur aut a testatore, aut a Magistratu constituto: sicque accipiendae sunt *L. non est 26. de pign. act.*, & *L. creditoribus 4. §. 1. de separat.* Haec omnia, quae naturae legatorum inerant jure civili, Justinianus inhaerere voluit fideicommissis. Ergo fideicommissorum dominium transfertur, & civilis est eorum praestandorum obligatio, quaeque legatario, aedem fideicommissario competunt actiones. E contrario quod amplius erat in fideicommissis, id accessit legatis. Quid autem illud sit, quod accessit, verbo uno explicatur in *cit. L. 2.*, ubi fideicommissum dicitur *humanus*, unoque item verbo in *cit. §. 3. Inst. de leg.*, ubi natura fideicommissi *pinguior* appellatur. Ergo quae secundum simplicitatem juris gentium recepta erant in fideicommissis, ea legatis accessere, proinde hodie valent legata Graece scripta, aut post mortem heredis, legatariive, aut a legatario, aut in codicillis testamentq non confirmatis relicta: porro laxiore interpretatione adjuvantur: deinum nuda voluntate adimuntur ipso jure, ut fideicommissa. Num valent hodie nutu relicta? Negat Turaminius *cap. 7.* hoc argumento, quod Justinianus in *cit. L. 2.* discrimen sulsit inter verba directa & precaria, non inter verba & nutum. Affermat Cujacius in

ci. L. 2. Et parum videt in hac re qui non affirmat; quamvis enim Justinianus *pr. ejus. L.* tantum de verbis directis, & precariis loquatur; mox tamen verba haec subjicit, & si quid tale est, quod non habet naturam legatorum, hoc ei ex fideicommissis accommodatur: quibus verbis accommodari legatis etiam illud, quod de fideicommissis nutu relicto est cautum, facile cuique est intelligere. Jam de fideicommissis nutu relicto haec scripta sunt apud Paulum in *L. nutu 21. de leg. 3.* Nutu etiam relinquitur fideicommissum, dummodo is nutu relinquit, qui & loqui potest, nisi superveniens morbus ei impedimento sit. Is autem dicitur nutu relinquare, qui tacens, humerisque, aut capite adnuens relinquit, uti bene in eum locum Gothofredus. Sed intelligi non potest adnuere, qui non sit capax auditus, & non fuerit interrogatus. Apposite Marcianus in *L. servo 65. §. si pupillo 3. ad Trebelli.* Si audius, inquit, capaces sunt, vel (i. e. saltem) interrogati nutu possunt significare. Ejus quod subjicit Ulp. dummodo is nutu relinquit, qui & loqui potest, ea est causa quod testari mutus non poterat, Ulp. *Fragm. tit. 20. §. 12.* cujus consequens erat, ut nec posset relinquare fideicommissum, Ulp. *Fragm. tit. 25. §. 4.* Postrema verba, nisi superveniens morbus ei impedimento sit, esse ne ambigas. Triboniani verba locum illum accommodantis ad novam Imperatoris sui Constitutionem in *L. discretis 10. C. qui testam fac.* Aeo Pauli mutus sive natus, sive factus testari non poterat, ideoque nec fideicommittere: tum Justinianus ea Constitutione nuto facto testamenti factionem dedit, ac proinde fideicommittendi facultatem. Ita hodie mutus relinquare fideicommissum nutu non potest, mutus factus potest. *V. Grafi. Lib. sent. §. legatum q. 5.* Ergo Tribonianum illud, nisi superveniens morbus ei impedimento sit, idem sonat, atque hoc, nisi sit mutus non natus, sed factus. *V. Cujac. in L. 6. D. qui testam fac.* Unum omisit Paulus, quod omnino erat subaudiendum, quodque tum fuit ab Imperatoribus Diocletiano & Maximiano expressum in *L. 22. C. de fideicom.* puta fideicommissum relinquit adhibitis testibus, qui jure novo esse debent minimum quinque, ut in codicillis sine scripto factis secundum *L. ult. §. ult. C. de codicil.* Nutu nec legata relinquantur (qua de re dictum *Parte 1. cap. 2. hujus Commentarii*), neque instituitur heres, *L. jubemus 29. C. de testam.* Quod suspicatur Honorianus *Antiribon. cap. 7.* primum Imperatores Diocletianum & Maximianum permisisse in *ci. L. 22.* nutu relinqui fideicommissum, est omnino falsum. Non utar Pauli testimonio in *ci. L. 21. de leg. 3.*, namque hanc ille totam Triboniano adscribit. Utar Ulpiani testimonio in *Fragmentis*, ad quod opus certe non adinovit manum Tribonianus. Ejus operis *Tit. 25. §. 3.* scribit Ulpianus, Etiam nutu relinquare fideicommissum in usu receptum est. Postremo ait Justinianus, Ubi autem aliquid contrarium in legatis & fideicommissis eveniat, hoc fideicommissis quasi humaniori aggregetur, & secundum ejus dirimatur naturam. Finge ita scriptum, Mevio centum do lego, heredemque meum rogo, ut quae dedi legavi, praestet. Vides non respondere ultima primis. Verba, Maevio centum do lego directa sunt, & propria legatorum. Verba heredemque meum rogo, & quod sequitur, precaria sunt, & propria fideicommissorum. Et quod igitur erit de ea scriptura judicium? Justinianus in re du-

bia datum pronunciat non legatum, sed fidei commissum, quod humanius est legato.

C A P U T III.

VETERUM DIFFERENTIARUM VESTIGIA IN LIBRIS JURIS JUSTINIANAEI.

TRIBONIANUS veteres differentias invita sui Imperatoris jurisprudentia operi suo adpersisse, vetus est interpretum querela. Ecce in *L. legatum* 116. de leg. 1. verbis Florentini sic definitur legatum, *Est delibatio hereditatis, qua testator ex eo, quod universum heredis foret, alicui quid collatum velit: & in L. legatum* 36. de leg. 2. definitur verbis Modestini, *Est quaedam donatio testamento relicta*. Utraque autem definitio legata omnino separat a fideicommissis: legatum est delibatio, h. e. deminutio hereditatis: quo sensu delibatur hereditatis damnum Gellius dixit *Noth. Aui. Lib. 1. cap. 3.*, & contra non delibatam hereditatem Amprosius Orat in funere Sauri, atque allibatum quadrantem Ulpianus in *L. p. filia* 20. §. 5. *D. fam. ereisc.* Delibatio, quam vocem temere substituit Donellus, non est, quod ille putat, *librae*, i. e. hereditatis deminutio: quin contra delibrare, est recte ponderare, particula de ejus verbi significationem, ut sepe alias, augente, Ulp. *L. 1. de pos.*, Donatus in *Terent. Adelph. IV. 6.*, Festus v. *deperire*. Olim legato sola hereditas minuebatur, namque, ut dictum, ab herede solo poterat relinqui: fideicommissum vero quum ab herede, tum a legatario: quin ab herede relictum dici delibatio, ut legatum, non poterat; delibatio enim (quod scire monet Cujacius in *L. 1. de leg. 1.*) erat verbum directum, eoque significabatur, hereditatem legato minui ipso jure, quo rei legatae dominium a testatore in legatarium recta transibat, *L. a Titio* 64. de *furt.*: quum tamen fideicommissum tantum possessio transferretur, *L. qui usumfructum* 3. *D. si usumfruct. pet.* Porro in utraque definitione testatoris, ac testamenti sit mentio, nam non alibi, quam testamento, codicillisve testamento confirmatis relinquebantur legata: fideicommissa vero etiam ab intestato: quae causa est, cur Tribonianus §. 1. *Inst. h. 1. pro testamento* reposuerit a defuncto. Ecce etiam *pr. Tit. Inst. de sing. reb. per fidei. relicta*. docet Tribonianus, fideicommissum relinqui a legatario posse, legatum non posse, quae vetus est differentia. Et male Giphanius differentiam istam ab Justiniano sublatam negat, quod fingi nequeat formula, qua possit a legatario legari; quid enim vetat, ne per damnationem, aut per fœndi modum legetur? Ecce non etiam per vindictam nem recte potest a legatario legari? Formulam ad sua usque tempora ignotam reperit Antonius Schultingius in *Gajum Lib. 2. Inst. tit. 7. §. 3.*, estque haec, *Tuio mille do lego, & a Titio centum Sempronio do lego. Ita omne verbum* (liceat mihi repetere Justiniani verba in *cit. L. 2.*) significans testatoris legitimum sensum legare vel fideicommittere solentis utile atque validum erit., Ecce demum in *L. fideicommissa* 11. *pr.*, & in *L. autu* 21. *pr. de leg. 3.* tantum de fideicommissis scriptum est, posse non

solum Latina, sed & alterius cujuscunque gentis lingua, quia etiam nunc relinqui: quae novo jure Imper. Justiniani etiam de legatis recte dicuntur: contra de legato scriptum est in *L. si quis ita* 3. §. ult. de adim. leg., si post testamentum capitales, vel gravissimae inimicitiae inter testatorem, & legatarium intercesserint, adentum videri, sed doli exceptione opposita; quum tamen hodie legatum jure ipso adentum intelligatur, uti non obscurè inibi traditur de fideicommissis. Sunt & alia permulta veterum discentiarum vestigia, quae compendio studens praetero.

Sed Tribonianum nota eximamus. Non sunt illa antiqui juris vestigia. Qui Tribonianum novi juris immemorem tradidisse iis locis antiqua ius putant, illi unam esse jure novo legatorum fideicommissorumque naturam putant, laudantque in form sententiam verba haec Justiniani in *L. v. C. de leg.* Rectius igitur esse censemus omnibus tam legatariis, quam fideicommissariis unam naturam imponere, non animadvertentes, fuisse legata & fideicommissa ab Justiniano primum exaequata in *L. 2.* multo post illam scripta; nec animadvertentes, quo ista spectent. Id unum in *cit. L. 1.* propositum Justiniano fuit actiones in re atque hypothecariam legatariis & fideicommissariis dare. Ea occasione imponere se dixit tam legatariis quam fideicommissariis unam naturam, unum idemque jus agendi. Ita ex ipso proposito intelligis, Justinianum naturae vocabulo abusum, eo significasse parum agendi potestatem, non quod Philosophi essentiam dicunt.

Age vero demonstremus, Constitutione Justiniani in *cit. L. 2.* non fuisse confusa legatorum fideicommissorumque naturas. Et primum id multis Pandectarum, Codicis, atque Institutionum locis, & tam luculenter tradidit Tribonianus, ut verisimile non sit, tantam ei subreplisse novae, quam ipse scripserat, constitutionis oblivionem. Separat is a fideicommissis legata in tribus Pandectarum libris: item in Titulis Pandectarum de annuis legatis, & fideicommissis, De usu & usufructu per legatum vel fideicommissum datus, De adimendis vel transferendi legatis, & fideicommissis, Quando dies legatorum seu fideicommissorum servandorum causa caveatur: separat in Titulis 37. & 42. Lib. vi. Codicis, quorum alter de legatis, aliter de fideicommissis agit; itemque in Titulo Communia de legatis & fideicommissis, cui ipsa nova constitutio subjicitur: denum separat in Institutionibus, quarum Lib. 2. duo sunt tituli, alter De legatis, alter trium Titulorum intervallo diffusus, De singulis rebus per fideicommissum relictis, in cuius §. ult. verba fideicommissorum propria esse docet, *peto, rogo, mando, fidei tuae committo.* Sed luculentiora ejus rei argumenta petuntur ex ipsa *L. 2.*, scriptum est ibi, *Omne verbum significans testatoris legitimum sensum legare vel fideicommittere volentis, utile atque validum est. . . . sit igitur ex omni parte verborum non inefficax voluntas secundum verba legantis vel fideicommittentis. Tò vel*, cujus proprium est disjungere, satis probat, aliud esse legare, aliud fideicommittere: ac *Tò utile atque validum est*; itemque *Tò non inefficax* exaequari probant legata & fideicommissa, quantum ad effectum juris, non eorum naturas confundi: & certe non alio, quam ad effectum juris resumptum verba illa ejusdem constitutionis, *Et sit omnibus perfectus eventus.* Hoc idem confirmant haec alia verba, *omnia quae naturaliter insunt legatis, & fideicommissis inherere intelligantur; & contra quidquid fideicommittitur,*

hoc intelligatur esse legatum, itaque haec, Si specialiter legati tantum faciat testator mentionem, hoc & legatum & fideicommissum intelligatur: & si fidei heredis, vel legatarii aliquid committatur, hoc & legatum esse videatur: In Libris juris intelligi, & esse opponuntur: eaque dicuntur intelligi, quae talia vere non sunt, sed talia esse finguntur, *L. etiamsi 12. de fund. dos.*, quae de re videtur Alciatum in *L. 4. de reb. cred.* Enimvero quid magis ridiculum, quam dicere, si scriptum sit, Heredem meum rogo, hoc esse legatum, aut si scriptum sit, Heres meus damnas esto, hoc esse fideicommissum? Sed controversiam dirimit, quod in eadem constitutione expressum est, si quid contrarium in legatis & fideicommissis evenierit, hoc fideicommissum quasi humanitati aggregari, & secundum ejus naturam dirimi. Ecce ait Imperator, dubitari quandoque posset, num. relidum ex natura legati, an ex natura fideicommissi sit asilivapdum: & secundum naturam fideicommissi de eo statuerendum pronunciat. Id autem, si utram ponas legatorum fideicommissorumque naturam, quis est qui intelligat? Servavit igitur Justinianus, quales erant, legatorum fideicommissorumque naturas, uno tamen sive legatur, sive fideicommittatur effectu. Ita quae Pandectarum, Codicis, Institutionumque loca pertinere videntur ad jus antiquum, ea novo juri non obstant. Scriptum est iis locis, legata Graece scripta, aut a legatario relicta non valere. Haec vera erant jure antiquo, & vera sunt etiam jure novo: sed hoc tamen jure quavis ut legata non valeant, effectu tamen valent ut fideicommissa. Contra scriptum est, fideicommissa precariis verbis relinqui, iisque dominium non transferri. Vera haec erant jure antiquo: suntque iidem vera jure novo secundum propriam fideicommissorum naturam: sed novo tamen jure quantum ad effectum perinde valent, quasi directis verbis relicta, dominiumque transferant, quasi legata. Nunc videamus, cum aliqua post Justiniani Constitutionem reliqua sit differentia inter legata & fideicommissa. Nullum voluisse reliquam facere Justinianum testis est Tribonianus §. 4. *Instit. de legat.*, superesse tamen adhuc differentiam inter libertatem directam, & fideicommissariam, putat Donellus *Comment. Lib. 8. cap. 2.*, nam servus, cui directa libertas relinquitur, liberus est testatoris: cui fideicommissaria, ejus, qui manumittit, §. 3. *Instit. de sing. reb. per fideic. relict.* Sed ad libertatem directo datam testamento codicillive non pertinet Constitutio Justiniani, namque ea datio non est proprie legatum. Id non obscure docet Papinianus in *L. verbis 120. de V. S.*, ubi Verbius, inquit, *Legis 12. tabularum, uti legassis suae rei, ita jus esto, latissima potestas tributa videtur & heredis instituendi, & legata, & libertates dandi, tutelae quoque constituendi.* A legatis separata libertatis dationem, constitutionemque tutelae. Legatum latissime acceptum omnes ultimas voluntates comprehendit: non omnis tamen ultima voluntas est legatum proprie acceptum. Si detur testamento tutor, est ea datio ultima voluntas, non item legatum. Quod de tutela, idem de libertate dicendum: proinde Pomponius hanc aequè ut illam separat a legato. Huc accedit, quod si datio libertatis esset legatum, hoc servo datum consisteret: quo nihil absurdius. Libero tantum homini, ac civi Romano legati jus est: legatum servo adscriptum, est pro non scripto, *L. si servo 101. §. 1. de leg. 1.*, & *L. si eo 4. §. 1. de his, quae pro non scri-*

scripſit. Atque hinc petenda eſt ratio, cur ſint in Libris juris peculiares Tugli de uſu, uſufructu, habitatione, operis, ſervitute, dote, tritico, vino oleo, inſtructo, vel inſtrumento, peculio, penu, ſuppellectile, alimentis, vel cibariis, auro, argento, mundo, ornamentis, unguentis, veſte, & ſtauris legatis; nullus ſit tamen titulus de libertate legata, certe non omit- tendus, ſi legari libertas poiuiſſet, namque erat ſis omnibus, quae pecu- liares Titulos meruerunt, longe pretioſior libertas, ac teſtamenti Roma- norum quam ſaepiſſime relinquebatur. Non obſtat Ulpianus in *L. ſed ſi conditioni 6. §. 4. de her. inſt.*, ubi de ſervo cum libertate inſtituto agens ſcribit, *Sed ſi ſit cum libertate inſtitutus, an ei libertatis datio codicillis adimi poſſit*, apud Julianum quaeritur; Et putat, in eum caſum, quod neceſſarius fuerit, ademptionem non valere, ne a ſemetipſo ei adinatur libertas, ſervus enim heres inſtitutus a ſemetipſo libertatem accipit, quae ſententia habet ratio- nem, nam ſicut legari ſibi libertas non poteſt, ita nec a ſe adimi, nam ſi libertas poſt verbum ſibi addititium eſt, abſque a libro Florentino. Quod autem Alciatus, ac Duarenus ſcribunt in *L. 1. de leg. 1. To liber- tas inibi ſubaudiendum, id ſi verum eſſet*, non conſtaret tibi Ulpianus, nonne enim pugnantia ſunt duo illa, *ſervum heredem inſtitutum a ſeme- ipſo accipere libertatem, & legari ſibi libertatem non poſſe*? Ergo illud, nam ſicut legari ſibi non poteſt, ita nec a ſe adimi, non ad libertatem reſertur, ſed generalem continet regulam juris de legato heredi dato, quod adimi a ſemetipſo non poteſt: eaque regula utitur Ulpianus, ut argumento a ſimili dicto probet libertatem ſervo heredi neceſſario datam adimi a ſeme- ipſo non poſſe; quaſi ſcribat, idem jus eſſe in libertatis datione, quod in legato. Recte quidem poterat duci argumentum ex iis, ita nec a ſe adimi poteſt, quae ſola conveniunt libertati ſervo heredi datae, non ex iis legati ſibi non poteſt, quae convenire libertatis dationi, vel iplius Ulpiani iudicio non poſſunt; ſed certe propoſitum Ulpiano fuit argumentum ducere ab ademptione legati, nam de libertate adimenda diſputabat eo loco; illam autem juris regulam in ſcholis iuriſconſultorum protritam imprudens to- tam expreſſit. Vulgares ſententiae ſaepe nobis imprudentibus totas excide- re, quamvis non omni ex parte quadrant, experti ſcimus. Ita videtur mihi explicari commodè poſſe diſſicilis iſte locus Ulpiani, ad quem tam multi interpretes fruſtra acceſſerunt. Quid quod iplius Ulpiani teſtimonio probatur, libertatis dationem non eſſe legatum? Certi juris eſt heredi a ſemetipſo inutiliter legari, nam nemo dat ſibi ipſe, *L. & quidem 18. & L. legatum 116. §. 1. de leg. 1.*, quas pulchre explicat Cujacius *comm. in cit. L. 18.*, ſervo autem heredi inſtituto libertas Ulpiano teſte inutiliter datur. Multo minus obſtat Juſtinianus in *L. 2. C. de communi ſer- vo manumif.* ubi unum ex dominis communi ſervo partem ſuam legaffe po- nit, itemque ultimam voluntatem mox vocat *legatum*; namque aliud eſt ſervo legare libertatem, quae loquutio nuſquam exſtat in Libris juris, aliud ſervo partem legare, quam in eo habet. Priore caſu legatarius eſt ipſe ſer- vus; quod a jure civili prorsus abhorret; poſteriore legatarius eſt alter dominus, ex cuius perſona legatur ſervo. Et vero olim pars ejus, qui le- gaverat, ſocio adſcribebat. Sed Juſtinianus libertati favens jure illo ad-

crescendi sublato servum liberum fieri iussit, ædificationemque partis socio inferri, cit. L. 2., & §. 6. *Inst. de donat.*

CAPUT IV.

LEGATI PARTITIONIS, & FIDEICOMMISSI UNIVERSALIS
COLLATIO.

Fideicommissum esse aut rerum singularium, aut universitatis, h. e. hereditatis, vel ipsi Justiniani sat norunt. Contra nullum est legatum universitatis. Hanc autem differentiam non sustulit Justiniani Constitutio in cit. L. 2., quam non pertinere ad fideicommissa hereditatis, exploratissimum est.

Sed est species legati, quæ *partitio* dicitur. Ejus meminere Ulpianus *Fragm. Tit. 24. §. 25.*, ac Tribonianus §. 5. *Inst. de fideicom. her.*, & miror non meminisse Brissionum de V. S. Nomen ex eo factum, quod jubetur heres hereditatem partiri cum alio, qui proinde legatarius *partitarius* appellatur, cit. §. 5. Formulam habes apud Ulp. loc. cit. *Hereditas mea cum Titio hereditatem meam partito, dividito.* Legatum id genus proximo abest a fideicommissio universitatis, nam pars hereditatis legatur, quæ mihi videtur fuisse causâ, cur de illius legati vi disputarint veteres Jurisconsulti. (Disputationis indicio est verbum *placet* apud Ulp. in L. *mulier 22. §. ult. ad S. C. Trebell.* *Legari posse etiam portionem hereditatis, placet nobis.*) Et vero legata inde usque a temporibus Legum XII. Tab. inter singulares adquirendi causas fuerant, quarum numero sunt adhuc: pugnantia autem sunt, legatum esse singularem adquirendi causam, & legari posse hereditatem, quæ jus est succedendi in universum. Sed postquam aliud placuit Jurisconsultis (rationem, cur aliud placuerit, mox subjiciam), videtur legatarius ille loco heredis esse: proinde hereditaria onera subit pro rata. Si cui certam partem hereditatis legavero, verba sunt Pauli in L. *si quis servum 8. §. 5. de leg. 2.*, Divus Hadrianus rescripsit, ut neque pretia manumissorum, neque funeris impensæ deducerentur: Pretia manumissorum, impensisque funeris exempli tantum causa meminit Paulus, non ut inde conticias, si quid aliud est aes alienum, deduci: quod juris ratio non patitur. Quin ex eo, quod manumissorum pretia, funerisque impensæ non deducuntur, intelligere potius debes, multo minus deduci aes alienum posse; namque illa aes alienum proprie non sunt sed loco sunt aeris alieni: quæ fortasse ratio fecit, ut de eorum deductione dubitaretur: litemque dirimi opus fuerit rescripto Hadriani. De legato partis bonorum contra scribit Modestinus in L. *9. eod.*, *Quum autem pars bonorum ita legatur, Bonorum meorum quæ sunt, quum moriar, dos, & manumissorum pretia e medio deducenda sunt: quod idem non perinde accipiendum, quasi si quid aliud est aes alienum, non debeat deduci; nam bona jurisconsultis dicuntur, quæ deducto aere alieno supersunt, L. *substitutum 39. §. 1. de V. S.* Hic mihi temperare non possum, quin duos magno interpretes juris A. Fabrum, & conterraneum nostrum Dominicum Au-*

Au-

Aulium manifesti erroris accusum. Faber *Conjess. Lib. 18. cap. 18.*, cum cui pars hereditatis legatur, onera hereditaria subire negat, rescriptumque D. Hadriani de aere alieno non deducendo prodūse putat, non ut illud pro parte legata incumberet legatario, quod creditum vulgo, sed ut eo legatarius relevaretur: ideo autem non deduci, quia potestate juris totum transfertur in heredem, a quo separari non potest. Nae is vim facit verbis Pauli. *Non deduci idem est ac non detrahi*: quae vulgaris est ejus verbi significatio; certe vero refertur id verbum ad partem hereditatis, quam Paulus ibi legatam ponit, non ad heredem de quo non loquitur. Aulius *de leg. & fideic. quaest. 6.* Modestini locum de bonorum parte legata interpretatur in hunc modum. Fingis, inquit, Titius reliquit mille & partem bonorum legavit Sempronio: utique Sempronius quingenta accipiet sine oneribus, quibus omnibus obnoxia erunt alia quingenta, quae ad heredem pertinent. Quid absurdius? Obstat *Tō e medio*, h. e. *ex re communi: ferre ex medio* ait Pomp. in *L. adeo 59. §. ult. D. pro fac.*, & *in medium conferre* Julianus in *L. adhio 45. §. 2. de adq. her.* *Aes alienum e medio*, h. e. *ex tota hereditate deducendum est*: tum dimidium ejus, quod superest, legatario praestandum. Id expressim docet Paulus in *cit. L. 39. §. 1. de V. S.*, *Bona intelliguntur, quae deducto aere alieno supersunt*. Multo magis obstat voluntas testatoris. Qui dimidiam bonorum alicui legat, alteram dimidiam reservat heredi. Quod si onera omnis hereditaria uni incumberent parti heredis, hic minus dimidia, legatarius plus dimidia contra votum testatoris haberet. Vides, quod differat inter legatum partis bonorum, & legatum partis hereditatis: Effectu vix differunt. Sive pars hereditatis, sive pars bonorum legetur, aeris alieni onus legatarii sequitur. Legata parte hereditatis, legatarius creditoribus respondet pro rata: legata parte bonorum heres unus respondet creditoribus: respondet etiam quodammodo legatarius, cujus pars deductione aeris alieni decrescit commodo heredis; unde ab antiquis juris interpretibus rectissime scriptum (nec quidquam est causae, cur eos rideat Faber) duo illa legata verbis potius, quam re differere. Sed verborum proprietatem servemus exemplo veterum jurisconsultorum, legatumque illud, quo pars hereditatis, non quo pars bonorum transfertur, *partitionem* dicamus; non enim ex arte juris loquutus est Cicero pro Caccin. *cap. 4.*, ubi, *Marcus, inquit, adolescens mortuus est: heredem Caesennium fecis: patri bonorum partem majorem legavit: tum legatum illud partitionem* appellat: nec parcendum Triboniano, qui in *cit. §. 5.* *legatarium pariarium* esse scripsit, cui pars bonorum legabatur. Latere eum non poterat, aes alienum hereditatis onus esse, non bonorum, nisi quum agitur de *bonorum possessoribus*, quos in omnibus *vix heredum haberi* ait Ulp. in *L. 2. D. de bon. possessione*.

His praestructis venio ad legati partitionis, fideicommissi universitatis collationem. Ego quainvis parte hereditatis legata aes alienum non deducatur, legatarium pariarium omnino legatarium esse, non quasi heredem ajo. Moveor Ulpiani loco in *cit. L. 22. §. ult. ad Trebell.*, *Si cui perito hereditatis fuerit legata, rogatusque fuerit hanc partem restituere; dubio procul non fiet restitutio ex Senatusconsulto (Pegafiano); ideoque nec quarta* resti-

retinetur. Si is quasi heres esset, ex eo S. C. restitueretur portio, retenta quarta. Quod autem is oneribus hereditariis obstringitur pro rata, id non illam causam habet, quod legatum ei datum, sit legatum universitatis, isque quasi heres; namque onera subit non ex natura legati, sed ex accidenti, h. e. vi stipulationum partis & pro parte, de quibus Paulus *Lib. 4. sent. §. 3.*, Ulp. *Tit. 25. Fragm. §. 15.*, Trib. *§. 6. de fideicom. her.* Nunc se se exivit ratio, cur placuerit Iuriscensulis, *posse etiam portionem hereditatis legari*. Eos indolis stipulationibus partis & pro parte legatum partitionis admisisse credo, alias non admissuros.

Ita se rem habuisse jure veteri, quo stipulationes illae interponebantur inquit Cujacius in *cit. L. §. ult.*, hodie tamen ex constitutione Justiniani secus se rem habere. Est ea constitutio non alibi, quam in *§. 8. Inst. de fideic. her.*; sustulit ibi Justinianus stipulationes partis, & pro parte inter heredem, & fideicommissarium interponi solitas, quae non aliae erant, quam quae inter heredem, & legatarium partiarium interponebantur: actionesque voluit in fideicommissarium transire ipso jure. Haec eadem producit Cujacius ad legatarium partiarium, huncque aequè ut fideicommissarium loco heredis habet, atque oneribus hereditariis subjicit ipso jure. Hoc idem Rogerio, aliisque multis Cujacio antiquioribus placuerat, & non paucis hodie placet. Hoc autem est, quod displicet Fabro, (ut quae alia Faber habet, compendio studens omitam) nec mihi unquam sedebit; nam Justiniani constitutio tantum de fideicommissariis hereditatibus egit, eamque ad legata partis hereditatis producere, nimis praedae audaciae est. Ego igitur post sublatas stipulationes partis & pro parte, ne utiles quidem actiones in legatarium partiarium transire puto, heredemque solum creditoribus teneri. Quod vero ita teneretur heres supra quam voluit testator, qui partem legavit hereditatis, non bonorum; ego (fremant, quantum volunt Interpretes) ita de hac re statuendum reor, posse heredem aut agere cum legatario secundum voluntatem testatoris: cujus actionis causa non alia, quam bonum & aequum, de quo genere actionum *Vid. a nobis tradita in Inst. repetit. praelect. tom. 2.*, aut remedio uti stipulationum, quas inter heredem, & fideicommissarium interponi vetuit Justinianus, non inter heredem, & legatarium partiarium. Et est sane leve, quod posset reponi, Tribonianum in *cit. §. 5. de stipulationibus inter heredem & legatarium partiarium loqui tanquam de re, quae jam exoleverat post novam Imperatoris sui constitutionem; ait enim, Quae solebant stipulationes inter heredem, & partiarium legatarium interponi, nam de ista partitione ibidem loquitur in eundem modum, Quae species legati partitio vocabatur, quia cum herede legatarius partiebatur hereditatem: & tamen post constitutionem Justiniani speciem illam legati stetiisse, non ambigitur. Quod si obfirmato adhuc animo contendas Justinianum stipulationes istas etiam inter heredem, & legatarium partiarium sustulisse, tentari illud posset, legatum partis hereditatis ita esse interpretandum, quasi sit pars bonorum legata: cui consequens est, ut aes alienum e medio deducatur. Ita testatorem dicemus vocabulo hereditatis abulum: sicque ejus voluntas salva jurisprudentia exitum habebit. Quid quod posset etiam haud inepte dici, testatorem fuisse vocabulo legandi abulum, legatumque illud*

vice fideicommissi universitatis haberi. Vide quam sit ad id appositus Justiniani locus in *L. 2. C. comm. de leg. & fideic.*, ubi aliquid contrarium in legatis & fideicommissis eveniet, hoc fideicommissum quasi humaniori aggregetur, & secundum ejus dirimatur naturam. In legato hereditatis certe aliquid contrarium evenit. Qui legati atque hereditatis naturam probe novit, facile intelligit, hereditati legatum adversari, legato hereditatem. Igitur auctore Justiniano legatum hereditatis fideicommissum aggregandum. Plures ego conjecturas effudi, quas aliorum judicio lubens permitto. Ego postremam habeo potiore. Atque ex hac ipsa conjectura dijudicandum de eo, quod Aulius scribit, si quis interdicta detractione Falcidiae (quod testatori permittum est hodie facere, *Nov. 1. cap. 2. §. 2.*) hereditatem totam exhauriat uno legato, hoc demum esse legatum universitatis. Quid nilegatum id genus fideicommissum aggregemus?

C A P U T V.

LEGATI, ET FIDEICOMMISSI DEFINITIONES.

EX haftenus disputatis facile est conficere quid sit legatum, quid fideicommissum. Legati definitiones tres sunt, uti dixi, in Libris juris, una Florentini in *L. legatum 116. de leg. 1.*, altera Modestini in *L. legatum 36. de leg. 2.*, tertia Triboniani in *§. 1. inst. eod. tit.* Ego tibi optionem facio ut eligas, quam velis; quoniam enim jure novo Imp. Justiniani nihil de veteri legatorum natura decessit, Florentini & Modestini definitiones retineri novo etiam jure possunt. Fideicommissi definitio nulla est, quantum scio, in corpore juris Justinianaei. In Fragmentis Ulpiani (quod opus extra illud corpus vagatur) definitur fideicommissum *Tit. 25. §. 1.*, sed est ea definitio, ut sunt plerumque definitiones Jurisconsultorum, manca & imperfecta. Perfectae legati, & fideicommissi definitiones meo judicio sunt hae. Legatum est donatio quaedam rei singularis tantum verbis, & quidem directis relicta testamento, codicillisve testamento confirmatis ab herede praestanda. In *Tō quaedam*, atque in *Tō ab herede praestanda* scripsi nonnulla in *meis Inst. repet. praefat.*: fideicommissum est res singularis, hereditasve precariis verbis, aut etiam nuda ab herede, legatario, fideicommissariove relicta testamento, codicillisve etiam non confirmatis. Fideicommissum, si proprie loqui amamus, non est donatio. Verbum dono est directum, propriumque legati, *L. Aurelius 28. §. Titius 2. de liberat. legat.*, ubi, qui legat, dono, inquit. Ita eo loco legendum ex fide Codicis Florentini, non, ut vulgati libri habent, do. Vide Cujac. in *L. legatum 3. de leg. 2.* Verba ab herede praestanda non conveniunt fideicommissum, quod interdum a legatario, aut fideicommissario praestatur. De fideicommissum in contractu, quod non dicitur relinquere (hoc enim verbum proprium est ultimarum voluntatum *L. 2. C. de nat. Lib.*), dicam inferius.

C O M M E N T A R I I

P A R S II.

DE MODIS, QUIBUS LEGATA ET FIDEICOMMISSA RELINQUUNTUR.

Legata & fideicommissa sunt aut expressa, aut tacita. Tacitum dico hoc loco non quod sit in fraudem, quo sensu *tacita fideicommissa* olim dicta; sed quod opponitur expresso. Ita *tacita pœctio* quandoque est pœctio in fraudem facta, *L. nihil 50. §. sed nunquid 2. de bon. libere.*, quandoque ea, quæ verbis non est expressa, *L. quamvis 3. C. in quib. causis pign.* Sed *taciti*, quod expresso opponitur, duplex est notio, aut enim id eo vocabulo significamus, quod verbis omnino deficientibus potestate juris inest rei, qualis est *tacita* bonorum hereditariorum pro legatis hypotheca, quam nullo etiam verbo præcedente ab ipsa *Lege* induci ait Iulianus in *L. 1. C. comm. de leg. & fideic.*, aut id, quod adhibitis verbis quibusdam, sed iis tamen minus proprie ac diserte hominis animum significantibus conjectando intelligimus: quale est, quod *tacite tantum* dicitur in *L. his solis 7. C. de revoc. donat.* Posteriore hoc sensu legata & fideicommissa tacita expressis oppono. Legatum fideicommissumve iure ipso sine verbis induci non potest. Ergo legata & fideicommissa *expressa* ea sunt, quæ propriis legatorum, fideicommissorumve verbis relinquuntur: *tacita* sunt ea, quæ verbis, & conjectura inducuntur.

C A P U T I.

VERBA LEGATORUM PROPRIA.

Propria legatorum verba erant olim diversa inter se pro diversis legatorum generibus: hæc autem erant numero quatuor per vindicationem, per damnationem, sinendi modo, & per præceptionem. Legabatur per vindicationem in hunc modum, *Do, lego* (cujus formulæ hæc sunt notæ apud Magnonem *D. L.*), *capito, sumo, habeto* (*Ulp. Fragm. tit. 24. §. 3.*), *illam rem tibi præsume, habe, vindica.* Gajus *Instit. Lib. 2. tit. 5. §. 1.* Hinc sume verbum esse Jurisconsultorum Servius scribit in *Lib. 5. Aeneid. v. 533.* Per damnationem legabatur his verbis, *Heres meus dare damnas esto* (quod sonant notæ illæ apud Putschium p. 1671. *D. D. E.*), *dato, facio: heredem meum dare jubeo.* *Ulp. Fragm. tit. 24. §. 4.* *Damnâs* auctore Servio in *Lib. 12. Aeneid. v. 727.* idem est quod *damnatus*, syllaba per syncopen de medio sublata. Verbum est juris quum in legatis, tum in Legibus, senatusve consultis sæpe usurpatum. *Brissot. de V. S., Popma de usu antiq. loq. lib. 1. c. 7.* Sinendi modo sic legabatur, *Heres*

meus damnas esto finire *L. Titium sumere illam rem, sibi que habere*, (*Ulp. cit. tit. 24. §. 5.*) : *Ille heres meus rem illam permittit praesumere, & sibi habere. Gajus Inst. lib. 2. tit. 5. §. 9.* Demum praecipitionis formula erat, *L. Titius illam rem praecipio* (*Ulp. cit. tit. 24. §. 6.*), vel *praecipio, sumito, tibi que habeto*: quo pertinent notae illae apud Magnonem P. S. T. Q. H. Postremo hoc modo legabatur uni heredum, quem aliquid de medio sumere, sibi que habere praeter hereditariam portionem testator jubebat. Sed To praecipere ad testatorem aequae, atque ad heredem referebatur. Praecipiebat heres, quod ante, ut Festus loquitur, capiebat, habebatque sibi praecipuum, seu praecipui titulo: quae sunt iidem verba juris. Scaevola in *L. alt. pr. de leg. 2.* Sidonius *epist. Lib. 6. ep. 12.* Apud eundem Scaevola in *L. his verbis 102. §. 2. de leg. 3.* etiam testator militiam praecipit, i. e. per praecipionem dat, seu praelegat. Ut formulis, ita actionibus, ac rebus ipsis, quae legabantur, quatuor illa legatorum genera differerebant inter se, ac periculosum erat in formulis peccare. Differentias XVI. congescit Merillius *Obs. lib. 6. c. 32.*, addidit & alias A. Schultingius in *Ulp. Fragm. tit. 24. §. 2.* Caepit aliquid de veteris juris adspersione remitti post S. C. Neronianum, de quo *Ulp. cit. §. 2.* Tandem Constitutionibus divorum Principum solemnitas verborum penitus sublata est, inquit Trib. §. 2. *Inst. de leg.* Principes illi sunt Constantinus, Constantius, & Constans Constantini M. filii, quorum Constitutiones sunt *L. 3. C. de form. subl.*, *L. 15. C. de testament.* (de cuius tamen auctore ambigi videtur posse, namque inscriptioni vix congruit subscriptio), & *L. 21. de leg.* Quod vero novae illae Leges solemnia quidem verba sustulerunt, non differentias actionum, Justinianus in *L. 1. comm. de leg.* unam fecit legatorum omnium naturam, deditque pro obviendis iis quoque modo relidis actiones res, de quibus iam dictum. Porro ante Justinianum sibi in personam actio competebat pro legato damnationis, *L. duos 14. de usu*, & *usufr. leg.*, pro legato autem vindicationis, etiam actio in rem, *L. quod legatur 38. de judic.*, nam rei per damnationem legatae dominus erat heres, creditor legatarius: rei legatae per vindicationem creditor & dominus is idem, cui fuerat legata. Post Justinianum legatorum omnium quomodolibet relidorum creditor, itemque jure ipso dominus est legatarius, modo rem esse testatoris propriam, certumque corpus legatum ponas; quum fieri non possit, ut quod in dominio testatoris non est, a testatore transeat in legatarium: nec pati juris ratio queat, ut quantitas non sit in dominio heredis, qui eam debet, atque ut alia, quam in personam actione a legatario condicatur. Ita legata omnia exaequata sunt. Sed est, cur Tribonianus irascaris, qui non pauca veterum differentiarum vestigia in Pandectis reliquit. Vide Wilsenbachium in *cit. L. 1. C. comm. de leg.* Quod autem vel post exaequationem legatorum, fideicommissorumque sum legata retinuerunt naturam, uti a nobis abunde demonstratum, hinc sequitur, etiam hodie legatorum verba imperativa, aut directa esse oportere. Proprie imperativa sunt haec, *capio, sumito, habeto*, aliaque his similia. Ex fortasse imperativi tantum verbis principio utiliter legatum: deinde Prudentum interpretatione inducunt, ut satis esset directa verba adhiberi, h. e. verba immediatam, quam dicunt, dationem significantia, qualia sunt.

do, lego, dono, L. si ita scriptum 45., & L. si scripserit 46. de leg. 2.
& L. Aurelius 28. §. Titius Sejo 2. de liberat. leg.

CAPUT II.

VERBA FIDEICOMMISSORUM PROPRIA :

Verba fideicommissorum in usu haec esse ait Ulpianus *Fragm. tit. 25*.
§. 2., fideicommitto, peto, volo dari. His addit Trib. *Inst. de fideicom.*
her. §. 4. rogo, & mando: Hoc aequè, ut illud precarium verbum est:
unde *Virg. Lib. 6. Aeneid.*, orans mandata dabat: quo pertinet non igno-
bilis illa Iliadori conjectura *Orig. Lib. 4. cap. 24.*, mandatum inde dictum:
quod olim in negotio compiutendo alter alteri daret manum, quae fuit
semper fidei sacra. Hinc in *Plauti Captiv. Att. 2. st. 3.* Tyndaro ita ro-
ganti, Haec per dexteram tuam se dextera retinens manu obsecro, respondet
Philocrates, Mandavisti satis. Eadem vis est verbi injungo. *Paul. Lib. 4.*
sent. tit. 1. §. 6. Fideicommissi verba sunt itidem haec, Cupio des, opo-
des, Exigo, desidero ui des, Volo hereditatem meam Titii esse, L. ex
eo modo 118. de leg. 1. Ad haec fideicommissorum formulae sunt hae,
sufficiunt tibi vineae, vel fundus: Consentus esto illa re, L. fidei-
commissa 11. §. si quis 4. de leg. 3. Verba impero, & jubeo media verba
sunt, h. e. quoniam imperativa, tum precaria. Verbum jubeo directum est
apud Scaevolam in L. Lucius 88. §. quisquis 3. de leg. 2., ubi ea for-
mula liberum esse jubeo dicitur servus testamento manumissus: qua phrasi di-
recta libertas significatur, arg. §. pen. *Inst. de sign. reb. per fideia. relis.*
itemque apud Justinianum in L. 2. C. comm. de leg. & fideicom.: Quis
idem dicendum sit de verbo impero, non dubitabit, qui vim ejus verbi
perpendet. Contra precarium est verbum jubeo, sonatque idem quod de-
sidero, volo in L. Aurelius 28. §. 13. D. de liber. leg.: quo spectant for-
mulae illae Latinorum, jubeo salvere, Bonum animum habere jubeo. Vide
Donatum in *Andr. att. 3. Sc. 3.*, *Voss. Rhet. Lib. 9. cap. 10.*, & *Cujac. Lib. 2.*
obl. cap. 25. Forse eodem spectat Horatii locus *Lib. 2. ep. 2. v. 63.*, in quem
vide *Chiflet. de success. cap. 8.* Ita verbum impero precariis adnumerat
Paulus cit. §. 6., ubi non impetro, ut vulgo perperam, sed impero legen-
dum est. Vide *Alciat. Parerg. Lib. 7. cap. 13.*, qui ex eo Pauli loco
pulchre explicat locum *Alleni in L. medicus 26. de oper. libert.* Medium
quoque videtur verbum relinquo. In L. Lucius Titius 78. §. filiam 8. ad
Trell. precarium est. In L. Sejae 20. §. Tyrannae 7. verbum esse directum;
ac praecise negat *Paulus Lib. 4. sent. tit. 1. §. 6.* verbum esse fideicom-
missi. Proprie directum verbum est. Quae causa sit cur in cit. L. 78.
§. 8. vim habeat verbi precarii, ex ipso verborum contextu cognoscet.
Testatoris verba haec erant; Lucio Tilio fratri mei filio genero meo ducent-
os aureos relinquo, quo legato scio illum contentum esse. Scaevola ducentos
illos aureos fideicommissi nomine deberi genero respondit. Verba relinquo
adnectuntur haec, quo legato scio illum contentum esse: quae verba sunt fi-
deicommissi, illudque precarium faciunt. Nec me movet Ti legato, quod
ver-

verbum esse opinor testatoris ius ignorantis, non Scaevolae, qui ex facta consulti verba, uti erant testamento scripta, retinuit; nisi malis dicere, Scaevolam *legati* vocabulo abutum: quod a Jurisconsultis quandoque factum, *L. saepe* 16. *de leg.* 3. Huc etiam facit *L. iia* 43. §. 1. *de leg.* 2. Generaliter de verbis illis inediis ita statuunt optimi, quique interpretes juris, explicanda omnino esse ex conjectura voluntatis: cujus rei argumentum est aliter locus Scaevolae in *L. Sejae* 20. §. 1. *de instrum. vel instrum. leg.*, ubi verba *do lego*, vi sua certe directa, ex conjectura voluntatis verba sunt fideicommissi.

Interdum, quo sanctius esset fideicommissum, precibus addita iurandi religio, uti Papinianus loquitur in *L. quum pater* 77. §. 23. *de leg.* 2., h. e. obsecratio per Deum, *L. non intelligitur* 3. *pr. de jur. fisc.*, aut obtestatio per salutem Principis, §. 1. *inst. de fideicom. her.* Obtestabantur, jurabantque Romani per Genium Principis, quae formula est apud Ulpianum in *L. si duo* 13. §. 6. *de jurejur.* Christiani, quod Genii Daemones essent, non per Genios Caesarum jurabant, sed per salutem eorum, quae est augustior omnibus Geniis inquit Tertullianus *Apolog.* c. 32. Hinc solemne persecutoribus fuit ea formula Christianum impetere, *Tantum jura per Genium Caesaris*, *Euseb. cap. 4. Hist. Lib. 15.*; atque hinc in *L. 2. C. de reb. cred.* Alexandrum Imp. ethnicum scripsisse, *per Principis Genium*, Tribonianum vero substituisse per Principis venerationem, qua etiam formula utebantur Christiani, suspicatur Giphanius in *cit. L. 2.* Sed vix est, ut Giphanius subscribat, qui est in antiquitate vel mediocriter versatus. *Geates per Genium* aequae, ac *per salutem Principis* adjurabant, jurabantque. Do hujus rei testes Ulpianum in *cit. L. 13.*, & Plinium *Lib. 10. ep. 17.*, ut probabile sit, juratum, adjuratumque ab eis facile etiam per Principis venerationem, uti adjuratum per aeternitatem Principis testatur Plinius *loc. cit.* De testatore, qui heredem Graece fuerat obtestatus per Deum, deque lite inde enata, num fideicommissum, an legatum reliquum intelligeretur; vide *L. 2. C. comm. de leg.*, in eamque Cujacium, qui ex Haloandriae editionis, aliorumque manuscriptorum auctoritate Graecum verbum restituit. Sed advocatos studio partium abreptos nihil est cur moremur. Obtestationibus illis fideicommissa induci, non est ambigendum. Et mirum quanta eorum vis fuerit in fideicommissis. Id intelliges ex verbis Papiniani in *cit. §. 23.*; *Filius matrem heredem scripserat, & fideicommissa tabulis data cum iurijurandi religione praestari rogaverat: quum testamentum nullo jure factum esset, nihilominus matrem legitimam heredem cogendam praestare fideicommissa, respondi, nam enim voluntatis preces ad omnem successionis speciem porrectae videbantur.*

Verbis fideicommissi accensent vulgo verba, quae disintant enunciativa, dum tamen ad gravatum dirigantur, spectentque futurum eventum: ut si scriptum sit, *Non dubio*, aut *certus sum*, aut *scio te redditurum*. Contra Faber *Lib. 14. conjest. cap. 2.* spei & fiducia verba esse ait, non fideicommissi. Multa sunt juris loca, quibus vulgaris illa sententia innititur: sed non leve est argumentum, quo Faber moveatur, nihil esse in jure exploratus, quam induci fideicommissum verbis precariis, qualia certe non sunt verba mere enunciativa: nec levia sunt, quae interpretibus contra disputant.

spontantibus reponit. Digna est igitur res ista, quae serio seduloque expe-
ditur.

Papinianus in *L. unum ex familia* 67. §. item 10. de leg. 2. scribit
Item Marcus Imperator rescriptis, verba, quibus testator ita caverat, non du-
bitare se, quodcumque uxor ejus caepisset, liberis suis reddituram, pro fidei-
commissio accipienda: quod rescriptum summam habet utilitatem, ne scilicet ho-
nor bene transacti matrimonii, fides etiam communium liberorum, decipiat pa-
trem, qui melius de matre praesumerat: & ideo Princeps providentissimus,
quum fideicommissi verba cessare animadverteret, eum sermonem pro fideicom-
misso rescriptis accipiendum. Ecce, ajunt vulgo interpretes, verba Non du-
bitio te redditurum Imp. Marcus pro fideicommisso accepit. Ecce, ait Fa-
ber, animadvertisse Imperatorem scribit Papinianus fideicommissa verba ces-
sare: eum autem sermonem pro fideicommisso accepisse ea ratione, ne
honor bene transacti matrimonii, fides etiam communium liberorum deciperet
patrem, qui melius de matre praesumerat, quae verba perinde sunt acci-
pienda, quasi Papinianus scripsisset, voluisse quidem maritum bonae per fi-
deicommissum liberis relinquere ab uxore, non tamen reliquisse, quia
ut honorem bene transacto cum ea matrimonio haberet, h. e. ut quum
posset verbis fideicommissi bonorum reddendorum necessitatem imponere
uxori, uxorem bene conceptae de ea spei argumento honoraret, tum ut
communibus liberis offenderet, debere eos sibi a matre quam optime spe-
rare: indignum autem esse, maritum, patremque ea spe decipi: Equis
non videt, rescripti rationem tam propriam pecuniariamque esse ejus casus,
qui ex facto inedit, ut producti ad alios non possit? Imo quis non intel-
ligit, si rescriptum Imperatoris deficeret, neminem futurum, qui eum
sermonem acciperet pro fideicommisso? Verbis fideicommissi cessantibus,
uti cessabant certe eo casu, fideicommissum inducere Principis est, non
jurisconsulti. His rationibus motus Faber rescriptum illud non ad alium
producti casum permittit, quam ad eum, in quo omnia sunt paria: paria
sunt autem omnia, si uxor marito herede scripto non dubitare se dicat,
quodcumque maritus ejus caepisset, liberis redditurum; nam si liberis non
redderet, honor bene transacti matrimonii, & fides etiam communium li-
berorum deciperet matrem. Est & alter casus, ad quem Marci rescriptum
produxit Scaevola in *L. Pamphilo* 39. pr. de leg. 3. Sed de eo mox.

Porro apud Scaevolam in *L. alumnae* 30. de adim. leg. scriptum est,
Alumnae suae plura legaverat, quaedam ex his abstulit, quaedam ut praesta-
reniur, ab herede suo petiit, in quibus viginti dari voluit his verbis: Hoc
amplius do lego, darique volo viginti auri libras: & adjecit, fideique tuae,
Atti, committo, ut in primis Semproniam sororem tuam pro tua pietate: & re-
gere & tueri velis: & si putaveris eam ad bonam vitae consuetudinem rever-
sam, ita viginti auri libras ei reddere, cum morieris: interim tamen reditus
ejus, id est usuras semisses, ei praestet: postea codicillis ad Maevium legata-
rium easdem viginti libras auri transtulit, & fidei ejus commisit in haec ver-
ba. Viginti libras auri, quas testamento Semproniae alumnae meae reliqui;
eas dari volo Maevio, cautionibus interpositis, ut ea summa eidem Semproniae,
quandiu advixerit, praestet menstruos denarios quinque, & vestiarum nomine de-
narios centenos vicenos quinos, idque fidei vestrae committo; certa sum autem,

te, *Maevi*, pro tua pietate petiurum ob herede tuo, ut voluntas mea in persona alumnae meae duret. Quaestum est, an *Maevius* legatarius cogendus sit. post mortem suam viginti libras auri *Semproniae* restituere, sicut rogatus fuerat *Atius* heres, respondit, secundum ea, quae proponerentur, viginti quidem auri libras non cogendum praestare: sed alia, quae ab eo alumnae relicta sunt, deberi & a *Maevio*; & ab herede ejus, donec vivit alumna. Ecce ajunt vulgo interpretes, verba *Certa* sum, te petiurum &c. continent fideicommissum. Contra *Faber* *Scaevolam* inquit fideicommissum concessisse non ex verbis, certa sum te petiurum, sed ex iis, quae praecedunt, cautionibus interpositis, ut ex ea summa eidem *Semproniae*, quandiu advixerit praestet mensuros denarios quinque: & vestiarii nomine denarios quatuordecim vicenos quinos, idque fidei vestrae commisso. Et vero denarii quini mensurati, & denarii centeni viceni quidam debebantur ex fideicommissum *Semproniae*, dum viveret. Quod *Maevius* viva *Sempronia* moreretur, id non poterat facere, ne deberentur. Onus *Maevio* impositum mortuo *Maevio* incumbebat hereditati: nec erat necesse *Maevium* ab herede petere, ut eam summam *Semproniae* praestaret. Verba, certa sum, te petiurum novum faciebant enixae erga alumnam voluntatis indicium, nullam novam necessitatem imponebant.

Ad haec scribit idem *Scaevola* in *L. Titia* 19. §. 1. de ann. leg., Qui *Marco* homini docto certa annua praestabat, testamento cavui, *Domina* sanctissima, scio te de amicis meis curaturam, ne quid his desit: verumtamen & *Marco* dari obtingentia. Quaestum est, an *Marcus*, praestitum sibi ex causa legati obtingentis, annua quoque consequi debeat. Respondit, nihil proponi, cur non secundum ea, quae in consultatione collata essent, debeantur. Ecce ajunt vulgo interpretes, verbis illis scio te curaturam rogata uxor intelligitur certa annua *Marco* praestare. Contra *Faber* fideicommissum a *Scaevola* concessum contendit ex iis, quae continuo sequuntur *Verumtamen* & *Marco* dari obtingentia, ubi ad sententiam perficiendam est omnino subaudiendum verbum volo, quod precarium est, ac vi particulae &, quae idem sonat atque etiam, seu hoc amplius, ad annua itidem refertur. Interpretationem hanc suam, confirmat *Faber* alio ejusdem *Scaevolae* loco in *L. Pamphilo* 39. pr. de leg. 3., *Pamphilo* liberto hoc amplius, quam codicillis reliqui, dari volo centum: scio, omnia quae tibi *Pamphilo* relinquo ad filios meos perventura, quum affectionem tuam circa eos bene perspectam habeo, quaero, an verbis superscriptis *Pamphili* fidei commisit, ut post mortem filiis defuncti centum restitueret: Respondit, secundum ea, quae proponerentur, non videri quidem, quantum ad verba testatoris pertinet, fideicommissum *Pamphili*, ut centum restitueret. Ecce negat praecise *Scaevola* verba esse fideicommissi, Scio, omnia, quae tibi relinquo, ad filios meos perventura. Sed nonne obstat *Fabro*, quod sequitur apud *Scaevolam*, sed quum sententiam defuncti a liberto decipi, satis inhumanum est, centum ei relictis, filiis testatoris debere restitui: quia in simili specie & *Imperator* noster *Divus Marcus* hoc constituit? Ita vero: quin duo sunt apud *Scaevolam*, quae obstant *Fabro*. Alterum est, quod dicitur iis verbis, scio omnia, quae tibi relinquo, ad filios meos perventura, quamvis proprie non sint verba fideicommissi, fideicommissum tamen induci, Alterum est, induci fideicommissum productum

ab uxore ad libertum rescripto Divi Marci, quod is ad maritum solum producit. At vero Faber verba illa Triboniani esse contendit, omnesque in eam rem ingenii sui vires experitur *integræ cap. 3.* Sed sint illa Triboniani, Fabro Tribonianus, atque adeo ipse Justinianus obstat. Id unum videtur interpretibus contra sententibus obflare, quod addit Faber, vix esse, ut quæ ab *imp. Marc.*, atque a Triboniano nominatim de uxore, ac liberto sunt scripta, commode possint ad alios quoscunque prodire. Et hæc quidem ratio tanti est apud me, ut prae ea tot, tantisque viros vulgaris sententiae assertores nihil morarer. Sed cedendum auctoritati Jurisconsultorum Neratii, atque Ulpiani, quorum hic in *L. etiam 11 §. de leg. 1.* scribit, *Etiam hoc modo, credo te daturum, fideicommissum est*: ille in *L. & eo modo 118.*, *valere*, inquit, *fideicommissum eo modo restitutum, scio hereditatem meam restituaturam te Tuo*. Quæ de uxore *imp. Marcus*, quæque Scaevola de liberto, eadem de aliis quibuscunque tradidere Neratius, & Ulpianus. Præstat igitur communem sententiam sequi, habito tamen locorum juris delectu. Eam egregie præter cæteros confirmant extremo adscripti Neratii, atque Ulpiani loci, quibus subinde accedat rescriptum D. Marci in *cit. L. 67. §. 10. de leg. 2.* Scaevolæ fragmenta in *cit. L. 19. §. 1. de dan. leg.*, & in *cit. L. 30. de adim. leg.* ad rem vix faciunt; namque aliunde, quam a verbis enunciativis petenda est ratio fideicommissi, uti rectissime Faber. Vestiganti autem mihi rationem, cur placuerit, verbis enunciativis ad gravatum directis, futurumque eventum spectantibus fideicommissum induci, ea occurrit, quod in fideicommissis nuda voluntas sit intuenda, hanc autem satis produnt verba *credo, scio, non dubito*, aliæque his similia, ut ut *spei & fiducia* verba; quis enim est, qui non enixe vult, quod sperat? At enim *precariæ* non sunt. Ego vero quamvis ea proprie *precariæ* non esse concedam; vim tamen precariorum habere contendo. Testatores vice Principum, heredes vice subsectorum funguntur. Si quem sibi subiectum aliquid daturum factumve sperare se Princeps dicat, facile omnes intelligam ab illo peti, quod hic sperat. Recte autem id interpretes admittunt, quum verba ad gravatum ipsum diriguntur, nam qui alium ab eo alloquitur, a quo sperat, quum possit eum ipsum alloqui, videtur rem totam libero ejus arbitrio permittere: unde Ulpianus in *L. testatorem, al. L. Julianus 68. §. 1. de leg. 3.*, *Ex his verbis, Curate agros attendere, & ita fiet, ut filius meus filio vestro vobis condonet, fideicommissum*, inquit, *peti non posse*.

Novissime sciendum est, tum demum enunciativis verbis fideicommissum induci, quum sunt principaliter propter se (verbis, utar interpretum) non propter aliud emissæ, h. e. quum sunt non in altum finem adhibita, quam ut fideicommissum inducatur. Exemplum est in *L. generali 32. pr. de usu & usufr. leg.*; ubi Scaevola, *Generali*, inquit, *capite præposito, quidam in testamento suo ita adjecit: Felici, quem liberum esse jussi, usufructum fundi Vestigiani lego: cujus proprietatem puto te consequuturum, si non contenderis cum herede meo, sed potius concordaveris, sed & tu heres omnia fac, ut amici suis, hoc enim vobis expedit. Quæsitum est, an vivente herede exigere possit Felix fundi proprietatem. Respondit, nihil proponi, cur Felici proprietates fundi legata videantur. In proposita specie verba, cujus*

fundi proprietatem &c., non eo principaliter spectant, ut consequatur Felix proprietatem fundi, sed ut ad ineundam cum herede, colendamque amicitiam alliciatur.

C A P U T III.

CLAUSULA CODICILLARIS.

DE clausula, quam vulgo dicunt *Codicillarem*, erat superiore capite agendum, est enim inter verba fideicommissi, quoniam vero laum fufumque ea mihi praeber argumentum scribendi, latius duxi eam proprio hoc capite explicare.

Ad voluntatem testatoris quoque modo tuendam instituta est clausula codicillaris, in eumque finem apponitur testamento. Ejus vis pœdet a vi codicillorum, qui fieri dicuntur ab intestato. Posse intestato morientem codicillos facere, iisque fideicommissa dare, non ambiguntur. Formulam habes apud Julianum in *L. si quis 3. D. de jur. codicil.* *Quisquis mihi heres erit, bonorumve possessor, ejus fideicommissum.* Quod igitur qui testamentum condidit, potest multas ob causas decedere intestatus, facit ea clausula, ut is decessisse intelligatur quasi factis codicillis, quibus heredes bonorumve possesores rogasset, ut praestarent fideicommissa, *L. si miles 3. D. de test. milit.* Ita vis testamenti per ejus clausulae adjectionem convertitur in causam fideicommissi, & codicillorum, uti loquitur Ulpianus in *L. quærebatur 19. pr. D. eod.*

Clausula codicillaris multifariam emittitur. Vulgaris formula hodie est haec, *Si non valet iure testamenti, valeat jure codicillorum.* Apud veteres usitatam fuisse hanc, *Volo hoc testamentum etiam vice codicillorum, vel quæ si codicillos valere*, testis est Ulpianus in *cit. L. si miles 3.*, & in *L. 1. de jur. codicil.* Sunt & tres aliæ in Libris juris, Prima est apud Scaevolam in *L. Titia 13. de inoff. test.* *Ea omnia, quæ supra dari, fieri jussi, ea dari, fieri volo ab omni herede, bonorum possessore, qui mihi erit etiam jure intestato.* secunda apud Marcianum in *L. si ita 9. de leg. 3.* *Ad quemcumque ex testamento meo, vel ab intestato, vel ita, ad quemcumque quoquo jure bona mea perveniant: tertia apud Paulum in L. ex ea 29. §. 1. qui testam. fac.* *Hoc testamentum volo esse ratum, quacumque ratione poterit: quæ proxime accedit ad vulgarem formulam omni meliori modo.* Atque hæc sunt formulæ, quas possis dicere expressas. Aliæ sunt, quibus vis clausulae codicillaris tacite inest: sunt autem, quæ apertam aliquam edunt evixæ voluntatis significationem. Huc pertinet Scaevolæ locus in *L. Lucius 88. §. 17. de leg. 2.* *Lucius Titius hoc meum testamentum scripsi sine ullo juri-perito, rationem animi mei potius sequutus, quam miseram diligentiam, & si minus aliquid legitime, minusque perite fecero, pro jure legitimo haberi debet hominis sani voluntas.* Deinde heres instituit. Quæsitum est, intestati ejus bonorum possessione petitas; an portiones adscriptæ ex causa fideicommissi peti possunt. Respondi, secundum ea quæ proponerentur, posse. Nec multum abluat locus Papiniani, quem superiore capite exposui in *L. quum pater 77. §. si*

§. filius 23. eod., ubi fideicommissis quum jurarandi religione datis enixae voluntatis preces ad omnem successionis speciem porrectae intelliguntur. Quandoquē, nulla omnino adjecta clausula codicillari, ejus vice sunt ipsi codicilli: ut ecce si codicillis directo detur hereditas, quod jus non patitur, licet ea clausula abſit, restitui debet ex fideicommissio, *L. Scaevola 76. D. ad Trebell.*, dum tamen qui codicillos facit, facere se codicillos existimet, non testamentum, *L. illud 23. §. 1. de jur. codic.*; nam si facere se testamentum existimet, quum testamentum vere non faciat, quo debeat fideicommissum, adjici eam clausulam necesse est.

Sed nonne ipse frequens ejus clausulae usus facit, ut quamvis non sit adjecta, intelligatur? Ita Curtius docet in *L. precibus 8. C. de impub. & aliis subst.* ita & alii satis multi: sicque in Foro pluries judicatum. Quid absurdius? Eam clausulam fuisse olim, uti hodie est, in more positam Ulpianus testatur in *cit. L. 3. de test. milit.* & tamen, quo fideicommissum consideret, eam testamento inseri oportebat, *L. coheredi 41. §. 3. D. de vulg., L. ex testamento 29. C. de fideicom., L. si jure 21. C. de testam. manum., & L. ult. de codicill.*

Nunc effectus codicillaris clausulae persequamur. Sed primum omnium id ego vos monitos volo, si testamentum voluntatis vitio nullum dicatur, clausulae vim nullam esse: cujus rei manifesta ratio est. Vis clausulae secundum ea, quae dicta sunt, in sola testatoris voluntate est posita, ea enim clausula venientes ab intestato, aut expresse rogat, aut rogare intelligitur, ut testamento relicta praesent ex fideicommissio. Quis autem intelligat, vel rogare, vel intelligi rogare eum, quem constat nolle? Haec adeo vera sunt, ut vera sint etiam eo casu, quo vere non deficit voluntas, sed fingitur defecisse: qui casus est testamenti inofficiosi. In rem est nobile responsum Scaevolae in *L. Titia 13. de inoff. test.*, Titia filiam heredem instituit: filio legatum dedit: eodem testamento ita cavuit: ea omnia, quae supra dari fieri jussi, ea dari volo ab omni herede, bonorumve possessore, qui mihi erit etiam jure intestato. Item quae dari jussero, ea uti dentur fiantque fidei ejus committo. Quaesitum est, si soror (Titiae institutae, quam praeterierat, aut immerenter exheredaverat mater) centumviralis judicio obtinuerit, (liberorum querelae de inofficiosi parentum testamentis ad Centumvitos olim delatae. *Val. Max. Lib. 7. cap. 8.*) an fideicommissa ex capite superscripto debeantur: Si hoc quaeratur, an jure eorum, quos quis sibi ab intestato heredes, bonorumve possessores successores credat, fidei committere possit, respondi posse. Paulus notat: probat autem, nec fideicommissa ab intestato data deberi, quasi a demente. Sed quoniam jure novissimo, *Auth. ex causa C. de lib. prae.* inofficiosi querela solam rescindit institutionem, non legata, vel fideicommissa, aliave testamento scripta, restituit hinc conjicit Chiffletius *Lib. 3. cap. 12.* testamentum non ut olim, colore dementiae rescindi, quae enim ratio esset, cur is color non obflaret legatis, vel fideicommissis, aliisque scriptis testamento? Ergo quantum ad institutionem tueret hodie codicillaris clausula voluntatem delucti, quasi pro ea parte decesserit intestatus. Sed quantum ad legata, aliave testamento scripta, nulla clausulae vis est, namque ea debentur ex testamento. Quin possit jus facere, ut quis ex parte intestatus, ex parte testatus moria-

tur, nulla dubitatio est. Non de testamento, quod turpi persona instituta a consanguineis rescinditur, idem jus sit, quaeritur. Et fere inter omnes convenit, stare adhuc jus vetus, proinde nullam esse vim clausulae codicillaris: quod enim *Authentica de solis parentibus*, & liberis loquitur, in iis solis videtur demeritae colorem sustulisse.

Ergo codicillaris clausulae effectus hic est; ut si testamentum non vitio voluntatis, sed alia de causa non subsistat, sive quia initio non jure factum est, sive quia ex postfacto irritum factum est, vel ruptum, delinatumve, eo testamento scripta a legitimis heredibus praestentur ex fideicommissio, *L. si quis 3. §. 1. de jur. codicil.*, *L. generaliter 24. §. 11. de fideic. lib.*, *L. 29. C. de fideic.* & *L. 11. C. de testam. man.* Sed interest, num unum factum sit testamentum, an plura: Uno testamento facto, quod destitutum, aliave modo infirmatum est; fideicommissum debetur ab intestato: duobus testamentis factis, quorum, prius jure factum; posterius est imperfectum, cui tamen codicillaris clausula adjecta est, debetur ex testamento; quod enim prius testamentum posteriore imperfecto ruptum non est, clausula posteriori inserta facit, ut heres priore scriptus debeatur restituere, uti rectissime Chiffletius de *Jure fideic. Lib. 3. cap. 4.* Idem dicendum est, si prius testamentum posteriore rite facto sit ruptum, fidei tamen heredis commissum sit, ut priores tabulae valerent. Tractat hanc speciem Ulpianus in *L. postumus 12. §. 1. D. de injust. rupt.* Si paganus, qui habebat jam factum testamentum aliud fecisset: & in eo comprehendisset, fidei heredis committere, ut priores tabulae valerent. omnimodo prius testamentum ruptum est: (Chiffletius loc. cit. mavult, ut priores tabulae valerent: omnimodo: quod non improbo) quo rupto potest quaeri; an vice codicillorum id valere deberet: & quum haec verba sint fideicommissi & sine dubio universa, quae illic scripta sunt, in causa fideicommissi erunt: non solum legata, & fideicommissa: sed & libertates, & heredis institutio.

Quum autem ex causa praeteritionis non subsistit, aut rumpitur testamentum, referre scribit Bartolus in *L. 1. quaest. 6. D. de jur. codicil.*, num testator sciens praeterierit, an ignorans? & priore quidem casu clausulam codicillarem valere, non item posteriore; nam posteriore hoc casu ignorantia facit, ut deficere voluntas testatoris videatur. Contra Baldus in *Auth. ex causa C. de lib. praeter. num. 13.* scribit, utroque casu clausulam valere, nec verum esse, posteriore casu deficere voluntatem, namque haec vi clausulae indefinita est (eius verbis utar), & implicita ad omnes casus. Utraque sententia magnos patronos habet; sed in scholis, & foro receptior est sententia Bartoli, quam multis locis juris adstruit Chiffletius de *jure fideic. Lib. 3. cap. 9.* Locum unum Marcelli adscribam, qui meliore, ni fallor, interprete opus habet. Est is in *L. pen. de jur. codicil.*, Is, qui unum filium habebat, quum codicillos ad eum scripisset, decessit intestatus, herede eo, & quem postea procreavit. Adgnatione sui heredis nemo dixerit codicillos evanuisse: igitur si nihil tum de postumis speravit: & codicilli non evanescent, & quae relicta sunt, pro parte dimidia filius, ad quem codicillus factus est, solvere compellitur; non etiam postumus: sed & si codicillos reliquisset, duobus superstitibus filiis decedens, quum putaret, alterum ex his prius decessisse, simili modo dici potest, omnia perinde debere filium, ad quem scripti sunt

codicillis, atque si solus heres exiisset patri. Continuo autem sequuntur haec, Imo dumtaxat pariem debet: quae certe est nota Ulpiani. Marcellum saepe notatum ab Ulpiano constat ex L. senfum 27. de pign., & L. tutor 28. §. 1. de adm. tut. Verbis pro parte dimidia recte monet Chiffletius glossa esse interpretis, quem vix ferendae imperitiae convincunt verba, quae mox sequuntur, Simili modo dici potest, omnia perinde debere filium, ad quem scripti sunt codicilli. Sed rem ipsam agamus.

Duos casus tractat Marcellus: utroque partem alterius filii ignarum ponit: & tamen eum solum, ad quem scripti sunt codicilli, omnia debere ait. Sed ab Ulpiano notatur ea ratione, quoniam non fuerit filio ablaturus, h. e. non tantum fuerit ab eo uno filio aliis relicturus, nisi solum putaret successorem sibi futurum. Hinc conficit Chiffletius, videri eum, qui ignorat, nolle. Contra ego moris eo ipso juris loco, quem in Bartoli sententiam laudat Chiffletius, quemque Baldus, aliique eum sequuti ignorarunt, sentio cum Baldo. Testator, quo tempore scribebat codicillos de postumo nihil sperabat: eo autem adgnato evanescere codicillos negat Marcellus: nec dissensit Ulpianus. At quid est aliud codicillaris clausula, quam codicilli? Si non facit ignorantia testatoris, ne valeant codicilli, facere, ne ea clausula valeat, non potest.

Item quoniam per bonorum possessionem contra tabulas liberis emancipatis praeteritis Praetor indulget, rescindi testamentum dicitur, L. 1. de legat. praest., faciatque testator eximium intestat, L. non putavit 8. §. ult. de bon. poss. contr. tab., scripta eo gradu, a quo illi sunt praeteriti, vi clausulae codicillaris in fideicommissum converti docet Chiffletius cit. Lib. 3. cap. 11. ea ratione, quia pro eo tantum gradu rescinditur testamentum, a quo illi praeteriti sunt: atque huc refert illud Africani in L. ex duobus 34. §. ult. de vulg., Etiam si contra patris tabulas bonorum possessio petita sit, substitutionem tamen pupillarem valere, & legata omnibus praestanda esse, quae a substitutione data sunt.

Ut quae suboscure docet Chiffletius facile intelligantur, sunt quaedam de liberis non emancipatis tradenda hoc loco. Non emancipatos liberos heredes, aut exheredes scribi oportere, quo testamentum valeat, vel ipsi Justinianaei sciunt. Exheredandi sunt autem ab omni gradu. Si quis gradus est, a quo non sunt exheredati, ab eo praeteriti intelliguntur. Finge testamento scriptum, Titius heres esto, Gaius filius meus exheres esto: si Titius heres non erit, heres esto Maevius. Gaius filius meus exheres esto. In hac formula Gaius filius ab omni gradu exheredatus est. Contra finge scriptum, Titius heres esto, Gaius filius meus exheres esto: si Titius heres non erit, heres esto Maevius. In hac formula Gaius a primo gradu exheredatus est: a secundo praeteritus. Gradus autem, a quo praeteritus est filius, perimitur, ut verbo utar Ulpiani in L. & si pepererit 3. §. ult. de lib. & post., & habetur pro non scripto: proinde si primus gradus est, eo petito, testamentum a secundo gradu exordium capiet, cit. §. ult., si secundus, testator unum tantum gradum heredum fecisse intelligitur, L. si primo 8. D. eod. Haec vera sunt, si non sit filius aut ante heredis institutionem, aut inter duos gradus exheredatus; namque utroque casu ab omni gradu summotus est, cit. L. 3. §. 3. & 4. Ergo si ponas filium a primo gra-

gradu exheredatum, a secundo praeteritum, & non aditam a primo hereditatem, filius a secundo praeteritus succedet ab intestato, quasi nullo ab initio, quod pertinet ad eum gradum, testamento: idemque jus erit, si eum ponas a primo praeteritum, a secundo exheredatum: heredemque secundum defecisse. Dictis adde: Si quis liberos ab unius persona exheredaverit, ut in hac formula, *Titius, Maevio filio meo exheredato, heres esto, Gajus heres esto*, vitiosa erit exhereditatio, *L. & si pepererit 3. §. 2. de lib. & post.*, namque exheredandus erat a toto gradu: unius autem heredis persona gradum non facit. Ergo Maevius pro praeterito erit. Verba *Titius Maevio filio meo exheredato heres esto* apertissime ostendunt ab unius heredis persona Maevium exheredari. Verum si exheredetur Maevius inter medias heredum institutiones, ut in hac formula *Titius heres esto, Maevius filius meus exheres esto, Gajus heres esto*, recte Maevium exheredari, atque a toto gradu institutionum submoventi non ambigitur, *cit. L. 3. §. 2.* Quod si eam formulam retineas *Titius, Maevio filio meo exheredato, heres esto*, ac Titium ex asse scriptum heredem ponas, nulla ratio est, cur Maevium non recte exheredatum dicas. Vitiosa itidem erit exhereditatio, si quis filium exheredaverit a re certa, ut in hac formula, *Titius heres esto, Maevius filius meus fundi Sejani exheres esto*, aut in illa apud Paulum *L. quum quidam 9. D. eod.*, *Filia ex asse heres esto, Maevio filio meo decem lego, & in caetera parte exheres esto*; namque exheredandus erat ab hereditate, quae universum jus est, non a re certa. Quod si quis illud objiciat heredem ex re certa potestate juris intelligi ex asse institutum, *L. interdum 13. §. 1. de hered. inst.*, obitatem amovet *cit. loc.* Paulus ex sententia Scaevolae, qui aiebat, aliam causam esse institutionis, quae benigne acciperetur; exheredationes autem non esse adjuvandas. Quid si quis filium post omnes gradus exheredet? Num erit filius ab omni gradu submoventis, an ab eo tantum, quem primum sequitur exhereditatio? Posterius hoc doctioribus, prius illud plerisque visum. Occasionem disputationi dedit Antonini rescriptum in *L. 1. C. de lib. praet.*, cujus verba sunt, *Quum post omnes heredum gradus exhereditatio scribitur, si adjiciat testator, ab omnibus se gradibus exheredare, non dubitatur, juri satisfactum esse (h. e. eum rite recteque exheredasse, ac proinde testamentum exheredato, non autem praeterito filio, valere) & ideo etiamsi id non adjiciatur, appareat tamen, eum id eo consilio scripsisse, ut ab omnibus exheredaret, recte factum testamentum videatur, proinde quum postea filius insinquis, & invicem substitutis filium exheredaverit, est intelligendus exheredationem ab utroque gradu fecisse; nam quum iidem heredes instituti sunt, nulla ratio reddi potest, quare videatur in posteriore tantum casu exheredare voluisse. Sed civis locum istum juris animum serio seduloque advertenti patebit exheredatum post omnes gradus non alias esse ab omnibus exheredatum, quam si aut id testator expressim adjecerit, aut hanc ejus fuisse mentem appareat, ut in specie ejus rescripti.)* Igitur in re dubia contrarium regulae loco habendum est. Jam quae de gradu ipso jure perempto ab non emancipati filii praeteritionem dicta sunt, dici eadem debent de gradu per bonorum contra tabulas possessionem rescisso, si praeteritus sit emancipatus. Huc igitur videntur redire a Chifletio tradita, codicillarem clausulam non omni gradu scri-

scripta mori, sed tantum scripta eo gradu, qui aut suo herede praeterito perimitur jure ipso, aut praeterito emancipato rescinditur. Ego vero non video, cur non tueri etiam debeat scripta eo gradu, qui aut praemortuo, aut deficiente testamentum herede, defecit. Utroque casu res redit ad causam intestati nullo voluntatis vitio: proinde utroque deberet clausula inducere fideicommissum. Ad rem non facit locus Africanus, namque in specie, quam is tractat, paternis tabulis rescissis valet substitutio pupillaris, quae licet proprie non sit testamentum a paterno diversum, certe tamen hereditatem continet filii diversam ab hereditate paterna. Sed in ea, quam nos tractamus, specie, quemadmodum unum est testamentum, ita una est hereditas, quae tota defertur ab intestato.

Porro vim clausulae codicillaris ad pupillares etiam tabulas porrigi, si patris testamentum jure non valet, facile colliges ex verbis Papiniani in *L. coheredi* 41. §. 3. *D. de vulg.* Quod si heredem filium pater rogaverit, si impubes diem suum obierit, Titio hereditatem suam restituere: legitimam heredem filii salva Falcidia (h. e. Trebellianica, ut in *L. Lex Falcidia* 47. §. 1. ad *L. Falc.*, & *L. si patronus* 11. §. 2. ad *Trebell.*) cogendum patris hereditatem? ut ab impubere fideicommissum post mortem ejus dato, (i. e. quemadmodum restitueret fideicommissum particulare a filio impubere relatum post mortem) restituere placuit. Nec aliud servandum cum substitutionis conditio puberem autem verbis precariis egreditur, (veluti si filium heredem roget hereditatem restituere, si intra xxv. annum decesserit). Quae ita locum habebunt, si patris testamentum jure valuit: alioquin si non valuit, ea scriptura, quam testamentum esse voluit, codicillos non faciet: nisi expressum est. Novissima haec verba non possunt alio spectare, quam ad clausulam codicillarem: suntque perinde accipienda, quasi scriptum sit, nisi hoc testator expresserit, velle se eam scripturam jure codicillorum valere. Nec fideicommissum, pergit Papinianus, propriae facultates filii tenentur: quibus verbis discrimen proponitur inter substitutionem pupillarem directam, & fideicommissariam. Qui directo substituit filio impuberi, bonis ipsius filii substituit: qui per fideicommissum, suis tantum bonis. Vide Goveanum in cit. §. 3.

Denique clausulae codicillaris effectus est, ut in heredis scripti arbitrio sit ex testamento succedere, aut ab intestato. Verum ab ipsis intentionis exordiis propositum suae intentionis explanare heredem jubet Theodosius in *L. 8. C. de codicil.*, scientem, se unius electione, alterius sibi adiutum praclusisse: quod & in multis aliis causis obtinet, *L. quod in herede* 9. §. 1. de *tribut. act.*, & *L. quem filius* 76. §. 8. de *leg. 2.* Certis tantum personis variandi potestatem facit Theodosius §. 2., ubi, Si quis vero ex parentibus utriusque sexus, ac liberis usque ad quarum gradum agnationis, vinculis alligatus, vel cognationis nexu constrictus usque ad tertium, scriptus heres fuerit, vel emancipatus, in eo videlicet testamento, quod testator vicem quoque codicillorum voluit obtinere: licebit ei, si de hereditate ex testamento secundum mortui voluntatem agens fuerit superatus, vel certe ipse sponte voluerit, ad fideicommissi subsidium convolare. Etiam in recta linea separantur agnatio, & cognatio. Avus paternus, & ex filio nepotes agnati sunt: avus maternus, & ex filia nepotes sunt cognati. Ratio autem, cur certis istis per-

personis licet variare, a Theodosio redditur in haec verba, *non enim par, eademque ratio videtur, amittere debita & lucra non capere*: ex quo loco recte colligitur, adgnatis illis, cognatisve successionem quasi debitam deferri. Vides personis illis non prorsus liberam optionem dari. Permittitur quidem eis a successione testamentaria convolare ad subsidium fideicommissi ab intestato, non contra. Ex didis consequitur, heredem, qui vi codicillaris clausulae jus habet eligendi, si omnia causa testamenti ab intestato possideat hereditatem, non incidere in edictum Praetoris, *Si quis omnia causa testamenti*; namque Ulpianus in *L. quia 6. §. si quis omnia causa test.* negat eum incidere in edictum, qui usus est facultate, quam ei testator concessit. Sed ea optione data, quae erit utilitas heredis? Si in Edictum incideret, praestare legata compelleretur: nonne autem cessante edicto ipsa eadem legata vi clausulae codicillaris in fideicommissa ab intestato conversa cogetur praestare? Ita vero, sed quid intersit, docere videtur idem Ulpianus in *cit. L. 6. pr. & §. 2.*, *Si omnia causa testamenti, ab intestato possideat hereditatem*: videndum est, an legatarius cogatur respondere: & Julianus, libro trigesimo primo digestorum scribit: *cogendum primum legata praestare*: mox dimissis legatis, si quid superfuerit ex dodrante, tunc fideicommissa cogi praestare: caeterum, si legata absumant dodrantem, tunc nihil fideicommissariis praesandum, habere enim integrum quadrantem legitimum heredem oportet. Ordo igitur a Juliano adhibetur: ut prius legata praestentur: deinde ex superfluo fideicommissa: dummodo quadrans non tangatur. Ego puto Juliani sententiam ita accipiendam: ut si, omnia causa testamenti ab intestato possideat hereditatem: cogatur omnimodo legata praestare, nec enim utique omittere ei hereditatem permisit, qui fideicommissa ab eo relinquit ab intestato. Plane si nominatim id ei permisit, dicendum, non eum incidere in edictum, quia usus est facultate ea, quam ei testator concessit, quod si non ei concessit specialiter testator omittere, is ordo erit sequendus, quem Julianus ostendit. Qui igitur effectus est facultatis heredi concessae a testatore testamentariae causae omittendae, idem erit clausulae codicillaris effectus, h. e. ut omnia causa testamenti, legata & fideicommissa contribuantur, quasi exaequata, quum tamen non adjecta clausula, ac proinde ea facultate non concessa, incidisset heres in edictum, & primum legatorum, tum fideicommissorum haberi ratio debuisset secundum ordinem Juliani, Chiflet. *de jure fideic. lib. 3. cap. 7.* Sed vereor ne falsum sit, quod Chifletius putat, namque Ulpianus in *L. quia 6. D. si quis omnia causa testamenti*, qua Chifletius movetur, discrete scribit §. 1. in edictum non incidere eum, cui nominatim, & specialiter permisit testator testamenti causam omittere: At quum testator solam testamento adijcit clausulam codicillarem, ut ut possit videri tacite permittere, certe vero non nominatim, non specialiter permittit: est igitur de effectu isto clausulae codicillaris valde dubitandum.

Haec de clausula codicillari dixisse sit satis. Quae alia de ea habent alii, passim praestant. Id unum in universum moneo, atque edico, vix quidquam eorum, quae vulgo traduntur, quaeque sciens volens omisi, consentire cum regulis juris.

CAPUT IV.

LEGATA TACITA.

Dixi parte prima hujus commentarii, jam ante tempora Justiniani, qui legata & fideicommissa exaequavit, fieri in legatis coepisse locum conjecturis fideicommissorum propriis: unde ad exemplum fideicommissorum tacitorum introducta iidem legata tacita, quorum ecce exempla aliquot in libris juris. Primum est apud Ulpianum in *L. servum 44. §. ult. de leg. 1.*, Si duos fundos habens testator, alterius mihi usumfructum, alterum Titio leges: aditum mihi legatarius non debebit: sed heres cogitur redimere aditum & praestare. Ecce aditum fructuario tacite legatum, h. e. ex conjectura voluntatis defuncti; quod enim sine eo aditu legatarius uti frui non potest, testator, qui certe voluit legare usumfructum, videtur & id voluisse legare, sine quo frustra usumfructum legasset. Est eadem species apud Marcellum in *L. damnas 15. §. 1 de usu & usufr. leg.*, ubi tamen est aliquid, quod adscripto Ulpiani loco videtur oblatum. Verba sunt, Qui duos fundos habebat, unum legavit, & alterius fundi usumfructum alii legavit. Quaero, si fructuarius ad fundum aliunde viam non habeat, quam per illum fundum, qui legatus est, an fructuario servitus debeat. Respondit quemadmodum si in hereditate esset fundus, per quem fructuario potest praestari via, secundum voluntatem defuncti videtur id exigere, ab herede, ita & in hac specie non aliter concedendum esse legatario fundum vindicare, nisi prius jus transeundi usufructuario praestet, ut haec forma in agris servetur, quae vivo testatore obtinuerit: sive donec usufructus permanet, sive dum ad suam proprietatem redierit. Legatarium debere jus transeundi usufructuario praestare ait Marcellus. Contra Ulpianus aditum inquit usufructuario legatarium non debere: sed heredem cogi redimere aditum, & praestare. Scite Cujacius in *cit. L. 44. §. ult.* scribit, plures esse aditus praestandi modos, horumque duos a Marcello, atque Ulpiano proponi, diversos quidem inter se pro diversis circumstantiis: unum si heres fundum legatario non dum tradidit, eumque retinet, quo legatarius usufructuario praestet jus transeundi: alterum si heres liberum fundum jam tradidit: de posteriore hoc casu Ulpianum, de priore Marcellum loqui. Fere eadem tradiderat Accursius. Quod Cujacius praecunte etiam Accursio addit, si heres ea retentione non sit usus per errorem, posse id consequi conditione indebiti, quasi plus debito dederit, vix adducti possum ut probem; pugnant enim haec duo, plus debito dari, & heredem redimere cogi. Quod redimitur, ejus est, qui vendit: si ejus est, dici indebitum nequit. Illud mihi non dubium videtur, tradito fundo legatarium vendere compelli ex conjectura voluntatis testatoris, quae exitum habere alias non posset. Num quod de aditu dictum est, dici idem debet de servitute altius non tollendi? Marcellus respondit in *L. Gaurus al. L. dinas 10. de servit. praed. urb.*, Qui binas aedes habebat, si alteras legavit: non dubium est, quin heres alias possit alijus tollendo obscurare lumina legatarum aedium. Idem dicendum est, si

alteri aedes, alteri aliarum usufructum legaveris. Non autem semper similia est iuneris argumentum, quia sine accessu nullum est fructus legatum: habitare autem potest, & aedibus obscuratis, cacterum usufructu loci legato, etiam accessus dandus est, quia & hausu relicto, ius quoque ad hauriendum praestaretur. Sed ita officere luminibus & obscurare legatas aedes conceditur, ut non penitus lumen recludatur (recludere hoc loco est non aperire: quae est propria ejus verbi significatio, sed claudere:) sed tantum relinquatur, quantum sufficit habitantibus in usus diurni moderatione.

Secundum est apud eundem Ulpianum in L. denique 8. §. interdum 7. D. de pecut. leg.; Interdum, & si non sit legatum peculium, velut legatum sic accipitur, id est in hujusmodi specie. Quidam servo libertatem, si rationes reddidisset; dederat, & si heredibus centum inulisset. Imperator igitur noster cum patre (sunt hi Severus & Antonius) rescriptis, peculium quidem non nisi legatum deberi: verum (inquit) si conditionibus praescriptis parvis servus, testatorem voluisse eum retinere peculium interpretamur, videlicet ex eo, quod ex peculio eum jufferat centum inferre. Eadem habet Tribonianus in §. peculium 20. Inst. de leg. Et vero jubetur servus de peculio solvere: solvere autem de peculio non potest, nisi habeat peculium. Accedit, quod is reliqua inferre jubeatur heredi, cujus esset peculium, nili tacite legatum intelligeretur: heredi autem solvere de re ipsius heredis periculum est.

Tertium dat idem ipse Ulpianus in L. sicut 3. pr. quib. mod. usufr. amitt. Amitti usufructum capitis minutione, (post Justinianum maxima, & media, ante Justinianum etiam minima) exploratissimum est. Jam eum capitis minutione amissum legari posse scribit Ulpianus hac formula, quotienscunque capite minutus erit, ei lego, vel hac, quotiens amissus erit: & tunc, si capitis minutione amittatur, repetitum videri. Verbum videri nota est legati taciti. Ego vero in duplici ea formula legatum expressum agnosco: proinde *to videri* positum puto pro *esse*: qua significatione interdum ipsos eo verbo Jurisconsultos, sciimus. Legatum tacite repetitum continent Ulpiani verba, quae sequuntur, Unde tractatum est, si cui quamdiu vivat, usufructus legatus sit, an videatur repetitus, quotiens amissus est: quod Macerianus tentat: & puto repetitum videri. Quare, si usque ad tempus sit legatus, ut puta usque ad dicennium, idem erit dicendum. Rectissime monet Accursius, accipi locum Ulpiani debere de usufructu minima capitis minutione amisso, non maxima, aut media, quoniam autem jure novo minima capitis minutione non amittitur, non alias, quam in casum restitutionis a Principe indultae, post median, aut maximam, intelligi repetitum legatum.

C A P U T V.

FIDEICOMMISSA TACITA.

IN fideicommissis solam voluntatem servari scribit Paulus in L. a fratris 127. de leg. 1., ubi sola voluntas non ea est, quae verba prorsus excludit. Solum quandoque est idem ac praecipuum, potissimum: quo sensu interpretatus est

est Servius illud Virgilii Georg. Lib. I. v. 29. *hi tua natiæ Numina sola colant* : & novissime Gerardus Noodtius in *Tit. D. de compensat. illud Triboniani* in §. 30. *Inst. de act.*, actiones compensatione ut nui ipso jure, exrepta *sola depositi actione*. Et vero Ulpianus in fideicommissis voluntatem præcipue spectandam : Maecianus voluntatem maxime valere ajunt, *L. fideicommissa* 11. §. *item* 190, & *L. quisquis* 95. de *Leg. 3.* Sine verbis, aut notu, qui vice verborum est, induci fideicommissum nequit. Deficiunt quardoque verba fideicommissorum propria, sed non deficient verba, ex quibus conjectando intelligas, voluisse testatorem relinquere fideicommissum : quo casu voluntas potior est verbis, sicque accipienda sunt Pauli, Ulpiani, ac Maeciani loca, quibus adde locum Scaevolæ in *L. Pamphilo* 39. *pr. cod.*

Sed non aliis conjecturis induci fideicommissum potest, quam iis, quæ vulgo *vehementes*, & *necessariæ* appellantur. Erit autem his locus, si qua sint verba, quæ licet secundum propriam significationem non contineant fideicommissa, non potuere tamen a testatore in alium finem adhiberi, quam ut fideicommissum induceretur. Exemplo duo proferam, unum ex *Libro V. fideicommissorum Ulpiani*, alterum ex *Libro II. decretorum Pauli*. Ait Ulpianus in *L. si cui legatum* 92. de *condit. & dem.*, Quum quædam mulier nepotēs suos heredes insinuisset, & ipsum filium coherentem filiis dedisset, eosque invicem substituisse, rogasseque filium, ut filios emanciparet, non autem rogasset, ut hereditatem eis restitueret, ex auctoritate Divi Severi emancipare eos compulsus est, hisque restituere hereditatem : & adjectum est, ut si tardius id faceret, quasi ex mora usuras præstaturum; videri enim eum, qui moram faceret emancipationi, moram restitutioni fideicommissi etiam facere. Ait Paulus in *L. qui filium* 74. ad *Trebel.*, Qui filium & filiam habebat, testamentum fecit, & ita de filia sua caverat, *Mando tibi, non testari, donec liberi tibi sint*. Pronunciavit Imperator, fideicommissum ex hac scriptura deberi, quasi per hoc quod prohibuisset eam testari, petiisset uii fratrem suum heredem faceret, sic enim accipiendam eam scripturam, ac si hereditatem suam rogasset eam restituere. In specie Ulpiani verba quibus mater filium rogavit, ut filios emanciparet non sunt quidem verba fideicommissi propria, sed non in alium finem potuere proferti, quam ut filiis hereditas restitueretur : nec in specie Pauli verba *mando tibi non testari, donec liberi tibi sint*, spectare alio poterant, quam ut filia intelligeret rogatum se, deficientibus liberis, fratri restituere hereditatem.

Inter iacta fideicommissa nullum frequentius, nullum illustrius eo, quod ex interdicta bonorum alienatione proficiscitur; qui enim alienari bona vetat, id non alia mente facit, quam ut ei, cujus gratia interdicta est alienatio, restituantur ex fideicommissis. Extat de hac re nobile Imperatorum Severi & Antonini rescriptum in *L. filiusfamilias* 114. §. *Divi* 11. de *leg. 1.*, Divi Severus, & Antoninus rescripserunt, verba sunt Marciani, Eorum, qui testamento vetant, quid alienari, nec causam exprimunt; propter quam id fieri velint, nisi invenitur persona, cujus respectu hoc a testatore dispositum est, nullius esse momenti scripturam, quasi nudum præceptum relinquunt: quia talem legem testamento non possunt dicere. Quod si

liberis, aut posteris, aut liberis, aut heredibus, aut aliis quibusdam personis consulentes, ejusmodi voluntatem significarent, servandam eam esse: sed haec neque creditoribus, neque fisco fraudi esse; nam si heredis propter creditores testatoris bona venierunt, fortunam communem fideicommissarii quoque sequuntur. Quo Severi & Antonini rescriptum recte intelligatur, longo commentario est opus. Mihi propositum est primum ejus sententiam paucis aperire, tum illud per partes expendere.

Rescripti sententia haec est, si quis testamento vetat quid alienari, interesse, num aliqua honesta de causa; personaeve alicujus contemplatione, an suo indulgens genio id faciat: priore casu voluntatem ejus omnino servandam; posteriore nulum praeceptum esse, h. e. praeceptum sine causa, quod impune negligitur: atque hinc confice, testamentum esse juris civilis, tantumque licere testatoribus, quantum eis civile jus permittit: quodque in XII. Tabulis scriptum est, *Uti quisque legasset rei suae, ita jus esto*, perinde accipiendum, quasi scriptum adjecta conditione, si secundum leges testetur. Quum autem servanda est voluntas testatoris, hanc neque creditoribus, nec fisco fraudi esse, ajunt Imperatores. Cur non debeat creditoribus testatoris fraudi esse, facile est intelligere; jure enim quum civili, tum naturali nemini debet licere jus alterius intervertere: proinde nonnisi deinde aere alieno debentur legata, vel fideicommissa, L. 1. §. denique D. ad Trebell. Sed difficile explicavi est, quod sequitur apud Marcianum, *Nam si propter heredis creditores bona testatoris venient, fortunam communem fideicommissarii quoque sequuntur*. Ita in quibusdam exemplaribus. Verum si lesionem istam retineas, quam possis rationem asserre, cur pro dimittendis creditoribus heredis bona testatoris jure veniant, non video. Accedit, quod, uti rectissime a Cujacio animadvertum, bona testatoris venire idem est, ac vendi nomine testatoris: id vero ne instantibus quidem creditoribus testatoris Leges permittunt, §. 1. *Inst. de hered. qual. & diff.*: tam longe abest, ut instantibus creditoribus heredis id fieri patiuntur. Praestat igitur ex fide libri Florentini legere in hunc modum, *Si heredis propter testatoris creditores bona veniant*. Ita bona referuntur ad heredem, & propter creditores testatoris venduntur. Bona autem heredis sunt quum ea, quae propria sunt heredis, non testatoris beneficio quaesita (tenebatur enim ante institutum ab Justiniano beneficium inventarii supra vires hereditatis), tum quae ante aditam hereditatem propria testatoris erant, ac per aditionem propria esse illius coeperunt, namque haec veneunt nomine heredis, cit. §. 1. *Inst.* Tum distrahitis bonis fideicommissio subjectis, fideicommissarii quoque, h. e. ii, ad quos voluit testator bona pervenire ex fideicommissio, communem cum herede fortunam sequuntur, h. e. pariter atque heres bonorum faciunt jacturam. Patet cum creditoribus jure quantum ad bonorum alienationem censetur fiscus, non tanquam creditor, ut male nonnulli (cur enim a creditoribus fiscum separar Marcianus eo verbo, neque creditoribus, neque fisco?) sed tanquam is, cui aliquid ex iis bonis pendendum est ob publicam causam. Perbella est conjectura Cujacii, spectasse Marcianum ad L. Julianam, qua fiscus vicissimam hereditatis capiebat, nisi quis liberorum, aut parentum testamento heres scriberetur. Vicissimarium istud vedigat primum investum Lege

Papia Poppaea caducaria scribit Vine. Gravina *De Leg. & Scis* §. 60. Sed quia Lege de vicesima ista actum, eadem actum de tabulis testamenti statim aperiendis, testis est locupletissimus Paulus *Lib. 4. Sent. tit. 6.*; de tabulis autem aperiendis non primum Lege Papia Poppaea caducaria actum, scimus. Recte Heineccius ad *L. Jul. & Pap. Lib. 3. cap. 1. num. 2. L. Juliam vicestimariam* Lege Julia Poppaea caducaria paulo antiquiorem facit. Sed nihil est causae, cur Tribonianus incuriam Cujacius accuset, quod juris antiqui vestigium reliquerit in Pandectis; namque etiam post abolitum vicimarium illud vestigial recte potest locus Marcianus ad quodvis aliud vestigial referri, quod ex bonis privatorum fisco debetur.

Habes sententiam rescripti. Nonne in singulis ejus partibus consistam. Ait Marcianus, nihil esse opus nudum testatoris praeceptum servari, nudumque praeceptum interpretatur, quod nulla causa, nullo personae respectu relictum est. Eadem scripta sunt apud Scaevolam in *L. pater 38. §. Julius 4. & L. Lucius 93. pr. de leg. 3.* Haec mire illustrat locus Pomponii in *L. Quintus 7. D. de ann. leg.* In testamentis quaedam scribuntur, quae ad auctoritatem dumtaxat scribentis referuntur, nec obligationem pariunt. Haec autem talia sunt: si te heredem solum instituiam, & scribam, uti monumentum mihi certa pecunia facias: nullam enim obligationem ea scriptura recipit, sed ad auctoritatem meam conservandam poteris, si velis, facere: aliter atque si coherede tibi dato, idem scripsero, nam si te solum damnasset, uti monumentum facias; coheres tuus agere tecum poterit familiae erescundae, uti facias: quoniam interest illius: quin etiam si utriusque fidei sitis hoc facere, invicem actionem habebitis. Sive unus dato coherede, sive uterque heres iubeatur facere, monumentum fieri interest heredis, quem jus monumenti sequitur, uti Ulp. inquit in *L. his consequenter 18. §. 2. fam. eresc.*: quo fit, ut divisa etiam hereditate, experiri recte possit coheres actione praescriptis verbis, cit. §. 3. Pergit Pomponius, Ad auctoritatem scribentis hoc quoque pertinet, quum quis iussit in municipio imagines poni: nam si non honoris municipii gratia id fecisset, sed sua: actio eo nomine nulli competit. Ecce tum primum incipit actio competere, quum incipit aut coheredis, aut municipii interesse, praeceptum testatoris servari. Saepe Romani imagines in municipio ponendas legabant ad honorem municipii: quo casu publice intererat eas poni: unde si eas heres inter praefinitum a testatore, aut Praefide tempus non poneret, utrasque Reipublicae pendere compellabatur, *L. quum quidam 17. §. ult. de usur. & L. si legatum §. pr. de operib. publ.* Quid est autem, quod in cit. *L. 7. sub finem* Pomponius subjicit, In omnibus, ubi auctoritas sola testatoris est, neque omnimodo spernenda, neque omnimodo observanda est: sed intervenit iudicis haec omnia debent, si non ad turpam causam ferunt, ad effectum perducit? Ecce nudum praeceptum non omnino negligitur. Deficit quidem actio, sed praestio est officium iudicis. Qui huic difficultati satisfecerit, inveni profecto neminem. Mea de hac re conjectura haec est. Qui testantur de sua quidem re statuunt, sed in alienum tamen tempus, quo mors dominium jam solvit. Quum id pati ratio juris gentium non possit, id illi mera juris civilis indulgentia faciunt. Quod autem civile jus praeter jus gentium est, hoc

hoc ipso est interpretatione coangustandum: proinde quum multo sit gravius heredem rerum hereditarium jam dominum sine causa vetare, ne alienet, (quod facere jam dominis per jus gentium licet, quodque vel ipsae Summae Potestates non nisi publicam ob causam vetant) multo inquam sit gravius, quam heredem jubere monumentum certa pecunia facere, aut imagines ponere in municipio; fortasse hinc factum, ut posterius hoc praeceptum arbitrio judicis permiserint Jurisconsulti, prius illud omnino neglexerint. Conjecturam hanc meam non tanti facio, ut non debeam conari meliora.

Ait Marcianus, *nec causam exprimunt, propter quam id fieri velint, nisi invenitur persona, cujus respectu hoc a testatore dispositum est*. Separare videtur Jurisconsultus causam a persona, quasi ad tuendum interdictum testatoris alterutrum sit satis, aut causam exprimi, aut inveniri personam: sicque Marciani locum plerique interpretantur. Rectius alii, quorum numero est non ignobilis interpretes juris Aemilius Ferretus in *cit. §. Divi*, nihil esse aliud *causam* contendunt, quam *personae respectum*. Et vero quum eorum quae testamento scribuntur, nihil queat animo fingi, quod spectare alio possit, quam ad personas, quis fingere interdictae bonorum alienationis causam potest, quae non sit certae alicujus personae, certive personarum generis respectus? Id praeclare meo judicio confirmant verba ipsa Marciani. Praeceptum testatoris nudum esse inquit, si *causam ille non exprimat*: rursus ait nudum esse, si non *inveniat personam, cujus respectu relatum est*: tum ut ex contrariis praecepti non nudi exemplis, quid sit praeceptum nudum, clarius intelligatur, sola subijcit exempla personarum, veluti liberorum, posterorum, libertorum, heredum. Si aliud causa, aliud esset persona, non sola personarum exempla, sed vel unum causae exemplum subijceret Marcianus. Igitur solus *personae respectus facit*, ut praeceptum sit non nudum. Nomine autem personae personam quamcumque intelligo, modo non sit persona ipsa testatoris. Conjecturas auctor mihi Pomponius in *cit. l. 7. de ann. leg.*, ubi de imaginibus in municipio ponendis agens ex eo praecepto obligationem nasci ait, si pon eas jussit testator honoris municipii gratia, non sua. Ex mihi optima istius rei ratio succurrit. Valere testamentum incipit post mortem; ejus autem, qui desit esse inter homines, nihil interest eorum, quae inter homines aguntur. Tam adscriptis Marciani verbis duos diversos personae designandae modos subtiliter observat Ferretus, alterum, si *exprimatur persona, propter quam interdicta est alienatio a testatore*, alterum, si *persona inveniat, cujus respectu hoc a testatore dispositum est*: ex prior modo personam dare causam praecepto, quia non aliam ob causam alienari rem vetuit testator, quam quia ei personae voluit consultum: posteriore non eam personam praecepto causam dare, quia non ut ei consuleret, alienationem vetuit testator; respici tamen eam a testatore, ut rem habeat, si contigerit alienari; demum prioris modi exemplum esse, si testator rem volens in sua familia conservari, ejus alienationem vetet: in quo exemplo familia causam dat interdicto: posterioris exemplum esse, si rem prohibeat alienari nulla expressa persona, cui eo interdicto prospectum vellet, tum personam nominet, ad quam vellet rem, si alienetur, transferri, ut

apud

apud Ulpianum in *L. si quis ita* 3. §. 4. *de adm. leg.*: in quo exemplo dat interdictio causam is, in quem res alienata transfertur. Ferretur praei-
 verat Accursius in *cit. Divi v. respectu*. Ego ab iis scorum sentio; quis
 est enim, qui latine sciens non videat, idem sonare *res propter quam*, ac
res cuius respectu? Formula haec non minus, quam illa eundem interdicti
 finem designat. Sed nonne obstat Marciano Ulpianus. in *cit. L. 3. §. 4.*
 Ulpiani verba sunt, *Si quis ita legaverit: heres meus Titio fundum dato:*
& si Titius eum fundum alienaverit; heres meus eundem fundum Sejo dato:
oneratus est heres. (i. e. heres tenetur Sejo dare fundum, huiusve aesti-
 mationem). *Non enim a Titio fideicommissum relatum est, si alienasset fun-*
dum, sed ab herede ejus legatum est. Heres igitur debet, doli exceptione
 posita, (alibi legitur opposita) prospicere sibi cautione a Titio de fundo non
 alienando. Ecce vetatur Titius fundum alienare nullo personae respectu,
 quae causam dederit interdicto: & debet tamen Titius, quasi non nudum
 praeceptum sit, de fundo non alienando cavere. Respondeo, propositis ver-
 bis non vetari Titium alienare. Fundi alienatio in conditione est: quae
 autem sunt in conditione, ea non esse in dispositione, fuisse ac solide de-
 monstravero *cap. 1. Commentarii de condit. & demonstrat.* Jam quod Marcia-
 nus non expressit a testatore causa interdicti, eam, quo interdictum valeat,
 inveniri oportere inquit, ex eo colligitur, satis esse idoneam aliquam oc-
 currere conjecturam, quia causa illa inveniat: quae communis interpre-
 tum traditio ea ratione confirmatur, quod absurdum sit, posse fideicom-
 missum ipsum conjectura induci, causam fideicommissi non posse. Conje-
 ctura autem a dignitate rei, aliisque circumstantiis capienda est. Finge a
 testatore interdictum, ne praedium alienetur, in quo majorum sepulchra,
 aut imagines sunt, *L. libertus* 36. *D. de bon. libert.*, & *L. 22. C. de*
adm. tut., vel ne quid aliud alienetur, quod sit vetus familiae monimen-
 tum: namque haec posterorum interest habere, *arg. L. si in emptionem* 35.
D. de minor. Et sunt tamen nonnulli, quos in contrariam sententiam ad-
 duxit *L. pater* 38. §. *Julius* 4. *de leg. 3.*, ubi a Julio Agrippa cautum
 inquit Scaevola, ne ullo modo reliquias ejus, & praedium suburbanum, aut
 domum majorum heres ejus alienaret: tum easdem res in extraneos transla-
 tas: & hoc tamen esse nudum praeceptum scribit, ac nihil proponi contra
 voluntatem defuncti factum. Obicem amovere non levis est operae. De
 domo majorum non laboro; namque legendum est, majorem, ut in Flo-
 rentino, & in optimis quibusque exemplaribus scriptum est. Nec multum
 laborandum de suburbano. Domus, quae prae altera minori dicitur major,
 & suburbanum illud non tanti erant, ut alienatione interdicta consulum
 posteris videretur. Quod de interdicta reliquiarum testatoris alienatione di-
 citur, id me non mediocriter turbat. Nec possum in iis conquirere,
 quae in mentem venerunt Melchiori de Valentia in *cit. §. Divi num. 9.*,
 reliquias testatoris esse non ejus sepulchrum, quod licet alienari vellet te-
 stator, alienari religio vetabat; sed quae bona reliquisset post mor-
 tem: porro parvula aut inter suburbanum, & domum majorem po-
 sita specialem testatoris affectionem excludi, quia suburbanum, domusve
 alienationem arbitrio heredis permini. Ne in istis conquiram, ve-
 rat ratio quum Latini sermonis, tum juris. Non bonorum, sed testato-
 ris

familia doret. Idem multorum iudicio dicendum est, si quis, nulla etiam facta mentione familiae, certum aliquod corpus alienare vetet, quod illustre, ac perpetuum sit familiae ornamentum. Dixi, certum corpus, nam si bona universa, partemve bonorum, in quibus est corpus illud, certas personas alienare testator vetat, interdictum erit in personam, ipsa enim ejus corporis confusio cum aliis conjecturam illam voluntatis excludit. Ex dictis colligitur, interdictum, quod in rem est, perpetuum esse, temporarium vero, quod est in personam. Sed de interdicto illo perpetuo exiat Justiniani Novella 159. Hierius quidam testamento ita caverat, *Suburbium nepoti meo dari volo, nulla licentia eidem concedenda, aut iis, qui vel ex hoc meo, vel ejusdem nepotis testamento in eadem jura successerint, ut idem suburbium dividant, permittente, aut alicui donent, aut quocumque titulo alienent, propterea quod per omnia, & perpetuo velim permanere in mea familia, neque unquam de meo nomine egredi.* Ecce interdictum in rem. Et Justinianus tamen cap. 2. ejus Novell. interdictum illud ultra quatuor generationes produci vetat: tum cap. 3. Haec, inquit, non tantum praesentis causae decisio est, sed & reliquarum, in quibus hujusmodi prohibitione facta tot successiones praeterierint. Scio non fuisse Novellam illam apud multos Europae gentes receptam. Sed eam tanquam partem juris recepti Nostros laudant, & nominatim de Marinis Resolut. Lib. 1. cap. 131. num. 7., & Rodgerins in citat. capit. mel. 13. & 14. Eo tantum casu cessante Novellam ajunt, si qua verba sint perpetuitatem atque infinitatem significantia. Sed verba id genus in testamento Hierii non deerant: & ea tamen ultra quarum gradum non protenduntur. Ego igitur sic sentio, Novellam cessare, si manifestissime sit voluntas testatoris, veluti si interdicta in gratiam familiae bonorum alienatione jubeat, familia prorsus deficiente, bona illi restitui ex fideicommissio.

Jam vero utitur Marcianus verbo alienandi: quod verbum quam late pateat, docet Justinianus in *L. ult. C. de reb. alienis non alien.*, Sancimus, siue lex alienationem inhibuerit, siue testator hoc fecerit, siue pactio contrahentium hoc admiserit, non solum dominii alienationem, vel mancipiorum manumissionem esse prohibendam, sed etiam usufructus dationem, vel hypothecam, vel pignoris nexum penitus prohiberi: Similique modo & servitutes minime imponi, nec emphyteusicos contractum, nisi in his tantummodo casibus, in quibus constitutionum auctoritas, vel testatoris voluntas, vel pactio tenor, qui alienationem interdixit, aliquid tale fieri permiserit. Sed quod de usufructus datione, ac servitutis impositione inquit Justinianus, id ita accipiunt interpretes, si usufructus, aut servitus constituatur ad vitam ejus, cui conceditur, non si constituatur ad vitam concedentis, qui dato usufructu, aut imposita servitute, donec vivat, videtur jus suum, non jus aliorum fideicommissariorum transferre. Vide Pereium in cit. ult. Cod. num. 5. Idem Justinianus Nov. 119. §. ult. docet, testatoris praecepto de fundo legato non alienando etiam falcidiae deductionem contineri. Et vero deductionem falcidiae alienationem partis esse, manifestissimum est. Num heredis extranei institutio alienandi vocabulo comprehendatur, vix quaeestio est, quam egregie praeter caeteros tractat Faber Lib. 14. conj. a cap. 6. ad 12. Accusatus, quem plerique interpretum sequimur, comprehendi

ait. In hanc sententiam vulgo laudantur *L. peto 69. §. fratre 3. de leg. 2.*, & *L. pater 38. §. fundum 3. de leg. 3.* Rectius Faber duos casus distinguit, alterum, si praecepto de non alienando addita sint verba fideicommissi, veluti si testator velle se dicat, bona in familia conservari, aut nunquam de suo nomine exire: alterum, si satis habeat bonorum alienationem prohibere. Et posteriore hoc casu alienandi vocabulo comprehendit negat heredis extranei institutionem, quae proprie non est alienatio, unde alienare, & exterum heredem instituere separantur in *cit. L. 69. §. 3. de leg. 2.*: priore illo-ait comprehendit propter expressam testatoris voluntatem. Moveitur Faber Papiniani loco in *L. qui solidum 78. §. praedium 3. de leg. 2.*, Praedium pater de familia liberorum alienari, verbis fideicommissi prohibuit. Supremus ex liberis, qui fideicommissum petere potuit, non idcirco minus offensionem in bonis suis reliquisse visus est, quod heredem extrarium sine liberis decedens habuit. Ei, qui supremus sine liberis decessit, heredem extrarium instituere permittitur, non aliis. Cur autem aliis non permittitur, ea causa est, quod pater alienari bona prohibuit adiectis verbis fideicommissi. Moveitur itidem iis ipsis locis juris, quae laudant Accursiani; namque ideo prohibitus alienare vetatur extraneum heredem instituere, quia apud Papinianum in *cit. §. fratre 3.* testator non solum petierat, ne domus alienaretur, sed etiam ut in familia relinqueretur: itidemque apud Scaevolam in *cit. §. fundum 3.* praecepto de non alienando verba haec addiderat, Ita enim fiet, ut fundus de nomine vestro nunquam exeat.

Demum ait Marcianus, liberis, aut posteris, aut libertis, aut heredibus, aut aliis quibusdam personis: quae verba certas personas, aut incertas quidem, sed ex certo genere designant: quod omnino est necessarium, quo valeat praeceptum de non alienando. Hinc se facile exserit ratio ejus, quod a Scaevola responsum in *L. pater 38. §. 7. de leg. 2.*, Mater filios heredes scripserat, & adjecit: praedia, quae ad eos ex bonis meis pervenitura sunt, nulla ex causa abalienent, sed conservent successionem suam, deque ea re invicem sibi caveant, ex his verbis quaesitum est, an praedia per fideicommissum relicta videantur. Respondit, nihil de fideicommissum proponi. Praedia mater reservari voluit successionem, h. e. successoribus filiorum suorum: hi autem incerti erant, & ex genere incerto: proinde matris praeceptum pro nudo habitum. Ita Cujacius in *cit. §. Divi*. Quod idem Cujacius scribit in *cit. L. 38. §. 7.*, ideo Scaevolam respondisse, nihil de fideicommissum proponi, quia quum mater filios de ea re invicem sibi cavere voluisset, non videbatur serio voluisse fideicommittere; id vix est, ut cuiquam probetur. Tamen nulla ex causa serio matrem voluisse ostendit, ne praedia e successionem filiorum exirent, & consequenter fideicommittere voluisse: cautio autem illa, cujus necessitatem filiis imposuit, certum illum antea luculentius confirmat. Quod vero successorum prorsus incertum est genus, ideo matris praeceptum, quum de non alienando, tum de cavendo nudum praeceptum est.

CAPUT VI.

VERBA CONSILII.

Fideicommissum secundum ea, quae dicta sunt, obligatorium est: consilii nulla est obligatio, *L. consilii 47. de reg. jur.* Fit autem interdictum, ut testator verbis utatur, quae sunt quandoque consilii verba, quandoque etiam fideicommissi, veluti *mando*, & similia. Consilium a fideicommissis separabis hac regula. Qui sic loquitur, ut de sua ipsa re statuatur, is certe fideicommissum: qui sic loquitur, ut alteri potius demonstret, quemadmodum de ejus re statui expediat, is certe consilium dat. Regulam illustrant duo Pandectarum loci, alter Pauli, alter Papiniani. Ait Paulus in *L. qui filium 74. ad Trebell.* Qui filium, & filiam habebat, testamentum fecit, & ita de filia sua caverat, *mando tibi non testari, donec liberi tibi sint.* Pronunciavit Imperator, fideicommissum ex hac scriptura deberi, quasi per hoc quod prohibuisset eam testari, petisset, ut fratrem suum heredem faceret. Contra Papinianus in *L. quum pater 77. §. mando 24. de leg. 2.* Mando, inquit, filiae meae pro salute sollicitus ipsius, ut quoad liberos tollat, testamentum non faciat; ita enim poterit sine periculo vivere. Fideicommissariam hereditatem forori coheredi non videri relictam apparuit. Fere eadem verba sunt in utroque testamento: & iudicio tamen Pauli fideicommissum continent: iudicio Papiniani consilium continent, non fideicommissum. Sed discriminis ratio haec est. Qui filiae fratrem habenti mandat non testari, donec liberi ei sint, videtur id fratris gratia mandare, sicque de sua ipsa re testatur, instituit in fratris gratiam fideicommissum. Neque obstat, quod praeceptum, quo quis testari vetatur, tanquam contrarium juri publico, sit pro non scripto, namque, uti scite Cujacius in *cit. L. 77. §. mando*, id verum est, si directo heres testari prohibeatur, non si interdictum eo spectet, ut bona ad alios transeant ex fideicommissis. In specie autem Papiniani vetat pater filiam testari non alterius, sed filiae ipsius gratia: quo illud pertinet, pro salute sollicitus ipsius, itemque illud, ita enim poterit sine periculo vivere. Ita non de sua ipse re statuit, nec filiae admittit arbitrium testandi, sed filiam monet, ne quoad ei liberi non sint, faciat testamentum. Hinc subijcit Papinianus, Quod non de pecunia sua testari, sed obtentu consilii derogare juri, testamentum fieri prohibendo, voluit. Olim mulieres tantum per nuncupationem testatas, veterum nonnullorum testimonio probat Mevillius *Obs. Lib. 2. cap. 1.*, tum facile explicat quid illud esset, quod in specie Papiniani pater timeret. Verebatur is, ne heredes, quos filia palam nuncupaverat, metuentes, ne testamentum mutaret, ejus vitae insidias ponerent. Regulam alteram proponit Ghiseius *de jur. fideic. Lib. 3. cap. 16.* in haec verba, Fideicommissum est, non consilium, quovis ii, quorum respectu datur consilium, nominantur, aut demonstrantur. Regulam confirmat Scaevolae loco in *L. Lucius 88. §. matre 16. de leg. 2.* Matre & uxore heredibus institutis ita cavit, A te uxor carissima peto, ne quid post mortem tuam fratribus tuis relinquas: habes filios sororum tuarum, quibus relinquas. Scis, unum fratrem tuum, filium nostrum occidisse, dum ei rapinam facit, sed

sed & alius mihi deteriora fecit. Quaero, quum uxor intestata decessit, & legitima ejus hereditas ad fratrem pertineat, an sororis filii fideicommissum ab eo petere possunt? Respondi, posse defendi, fideicommissum deberi. Rapiam facere interpretantur hoc loco nonnulli, quorum numero est Gothofredus, rapas serere, aut locum iis serendis parare. Verum quid vetat, ne rapinam facere secundum vulgarem significationem interpretatur rapere, ut apud Tullium ad Att. lib. 14. epist. 145. Sed rem ipsam agamus. Verba, Habes filios sororum tuarum, quibus relinquis certe consilium continent: quod vero demonstrantur ii, quorum respectu consilium datur, (hi sunt filii sororum) posse defendi ait Scaevola fideicommissum deberi. Confirmat iidem loco Vlpianus in L. fideicommissa 15. §. haec verba 9. de leg. 3., Haec verba, te fili rogo, ut praedia, quae ad te pervenerint, pro tua diligentia diligas, & curam eorum agas, ut possint ad filios tuos pervenire, licet non satis exprimunt fideicommissum, sed magis consilium, quam necessitatem relinquendi: tamen ea praedia in nepotibus post mortem patris eorum vim fideicommissi videntur continere. Hoc etiam loco demonstrantur ii, quorum respectu consilium datur: suntque testatoris ex filio nepotes. Ego Chiffletianam istam regulam omnino falsam pronuncio; nulla enim potest ratio inveniri, cur eorum demonstratio, quorum respectu consilium datur, facere debeat, ut nudi consilii verba contineant fideicommissum. Verbis iis apud Vlpianum in L. testatorem 68. §. 1. de leg. 3., Curate agros attendere, & ita fiet, ut filius meus filios vestros vobis condonet, demonstrantur ii, quorum respectu consilium filio datur; & negat tamen Vlpianus fideicommissum potui posse. Porro verbis iis apud Scaevolam in L. generali 32. de usu & usufr. leg., Fanti proprietatem puto te consequuntur, si non conveneris cum herede meo, sed potius concordaveris, demonstratur persona, cujus respectu consilium datur: & respondit tamen Scaevola, nihil proponi, cum ei proprietates fundi relicta videretur. Duo haec juris loca faciunt, ut Chiffletianam regulam sanus nemo sequatur. Sed rationem invenire, cur Scaevola, & Vlpianus in cit. L. 88. §. 16., & cit. L. 15. §. 9. fideicommissum deberi scripserint, res est multae operae, ac laboris. De Vlpiano meum judicium hoc est. Scripserat testator, te fili rogo, ut praedia, quae ad te pervenerint, pro tua diligentia diligas, & curam eorum agas. Certe haec sunt verba fideicommissi. Addiderat & haec testator, Ut possint ad filios tuos pervenire. Haec magis consilii verba sunt, quam fideicommissi: quod vero adnectantur verbis fideicommissi, quae proxime praecedunt; eo fit, ut vim habeant fideicommissi: alioqui frustra testator consilium de praediis curandis tam anxie rogasset. Preces illae voluisse testatorem probant praedia nepotibus conservari. Quod autem ad Scaevolae locum pertinet, ad tempus subfisso; nam quae Accursius, aliique quum veteres, tam recentiores ejus loci interpretes habent, ea sunt omnia meo judicio inepta.

COMMENTARI

P A R S III.

DE REGULIS, QUIBUS FIDEICOMMISSA DEFERUNTUR.

Tertia haec pars Commentarii ad fideicommissa pertinet, quae pluribus relinquuntur nomine colectivo comprehensis, veluti familiae, aut cognationi. Regulae autem, quibus deferuntur, sunt in *L. omnia* 32. §. in fideicommissis 6., *L. pater* 69. §. fratre 3. de leg. 2., ac similibus. Ait Modestinus in cit. *L.* 32. §. 6., In fideicommissis, quod familiae relinquatur, hi ad petitionem ejus admitti possunt, qui nominati sunt: aut post omnes eos extinctos, qui ex nomine defuncti fuerint eo tempore, quo testator moreretur, & qui ex his primo gradu procreati sint: nisi specialiter defunctus ad ultiores voluntatem suam extendit. Testatorem fingit Cuius a filio herede scripto petisse ne domus alienaretur, sed ut ea Lucio Titio, & Lucio Cuspicio aliisque ex eadem familia relinqueretur. In hac specie, quum fideicommissi dies cedit, ad petitionem admitti inquit primum eos, qui nominati sunt, tum alios, servata gradus praerogativa. Sed longe alia est species ejus loci ex sententia veterum, A testatore relicta familiae domum veteres ponunt nulla intercedente opera heredis, veluti hac formula, Domum familiae relinquo, aut hac familiam substituo: & ita loquitur Modestinus, In fideicommissis, quod familiae relinquatur. Quam sententiam verbis Modestini Cuius affingit, eam discrete tractat Paphianus in cit. *L.* 69. §. 3., Fratre herede instituto, petit ne domus alienaretur; sed ut in familia relinqueretur: si non praeerit heres voluntati, sed domum alienaverit, vel ex tunc herede instituto decesserit, omnes fideicommissum petent, qui in familia fuerunt. Quid ergo, si non sint ejusdem gradus, ut res temperari debet, ut proximus quisque primo loco videatur invitatus, nec tamen id eo sequentium causa propter superiores in posterum laedi debet, sed ut proximus quisque admittendus est, si paratus sit cavere: (heredi vel heredi heredis, ut in *L.* unum ex familia 67. §. 3. & 6. de leg. 2.) se familiae domum restitutum. Quod si cautio non fuerit ab eo, qui primo loco admissus est, desiderata, (hic si heres per errorem non exegerit cautionem) nulla quidem eo nomine nascitur conditio (subaudi indebiti, quasi heres, qui non exacta cautione praestitit fideicommissum indebitum solverit: quod verum non est, quia cautionis praestandae necessitas solutionem tantum moratur, non etiam indebitum facit, ut eleganter Cuius in cit. §. 3. Y.), sed, si domus ad exterum quandoque pervenerit, fideicommissi petitio familiae competit. Cautionem autem ratione doli mali exceptionis puto iuste desiderari: quamvis nemo alius ulterior ex familia superfit. Verum, petit ne domus alienaretur, sed ut in familia relinqueretur intelligi non possunt, nisi ibidem intelligas, heredis opera opus esse.

Mul-

Multis autem differre alteram ab altera specie communis veterum opinio est apud Fabrum *L. 14. Conject. cap. 14. & 15.* Quum testator fideicommissum non interposita heredis opera reinquit, fideicommissum est purum, multiplex, & ut nostrorum verba utar, *graduale*: purum, quia nulla ei conditio inest: multiplex, quia quot sunt personae, tot sunt fideicommissa: *graduale*, quia de gradu in gradum desertur in infinitum. Contra quum testator interposita heredis opera fideicommissum reliquit, fideicommissum est conditionale; inest enim ei conditio, si alienetur: nec multiplex est, quia potest heres vel unum ex familia eligere: nec *graduale*, quia ordinem graduum pervertere non prohibetur: non servata autem conditione extra familiam non alienandi; incipit esse multiplex, & *graduale*: atque hoc est fideicommissum illud, quod *contravenionale* vulgo appellatur.

Haec, quae ab interpretibus traduntur, vera esse, paucis demonstrabo. De fideicommissis pro certo loquitur Modestinus in *cit. L. 32. §. 6.*: illud autem *multiplex* esse ostendit eo verbo, *Hi ad petitionem ejus admitti possunt, qui ex nomine defuncti fuerint*: esse itidem *graduale* ostendit eo verbo, *Et qui ex his primo gradu procreati sint*. De fideicommissis conditionali loquitur Papinianus in *cit. L. 69. §. 3.*, eique conditionem non alienandi inesse ostendit scribens, eos qui in familia sunt sub ea conditione ad petitionem admitti, si domum heres extra familiam alienaverit. Porro illud nec *multiplex*, nec *graduale* esse ostendit Marcianus in *L. filiusfam. 114. §. quum pater 15.*, & §. *sed si omnes 17. de leg. 1.*; proposita enim §. 15. fideicommissi conditionalis formula, haec subjicit §. 17.: *Verum est in familia reliquisse, licet uni reliquisse*. Deum non servata conditione incipere esse *multiplex*, & *graduale* ostendit idem Papinianus scribens; eo casu omnes, qui in familia sunt, petere fideicommissum posse, sed, ne omnibus admittis fideicommissum inutile fiat, ita rem temperari debere, ut proximus quisque videatur invitatus; nec tamen ideo sequentium causam propter superiores in posterum laedi. Hoc idem confirmant quae Papinianus subjicit de cautione ab eo praestanda, qui tanquam proximior admittitur, se rem fideicommissis subjectam familiae restitutum: quam cautionem iuste desiderari ait *ratione doli mali exceptionis*, (h. e. opposita petenti fideicommissum exceptione doli mali) *quamvis nemo alius ulterior ex familia supersit*, quia, ut rectissime Cujacius, alii subnasci possunt. Quae Faber contra disputat *cit. cap. 14.*, ea collatis superscriptis Modestini, ac Papiniani locis facile refelluntur.

Ex hactenus dictis facile est regulas nosse, quibus deferuntur fideicommissa. Sunt autem hae: Conditionale fideicommissum ei desertur, quem is elegerit, a quo relatum est, dum tamen qui eligitur, sit de genere vocatorum. Fideicommissum sive ab initio purum, multiplex, & *graduale*, sive multiplex, & *graduale* ex postfacto, iis desertur, quibus hereditas ab intestato.

Suboritur questio, num proximus sit is, qui testatori, a quo fideicommissum est institutum, an qui proximus est possessori ultimo decedenti. Quaestioni est locus, quum de voluntate testatoris non constat. Bartolus, Baldus, & plerique antiquiorum testatori proximum praetulerunt: cumque

his sensit Faber de err. Pragm. dec. 54. err. 7. Contra ultimo decedenti proximum praetulit Bartholomeus Socinus, cui ab Alciato subscriptum in *L. pronuntiatio* 195. §. familiae 2. de V. S. In utramque sententiam laudantur cit. *L. 32. §. 6.*, & cit. *L. 69. §. 3. de leg. 2.*, quod argumento est, nihil utroque juris loco definiri. Et definitur certe nihil. Est igitur sola ratione pugnandum. Et opinioni quidem Socini ea favet ratio, quod in fideicommissis succeditur, ut in hereditatibus, quae ab intestato deferuntur; in his autem praefertur, qui proximior est ultimo morienti. Ex adverso opinioni Bartoli ea favet, quod in fideicommissis testatori succeditur, quod fideicommissum instituit, non possessori fideicommissi. Socini opinio receptior est in foro, & mihi rem ad juris regulas exigenti posior videtur. Et vero scriptum est apud Celsum in *L. qui quadraginta* 2. D. ad Trebell., heredem, a quo fideicommissum relictum est; hoc rogatum intelligi, ut fideicommissarium suo loco constituat: Ergo fideicommissarius locum ejus subit, a quo accipit fideicommissum: est autem rationi consentaneum, ut ejus locum subeat, qui ei proximior est. Ita non obstat, quod in fideicommissis testatori succeditur; nam succedit quidem fideicommissarius testatori, quia ex voluntate testatoris succedit; sed succedit tamen subeundo locum alterius; sicque testatori non immediate succedit. Quin quum testator possessorem fideicommissi praeulerit, huic proximior intelligitur praetulisse.

Jam ordo iste graduum servandus est, nisi quos nominaverit testator. A testatore nominatos alius praeferrere, ait Modestinus in cit. *L. 32. §. 6.*: cuius rei ratio ex communi usu petenda est. Plerumque quos magis diligimus, eos proprio nomine vocamus. Num autem a testatore specialiter nominati ordine scripturae praeceant, an sequantur collectivo nomine vocatos, ut in hac formula *substituo familiam, & Gajum, ac Seium*, nihil referre docent Bartolus, Castrensis, Alciatus, alique apud Fular. de *subst. quaest.* 359. num. 3.; nam praesumptio ex speciali nominatione enascens multo est vehementior ea, quae enascitur ex ordine scripturae: Argumentum, quod illi in eam rem ducunt ex *L. quotiens* 34. de usufr. mirum quam leve est. *Quotiens*, inquit Julianus, duobus usufructus legatur ita, ut alternis annis utantur; si quidem ita legatus fuerit Titio, deinde Maevio legatum datum. Quis non videt, praeferrere Titium, quia & specialiter nominatur, ut Maevius, & praestitit etiam ordine scripturae? Idoneum argumentum posse ex eo duci videtur, quod ordo scripturae non semper ex certo scribentis consilio proficiscitur: specialis autem certi hominis nominatio ut plurimum est propensae in eum voluntatis indicium.

Jam prope exciderat discrimen aliud inter purum, & conditionale fideicommissum. Purum nullo gradu concluditur: conditionale non ultra quartum protenditur ex nova Justiniani constitutione in Nov. 159, de qua vid. a nobis *disla Parte 2. hujus commentar. cap. 5.*

Finem tertiae huic parti imponat altera Justiniani Constitutio in *L. ult. C. de verb. sign.*, ubi in legatis, & fideicommissis, sive puris, sive conditionalibus familiae relictis, quae sit illius vocabuli vis, exponit his verbis, *Si quis per suum elogium* (elogium pro testamento saepe ab Justiniano usurpatum: suntque apud Brissonium exempla) *fideicommissam familiae relique-*

commisso subiecta veniunt, bene semper emunt emtores, sive fideicommissum ignorent, sive sciant: cujus rei ea est ratio, quod non alias fideicommissio est locus, quam deducto aere alieno, proinde scientia fideicommissi, quod jure non est fideicommissum, non est mala fides. *Cujac. in cit. L. 38.* Quod multi hoc ipso Scaevolae loco moti docent apud Fufar. *de subst. quæst. 541. num. 11.*, bona fideicommissio subiecta tum demum jure venire, quum creditores instant; id quemadmodum possit ex eo loco colligi non video. *De creditoribus dimittendis, ac debito exsolvendo* loquitur Jurisconsultus: dimitti autem creditores, exsolviq; debita recte dicuntur, sive creditores instant, sive non. Id unum convenit officio boni patrisfam., qualem in rebus fideicommissio subiectis gerere se heres debet, ut bona fide, & non in fraudem eorum, qui ad fideicommissum vocantur, debita exsolvat: huic autem officio deesset, si creditores dimissurus, quibus nullae, aut leviores usurae solvuntur, praedia venderet, quae multo uberiores fructus ferunt. Exceptionem subijcit Scaevola, *si non erat aliud in hereditate, unde heres debitum exsolvisset.* Ergo si distraxis mobilibus exsolvi debitum poterat, argumento ducto a contrario sensu, dicendum est, si distracta sint praedia, non recte contractum, nec bene ab emtoribus emtum, adeoque jus esse liberis, cognatisve fideicommissum persequi adversus emtores, habet enim, ut bene Cujacius, persequentio fideicommissi effectum vindicationis. Porro quum ex eo, quod Scaevola certum corpus fideicommissio subiectum ponit, tum ex superscriptis verbis, *si non erat aliud in hereditate*, verum esse intelligis, quod satis multi docent apud eundem Fufarium *num. 19.*, non bene contractum, si aliae res erant in hereditate non subiectae fideicommissio.

Debitorum, quae ipse fideicommissi possessor contraxit longe alia est ratio. Et miror sane a non paucis iraditum apud Fufar. *quæst. 542. num. 1.* licere etiam pro exsolvendis debitis possessoris fideicommissi bona fideicommissio subiecta alienari. Quid magis absurdum? Si id admiseris, quis est, qui non facile aes alienum contraheret impuno illudens voluntati testatoris? *De hereditariis creditoribus dimittendis* loquitur Scaevola in *cit. L. 38. pr.*: dici autem hereditarii non possunt creditores possessoris fideicommissi. Fraudi tot interpretibus fuit mendosa lectio jam superius exposita, *L. 114. §. Divi 11. de leg. 1.*, *si propter heredis creditores bona testatoris venirent*: pro quibus legendum dixi, ut in libro Florentino, *si heredes propter testatoris creditores bona venirent.*

C A P U T II.

LEGITIMA, ET TREBELLIANICA.

AD debita testatoris proxime accedunt legitima, ac Trebellianica; quid enim interest, num aliquid facto ipsius testatoris, an jure debeatur. Ergo si hereditas tota sit fideicommissio subiecta, aut tanta ejus pars, ut ex reliqua deduci legitima, aut trebellianica non possit, alienari, aut adjudicari tanta bonorum pars potest, quanta in eam rem est opus,

Y,

ac

ac si forte contigerit alienasse heredem partem bonorum, hanc ei pro ea parte, quae legitimae, aut tribellianicae respondet, in legitimam, aut tribellianicam imputari est aequum, *L. Marcellus 3. §. res quae 9. ad Trebell.* Non erit tamen deductionibus istis locus, si testator vel tribellianicam deduci prohibuerit. vel ipsam legitimam subjecerit fideicommisso, adhibita cautela, quam dicunt Socini, heresque adierit hereditatem. Sociniana autem cautela in eo est posita, ut testator legitimam subiciat fideicommisso, heredisque arbitrio permittat aut hereditatem non deducta legitima adire, aut legitimam quidem deducere, sed reliquis bonis abstinere. Ita non facit is contra leges, quae onus legitimae imponi non sinunt, *L. quoniam in prioribus 32. C. de inoff.*

C A P U T III.

DOS, ET DONATIO PROPTER NUPTIAS.

Proxime etiam absunt a debitis testatoris dos, & donatio propter nuptias; Neque enim *Leges incognitae sunt*, ait Justinianus in *L. ult. C. de dot. promiss.*, quibus cauum est, omnino paternum esse officium dotem, vel ante nuptias donationem pro sua dare prole. Pertinet ad hoc Caput *Auth. res quae C. comm. de legat.*, quae desumpta est ex Justiniani *Nov. 39. Res, quae subjacent restitutioni*, id est fideicommisso, prohibentur alienari quidem, vel obligari. Sed si liberis portio legitima non sufficit ad dotis, sive donationis propter nuptias obligationem: permittitur res praedictas in eam causam alienare, vel obligare pro modo honestati personarum congruo. Ea enim quae communiter omnibus prosunt; his, quae specialiter quibusdam uilia sunt, praeposimus. Igitur pro dote, aut propter nuptias donatione constituenda, non minus quam pro hereditariis creditoribus dimittendis recte alienantur bona fideicommisso subiecta. Sed huc quoque transfer exceptionem a Scaevola propositam in *cir. L. 38.*, Si non erat aliud in hereditate. Et vero dos, aut donatio propter nuptias aeris alieni est loco: non est potior aere alieno. Hoc ipsum in ipsa *Auth.* diserte exprimitur iis verbis, si liberis portio legitima non sufficit. Ergo si ad dotem, donationemve propter nuptias legitima est satis, bonis fideicommisso subiectis est omnino abstinendum.

De liberis loquitur *Authentica*, h. e. de omnibus descendantibus, quibus constitui ab ascendentibus dos, aut propter nuptias donatio debet. Sed quemadmodum cessat *Authentica*, si aliud sit in hereditate fideicommittentis, unde dos, aut propter nuptias donatio filiis constituatur; ita eam cessare est aequum, si de ejus nepte dotanda agatur, sitque aliud in bonis patris, unde dotetur. Hanc ego sententiam in scholis, & foro receptissimam sequor; sed vix est tamen, ut rationem, cur ita placuerit, probem. Ejus rei rationem hanc vulgo adferunt apud *Fusar quaeft. 531. num. 12.*, quia non tenetur avus dotare neptem, quam commode potest pater dotare de suo; nonne enim jure civili debet avus paternus neptem in potestate constitutam dotare, quamvis ea sit dives, patremve divitem habeat? Ita non obscure docet *Celsus in L. dotem 6. D. de collat. bon.* Ve-

Vera ratio videtur mihi haec, quod morte avi solvitur ius potestatis, in qua erat neptis, atque haec esse incipit in potestate patris. Ita huic ex eo tempore incumbit onus dotandi de suo: quod si de suo non possit, de bonis avi ut ut fideicommissio subjectis dotabit ex praesumpta voluntate ipsius avi, de quo dici haud inepte potest, quod de patre scribit Ulpianus in *L. mulier 22. §. quum proponeretur 4. D. ad Trebell.* A patre rogatam filiam ponit Ulpianus, ut sine liberis decedens restitueret Titio hereditatem: eamque dotem marito dedisse certae quantitatis: mox decedentem sine liberis heredem instituisse maritum. Quum autem quaeretur, an dos detrahi posset, respondit Ulpianus, non posse dici in *eversionem fideicommissi factum, quod & mulieris pudicitiae, & patris voto congruebat.* De pudicitia neptis non minus avum satagere credendum est: idemque de quovis alio adscendente esse iudicium debet. Ex iisdem Ulpiani verbis magnum videtur mihi argumentum duci ad confirmandam sententiam eorum, qui de fideicommissis adscendentium detrahi posse ajunt etiam dotes secundo nubentium, si primae dotes perierunt: itemque dotes earum, quae monasticam vitam proficiuntur.

Quod *Authentica de liberis* loquitur, ex eo confice, eam esse intelligendam de fideicommissis ab adscendentibus instituto: ac proinde fideicommissa lateralium, dotis, donationisve propter nuptias causa non minui. Qui fideicommissa lateralium eodem cum fideicommissis adscendentium jure censent, ii vim faciunt verbis Legis. Id unum dici probabiliter potest, de fideicommissis fratris dotes detrahere sororem consanguineam, quae nubere aliter non potest; namque hoc casu videtur frater teneri eam dotare, *arg. L. quum plures 12. §. 3. de admin. tut.*, ubi ait Paulus, *Sed non dabit dotem sorori alio patre natae, etiamsi aliter ea nubere non potuit; nam & si honeste, ex liberalitate tamen sit.* De sorore uterina inope loquitur Paulus. Ergo contra videtur sensit de consanguinea. Si hoc idem de consanguinea sensitset, non sine vitio addidisset *Tò alio patre natae.*

Sed non una paternorum, maternorumque adscendentium ratio est. De fideicommissis adscendentium maternorum regulariter non detrahuntur dotes, quia regulariter ii onus dotandi non habent. Detrahuntur igitur eo tantum casu, quod id oneris ferre deberent: serunt autem in subsidium, h. e. quum paterni adscendentes inopia laborant. Et quamvis id de sola matre cautum videatur, *L. ult. C. de dotis promiss.*, tamen de caeteris etiam maternis adscendentibus receptum est propter *affectionem personarum*, ut Paulus inquit in *L. Gajus Sejus 45. D. soluto matrim.*, & propter *votum* illud, de quo Ulpianus in *cit. L. 22. §. 4. ad Trebell.*

Nunc facile est respondere quaerenti, num cesset *Authentica* si testator alienari bona vetat etiam ex causa dotis: quod genus interdicti solenne est in fideicommissis, quae in gratiam masculorum ex masculis instituuntur, Vetus haec est quaestio, & magnus est affirmantium, nec minor negantium numerus, de quo vide *Fularium Quaest. 531. num. 67. & 71.* Qui affirmant, eo moventur, quod *Authenticae* ratio non aliunde petenda est, quam ex conjectura voluntatis, *arg. cit. L. 22. §. 4. ad Trebell.*: non est autem conjecturae locus, quum expresse testator causam dotis excludit.

Quod si de semipis agatur, quibus debetur legitima, testatorem posse apud reliquis ultra legitimam bonis onus imponere, quod velit. Qui negant id urgent, quod initio *h. capit.* demonstratum est, dotes loco esse aeris alieni: unde consequitur, quemadmodum non potest debitor prohibere, ne debitum exsolvatur, ita non posse fideicommittentem vetare, ne bona dotis causa alienentur: porro dotes ex necessitate juris, non ex conjectura, voluntatis deberi. Nec quidquam obflare ajunt, quod dicitur de reliquis ultra legitimam bonis; nam congruae esse dotes debent: quales interdum supra legitimam sunt: quo spectat, quod in *cit. Auth.* scriptum est, *si liberis portio legitima non sufficit ad dotis obligationem, permitti res praedictas (h. e. fideicommissio subiectas) in eam causam alienare.* Ego vero adhibendam esse distinctionem reor; aut testator est de numero eorum; qui dotare tenentur, aut de numero eorum qui non tenentur quidem dotare, velle tamen dotare praesumuntur, secundum ea, quae de paternis, maternis adscendentibus dicta sunt. In testamentis eorum, qui dotare tenentur, interdictum ne bona dotis causa alienentur, prorsus inutile est; quum enim dos loco sit aeris alieni, nolle dotem dare, idem est ac nolle debitum exsolvere: quod non liberat debitorem. At in testamentis eorum, qui licet non teneantur dotare, praesumuntur tamen id velle, interdictum illud valere non ambigo, pendet enim dos ab eorum voluntate, quam expressa verba prorsus excludunt.

Jam quibus calibus ex bonis fideicommissio subiectis dotes debentur; sunt hae boni viri arbitrio, quod est iudicis arbitrium constituendae; constitui autem jubet *Authentica*, pro modo honestati personarum congruo. Modi illius uberior est explicatio apud Celsum in *L. quaero 60. D. de jure dot. Modus*, inquit Jurisconsultus, *ex facultatibus, & dignitate mulieris, mariti-que statuendus est*: quibus adde morem regionis, qui in dotibus taxandis plurimum valet.

Reliquum est, ut videamus, num *Authentica*, quae de constitutione dotis loquitur, prodici ad dotis restitutionem possit, hoc est, num pro dote restituenda recte alienentur bona fideicommissio subiecta. Plerique interpretum affirmant: sicque pluries judicatum, & vix est, ut hodie, si casus inciderit, aliter judicetur. Laudant receptissimae istius sententiae Afferiores *cit. Novell. 39.* Sed Novellam serio seduloque legenti patebit; nihil ea cautum de dotis restitutione. Solis igitur conjecturis transigenda res est. Duae autem sunt conjecturae, quibus communis ista opinio innitur. Alteram suggerit Callistratus in *L. quum servus 82. de cond. & dem.*: alteram ipsa *Auth. res quae*. Apud Callistratum scriptum est, testatorem intelligi, quod ipse vivens facturus sit, ab heredibus suis fieri jussisse: certe autem testator, si viveret, bona sua pro restitutione dotis alicui ex liberis suis promissae, aut traditae obligari, atque alienari pateretur. Porro in *cit. Auth.* scriptum est, *Ea enim, quae communiter omnibus profunt, his, quae specialiter quibusdam utilia sunt, praeposimus*: quibus verbis significatur publicam esse causam dotis, nam publice interest nuptias contrahi, quae sine dote minus facile contraherentur: contra privatam esse causam fideicommissi: quae autem est nuptiarum contrahendarum difficultas, si dos de-

desit, eadem est, si de dote restituenda non potest tuto caveri: Contra communem istam sententiam pugnat paucos quosdam sequutus Andreas Fachin. *Controv. Lib. 4. cap. 47.* hoc uno argumento, quod donationem propter nuptias, dotemve pater filio, filiaeve constituere tenetur: unde in filii, filiaeve fraudem bona subijcere non poterat fideicommisso: restituere autem non tenetur dotem; quam post ejus obitum filius accepit. Confirmat id Ulpiani loco in *L. si quum dotem 22. §. transgredimur 12. D. sol. matr.*, ubi scriptum est, *Si filiusfamilias sit maritus, & dos socero data sit, adversus socerum agatur. Plane si filio data sit, si quidem, jussu soceri, adhuc absolute socer tenebitur. Quod si filio data sit, non jussu patris, Sabinus, & Cassius responderunt; nihilominus eum patre agi oportere; videri enim ad eum pervenisse dotem, penes quem est peculium: sufficit autem ad id damnari eum, quod est in peculio, vel si quid in rem patris versum est. Sin autem socero dotem dederit, cum marito non poterit experiri, nisi patri heres exstiterit.* Ecce, ait Fachineus, dotis restituende onus patri non alias incumbit, quam si aut pater filii peculium habeat, aut sive ipsi patri, sive filio jussu patris data dos sit. Quod si praeter istos casus dotes restituere non tenetur pater, multo minus tenentur qui supra patrem sunt. Sed locus iste Ulpiani ad rem non facit; namque in specie Ulpiani omnino ponendum est, praeter propositos casus teneri restituere filium, qui possit restituere de suo: in specie autem nostra de bonis fideicommisso subiectis tum. demum restitui dotes ajo, quum alia deficiunt bona ejus propria, cui solutae sunt dotes. Duae illae, quas proposui, conjecturae satis idoneae videntur. Sed his ego tertiam addo. Qui bona subijciunt fideicommisso, id faciunt, ut familiae, adgnationi, cognationive quam optime conservatur: proinde ut familiam, adgnationem, cognationemve ipsam quam potest diutissime conservari volunt: quod vero non alias, quam contractis nuptiis conservantur, nec facile contrahuntur nuptiae, si aut dos deficiat, aut de dote restituenda non possit caveri, eos id etiam velle necesse est, ut sua bona, si defuit alia, quum pro constituenda, tum pro restituenda dote alienentur.

Haecenus dicta intellige de fideicommisso ab ascendentibus, non a lateralibus instituto: & ab ascendentibus quidem paternis, non maternis, Sed quo casu ascendentium maternorum fideicommissis dotium constituendarum casus incumbere diximus, sive propter necessitatem juris, sive propter affectionem, votumve eorum; eo ipso casu onus etiam incumbere dotium restituendarum probabiliter puto, Peregrinum, aliosque non incelebres interpretes sequutus.

C A P U T IV.

UTILITAS FIDEICOMMISSI.

Multa sunt, quae gesta contra jus, tnetur utilitas. Id multis exemplis illustrat Tiraquellus de *Legibus connub. gloss. 8.* Ecce ego unum adfero. De alimentis transigi circa Praetoris auctoritatem non potest, *L. quum*

quum hi 8. pr. de transfat.; si tamen alimentarius incio quidem Praetore transfigat, sed meliorem faciat conditionem suam, valere transfactionem scribit Scaevola in cit. L. 8. §. 6.; ex quo loco recte colligit Accursius, alienationem bonorum minorum, aut Ecclesiae, si minoribus, aut Ecclesiae utilis appareat, valere ut ut factam non ex publica auctoritate: secundum quam sententiam saepissime iudicatum. Ita alienationem bonorum fideicommisso subjectionum utilitas fideicommissi tueretur. Fideicommissi, inquam, non hujus, illiusve possessoris fideicommissi. Qui contra sentiat, inveni profero neminem. Communem illam opinionem pulchre meo iudicio confirmat Vlpianus in L. mulier 22. §. quum proponeretur 4. D. ad Trebell., ubi ratam habet deminutionem bonorum fideicommisso subjectionum, si non sit in everfionem fideicommissi facta. Ergo multo magis probandum est, quod in utilitatem fideicommissi est factum. Accedit conjectura voluntatis ipsius fideicommittentis; ipse enim si viveret, ea faceret omnia in bonis suis, quae utile esset licet: intelligitur autem testator, quod ipse vivens facturus sit, ab heredibus suis fieri, L. quum servus 82. de cond. & dem. Ita recte alienantur res, quae mora perituae, deterioresve futurae sunt; quis enim non intelligit, expedire res illas vendi, quae alias ipsi fideicommisso perirent; redactamque ex venditione pecuniam vocatis ad fideicommissum servari? Argumenta in hanc rem apposite petuntur ex L. Divus 5. pr., & L. non solum 54. D. de her. pet., L. Aristo 5., & L. ait Praetor 7. D. de jur. delib., L. mulier 22. §. sed enim 3. D. ad Trebell., & L. Lex quae 22. C. de admin. tut. Eadem utilitatis ratio facit, ut rem fideicommisso subjectionem, si modici fructus inde percipiantur, sive ob ipsius rei ingenium, sive ob loci distantiam, aliamve causam, cum re fructuosiore liceat commutari: liceat iidem rem minus utilem vendi pro utiliore re recuperanda, reparanda, vel melioranda; qua de re V. Fufarium Quaest. 734.

Quid si possessor fideicommissi impendit de suo? Duplex facio genus expensarum, quas potest facere possessor fideicommissi. Unum est earum, quas forte facit in ultimam infirmitatem, sumusve fideicommittentis; atque haec sunt aes alienum ipsius fideicommittentis, L. impensa 18. de relig. & sumt. fun., & L. in restituenda 4. C. de petit. her. Alterum genus est earum, quas forte facit in inventarium conficiendum, in lites ex testamenti causa exercendas, & generaliter in quolibet aliam causam necessariam, utilemve fideicommisso. Impensas istas a possessore deduci non ambigitur, L. ult. §. 1. C. de petit. hered. Sed dubitari potest, num impensis illis minuat fideicommissum, h. e. num possit possessor fideicommissi, quo sibi satisfiat, petere, ut res aliqua fideicommisso subjectionem vendatur, aut sibi deur in solutum. Et de marito quidem, cui similis videtur fideicommissarius, haec habet Vlpianus, in L. quod dicitur 5. pr. de impens. in rei dot. fact., Quod dicitur, necessarias impensas dotem minuere, sic erit accipiendum, (ut & Pomponius ait) non ut ipsae res corporalius diminuantur, ut puta fundus, vel quodcumque aliud corpus; etenim absurdum est, deminutionem corporis fieri propter pecuniam: caeterum haec res faciet desinere esse fundum dotalem, vel partem ejus: manebit igitur maritus in rerum deminutione, donec ei satisfiat: non enim ipso jure corporum, sed dotis diminutio.

natio. Ibi ergo admittimus deminutionem dotis ipso jure fieri; ubi non sunt corpora, sed pecunia; nam in pecunia ratio admittit deminutionem fieri. Marito, qui in corpora dotalia necessarias impensas fecit, jus tantum retinendi dat Vlpianus, donec illi impensum solvatur. Et quamvis jure novo Imp. Justiniani in *L. un. §. 5. C. de rei ux. act.*, cesset hodie retentio ob impensas in dotem factas, salva marito mandati, vel negotiorum gestorum adione, quod tamen jus novum prodici ad alios casus non debet, ex superius adscripto Vlpiani loco, potest haud inſcite colligi, etiam possessori fideicommissi, heredive ejus tantum jus retinendi datum. Ego vero, si fideicommissarius solvere impensum recuset, possessori fideicommissi heredive ejus competere arbitror non solum retentionem partis bonorum, quae necessariis, utilibusve impensis respondet, sed & jus petendi, ut pars bonorum vendatur, aut sibi detur in solutum; dum tamen id, quo fraus abſit, adito Magistratu fiat; si enim potest pars vilior bonorum tertio vendi, ut deducta inde pecunia in nobiliorem bonorum partem conservandam, meliorandamve impendatur, citr non potest aut vendi iidem tertio, quo possessori satisfiat, aut possessori ipsi in solutum dari? Inter unum, & alterum casum nihil re ipsa inrerest. Nec mihi videtur similis possessori fideicommissi maritus. Hic in rem impendit, quae est in dominio uxoris: non debet autem creditori licere petere, ut res debitoris veneat, aut sibi detur in solutum, nisi quum debitor rei dominus exsolvere debitum recusat. Contra ille in rem impendit, quae proprie non est in dominio eorum, quibus est restituenda, si post eorum obitum transire ad alios debeat.

Sed magnam aequitatem habet, quod de impensis necessariis satis multi docent apud Peregrinum *de fideicomm. Art. 50. num. 12.*, separandas esse modicas impensas a magnis: & has quidem deduci, illarum fructibus compensari. Facit quod de commodatario scribit Gajus in *L. rebus 18. §. possunt 2. D. commod.*, Modica impendia ad eum pertinere, quia is utendum accepit: quodque de impensis a marito factis in res dotales ait Paulus in *L. omnino 12. de impens. in res dotal. fact.*, omnino & in aedificandis aedibus, & in reponendis propagandisque vineis, & in valedudine mancipiorum modicas impensas non debere arbitrum curare. Arbitratur Paulum esse judex a Praetore datus. Qui iudiciis stricti juris dabatur, proprie judex: qui iudiciis bonae fidei, arbitrariisve, proprie arbiter dictus. *V. Brissonium de verb. sign. v. arbiter, & Inst. nostr. repet. praelect. tom. 2.* Eodem discrimine de utilibus impensis statuit Peregrinus *num. 45.* frustra laudatis locis aliquot juris, quae de necessariis tantum loquuntur. Unum laudat Pauli locum in *cit. L. 12.*, ubi *to in aedificandis aedibus*, continere videtur utilis impensae exemplum. Sed quid vetat, ne aedificare interpretemur *reficere*? Necessarium impensarum longe alia, quam utilium est ratio. Redibit sermo de hac re sub finem hujus capituli.

Non omitram, quod vulgo placere video apud Fular. *Quaest. 669. num. 4.*, si quid sit impensum in bona melioranda, inreresse, num melioratum pluris, an minoris aestimetur, quam est impensum: si pluris, tantum, quantum est impensum, deberi: si minoris, deberi aestimationem. Sed juvat hic describere elegantissimum Celsi locum in *L. in fundo 38. D. de rei vind.*, In fundo alieno,

no, quem imprudens emerat, aedificasti, aut conseruisti; deinde vincitur. Bonus iudex varie ex personis, causisque constituet. Finge, & dominum eadem facturum fuisse: reddat impensam, ut fundum recipiat, usque eo dumtaxat, quo pretiosior factus est; &, si plus (subaudi, quod est impensum) pretio fundi accessit, solum quod impensum est. Finge pauperem, qui, si reddere id cogatur, laribus, sepulchris aviis carendum habeat: sufficit tibi permitti tollere ex his rebus, quae possis; dum ita ne deterior sit fundus, quam si initio non foret aedificatum. Constituimus vero, ut si paratus est dominus tantum dare, quantum habiturus est possessor his rebus ablatis, fiat ei potestas, neque maliciis indulgendum est, si testorum pua, quod induxeris, picturasque corrudere velis, nihil laturus, nisi ut efficias. Finge, eam personam esse dominum, quae receptum fundum mox venditura sit; nisi reddat, quantum prima parte reddi oportere diximus, eo deducto tu condemnandus es, subaudi fundum restituere vindicanti, qui itidem tibi impensum reddere damnabitur secundum id, quod dicitur principio illius loci. Loquitur Celsus de bonae fidei possessore. Certum bonae fidei indicium facit *Tō imprudens* initio ejus loci. Sed Peregrinus cit. *Art. 50. num. 71.*, alique eum locum convenire docent etiam iis, qui possident jure domini temporarii, atque, ut eorum verbo tuar, *resolvibilis*, quales sunt mariti, emphyteutae, ac possessores fideicommissorum. Ergo locum Celsi particulatim expendamus in rem nostram. Ejus particula a verbis, *Finge & dominum* usque ad verba *quod impensum est*, propositam a nobis regulam continet de impensis utilibus a possessore fideicommissi factis. Cave tamen, ne motus eo verbo, *Finge & dominum eadem facturum fuisse* credas, tum demum possessorem impensas deducere; quum dominus easdem fuisset facturus, alias non deducendum. Iniquissimum esset, in damno eum esse, qui utiliter impendit, & cum ejus jactura alium fieri locupletorem. Rectissime A. Faber Celsum ita loqui arbitrat, ut intelligamus, eo casu non posse ambigi, expensas deduci: has itidem deduci, quum dominus non erat facturus, sed minus evidenti aequitatis ratione. Quod sequitur apud Celsum a verbis, *Finge pauperem* usque ad verba *foret aedificatum* casum continet, & eum quidem unum, quo non deducitur impensum, si domini paupertas impensum refundi velet; paupertas, inquam, non qualis qualis, non mediocris, sed summa & extrema, quam Celsus exprimit ea exaggeratione, *qui si reddere id cogatur, laribus, sepulchris aviis carendum habeat*: quae verba opposita verbis praecedentibus, *Finge & dominum eadem facturum*, non obscure probant, *Tō eadem facturum* non ad animum, sed ad potentiam referri; hoc sensu teneri dominum impensum refundere, si pro viribus patrimonii tantum poterat impendere: non teneri, si ad summam indigentiam redigatur. Exceptionem subjicit sub finem Celsus, si dominus rem, in quam suit impensum; habeat venalem; quum enim is ab emptore tanto majus pretium recipiat, quanto pretiosior aere possessoris facta res est, omnino cessat ratio, cur non debeat impensum refundere compelli, lucrumque faceret cum aliena jactura: quod Leges non sinunt. Quin hoc casu voluptuarias etiam impensas eum refundere est aequum, si res quo ornatior, eo pluris veniat: atque hoc est, quod vulgo dicitur, voluptuarias impensas et voluptuariis quandoque utiles fieri, *L. nisi si 29. de rei vind., & L. quod*

ff. 12. de impens. in res dotal. factis. Sed haec loci, quem interpretamur, particula non ad rem nostram non alias ficit, quam si cui bonum ex fideicommissio restituuntur, sit vocatorum ultimus, qui ea non debeant aliis servare. Igitur id unum possessori fideicommissi reliquum est, ut ei permittatur tollere, quae possit, h. e. quae iure possit, puta quae possit, re ipsa non facta deteriore, aut, si id dominus malit, tantum recipiat; quantum pretii ex venditione eorum, si tollerentur, fuisset redactus: nisi id tale sit, ut sublatum esse usui non possit, quo casu perditur omnino; nec tolli permittitur; nam tollere quod est inutile futurum, malitia est, cui Leges nunquam indulgent.

Exposui locum Celsi, quo confirmari videtur quum quod de impensio, & meliorato a possessore fideicommissi vulgo tradunt Nostri, tum quod addunt, non teneri fideicommissarium meliorata rependere, si ei nimis gravia sint: quo etiam refer. illud ejusdem Celsi apud Vlp. in *L. sed non ultio 10. D. de neg. gesti.* Non utiliter negotia gerere, qui rem non necessariam, vel quae oneratura est patremfamilias, adgreditur. Verum si res admittoris jurisprudentiae regulas exigatur, patebit, uti durum est fideicommissarium pauperem pro impensio refundendo redigi ad inopiam, ita durum videri, eum, qui impedit, si non in eversionem fideicommissi studio impenderit, impensio facere iacturam: proinde humanioribus hisce temporibus aliquid hoc casu iudicis arbitrio permittitur. In specie domus fideicommissio subjectae, tum venditae, magnisque impendiis ab emtore melioratae, quae redigae in pristinam formam non poterat, Magistratum Lucensem decrevisse refert Magonius *Decis. 33. num. 52.* de pretio enim alia bona, quae ejus domus loco subjacerent fideicommissio ob. textum in *L. Imperator 70. §. ult. de leg. 2.* Sed Lucensis Magistratus videtur mihi abusus eo-textu. Loquitur ibi Papinianus de herede rogato, quidquid ex hereditate supersit, restituere: quumque ait, si de pretio rerum venditarum alia comparat, deminuisse, quae vendidit, non videri: quia res rei locum subit, adeoque quod inde comparatum est, vice permutati domini restituendum, ut statim additur in *L. 71.* Qui autem restituere heredem rogat quidquid superest ex hereditate, is alienationem non vetat, contra quam ponimus a testatore factum in specie, quam tractamus. Alii, quorum numero est Garzias de *expens. cap. 13. num. 44.*, dant quidem bona fideicommissario pauperi, sed constituendum esse ajunt aliquem censum heredi ejus, qui melioravit. Ita servantur bona vocatis ad fideicommissum; & impensum, quantum fieri potest, rependitur. Sed eo etiam casu, quo fideicommissarius est dives, sententiae Celsi non alias meo iudicio est locus, quam si res fideicommissio subjecta, ita ad eum pertineat, ut non sit ad alios subsuinde abitura; nam si abitura sit ad alios, iniquum videtur mihi, eum unum solvere impensum non sibi solum, sed & aliis, ac fortasse ab eo non descendantibus profuturum. Hoc igitur casu eadem census constitutione fideicommissario consulatur. Sed live pauper, live dives sit fideicommissarius, si potest, vendita re minus utili, impensum solvi, major utilitas, quae ab impensio in fideicommissum redundat, venditionem illam satis, ni fallor, tueitur. Haec mihi de re parum diligenter ab interpretibus tractata in mentem veperunt: hisque insulam, dum exultat, qui adserat meliora.

De impensis utilibus, non de necessariis Celsum loqui, manifestissimum est. Necessarias definiit Paulus in *L. impensae* 79. de *V. S.*, *Quae si factae non sint, res aut peritura, aut deterior futura sit: utiles vero, quae meliorem fundum faciant: in fundo autem aedificare, aut conferere, quibus verbis utitur Celsus, est fundum facere meliorem, non fundum servare, ne pereat, deteriorve fiat. Huic consequens est, in impensis necessariis cessare regulam illam juris, si plus sit impensum, quam melioratum, melioratum deberi: si plus, quam impensum est, sit melioratum, deberi impensum. Et vero in necessaria impensa fingi excelsus non potest: si finxeris, de necessaria utilem facies. Ergo semper tantum, quantum impensum est, deducetur. Consequens etiam est, cessare in impensis necessariis differentiam inter dominum divitem, atque indigentem, nam si non fuisset impensum, rem non haberet, aut haberet deteriorem. Ita Accursius, & Bartolus in *cit. L. in fundo*, quibus subscribit Peregrinus in *cit. Art. 50. num. 32*. Ergo necessariae impensae cuiusvis fideicommissario reputabuntur.*

Sed hoc posterius non videtur Cuiacio placuisse. Is in *Lib. IX. Responsorum Papiniani* exponens *L. domos* 58., & *L. sumtus* 61. de *leg. 1.*, quae ex eodem Libro IX. desumptae sunt, utiles quidem impensas fideicommissario, h. e. ei, cui restitutio facienda est, reputari, h. e. imputari ait, quo refert *cit. L. 58.*, quae loquitur de domo hereditaria fideicommissio subiecta, sine culpa heredis exulta, tum aere ejus extructa & necessarias tamen reputari fideicommissario negat: quo refert *cit. L. 61.* quae loquitur de domo resecta. Qui domum exultam exruit, utiliter impendit, non necessary; namque exstruere domum casu consumtam non tenebatur. Qui domum adhuc intacta sulcit, ne ruat, necessario impendit, facitque id, quod tenebatur facere; debebat enim facta tecta aedificia fideicommissario servare. Scriptum est autem in *cit. L. 61.*, *sumptus in reficienda domo necessarios a legatario factos petenti ei legatum, cujus postea conditio exstuit, non esse reputandos existimavi*. Ita legitur in omnibus exemplaribus, ac nominatim Florentino. Cuiacius autem locum emendat in hunc modum, *sumptus in reficienda domo legata necessario factos*, subaudi, *ab herede*; nam si ipsum legatarium ponas in reficiendam domum sibi legatam necessarios sumtus fecisse, ineptissime Papinianus dixisset, *eos sumtus ei legatum petenti*, h. e. illi ipsi, qui impenderat, *non esse reputandos*. Reputari, aut non reputari tibi dicuntur sumtus ab alio facti, non quos tu ipse fecisti. Accedit quod *cit. L. 61.* adducenda est *L. 58.*, in qua heres fingitur impendisse in domum extruendam. Perbella est quidem Cuiacii conjectura, & me non mediocriter movet; sed est ea tamen contra omnium, quot quot sunt, Codicum fidem: & potest sine vitio inepti vulgaris lectio retineri, si speciem finxeris, quam ad vulgarem ledionem tuendam finxit Marius Gordonius *Praetermis. jur. civ. cap. 17.* Legatum Sempronio domum Gordonium finxit, rogatumque Sempronium illam existente conditione Maevio restituere: tum Sempronium, antequam conditio existeret, domum refecisse suo sumtu: deum eam jam a Sempronio legatario resectam petuisse Maevium, qui licet proprie sit fideicommissarius, potest haud absurde dici petere legatum: quo vocabulo etiam ante lega-

legatorum, fideicommissorumque exsecutionem ab Iuliano factam comprehendendi etiam fideicommissum, jam dixi.

Utram vero lectionem, utramve speciem retineas, verum est, necessarias impensas fideicommissario non reputari: atque in hoc Cujacius, & Gordonius consentiunt. Nec de ratione laborandum. Possessor rei fideicommissi subjectae nihil habet necesse utiles impensas facere: facere necessarias debet, quia servare rem debet fideicommissario: nec necessario impensum deducet, quia interim re ipsa utitur fruitur. Id confirmat Gordonius auctoritate Ulpiani, qui in *L. usufructus 7. §. 2. D. de usufr. & quem adm. quis ut. fruat.* cogi fructuarium posse ait aedes relicere, quia *omnis fructus ad eum pertinet*. Sed non esse generaliter admittendum, quod Cujacius, & Gordonius de impensis necessariis fideicommissario non reputandis generaliter docent: locumque Papiniani in *cit. L. 61.* omnino esse accipiendum de impensis modicis eo probatur, quod mox de fructuario subicit Ulpianus, *Modica rescriptio ad eum pertinet*. His itidem adde producta superius *h. capit.* exempla commodatarii, & mariti. Certa autem statim regula non potest, qua modicam impensam iure cognoscas. Rectissime Faber in *cit. L. 7.* scribit; modicam impensam non aliter intelligi, quam ex comparatione majoris: remque hanc totam ad iudicis arbitrium remittit. De impensis necessariis, utilibus, & voluptuariis in rem fideicommissi subjectam factis, de eorum permissa, vel interdita deductione, ac de earum deducendarum modis latissime scripsit in *cit. art. 50.* Peregrinus, quem adi.

C A P U T V.

EORUM, QUORUM INTEREST, CONSENSUS.

OMnibus, quibus fideicommissum relatum est, ad distractionem consentientibus, nullam fideicommissi petitionem superfuturam scribit Ulpianus in *L. nihil 120. §. 1. de leg. 1.* Ex regula quidem juris est, unicuique licere abrenunciare juri suo. Nullam, inquit, petitionem, i. e. nec rei, nec pretii, uti rectissime Cujacius ad *L. si fundum 92. de leg. 1.*, quam interpretationem luculenter confirmat Scaevola in *L. Lucius Titius 88. §. insulam 14. de leg. 2.*, *Insulam libertis utriusque sexus legavit, ita ut ex reditu ejus masculi duplum, feminae simplum percipiant: eamque alienare vetuit. Ex consensu omnium ab herede venundata est. Quaero, an ex pretio insulae duplum mares, simplum capeant feminae.* Respondi, ob pretium nullam fideicommissi persequutionem esse; nisi ea mente venditioni consenserunt, ut similiter ex pretio mares quidem duplum, feminae autem simplum consequantur. Vides fideicommissarium, qui venditioni consensit, ne pretii quidem persequutionem habere. Obstat Julianus in *cit. L. 92. pr.*, *Si fundum per fideicommissum relatum unus ex heredibus, excusso pretio secundum reditum ejus fundi mercatus sit propter aes alienum hereditarium, praesente & assignante eo, cui fideicommissum debebatur; placet, non fundum, sed pretium ejus restitui debere.* Qui praesens adest, & assignat, i. e. instrumentum venditionis eum aliis obsignat (cujus significationis exempla congestit Brissonius de

V. S. v. assignare) rem quidem ipsam persequi non potest, rei pretium potest. Sed facile est intelligere, eum, qui praesens adest, aut signat, non videri, quod geritur, adprobare, sed tantum rei gestae fidem aliis facere; unde saepissime iudicatum, testes, qui testamentum jure nullum signaverunt, si testatorem, quo tempore faciebat testamentum, non sanae mentis argumenta dedisse dicant, non jure repelli, quasi adum impugnent, quem semel probaverunt, propriamque turpitudinem allegent. Igitur fideicommissario consensus nocet, non praesentia, non assignatio. Ea certe quum nemo praesumatur velle suum iactare, *L. quum de indebito 25. de probat.*, id non est alias admittendum, quam si constet de voluntate remittentis jus suum: nemo autem dixerit, cerio ejus voluntatis indicio esse praesentiam, atque obsignationem. Id mihi adeo explorati juris esse, ut nili obflaret auctoritas Juliani in *cit. L. 92.*, consultus ego de jure fideicommissarii, qui venditioni fundi praesens adfuit, & signavit, eum non modo pretium condicere, sed & ipsum fundum vindicare posse responderem, & jam parum abest, quin contra respondisse Julianum putem ex peculiari ratione motum, quod fundus *propter aes alienum hereditarium*, sicque necessariam ob causam veniret, aliter, si peculiaris ea ratio defuisset, responditurum: alioquin quid erat opus eam causam exprimere? At enim consentire videtur, & praepjudicat juri suo, qui instrumento subscribit, *L. sicut 8. §. non videtur 15.*, & *L. Titius 9. §. ult. D. quibus mod. pign.* Ita vero, sed est id de eo intelligendum, qui in suo negotio principaliter subscribit, non de eo, qui in alieno subscribit, ut testis. Ita Goholredus in *cit. §. 15.*, & recte eum sensisse patet oppositas Leges conferenti cum *L. Gajus Sejus 49. de pign. act.*, & *L. fidejussor 26. §. 1.* Quod *cit. loc.* Cujacius scribit, plus esse subscribere, quam subsignare, mirum qualem leve est. Sed ut redeam ad *cit. L. 120. §. 1. de leg. 1.*, vos ego monito volo, scite dictum ab Ulpiano, *omnibus consentientibus*. Si unus eorum, quorum interest, non consentiat, quin is possit fundum vindicare, nulla dubitatio est; quo pertinet titulus Codicis, *Rem inter alios agram aliis non nocere*. De eo, qui heres est ejus qui consensit, suum tamen jure ad fideicommissum vocatur. Vide Fusar. Quæst. 560.

C A P U T VI.

ALIENATIONIS DENUNTIATIO IIS, QUORUM INTEREST, FACIA.

Dixi in parte tertia hujus Commentarii, fideicommissum familiae relatum, aut purum esse, aut conditionale: & purum quidem esse, quum testator rem directo relinquit familiae: conditionale vero, quum eam velit extra familiam alienari; intelligitur enim familiae relicta sub ea conditione, si extra familiam alienetur. Vulgaris autem Nostrorum traditio haec est, si fideicommissum sit conditionale, heredem posse futuram alienationem denunciare iis, quorum interest, i. e. qui sub ea conditione vocantur ad fideicommissum, iisque rem julto pretio, quod extraneus offert, emere

recu-

recusantibus, extraneo rem vendere impune. Movetur Scaevolae loco in *L. qui Romae* 122. §. coheredes 3. *D. de verb. obl. Coheredes, quum praedia hereditaria dividerent, unum praedium commune reliquerunt sub hoc pacto, ut si quis eorum partem suam alienare voluisset, eam vel coheredi suo, vel ejus successoris venderet centum viginti quinque, quod si quis aliter fecisset, poenam centum invicem stipulati sunt. Quaero, eum coheres mulier coheredis liberorum tutores saepius testato convenerit, & desideraverit, ut secundum conventionem aut emant, aut vendant; hique nihil tale fecerint: an, si mulier extero vendiderit, poena ab ea centum exigi possit. Respondit, secundum ea, quae proponerentur, obstatum doli mali exceptionem. Ecce coheredi, hujusve liberis emere recusantibus, si a muliere, quae post denunciationem extero fundum vendidit, exigere poenam velint, obstat exceptio doli mali, nam dolo facit, qui facit contra factum. Ergo mulier post inutilem denunciationem extraneo vendidit impune, ac tuto. Quidni idem dicemus de eo, qui post denunciationem inutiliter factam familiaribus ad conditionale fidei commissum vocatis extra familiam alienat? Alia est causa fideicommissi familiae pure relinqui, namque hoc ad familiam omnino pertinet, nec potest ea denunciatio facere, ne pertineat; quum possit is, qui recusat emere, illud aliquando gratis habere.*

Sed vulgarem istam traditionem uno casu probat Faber *Conj. Lib. 14. cap. 15*, quum testator tantum vetuit rem extra familiam, alienari neque addidit, velle se, ut in familia relinqueretur, aut aliud hujus simile, contra quam traditum a plerisque. Et verissima est sententia Fabri, nam qui vetat rem extra familiam alienari, eam alienari intra familiam permittit: hoc autem ita debet intelligi, si velint emere, qui de familia sunt; non enim qui heredem prohibet rem extra familiam alienare, videtur velle, ut eam familiaribus donec; ergo si hi rogati non emant, heres alienando extra familiam contra voluntatem testatoris non facit: quin ipsi familiae imputandum est, quod is extra familiam alienet. Acedit quod interdicta extra familiam alienatione censetur fideicommissum familiae relinqui sub conditione, si res extra familiam alienetur: quominus autem ista conditio impleatur, non sit per heredem, qui rem familiae emendam offert, sed per ipsam familiam, quae emere recusat: quo fit, ut oblata recusanti familiae, venditio habeatur pro impleta, arg. *L. iure* 24. de cond. & dem., ac *L. Labeo* 50. *D. de contrah. emt.* Contra qui non solum vetat rem alienari extra familiam, sed & vult eam in familia relinqui, duo videtur velle, alienari in gratiam heredis, alterum in gratiam familiae. Prior clausula, qua rem vetat extra familiam alienari, respicit gratiam heredis, qui permittitur rem ita alienare; ut ab ipsis familiaribus pretium, remve aliam recipiat: posterior, qua eam vult in familia relinqui, respicit gratiam familiae, cui, si pretium, remve aliam pro ea dare reentet, ea res defertur ex fideicommissum; & consequenter ex causa non onerosa: proinde si duae istae clausulae concurrant, recusantibus iis, qui de familia sunt, rem emere, aut ex alia onerosa causa accipere, non debet conditio haberi pro impleta, quum possint si secundum voluntatem testatoris rem habere ex causa lucrativa. Nec verum est, interdictae extra familiam alienationi posteriore clausulae tacite inesse, quasi testator non

non aliam ob causam alienari rem vetet extra familiam, quam ut ea in familia relinqueretur; nam qui rem vetat extra familiam alienari, nec jubet eam in familia relinqui, nec uno videtur velle familiaribus prodesse, ut in emptione extraneis praeferantur.


C A P U T VII.

FIDEICOMMISSUM CONVENTIONALE.

DE fideicommissio testamento, codicillisve instituto haecenus est actum: nunc de conventionali, cujus frequens apud veteres, recentioresque interpretes juris mentio est. *Conventionale* dicitur, quia proficiscitur ex contractu, atque in tabulis nuptialibus ut plurimum instituitur. Posse rem ea lege donari, ut post mortem donatarii, vel ad donatorem ipsum redeat, vel aliis restituatur, constat ex *L. 2. & L. 3. C. de donat. quae sub modo*. Quin & illud additur in *cit. L. 3.*, etiam si is, cui res erat restituenda, stipulatus non sit, actionem utilem competere juxta donatoris voluntatem. Transitus istum rei de uno in alium ex conventionali fideicommissio fieri, docent Nostri apud Peregrinum *Art. 51. num. 2.*, laudantque Imp. Alexandri rescriptum in *L. 1. C. de donat. caus. mort.*, Si donatione contineatur, ut altero defuncto ad alterum portio eorum, quae donabantur, pertineret, existente conditione, si mortis causa donatio perficiebatur, fideicommissi actio competit. At verò Faber de *err. pragm. dec. 47. err. 10.* fideicommissum conventionale nullum agnoscit ea ratione, quod fideicommissi necessitas omnino pendet a fide heredis: unde non aliis, quam precariis verbis relinquitur: nihil sit autem tam contrarium, quam eam a cautione pendere, arg. *L. pater 38. §. pen. de leg. 3.*, & *L. Balista 32. ad Trebell.*, quos textus in suam sententiam subtiliter expendit. Neque obflare ait rescriptum Alexandri; in eo enim agitur de mortis causa donatione, quae species est ultimae voluntatis, nam vivo donatore recte revocatur, nec ante vires habet, quam ille obierit: cui consequens est, male conjungi *cit. L. 1. C. de donat. caus. mort. cum cit. L. 3. C. de donat. quae sub modo*, quum longe alia sit ratio donationis causa mortis, quam donationis inter vivos, quae statim perficitur, nec potest pro donatoris arbitrio revocari. Hinc demum conficit, per solos actus ultimae voluntatis, quales sunt testamentum, codicilli & mortis causa donatio, institui fideicommissum: per alios autem, qui fieri dicuntur inter vivos, non fideicommissum institui, sed substitutionem conventionalem, quae fideicommissio latius patet, quaeque irrevocabilis est, si jus quaesitum sit substituto: huic autem jus quaeri aut suo ipsius facto, i. e. si ipse sibi stipuletur, aut potestate legis, i. e. si quam ei Lex accommodet actionem, ut in *cit. L. 3. C. de donat. quae sub modo*.

Sunt haec quidem, quae Faber ait, multo magis, quam illa, quae vulgo traduntur, consentanea juri Romano, Sed vulgaris Nostorum traditio dominatur in foro. Secundum vulgarem istam traditionem verum fideicommissum instituitur per actus inter vivos etiam circa eorum, quorum in-

interest, stipulationem; nam pro descendantibus legitimis & naturalibus recte stipulantur adscendentes, ac pro quibuslibet extraneis absentibus & ignorantibus Notarii nostrorum temporum, si tamen rogati publico suo officio fungantur: sed non ante absentibus per notarios jus quaeritur, quam illi factum a notariis habuerint ratum: interea tamen non possunt promissores factum mutare. Num quae de fideicommissis ultima voluntate institutis nostro hoc Commentario dida sunt, ea locum habeant omnia in fideicommissis, quae actu aliquo inter vivos instituuntur, late disputant Nostri. Rem totam pertractat in *cit. art. Perègrinus*. Hoc uno certe distant fideicommissa testamento codicillisve instituta a fideicommissis actu aliquo inter vivos institutis, quod interdicta in his alienatione, si alienari contingat, dominium transfertur, eique, qui alienationem prohibuit, competit adversus eum qui alienavit, conditio ob causam datorum in id, quod interest: interdicta autem in illis, nihil actum intelligitur, ac proinde non transfertur dominium. Posterius hoc exploratissimum juris est: prius illud receptissimum est in Scholis & foro, paucis discrepantibus, quorum numero est Faber de *err. Pragm. dec. 87. arr. 5. 6., & 7.*, & luculentissime probatur Imp: Valeriani & Galieni rescripto in *L. si ea 3. C. de condic. ob caus. dat. in quam V. Wisembachium*, qui Fabri argumenta expendit, diluque. Discriminis rationem hanc adfert Donellus ad *d. L. 3. num. 2.*, quia supremis voluntatibus plus tributum est, quam voluntatibus contrahentium: & vero supremæ hominum voluntates pro legibus sunt, *L. verbis Legis de verb. sign., & Nov. 22. cap. 2.*; alienationem autem contra Leges factam nullius momenti esse non ambigitur.



IN TITULUM VII. LIBRI XXVIII. PANDECTARUM.

DE CONDITIONIBUS, ET DEMONSTRATIONIBUS.

COMMENTARIUS.



Interpretabor hoc anno Titulum VII. Libri XXVIII. Pandectarum *De conditionibus institutionum*, itemque Titulum I. Libri XXXV. *De conditionibus, & demonstrationibus, & causis, & modis eorum, quae in testamento scribuntur*. Posterior hinc ad legata & fideicommissa pertinet: huicque respondent ires Codicis Tituli *De conditionibus insertis tam legatis quam fideicommissis: De falsa causa adjecta legato vel fideicommissis*.

De his, quae sub modo legata vel fideicommissa relinquuntur: prior ille pertinet ad institutiones, quo nomine aliquanto latius accepto, ut in *L. 1. pr. D. de vulg. & pup.*, ac *L. midier 20. §. 2. de cond. inst.*, etiam substitutiones comprehenduntur: quin comprehendendi iidem restitutiones ex fideicommissis monet nos Titulus Codicis illi respondens *De institutionibus, & substitutionibus. & restitutionibus sub conditione factis*. Sed institutionibus acque ac legatis & fideicommissis adjici conditio, & demonstratio, & causa, & modus potest, licet non semper eodem effectu: qua de re suis locis.

Commentarii quatuor facio partes. In prima de conditionibus: in secunda de modis, qui ad conditiones propius accedunt: in tertia de demonstrationibus: in postrema agam de causis.

COM.

C O M M E N T A R I I

P A R S I.

DE CONDITIONIBUS.

C A P U T I.

CONDITIONIS DEFINITIO.

Conditio est clausula actum, cui apponitur, in futurum incertumque eventum suspendens. Hinc, dum eventus expectatur, actum *pendere*, & *pendere* conditionem Jurisconsulti ajunt in *L. Julianus 60. §. 1. de cond. indeb.*, & *L. si quis 14. §. 1. quib. ex caus. in poss.* Si qua conditio in praeteritum, aut in praesens conferatur, ea figuram habet conditionis, vim conditionis non habet, uti Proculus loquitur in *L. Cornelius 69. de her. inst.* Et recte Ulpianus puram esse scribit hanc institutionem, Ille, si eum Codicillis heredem scripsi, heres esto, *L. institutio 10. §. 1. de cond. inst.* Quandoque fit, ut conditio conferatur in futurum, nec tamen conditio sit, ut si certo sit exstatura. Ulpianus in *L. si pupillus 9. §. 1. de novat.* Qui, inquit, sub conditione stipulatur, quae omnimodo exstatura est, (sic habet Fl. Liber, nec quidquam causae est, cur sit legendum, ut in vulgatis, exstatura) pure videtur stipulari. Quod de stipulatione Ulpianus, idem de legato habet Papinianus in *L. heres meus 79. de cond. & dem.* Heres meus, quam morietur Titius, centum ei dato, purum legatum est, quia non conditione, sed mora suspenditur, non potest enim conditio non exsistere, h. e., Titius non mori.

Quod conditionis proprium est in futurum incertumque casum suspendere actum, ex eo intelligis, ingenio ac tempore illos abusi, qui quaerunt, num testator heredis, legatariiue liberos in conditione posuiros videatur ad hereditatem, legatariiue vocasse ex testamento, quasi ex iacito fideicommissio. Legare (quo verbo in XII. Tabulis omnis comprehenditur voluntas morientium, *L. verbis 120. de V. S.*) est de re certo statuere, ac legis modo. Vlp. *Fragm. Tit. 24. §. 1.* Huic autem quid magis contrarium, quam incertum conditionis? Ita possem quaestione ista paucis defungi: nec moveret eo, quod posset opponi, ad fideicommissum inducendum qualiacumque verba sufficere, quae indicum faciant voluntatis: quin nudas conjecturas etiam sine idoneis verbis; nam facile esset sexcenta juris loca in medium asserre, quibus docemur, ad fideicommissum inducendum nec satis esse verba sine voluntate, nec voluntatem sine idoneis verbis: qualia certae non sunt conditionalia. Loca juris concessit fere omnia A. Faber *L. 14. Conject. cap. 2.*, quorum potissima sunt *L. pater 38. §.*

mater 7., *L. Juliano*, alias *testatoreſi* 18. §. *ex his* 1. de leg. 3., ac *L. libertates* 16. de *fideicom. liberi*. Quoniam vero quaestio haec frequentissima est in foro, & non raro secundum liberos in conditione positos invita jurisprudentia pronunciatur, mihi deliberatum constitutumque est, non defunctoriam in ea operam ponere, maxime quum non ad solam ingenii exercitiorum instituat, nam si Gajum ponas heredem institutum, eique, si sine liberis decesserit, substitutum Sempronium, permagni refert, num liberi in conditione positi ad hereditatem vocentur ex testamento. Si ex testamento vocantur, hereditatem capiunt ex tacito fideicommissio, sicque beneficio testatoris, non Gaji, cujus creditoribus, quod pertinet ad eam hereditatem, respondere liberi non compelluntur: ac porro, si quid ex ea Gajus distinxit, revocant jure suo.

Jam quod ajunt, positos in conditione vocatos intelligi, tam falsum est, quam quod falsissimum. Id egregie praeter ceteros demonstrat A. Faber *Conjectur. Lib.* 17. c. 18. 19. & 20., ac de *error. pragm. dec.* 26. *err.* 8. 4. 5. & 6. Sed est, cur in tam gravi juris interprete nimiam ac miseram diligentiam jure reprehendas. Quae fuerant ad ejus usque tempora in utramque sententiam disputata, ea is persequitur omnia, esque in nonnullis, quae risum movent, nimium multus, atque adeo ineptus. Ego delectum habeo argumentorum, quae utrinque proferuntur. Selectiora in eam sententiam, quam tueor, argumenta, haec sunt. Paulus in *L. r.* §. 8. ad *L. Falcid.* formulam hanc expendens, *Heres meus Sejo penum dato: si non dederit, decem dato*, primum ait, *quosdam putasse*, id legato decem esse, non penum: tum subjicit si *incontinenti heres penum solverit, videri hoc legatum esse*: porro expendens hanc alteram, *Si penum non dederit, decem dato*, precise negat, penum esse: legatam. Ecce uno casu in legato est penus, non itidem altero? Quia uno testator de penu certo stavit, & in modum legis ea formula, *Heres meus Sejo penum dato*: altero penum posuit in conditione. Idem docet Vlpianus in *L. si quis* 8. *D. si quis omissa caus. test.* Praetor actionem pollicetur in eum, qui omissa causa testamenti hereditatem, hujusve partem possidet ab intestato in fraudem eorum, quibus eo testamento legata, vel fideicommissa relicta sunt, *L. r. eod.* Nunc pone heredem institutum sub conditione dandorum decem, omissa causa testamenti hereditatem possidere ab intestato. Num sit ei subveniendum, cui dari decem oportuit, quaeritur. Et *magis esse*, inquit Vlpianus, *ne subveniatur, neque enim legatarius est*. Testatorem voluisse decem dari, non ambiguit: at is modum Legibus praefcriptum non servavit. Decem posuit in conditione, non *Legis modo* legavit. Ne quis tamen dicat, forsasse Paulum, & Vlpianum ita sensisse de extraneis in conditione positus, aliter de iis sensuros, qui testatori essent sanguine conjuncti, ecce Imperatorum Severi & Antonini rescriptum in *L. r. C. de pass.*, quo conjectura ista pietatis excluditur. Pater Philinum, & Licinium filios scripsit heredes, verbisque fideicommissi a Philino petiit, ut si vita sine liberis decederet, Licinio fratri restitueret hereditatem. Philinus antequam liberos tolleret, cum Licinio transiit, promisso ei sextante: tum filium Philinum suscepit, quo superflue diem obiit suum. De vi transactionis fuit quaesitum. Rescriperunt Imperatores, *passum de sextante Licinio dando in-*
terposi-

terpositum non ideo iniquum videri, quod pater facta divisione diem suum filio superstite functus esset. In conditione erat positus nepos testatoris: nec fuit tamen testamento avi ad hereditatem vocatus. Si fuisset vocatus, eo invito consistere transactio a patre facta non potuisset; transigere enim est alienare.

In contrariam sententiam multi laudantur juris loci. In his est locus Scaevolae, quo uno commoveor, in *L. Lucius 85. de her. inst.*, Lucius Titius Titium fratrem ex asse scripsit heredem, eique, si filium filiamve ex se natum natamve non haberet, Stichum & Pamphilum substituit. Hanc speciem tractans Scaevola inquit, testatorem non fratrem solum, sed & liberos praetulisse substituitis. Si liberos in conditione posuit testamento praetulit, certe eos testamento vocavit, quemadmodum testamento vocavit fratrem, quem iidem praetulit.

Verum quod testator liberos praetulit, ex eo non sequitur, eum liberos testamento vocasse. Qui plures filios impuberes habens ei, qui novissimus morietur, heredem substituit, filios omnes novissimo praemortientes praefert substituto, non vocat tamen eos ex fideicommissis, sed tantum velle intelligitur, jus legitimarum hereditatum integrum custodiri inter eos, uti Florentinus loquitur in *L. vel singulis 37. de vulg.* Ita in specie Scaevolae praefertur liberi substitutis, sed non tanquam vocati ex fideicommissis. Natis liberis remittitur onus substitutionis, eisque reservatur jus patruo succedendi ab intestato, uti rectissime Accursius in eum locum. Haec ut probe intelligantur verba ipsa Scaevolae adscribenda sunt, tum aliquid futurae interpretationi praemuniendum. Verba sunt, *Lucius Titius, qui fratrem habebat, testamento ita cavuit: Titius frater meus ex asse mihi heres esto: si mihi Titius heres esse noluerit, aut (quod abominor) prius moriatur, quam meam hereditatem adierit, aut filium filiamve ex se natum, natamve non habebit, tunc Stichus & Pamphilus servi mei liberi & heredes mihi aequis partibus sunt.* Quaero, quum Titius hereditatem adierit, & liberos aditae hereditatis tempore non habuerit, an Stichus & Pamphilus ex substitutione liberi & heredes esse possint. Respondit. Si frater adiit, Stichus & Pamphilus heredes non erunt, quos eo amplius noluit heredes esse, si frater prius quam hereditatem adiret, decessisset liberis relictis; nam prudens consilium testantis animadvertitur, non enim fratrem solum heredem praetulit substitutis, sed & ejus liberos. Testator conditiones tres substitutioni adscripsit: primam, si frater heres esse nolle: secundam, si prius moreretur, quam adiisset hereditatem: tertiam, si filium filiamve ex se natum, natamve, non haberet. Adscripsit autem eas conditiones particula disjunctiva usus: sed *et*, aut, quod tertiam praestit, vim habet particulae conjunctivae et, conjungitque tertiam conditionem cum secunda. Ut id persuasissimum habeas, faciunt verba, haec Scaevolae, *Quos eo amplius noluit heredes esse, si frater prius quam hereditatem adiret, decessisset liberis relictis.* Igitur quo substituti admitterentur, non erat satis fratrem decessisse ante adiitam hereditatem, sed & illud erat opus, nullos ex se liberos reliquisse. Accedit etiam, quod substitutio, de qua Scaevola, directa, & vulgaris est, non fideicommissaria, ut proinde nisi disjunctivam particulam accipias pro conjunctiva, illud inde conficias, necesse sit, fratre post adiitam hereditatem sine liberis mortuo, locum substitui.

DE CONDITIONIBUS CAPUT II.

189

CONDITIONIS NOTAE:

CONDITIONIS notae sunt particulae quaedam verbis junctae temporis futuri. Talem esse particulam *si* nemo unus ignorat. Quandoque conditionem facit particula *quum*, quae proprie diem designat. Sed refert, num dies certus sit, an incertus. Certus dicitur, quem certo existitutum scimus, licet quando existitutus sit, ignoremus, ut in formula, *quum morieris*. Dicitur incertus, quum de eo ne id quidem scimus, num aliquando sit existitutus, ut in formula, *quum navis ex Asia venerit*: quod conditionis est proprium. Ergo ea particula tum demum conditionis est nota, quum nota est itidem diei incerti. Inter diem incertum, & conditionem nihil interest: cuius rei argumento est *L. si dies 21. quand. dies leg.* Proponit ibi Paulus tria incerti diei exempla, *quum pubes erit, quum in familiam nupserit, quum Magistratum inierit*: tum subdit, non pertinere legatum, nisi tempus conditione obligat, id est nisi factus sit pubes, nisi nupserit in familiam, nisi inierit Magistratum: Haec tempora, hae conditiones debent obtingere: nam non alia tempora, non alias conditiones Paulus proponit. Igitur *Tō* vel apud Paulum particula est explicantis. Alia exempla habes in *nost. Instit. repet. praelect.* Sed nihil est opus argumentis. Luculentissime Papinianus in *L. dies 75. de cond. & dem. Dies*, inquit, *incertus conditionem in testamento facit*. At quo pertinet *Tō* in testamento? Eone, ut incertum diem non facere in contractu conditionem putes? Ita confidentissime Cujacius in eum locum, Recte ait Papinianus, in testamento, quod notandum summe, nam aliud est in stipulatione, vel contractu. Heres est debitor legatī, promissor est debitor rei deductae in stipulationem: uterque est debitor; & tamen haec verba, *quum morietur heres* conditionem faciunt: haec verba, *quum morietur promissor*, conditionem non faciunt, *L. sub conditione, & L. seq. de condit. indeb.*

At vero est hic magni Legum interpretis magnus error, quem, ne tanti viri auctoritas transverfos vos agat, juvabit hic refutare. Ulpianus de stipulatione agens in *L. quodcumque 45. §. non solum 3. de V. O.* Inter haec, inquit, nihil interest, *quum veneris, & si veneris*. Porro Celsus in *L. qui promissi 48. de condit. indeb.* haec habet, *Qui promissi* (verbum est hoc proprium contractus) *si aliquid a se factum sit, vel, quum aliquid factum sit, dare se decem; si priusquam id factum fuerit, quod promissi, dederit; non videbitur fecisse quod promissi*. Fere eadem verba sunt apud Ulpianum de stipulatione tractantem in *L. stipulatio 38. §. inter 16. de V. O.* Sed apud Celsum sequitur, quod est apud Ulpianum omnino inaudientium, *aque ideo repetere potest*. Formula, *si quid factum sit*, conditionem: formula, *quum aliquid factum sit*, diem incertum continet: utriusque effectus idem, h. e. repeti posse datum pendente ea conditione, eove die. Ergo is dies conditio est. Hoc idem non obscure probant *L. sub conditione 16., & L. nam si 17. de condit. indeb.*, quibus Cujacius in suam sententiam abutitur. Ait Pomponius in *cit. L. 16.*, *Sub conditione debium*

P

per errorem solum, pendente quidem conditione repetitur: conditione autem existente, repeti non potest. Quod autem sub incerto die debetur, die existente non repetitur. Ecce quod de conditione, idem tradit Pomponius de die incerto. Contrarium de die certo docet ex Celsi sententia Vipianus in cit. L. 17., Si, quum moriar, dare promissero, & antea solvam; repetere me non posse, Celsus ait. Tò quum moriar clausula est diei certi, nam dies mortis omnino est exliturus: neque alia est ratio, cur Celsus & Ulpianus solum ante eum diem condici posse negent, L. in diem 10. D. eod. Nihil est igitur in iis Legibus, quod sententiae Cujacii faveat. Sed suam ille de iis Legibus sententiam aperit Lib. 13. Obs. c. 20. Ibi is ait, in iis verbis cit. L. 16., Quod autem sub incerto die, Tò autem notam esse differentiae inter diem incertum, & conditionem: quae tamen secundum ea, quae de utriusque effectu apud Pomponium traduntur, prorsus nulla est: tum pro iis, die existente non repetitur, legit, die pendente, vel die non existente, i. e. antequam dies veniat, non repetitur: sicque eum locum accipit de die incerto, quem tamen venturum esse, certum est, ut ita novissima verba, cit. L. 16. convenient cum L. 17., quae de die loquitur certe exlituro. Verum tria sunt, quae Cujacio graviter obstant. Primum illud, quod diserte loquitur Pomp. de die incerto: deinde illud, quod violentam illam emendationem fides codicum non patitur: demum illud, quod ita L. 17. omnino otialetur. Non me movet particula autem. Haec ibi non adversantis particulae vim habet, sed qualitercumque conjungentis: cujus significationis exempla non raro occurrunt in libris Latinorum. Quod si malis praeferre verendum A. Fabri emendationem pro autem reponendis item, non abnuo. Porro quod addit Cujacius, verba, quum morietur heres, conditionem facere in testamento: verba, quum morietur promissor, non facere in contractu conditionem, id ei excidit aliud cogitanti. Sunt illa diei certi exempla, Papinianus autem de die incerto agit. Verum quidem est, verba, quum morietur heres, facere conditionem; sed habet id peculiarem causam, de qua mox. Redeo nunc ad Papinianum illud in testamento; sicque facio conjecturam, fuisse adjectum ex abundanti, ut verbis utar ejusdem Papiniani in L. quaesitum 12. §. si quis 46. de fund. insir. vel instrum. leg. Fortasse Libro XXXIV. Quaestionum, ex quo Tribonianus unum illum versum retulit in Pandectas, dies incertus conditionem in testamento facit, de re testamentaria egit Papinianus: facere autem facile potuit ipsa subiecta materia, ut verbum illud Papiniano exciderit tanquam conveniens, uti certe erat testamento, non tanquam sic proprium testamenti, ut non conveniret etiam contractui.

Jam quod de die incerto docet Papinianus; perpetuum non est. Libertatem ita testamento datam scribit Scaevola in L. Thais 41. §. 10. de fideicom. lib., Cupitum servum meum, quum Marcianus filius meus sedecim annos impleverit, rationibus redditus liberum esse volo. Recte Cujacius lib. 2. Obs. c. 1. quum ex conjectura, tum ex fide manuscriptorum librorum, quos habebat apud se, pro sedecim legit quatuordecim: Jam verba quum Marcianus quatuordecim annos impleverit, certe continent diem incertum, hincque secundum regulam Papiniani pro conditione est, & ab ipso Scaevola nominatim conditio appellatur. Sed Marcianum subicit Scaevola impuberem decess-

decessisse. Ecce defecit conditio, sub qua data libertas fuit, Et Scaevola tamen respondet, libertatem deberi, satisque esse expectari tempus quo, si vixisset Marcius, quatuordecim annos impleset. De ratione non est laborandum. Id favor libertatis expressit. Idem Scaevola conditionem illam *humaniore interpretatione* accepisse ait: ac luculenter Papinianus in *L. fideicommissaria* 23. §. *etiam* 2. *D. eod.*, ubi species eadem proponitur, sententiam illam receptam, inquit, *jure singulari*: multoque luculentius Julianus in *L. si ita* 16. *de mon. test. id favore libertatis receptum*, ait, *circa alia vero legata deficere conditionem videri*. Jus illud, quod Juliano, & Papiniano receptum dicitur, jus est a Prudentibus introductum *per interpretationem*, cujus diserte meminit Scaevola, tum Populi Romani moribus comprobatum. Tandem illud Imperatorum Valeriani & Gallieni constitutio confirmavit in *L. 10. C. eod.* De alimentis sub eadem conditione legatis idem respondisse videtur Scaevola in *L. liberis* 18. §. *ab heredibus* 2. *de alim. leg.* Ab heredibus Stichum manumitti voluit, eique, si cum Sejo moraretur, cibaria, & vestimenta praestari a Sejo: deinde haec verba adjecit, *A te autem, Sei, peto, ut, quam ad annum viceesimumquintum perveneris, militiam ei compares: si tamen te ante non reliqueris, quaesitum est, Stichum statim libertatem consequuo, prius autem defuncto Sejo, quam ad annum viceesimumquintum perveniret: an ab his, ad quos bona Seji pervenerunt, militia Stichum comparari debet; & si placet deberi, utrum statim militia comparanda sit, an eo tempore, quo Sejus annum viceesimumquintum expleurus fuisset, si supervivisset. Respondi, quum placeat comparandam, non ante deberi, quam id tempus cessisset: Tò quum ad annum XXV. Sejus perveniret, conditio est: haec autem deficit Sejo ante eam aetatem defuncto: & legatum tamen militiae sub ea conditione relictum debetur. Quid ita? Num quia eo legato onus rependitur liberto impostum cum Sejo morandi: in legatis autem, quae onus habent adjectum dies incertus conditionem non facit? An quia sic postulat favor alimentorum, quae ad annum usque XXV. legantur, quorumque locum subit militia post eum annum comparandam? Prius, quod visum Jafoni, ac Duarenio, falsissimum est; namque in cit. *L. 41. §. 10. injungitur eidem servo onus administrationis, cujus tum erat rationes redditurus: & tamen ne dici incerto insit conditio, non injuncti oneris ratio facit, sed favor libertatis. Posterius, quod novissime visum Averanio Interpret. jur. Lib. 2. c. 17. n. 7., omnino verum, quum quia non minor alimentorum, quam libertatis est gratia in jure, tum quoniam alia melior ejus rei adferri ratio non potest. Militia, cujus meminit Scaevola, inermis militia erat, quae Tacito *Hist. Lib. 1.* dicitur urbana, comprehendebatque officia eorum, qui aut ministrabant Imperatoribus, aut Magistratibus apparebant: qua de re latissime Panciroli in *Notitia utriusque Imperii*. Erat militia in commercio: atque hinc frequentissime legabatur, *L. mortuo* 49. §. 1. *de leg. 2., L. fideicommissa* 11. §. *si servo de leg. 3., ac cit. L. 18. §. 2. Apparitores, quorum despectior militia, & plurimum liberti. Cic. ep. ad Q. frat. Uti particula quum in casibus suprascriptis, ita particula quamdiu temporis incerti, atque adeo conditionis est nota in specie *L. pater Severinam* 101. §. *ult. de cond. & dem.*, ubi Papinianus, *fideicommissa; inquit, mensura, & annua sub ea conditione liberto relicta, quamdiu res pa-****

roni

roni filiae gesserit, eisi praestari necesse est, filia prohibente res suas administrari; tamen voluntatem filia mutante conditionem resumunt; quoniam plura sunt. Sed de hoc iuris loco infra redibit sermo. Interdum dies incertus, & conditio concurrunt. Agam de hac re cap. 7. part. 1. hujus Commentarii.

Quantum ad diem certum, separanda sunt a contractibus legata. In contractibus nunquam facit conditionem: proinde soluti ante eum diem conditio non est, *L. in diem 10. D. de condit. indeb.* In legatis videndum utrum certo sit exsisturus vivo legatario, nec ne. Dies certus certo exsisturus vivo legatario non facit conditionem: facit vero, si ium vivo eo, an mortuo exsisturus sit, ignoretur. Est nunc explicatu facilis Papiniani locus in *L. heres meus 79. pr. & §. 1. de cond. & dem.* Proponit ibi formulas duas, quarum altera haec est, *Heres meus, quum morietur Tullius, centum ei dato*, altera haec est, *Heres meus, quum ipse morietur, centum Tullio dato*. Prius legatum esse purum inquit, quia non conditione, sed mora suspenditur, non potest enim conditio, id est dies non existere, subaudi, legatario vivo, nam mortis tempus vitae tribuitur qua de re vide dicta in nostr. *Inst. repet. praedict. tom. 2.* posterius esse, ait, sub conditione relictum, quamvis enim heredem moriturum certum sit, tamen incertum est, an legatario vivo dies legati non cedat, & non est certum ad eum legatum perventurum. Alia contractuum, alia est ratio legatorum. Contrahimus eo animo, ut non nobis solum, sed & nostris heredibus prospiciamus, *L. si patrum 9. D. de probat.* proinde, quamvis conditio pendeat, spem adquiremus, debitum nobis iri, eamque spem transmittimus ad heredes, §. 4. *Inst. de V. O.*: unde quum eo ipso loco sint heredes, quo nos, ipsi, qui contraximus, nihil debet interesse, num vivis nobis, an mortuis existat conditio. Contra legamus certe personae meritum repensuri, quod non transit ad heredes, *L. nec adjecit 9. D. pro soc.*: quo sit ut legatario vivo cedere dies legati debeat, mortuo non possit, eoque ante diem decedente intercidat legatum, *L. intercidit 59. de cond. & dem.* Hinc etiam petenda ratio, cur stipulatio in singulos annos concepta una sit, & pura, *L. si Stichum 16. §. stipulatio 1. de V. O.*, contra vero si in plures annos legetur, non unum sit legatum, sed plura: & primi quidem anni purum; sequentium conditionale, quasi adscripta sit conditio, si legatarius vivat, *L. si in singulos 4. de ann. leg.*

Porro conditionis nota est relativum verbo junctum temporis futuri: Habes id apud Julianum in *L. Stichum 6. de leg. 1.*, *Stichum, qui meus erit, quum moriar, heres meus dato*. Magis conditionem legato injecisse, quam demonstrare voluisse patremfam. apparet, eo quod si demonstrandi causa haec oratio poneretur, ita concepta esset, *Stichum, qui meus est, non, qui meus erit*. Sed conditio talis accipi debet, quatenus meus erit, ut si totum alienaveris, legatum extinguatur: si partem, pro ea parte debeatur, quae testatoris mortis tempore fuerit. Idem scriptum est apud Pomponium in *L. nuper 85. de leg. 3.* Verba sed conditio talis &c. confectarium sunt ejus, quod praecit voluisse patremfam. magis conditionem injecisse legato, quam demonstrare. Tē qui meus erit si esset demonstratio, Stichus non pro parte, qua mortis tempore ad testatorem pertineret, sed totus deberetur; nam falsa demonstratio non necet, *L. falsa 33. de cond. & dem.*, nisi fuerit alienatus ex caus-

cassa voluntaria, quae animum prodit adimendi legati, arg. *L. fideicommissa* 11. §. *si rem* 12. de leg. 3.: quod autem conditio est, ideo si ex parte fuit alienatus, reliquum; si totus, nihil debetur. A Trebatio praecipue suo discessit in hac re, ut fere in aliis, Labeo: sed vicit sententia illius. Labeo ait, verba sunt Pauli in *L. servi* 5. §. 1., quum certa res, aut persona legatur ita, qui meus erit, quum moriar, heres dato, & communis sit, totum deberi. Trebatium vero respondisse partem deberi, Cassius scribit: quod & verius est. Quod Trebatius accipiebat pro conditione, Labeo pro demonstratione accepit, cit. *L. nuper*. Num ad dissensum istum spectavit in cit. *L. 6.* Julianus eo verbo magis? Ita posset probabiliter tueri quod in eum locum Accursius adnotat, *Tō magis* positum ibi *συμπλητικῶς comparate*: quae vulgaris est ejus acceptio; nam Pomponii locus in *L. servitū* 34. §. ult. de aur. arg. leg., quo Accursius movetur, est de mendo suspectus, ut mox. Sed probabilius fortasse Cujacius *Obs. II. 39.* *Tō magis* possum contendit *τενικῶς, positive*, quasi scriptum, *conditionem* iniecisse, non demonstrare voluisse: quae significatio non rara in Libris juris. Et vero aetate Jurisconsultorum, ex quorum fragmentis Pandedae constant, Labeonis opinio adscriptorem habebat nullum; contra Trebatii sententia tam certa erat, quam quod certissimum; unde Pomponius in cit. *L. 85.* proposita formula, *vestis quae mea erit, putore* se ait, sine dubio accipienda pro conditione: tum subiecta contraria Labeonis opinione, sed alio, inquit, jure utimur. Verum quid est, quod sibi parum constans Pomponius scribit in cit. *L. 34.* §. ult., *Si ita legasset uxori, aurum, quod ejus causa paratum erit, tunc rectissime scribit Q. Mucius, ut haec scriptura habeat in se demonstrationem legati, & argumentum?* Misere torset ingenia interpretum locus ille jurist. Ante tempora Cujacii plus sapere videbantur illi, qui putabant interelle, num certo, an incerto corpori relativum adjiceretur. Relativum certo corpori adjectum, ut in formula, *Stichum, qui meus erit*, facere aiebant conditionem, incerto adjectum, ut in formula, *Aurum, quod uxoris causa paratum erit*, facere demonstrationem: cujus differentiae rationem hanc adseriebant, quod, quum res certa satis sit demonstrata, relativum non ad rem pertinet, quae legatur, sed ad actum ipsum legandi, quem facit conditionalem: contra ubi res est incerta, non videtur relativum alio spectare, quam ut eam demonstraret. Ita post Alexandrum Emmanuel Costa *select. interpr. lib. 1. cap. 6.* Inclipavit aliquando animus ut idem cum iis de Pomponio sentirem. Movebat me, quod Paulus in cit. *L. 5.* §. 1. de leg. 1., ubi formulae, *qui meus erit*, inesse docet conditionem, rem certam legatam ponit. Sed nunc ut ab iis seorsum sentiam, ac *Tō certa* apud Paulum ex abundanti adjectum putem, facit idem Pomponius in cit. *L. 85.*, ubi eodem jure censet formulam hanc, *Vestem, quae mea erit, atque hanc, Stichum, qui meus erit*: & tamen posteriore certum corpus, priore incertum legatur. Restat, ut pro iis *demonstrationem legati, & argumentum*, legamus *deminutionem legati, & augmentum*: Ita Pomponii locum haud infeliciter emendavit Cujacius cit. cap. 39.: quae emendatio non tota est ex conjectura; nam *Tō augmentum* ex fide est quorundam veterum librorum: quod verbum satis idoneo indicio est pro *demonstrationem* omnino esse reponendum, *deminutionem* Novissime conatus

cit vulgarem scripturam adversus Cujacium tueri Marcellus *Interpret. recept. jur.* Sed rubeor ego summi illius emendationem. Et primum (quod ipse Cujacius adinovit) si retineas *Tā demonstrationem*, quae erit vis *Tā argumentum*? Deinde quis inconstantiae notae Pomponium eximet pro conditione accipientem in *cit. L. 85.*, quod pro demonstratione accipit in *cit. L. 34.*; maxime quum uterque locus sit descriptus ex Libris; quos ille ad Q. Mucium scripsit Postremo quis est, qui si animum serio seduloque ad ea attenderit, quae continuo sequuntur in *cit. L. 34.*, non videat, omnino legendum esse *deminutionem*? Sequuntur autem haec, *Ideoque ipso jure, alienata libra auri, amplius quatuor pondo non remanebunt in obligatione: nec erit iudicium distinctione, qua ex causa alienaverit testator. Tā ideoque* argumento est, quod adscriptis modo verbis comprehenditur, ex eo quod proxime praestit, deduci: proxime autem praestit illud, de quo satagimus, *Ut haec scriptura habeat in se demonstrationem legati, & argumentum*. At ex his verbis cur potest deduci, quod Pomponius certe deducit, nempe alienata post testamentum auri libram, esse legatum deminutum: Si deminutum; ergo de deminutione agit Pomponius prioribus verbis; & si ita est, recte Cujacius pro *demonstrationem* legit *deminutionem*; cui, quum augmentum opponatur, recte idem Cujacius legit *augmentum* pro *argumentum*. Quid si tempore mortis in familia sit alter ejusdem nominis servus; sed alius ab eo, quem legavit testator sub conditione, qui *meus* erit, tum vero alienavit? De hac re ita Paulus in *L. filiae 28. §. 1. de cond. & dem.*, *Autia uxor mea optato Philargyrum puerum, Agatheam ancillam, qui mei erunt, quum moriar. Is qui testamentum facit, Agatheam, quam testamentum tempore habuit, vendidit, & postea ancillas emit. Ex his uni Agathae nomen imposuit. Quaesitum est, an haec legata videretur. Respondit, legatam videri.* Ecquae ratio est, cur nova ancilla videatur legata? Paulus hic in facto enarrandi multus, in respondendo de jure nimium concisus rationem aliis investigandum relinquit. Sed fortasse ex eo patenda, quod ille factum enarrans adjicit, testatorem ancillae emittae idem nomen imposuisse; id enim indicio est, voluisse eum, ancillam, quam emit, in locum illius substituere, quam legaverat. Dum haec scribo subit animi dubitatio, num aptari Pauli responsum possit ad casum, quo nova ancilla, antequam emeretur, Agathae nomen ferebat. Et puto potest, erant enim servorum nomina in arbitrio dominorum, hique servis recens entis nova ut plurimum nomina imponebant: proinde testator, qui novam ancillam retinere passus est nomen, quod ancilla testamento legata habebat, videtur id legati memor fecisse. Secus sentio, si plures ancillas emens, omnes sua retinere nomina patitur; aut si unam quidem emit, sed non erat tamen solitus servorum, quos emebat, nomina mutare. In ultimis voluntatibus interpretandis consuetudo parissimam plurimum valet, *L. heredes 27. §. 1. D. qui test. fac.*, *L. si servus 50. §. 3. de leg. 1.*, & *L. numis 75. de leg. 3.*

Denique inter notas conditionis referri video *ablativeum*, quem Grammaticae didicant *absoluteum*. Sed vulgo traditur interesse, num *ablativeum* iste per nomen, an per participium proferatur: prioris casu non ficere conditionem, sed disponere, ut apud Neratium in *L. ab emione 58. de pact.*

pañ., integris omnibus ab *emissione* recedi: posteriore rursus interesse, quale sit participium: & futuri quidem temporis participio nunquam induci conditionem, sed eo, quod in *rus* desinit, tantum demonstrari tempus futurum, ut in illo *Lucañi Lib. 3. de bello civ. Venturo Caesare Romam Ignavae liquere manus*: eo, quod desinit in *rus*, id solum, quod fieri oportet, ut apud *Julianum in L. quidam §. §. 2. C. de neces. serv. her. inst.*, illo videlicet observando, ut *Gr.*: participio autem praesentis, vel praeteriti temporis conditionem induci, si dispositio futuros casus respiciat, ut in illo, quod *Lege municipali* cavetur, *exstantibus masculis feminas excludi*, aut in *Tit. D. sol. matr. quemadm. dos pet.*, non tamen induci, si dispositio rem praesentem, praeteritamve respiciat, ut apud *Hermogenianum in L. qui fidem 16. de transact.*, *rato manente pacto, poenam praestari*: & apud *Pauli in L. nam quod 4. §. ult. de pen. leg.*, *omnis penus legata videtur excepto vino*, Haec *Alciatus in L. quum quaerebatur 240. de V. S.*, & *Corasius in Tit. D. solut. marim.* Sed haec eadem ipse idem *Corasius* ridet *Lib. 7. Miscellan. jur. civ. c. 14.* nunquam fieri ratus, ut ablativus absolutus faciat conditionem. Ego sententiam *Alciati*, quae veterem fere omnium sententia est, lubens sequor, propositisque in rem duobus *Pandectarum* locis. Ait *Scaevola in L. a testatore 109. de cond. & dem.*, *A testatore rogatus, ut acceptis centum numis, restitueret hereditatem Titiae coheredi suae, adita hereditate decessit: similiter & Titia, antequam daret centum. Quaestum est, an heres Titiae offerendo centum fideicommisso (periculo meo lege, ex fideicommisso) partem hereditatis consequi possit. Respondit, heredem conditioni parere non posse. Claudius. Magno ingenio de jure aperto respondit, quum potest dubitari, an in proposito conditio esset. Tunc Claudius nomen est Claudii non Saturnini, uti perperam *Alciatus Lib. 4. Parerg. c. 1.*, & *Cujacius Init. Comment. in Papinian.*, sed *Triphoni Jurisconsulti*, cujus sunt sequentia verba, magno ingenio &c. *Librum singularem de poenis paganorum Claudio Saturnino adscribit epigrapha L. aut facta 16. D. de poenis*: neque usquam legi, scriptas ab eo ad *Scaevolam* notas, quas tamen a *Claudio Triphonino* scriptas probat *L. qui negotiationem 58. pr. de adm. & peric. tut.*, ubi praemissis *Scaevolae* verbis, subjicitur nota *Claudii*, qui dicitur *Triphoninus*. Notis istis *Claudius Scaevolae* sententiam quandocumque confirmat, & illustrat, ut in *L. Lucius 88. §. Damas 12. de leg. 2.*, in *L. quum quis 37. §. nuptura 4.*, & *L. seq. §i quindecim. 5.*, & *L. uxorem 41. §. Scaevola 13. de leg. 3.*, in *L. heredibus 77. §. 1.*, & *L. seq. §. Titia 6. & §. idem 9.*, & *L. mater 80. ad Trebell.* quandocumque reprehendit, ut in *L. quum venderet 10. de serv. export.*, & in *cin. L. 109.* Quid vero est, quod in ea *L.*, quae nunc ad manum, minus placet *Triphonino*? Ait *Scaevola*, parere heredem conditioni non posse: quod regulare est, ut *part. 1.* hujus *Commentarii* pluribus explicabitur: conditio autem non aliis *Scaevolae* verbis comprehenditur, quam ablativo illo absoluto, *acceptis centum numis*. Quin his verbis insit conditio, non dubitat. At hoc illud est, quod minus probat *Triphoninus*, potest enim dubitari, num ea verba conditionem contineant, an modum. Ergo in eo consentiunt, posse ablativum absolutum notam esse conditionis: quod ad *Corasium* refellendum est satis. Porro scribit *Ulpianus in L. si statulibera 6. §. ult. de statulib.*,*

Si quis rationibus redditus liber esse jussus sit, an ad emptorem hæc conditio transeat, videamus. Ecce ait datam servo libertatem sub conditione, si rationes reddidisset: quæ conditio inest ablativo absoluto rationibus redditus. Quod ad propositam questionem respondet Ulpianus alio hujus Commentarii capite exponetur. Id unum, ne quis forte putes Ulpianum verbo conditionis abutulum, res ego mobitos volo, docere eum, conditionem rationum reddendarum consistere cum in dando, tum in faciendo: id autem conditioni proprie acceptæ convenit. Quod reponit Corasius, conditionem induci non vi ablativi absoluti, sed futuri eventus, in quem actus ipse confertur; est id perridiculum. Est id notis omnibus conditionis commune, ut primum spectanda sit natura actus, cui apponuntur. Ipsa particula si non alias est nota conditionis, quam si actus, cui est adjecta, futurum, incertumque casum respiciat. Quæ quum ita sint, non usquequaque sapere eos credo, qui ablativum prolatum per nomen facere conditionem adscisse negant. Hoc etiam casu debemus naturam actus primum omnium intueri. In his, quæ superius in exemplum proposita sunt ex L. 58. de pact., integris omnibus ab emptione recedi, quis non videt, si integris omnibus ad præsens, præteritumve tempus spectare? At si quis secundum vendit salvo adfensu Regis, certe vendat sub conditione, si Rex adfenserit.

Sunt hæc, quas proposui, vulgares conditionis notæ. Sed certior nota est conjectura voluntatis, qua regi conditiones scribit Ulpianus in L. in conditionibus 19. de cond. Et dem. Hæc facit, ut conditio non sit, quæ secundum vulgares notæ conditio esset: sunt casus aliquot in corpore juris, quibus ex conjectura voluntatis testatoris dies incertus non facit conditionem. Si legerit in annos singulos, aut quotannis (quod unum idemque est, L. nec semel 12. §. novissime 6. quando dies leg.), non unum esse legatum dixi, sed plura, & primi anni purum, sequentium conditionale, inest enim conditio, si legatarius vivat: quo sit, ut mortuo eo, legatum sequentium annorum non transeat ad heredem, L. 4. de ann. leg. Verum si evidenter appareat, testatorem voluisse legatam summam dividere in plures annuas pensiones exonerandi heredis gratia, ut Marcianus loquitur in L. si cum 20. quando dies leg., i. e. ne heres urgeretur ad solutionem, ut Ulpianus inquit in cit. L. 12. §. 4., hoc casu legatum etiam futurorum annorum unum est, & purum, cit. L. 20. Purum est itidem legatum, si pareat, testatorem adjecisse eum diem, non ut eo demum veniente deberetur, quod proprium esset conditionis, sed ut dilata in eum diem legati solutione, legatario melius consulere, veluti si heres rogatus sit pupillo restituere hereditatem, quum certam ætatem complexisset, adjecta ratione, ne res tutoribus committerentur, L. in fideicommissis 3. §. Pollidius 3. de usur., quo casu adeo purum est fideicommissum, ut fructus etiam mediæ temporis fideicommissario sint restituendi, cit. §. 3., idque perpetuum est, quotiescumque non heredis, sed legatarii, fideicommissariive causa adiciatur dies, L. si ita 43. §. Pegasus 2. de leg. 2.; item si cui sit rogatus post certam ætatem dare, ne ille bona per infirmitatem ætatis prodigeret, L. libero 21. §. filium 2. de ann. leg.; demum si, cui relatum sit, quum ille præterit: non enim voluisse videtur testator legatum fideicommissumve conditione suspendere, sed heredem monere, ut petenti sta-

statim daret, *L. Titia* 85. *de cond. & dem.* Senti & alia istius rei exempla in *Libris juris*: nec difficile est alia etiam fingere.

C A P U T . III.

CONDITIONIS MULTIPLEX GENUS.

PAULUS in *L. si jam facta* 11. §. 1. *de cond. & dem.* conditionum duo genera facit, alterum *promiscuarum*, alterum *non promiscuarum*. Quales hae, aut illae sint, subjunctis exemplis (qui mos est Jurisconsultorum) non obscure demonstrat. Promiscuae conditionis exemplum hoc adfert, *si Capitolium adscenderit*: non promiscuae hoc, *si Titius Consul factus fuerit*. Ergo promiscuae conditiones apud Paulum sunt, quae in arbitrium collatae, aut in arbitrio, vel potestate nostra esse dicuntur in *L. is qui* 13. *de adq. vel emiss. her.*, *L. 1.* §. 8. *si quis emiss. caus. test.*, & *L. quum pupillus* 78. §. ult. *de cond. & dem.*, quasque verbo uno vix latine Justinianus potestativas dicit in *L. un.* §. 6. *C. de caduc. toll.*, nos latine dicimus *arbitrarias*: contra non promiscuae sunt, quae in eventum collatae, aut in casu consistentes vocantur in *d. L.* 68. §. ult., & *L. si filius* 33. §. 1. *de fidei. lib.*, quasque Justinianus verbo uno casuales vocat in *cit. L. un.* §. 7. Quae tamen ejus vocabuli ratio est? Probatur: visum Cujacio *obs. Lib. 14. c. 2.*, arbitrarias appellari *promiscuas*, quasi faciles, & promptae casuales, non *promiscuas*, quasi minus faciles, promptaeque. Idem novissime docuit Averanius *Interpret. jur. Lib. 2. c. 20. n. 2.* Verum id probabilitatis vix quidquam habet. Promiscuum a promiscendo Latinis est mixtum, & indistinctum; id vero nihil commune habet cum eo, quod in facili est. Recte idem Cujacius subdit, arbitrarias conditiones dici *promiscuas*; quia ex accidenti possunt esse casuales, sicut cum casualibus promiscentur, quo spectat illud Ulpiani in *L. suis* 4. §. 1. *de her. inst.*, Puto, recte generaliter definiri, utrum in potestate fuerit conditio, an non fuerit, facti potius esse, potest enim & haec, *si Alexandriam pervenerit*, non esse in arbitrio per hiemis conditionem: potest & esse, si ei qui a primo militario Alexandriam agit, fuit imposita: potest & haec. Si decem Titio dederit, esse in difficili, Si Titius peregrinetur longinquo itinere: propter quae ad generalem definitionem recurendum est. Tertium genus addidit Justinianus in *cit. L. un.* §. 7. conditionum *mixtarum*, quae non a solo casu, neque a solo arbitrio, sed ab utroque pendent, qualis est haec, *si nupsit Cajo*. Tertium istud genus conditionum mixtarum subiciebant veteres generi casualium, quod maxime penderent a casu.

Porro Julianus in *L. multum* 21. *de cond. & dem.* conditiones dividit in eas, quae facti, & eas quae juris sunt. Utinamque genus exemplis etiam exponit. Prioris generis exempla haec duo adfert, *si navis ex Asia venerit*: *si Titius Consul factus erit*. Ergo conditiones facti aliae non videntur ab iis, quae in casu consistunt. Posterioris exempla iterum duo continetur his verbis, *si quis se filium suum existimat, quum sit pater suus*, potest acquirere hereditatem, quare & ex parte heres scriptus, qui ignorat, an

tabu-

tabulae testamenti apertae sint, adire hereditatem poterit. Horum verborum suboscuro est sensus. Quo pateat, siuge. Scriptus est heres paterfamilias, qui potest sponte sua adire hereditatem; is tamen esse se falso putat si huiusfamilias, qui adire non alias potest, quam iussu patris. Si ea falsa opinione iniussu patris adierit hereditatem, nihilominus acquireret, quia conditio, si paterfamilias sit, qui adit sua sponte, ex jure venit, hoc est, vi juris tacite inest: illiusmodi autem conditiones nihil est necesse ut sciat heres extitisse. Finge etiam. Scriptus est aliquis ex parte heres. Huic institutioni tacite inest conditio, si post apertas tabulas adierit. Et recte Julianus heredem ex parte scriptum ponit, namque heres ex asse etiam ante apertas tabulas recte adit, *L. 1. §. ult. de jur. & facti ignor.* Jam heres ex parte, si apertae sint tabulae, adeundo acquireret, quamvis num apertae sint tabulae, ignoret, quia conditio illa ex jure venit. Jure novo imp. Justiniani in *L. un. §. quum igitur 1., & §. in novissimo §. C. de eaduc. toll.*, etiam ex parte scripti clausis tabulis recte adeunt hereditatem: Sed vide *Osuald. in Donello enucleato Lib. d. cap. 5.* Ergo conditiones juris sunt, quae tacito jure insunt. Saepe juri opponitur factum. Sexcenta prostant apud Brissonium exempla *Lib. 6. de V. S.* Quod vero Julianus conditiones facti exponens duo adfert conditionum fortuitarum exempla, id non facit, ut omnino sint; quae veniant ex facto fortunae, uti Cujacius scribit in *cit. L. 21.* Possunt illae ex quocunque hominis facto venire. Refero huc locum Pauli in *L. in facto 60. de cond. & dem.*, *In facto consistentes conditiones varietatem habent, & quasi irparitatem recipiunt divisionem: ut quid detur, ut quid fiat, ut quid obtingat, vel retro ne deur, ne fiat, ne obtingat.* Ex his dandi faciendique conditiones in personas collocantur, aut ipsorum, quibus quid relinquitur, aut aliorum: tertia species in eventu ponitur. Paulus hic facti vocabulo comprehendit etiam datum. Et vero verbum facere latissimae significationis est, omnemque omnino faciendi causam complectitur: dandi, solvendi, judicandi, ambulandi, *L. verbum 218. de V. S.* Sed Jurisconsulti quum magis proprie & signate loquuntur, factum a dato separant, ut in *L. si statulibera 6. §. ult. de statulib.*, & *L. stipulationem 2. de V. O.* Hinc profectum tertium quoddam genus conditionum mixtarum, quae partim in dando, partim in faciendo consistunt: qualis est rationum reddendarum conditio, nam quo ad reliqua quidem attingit, in danda pecunia consistit: quod autem ad ipsa volumina tradenda, percunctandasque & examinandas rationes, & dispungendas atque excutiendas, factum habet, *cit. L. si statulib. 6. §. ult.*

Facta modo conditionum ex jure venientium mentio facta, ut aliam hic adscribam conditionum divisionem in tacitas, & expressas, de qua Marcellus in *L. servo 47.*, & Modestinus in *L. nonnunquam 52. de cond. & dem.* Tacitae sunt, quae etiam non expressae inessent. Hae proprie non sunt conditiones, & nominatim expressae quandoque non obsunt, quandoque etiam nocent. Id juse persequar sub finem primae partis hujus Commentarii. Interim *Vid. Cujac. in cit. L. 52.*

A tacitis prope absunt conditiones praesumptae. Hae sunt quae non expressae habentur pro expressis ex conjectura pietatis. Illustre praesumptae conditionis exemplum dat Papinianus in *L. quum prius 102. de cond. & dem.*

dem., Quum avus filium ac nepotem ex altero filio heredes instituisse, a nepote petuit, ut si intra annum trigésimum moreretur, hereditatem patruo suo restitueret, nepos liberis relictilis intra aetatem suprascriptam decessit vita, fideicommissi conditionem conjectura pietatis respondi desecisse, quod minus scriptum (a testamentario) quam dictum fuerat (a testatore) inveniretur. In aliis quoque causis, minus scriptum, plus nuncupatum, aut recte datum, minus scriptum pronuntiarunt Jurisconsulti (v. L. 1. §. fin autem 5. de hered. inst., & L. unum ex familia 67. §. si omnia 9. de leg. 2.) sed primus Papinianus tacitam illam conditionem induxit. Secundum quod fuerat testamento scriptum, restituenda patrno hereditas erat. Quod vero avus filio praetulit nepotem, verisimile est voluisse eum eadem pietate pronepotem, & alios deinceps ex eodem nepote descendentes praeferre. Responsum hoc Papiniani humanitatis & sapientiae plenissimum probavit, produxitque ad alios casus Imperator Justinianus in L. quum acutissimi 30. C. de fideicom., & in L. generaliter 6. §. 1. C. de inst. & subst. Et anno quidem 529. priorem illam constitutionem edidit in hæc verba, Quum acutissimi ingenii vir, & merito ante alios excellens Papinianus in suis statuerit responsis, si quis filium suum heredem instituit, & restitutionis post mortem oneri subegit (ex velligiis antiquae scripturae legit Cujacius in cit. L. 102. subjecit), non aliter hoc videri disposuisse, nisi quum filius ejus sine sobole vitam suam reliquerit; nos hujus sensum merito mirati, plenissimum ei donamus eventum, ut si quis hæc disposuerit; non tantum filium heredem instituens, sed etiam filiam, vel ab initio nepotem, vel nepotem; pronepotem, vel pronepiem, vel aliam deinceps posteritatem, & eam restitutionis post obitum gravamini subjugaverit: non aliter hoc sensisse videatur, nisi is, qui restitutione onerati sunt, sine filiis, vel filiabus, nepotibus, vel nepotibus, pronepotibus, vel proneptibus fuerint defuncti: ne videatur testator alienas successiones propriis antepone: tum anno 530. edidit posteriorem, cuius verba sunt, Quum invenimus excelsi ingenii Papinianum in hujusmodi casu, in quo pater filiis suis substituit, nulla liberorum ex his procreandorum adjectione habita, optimo intellectu disposuisse, evanescere substitutionem, si is, qui substitutione praegravatus est, pater efficiatur, & liberos susceperit, intelligentem non esse verisimile, patrem, si de nepotibus cogitaverit, talem fecisse substitutionem: humanitatis intuitu hoc latius & pinguius interpretandum esse credidimus, ut si quis naturales filios habeat, & partem eis reliquerit, vel dederit usque ad modum, quem nos statulimus (in L. humanitatis 8. C. de natural. lib., cui tamen add. Auth. licet C. eod.) & substitutioni eos subjugaverit, nulla liberorum eorum mentione facta: & hic intelligi evanescere substitutionem liberis cum excludentibus, & intellectu optimo his, qui ad substitutionem vocantur, obistente, & non concedente ad eos eam partem venire, sed ad filios, vel filias, nepotes, vel nepotes, pronepotes, vel proneptes morientis transmittente, & non aliter substitutione locum accipiente, nisi ipsi liberi sine justa sobole decesserint: ut quod inter justos liberos sancitum est, hoc & in naturalibus filiis extendatur. Quia omnia & in legatis & fideicommissis specialibus locum habere sancimus. Multa sunt in Papiniani responsum, Constitutionesque Justiniani adnotanda. Et primum poni a Papiniano ait Justinianus filium restituere rogatum: quum tamen Papinianus nepotem ex filio rogatum ponat. Sed hoc leve est. Fuisse Justinianus ad alium similem

similem

mitem Papiniani locum spectavit, qui non fuit Pandeſis inferus, forſſe eum Papiniani reſponſum, quod eſt in Pandeſis, non ob oculos habentem memoria ſeſellit. Utramque ſpeciem ſinges, una eademque erit ratio juris. Deinde *conjeſturam illam pietatis*, qua Papinianus movetur, Papiniani interpres Juſtinianus in eo politam ſcribit, quod non ſit veriſimile, reſtatorem, ſi de nepotibus cogi, eam fuiſſe ſubſtitutionem ſacturum. Hinc conſicit Cujacius, Papiniani reſponſum, & Juſtiniani Conſtitutiones ceſſare, ſi tempore teſtamenti erant liberi jam nati, notique teſtatori, nam de jam natis, natiſque veriſimile non eſt teſtatore non cogitaſſe. Is igitur magis eſſe putat, ut fideicommiſſarius praeſeratur. Cujacianae ſententiae magnum meo judicio momentum addunt quae proxime praeſeunt apud Juſtinianum, *evaneſcere ſubſtitutionem, ſi is ſubſtitutione praeſervatus eſt, pater efficiatur, & liberis ſuſtulerit*. Ecce primum ponit Juſtinianus gravatum ſubſtitutione heredem, tum patrem effectum. Demum praeſumptae illi conditioni non alias eſt locus, quam ſi hereditas, legatum, fideicommiſſumve liberis reſtingatur: hique ſuperſtitibus juſtis liberis vita decedant. De liberis heredibus, legatariis, fidelcommiſſariisve nominatim loquuntur Papinianus, & Juſtinianus: nec tanta cujuſquam eſt pietas erga cognatos, & parentes, quanta parentes in liberis: & porro juſtae heredum, legatariorum, aut fideicommiſſariorum ſobolis memini Juſtinianus: quo uno juris loco ſatis reſellitur vulgaris opinio, quae fert, adjecta fideicommiſſo conditione ſi ſine liberis, fideicommiſſarium a naturalibus excludi. Juſtam ſobolem requirit Juſtinianus, ut naturalis ſit is, qui ſub ea conditione reſtituere rogatus eſt. Ex ſcite Cujacius in *cit. L. 6. id in eum ſinem cautum ſcribit*, ne videatur invitari ad proceſſandos injuſtos liberis. Quod vulgo reſpondent, a Juſtiniano conſtitutum de conditione tacita produci ad expreſſam non poſſe, id movet certe riſum. Ulpiani autem locus in *L. ex ſaſto 17. §. ſi quis 4. ad Treb.*, quo abutuntur, ut aliud jus eſſe doceant in expreſſa, quam in tacita conditione, eis graviter obſtat. Ulpiani verba ſunt. Si quis rogatus fuerit, ut ſi ſine liberis deceſſerit, reſtituat hereditatem, Papinianus lib. VIII. reſponſorum ſcribit, etiam naturalem alium efficere, ut deficiat conditio: & in libertino, eodem conliberto hoc ſcribit. Mihi autem, quod ad naturales liberis attinet, voluntatis quaefitio videbitur eſſe, de qualibus liberis teſtator ſenſerit. Sed hoc ex dignitate, & ex voluntate, & ex conditione ejus, qui fideicommiſſit, accipiendam erit. Nituntur illi reſponſo Papiniani, quod proponit, notatque Ulpianus. Sed Tribonianus tamen fragmentum illud Pandeſis inſerens Ulpiani notam probat, non reſponſum Papiniani: ex ea autem nota conſtat regulae loco habendum, conditionem ſi ſine liberis accipiendam eſſe de liberis juſtis: eoſque tantum caſus excipi, quibus teſtatoris dignitas, aliave voluntatis conjeſtura aliud poſtulare videatur.

Haec erant in adſcriptos Papiniani, & Juſtiniani locos adnotanda: Ab aliis, quae alii adnotant, ſerſo cavendum, maxime ab eo, quod adnotat Hotomanus *Quaeſt. illuſtr. cap. 13.*, heredis, legatarii, fideicommiſſariiive liberis in tacita illa conditione poſitos ex fideicommiſſo vocari: idque multo magis eſſe admittendum ſi conditio ſit expreſſa: utrumque autem verum eſſe, ſi quis ex liberis teſtatoris ſcriptus ſit heres, aut ſi cui eorum

eorum relictum sit legatum, fideicommissumve; est igitur maxime cavendum, nam Papinianus, & Justinianus toti in eo sunt, ut substitutum ex conjectura pietatis in liberos excludant: heredi, legatario, fideicommissariove proteſtationem non adiungunt de re pro suo jure statuendi: Nec obſtat quod Justinianus in *cit. L. 6. §. 1.* inquit, *Intellectu optimo his, qui ad substitutionem vocantur obſistente, & non concedente ad eos eam partem venire, sed ad filios vel filias, nepotes vel nepias, pronepos vel proneptes morientis transmittente.* Ecquid aliud est, bona ad liberos transmitti, inquit Hotomannus nisi vocare eos ex fideicommissio: sed *Tō transmittente* tanquam mines proprie dictum accipias, faciunt quum quae contra liberos in conditione positos edisserui *cap. 1. hujus 1. part.*: tum quae tria nunc subjungo. In Constitutionibus Justiniani proprietates verborum raro servatur. Ejus constitutio in *cit. L. 6.* fuit Graece scripta: in Graecis autem constitutionibus Latine vertendis saepe & graviter peccatum. Hoc ipsum idem Justinianus initio ejusdem Legis propolito fideicommissio sub duplici conditione disjunctiva, *si filius intestatus, vel sine liberis decesserit*, disjuncta pro conjunctis accipienda esse docet, ac proinde filio intestato mortuo, sed liberis superstitis fideicommissariam excludi; cui enim (verba ejus sunt) *ferendus est intellectus, si forſitan testamentum quidem non fecerit, posteritatem autem habuerit, propter hujusmodi verborum angustias liberos ejus omni pene fructu paterno defraudari.* Hic in expressa conditione positi sunt liberi: hique praefertur substituto, nec tamen vocantur ex fideicommissio. Ex fideicommissio vocati avitum, non paternum fructum percipient.

Restat conditionum divisio in possibiles, & impossibiles. His recte cognitis, illas nosse facillimum est. Impossibilis conditio est, cui natura impedimento est, quominus existat; §. 1. *Inst. de inut. stip.* Id unum genus impossibilis conditionis agnoscit Cujacius in *Tit. D. de cond. inst.*: alia genera comminisci insani esse inquit. Notat is vulgo receptam in scholis, & foro conditionis impossibilis divisionem in eam, quae natura, seu facto, & eam, quae jure est impossibilis. Qui magis proprie loqui amat, is certe sentiet cum Cujacio: quamque conditionem Interpretes dicunt *jure impossibilem*, eam is turpem dicit. Si quis tamen malit vulgarem formulam retinere, auctorem habet Papinianum, tantum abest, ut insani notam possit mereri, Papiniani verba haec sunt in *L. si filius 15. de cond. inst.* *Quae facta laedunt pietatem, existimationem, verecundiam nostram, & ut generaliter dixerim, contra bonos mores sunt nec facere nos posse credendum est.* Ita secundum vulgarem receptumque loquendi modum impossibilis conditio erit, cui natura, vel jus impedimento est, quominus existat. Jam vero quum ea, quae proprie impossibilis, tum ea quae proprie dicitur turpis, bifariam cernitur. Illa aut sui naturae impossibilis est, veluti, Si Coelum digito tetigeris, quae sit, est, eritque impossibilis; aut impossibilis est hypothesi, seu ex accidenti, de qua *cap. seq.*: haec aut illicita est, aut probrosa. Ab illicito probrosum separat Africanus in *L. 1. de his, quae poenae caus.* Porro Justinianus in *L. un. C. de his, quae poenae nom.*, a probroso separat quod est *Legibus interdictum*: & Marcianus in *L. conditiones 14. de cond. inst.* ab eo quod *contra Leges* est, illud separat, quod est *contra bonos mores*; nemo est autem, qui non intelligat, eodem redire illi-

ciam, & quod *Legibus est interdictum*, aut *contra Leges est*: itemque *probrosus*, & quod *est contra bonos mores*. Hinc *illicitam conditionem* delinō, qua id comprehenditur, quod *Leges exserte vetant: probrosam vero*, qua id comprehenditur, quod *ut ut Legibus non interdictum*, apud bene moratos viros in probro est. Moerhari turpe est, & vero etiam illicitum, *Tit. D. ad L. Jul. de adult.* Scortari est itidem turpe, *L. idem 4. §. 3. de condit. ob turp. caus.*, ac, si ius Ecclesiae species, etiam illicitum; non est tamen illicitum iure Civili, *L. si uxor 18. §. 2. ad L. Jul. de adult.* Civilis Lex non omnia imperat, quae honesta sunt, nec omnia vetat, quae turpia. Nihilominus haec pro turpibus, illa pro honestis habet. *V. dis-
sa in nostris Inst. repet. graecell. tom. 1.*

C A P U T IV.

CONDITIONES, QUAE INSTITUTIONIBUS, LEGATIS, FIDEICOMMISSISVE NON NOCENT.

Sunt quaedam conditiones, quae testamento, codicillisve adscriptae non nocent. Eae evanescere, & pro non scriptis, aut pro nullis haberi, item remitti dicuntur, *L. si quis 6.*, & *L. conditiones 14. de cond. inst.*, *L. obtinuit 3.*, & *L. non dubitamus 20. de cond. & dem.* Erit igitur pura institutio, purumque legatum, fideicommissumve. Tales sunt conditiones impossibiles consistentes in faciendo, veluti, *Si in Coelum ascenderis*: *Si mare ebiteris*; de quibus *Forner. Lib. 6. rer. quot. c. 29.*: nam quae consistunt in non faciendo, omnino non sunt conditiones, *L. servum 50. §. 1. de her. inst.*, *L. in illa 8. de V. O.* De institutione sub impossibili conditione facta ita *Vlp. in L. 1. de cond. inst.*, *Sub impossibili conditione, vel alio mendo factam institutionem placet non vitari*: & generaliter de impossibilibus conditionibus testamento, h. e. institutioni, legato, aut fideicommissis adscriptis ita idem *Vlp. in L. 3. de cond. & dem.*, *Obtinuit, impossibiles conditiones testamento adscriptas pro nullis habendas*. Tò vel alio mendo post factam conditionis impossibilis mentionem referri alio non potest, quam ad conditionem turpem. Haec aequè, ut illa, est pro non scripta, *L. conditiones 14. de cond. inst.*

Apud *Vlpianum in cit. L. 1.* momentosum est Tò *placet*, quod juris controversi, receptorisque sententiae indicium facit. Unum adscribam *Gaji locum in L. si Titio 55. de leg. 2.*, *Post multas varietates placet*. Eadem vis est Tò *obtinuit* in *cit. L. 3.*, uti rediisse *Cujacius in Tit. D. de cond. inst. pr.* Faciunt huc duo *Pandectarum loci*, alter ejusdem *Vlp. in L. fuit 24. de adq. vel omit. her.*, *Fuit quaestionis*, & *obtinuit*: alius *Hermogeniani in L. quum ex uno 32. de obl. & act.*, *Post magnas varietates obtinuit*. Novum controversi illius juris argumentum duco ex *cit. L. servum 50. §. 1.*, ubi *Vlp.*, *Si in non faciendo impossibilis conditio institutione heredis sit expressa, secundum omnium sententiam heres erit, perinde ac si pure institutus est*. Tò secundum omnium sententiam certe non otiaur: ac meo quidem iudicio eo pertinet, ut intelligamus de conditione impossibili in non faciendo convenisse inter Jurisconsultos: de conditione autem

im-

impossibili in faciendo, qualis proprie conditio est, discrepasse inter eos. Sed quae esse potuit ratio dubitandi? Ego sic facio conjecturam. Quod non uno librorum juris loco scriptum est, contractus impossibili conditione adjecta vitari, id certum jus erat. Tamen quid id non obsecrare proponit Marcianus in *L. non solum 31, de obl. & act.* ea peremptoria formula, *Nullius momenti sunt*; & luculentissime Gajus in *L. 1. §. 11. eod.* ubi *constare*, ait, *sub impossibili conditione factam stipulationem inutilem esse*. Verbum *constare* nota est juris non controversi. Exemplorum abunde est apud Brissonium *Lib. 3. de V. S.* Hinc petenda ratio dubitandi. Quod impossibilis conditio contractibus noceret, ex eo fortasse quidam non insubtiliter consiciebant, eam nocere itidem institutionibus, legatis, fideicommissis. Et post multam disputationem evaluit sententia eorum, qui secundum regulam juris antiqui in *L. in testamentis 12. de reg. jur.* Voluntas testantium plenius esse interpretandas aiebant. Et vide quid differat inter contractus, & testamenta. Haec sola nituntur voluntate testantium: illi ex utriusque contrahentis voluntate pendunt: proinde si quid impossibile contractibus adscriptum est, contrahentibus imputandum, cur illud adscribi passi sint: contra si quid impossibile adjectum est testamento, nihil potest heredi, legatario, aut fideicommissario imputari. Aequum est igitur ut impossibilis conditio, contrahenti noceat, non item heredi, non legatario, vel fideicommissario. Accedit, quod qui testantur rem maxime seriam agunt: cujus rei argumenta sunt ingravescens ut plurimum eorum aetas, morbusve, mortalitatis cogitatio, ac solemnia ipsa testamentorum, ut credendum non sit, voluisse testatores in re tam seria jocari: quin sit omnino praesumendum, eos impossibilia, vel turpia adscripsisse non ex animi sententia, sed per errorem: quo scite refert Cujacius illud Vlpiani in *cit. L. 1. de cond. inst.*, vel alio mendo. Impossibilis, turpisve conditio adscripta testamento habetur pro mendo, pro errore: nec inscite Raevardus in *L. 135. de reg. jur. mendum* in eo positum putat, quod impossibilis conditio adscripta sit in faciendo consistens, quae adscribi debebat consistens in non faciendo. Contra non raro homines contractus simulant scientes volentes. Haec omnia videtur expressisse Marcianus in *cit. L. 31. de obl. & act.* *Contractus impossibili conditione interposita nullius momenti sunt*, quia in ea re, quae ex duorum, pluriamve consensu agitur, omnium voluntas spectatur, quorum procul dubio in hujusmodi actu talis cogitatio est, ut nihil agi existiment appposita ea conditione, quam sciant esse impossibilem.

Num autem sui natura, an ex hypothesi, & ex accidenti impossibilis conditio sit, nihil interest. Conditionem ex hypothesi, & ex accidenti impossibilem Romani Jurisconsulti proprie vocant *falsam*. Ita Papinianus in *L. quum tale 27. §. 7. de cond. & dem.*, *Falsam conditionem Cassius & Caetius Sabinus impossibilem esse dixerunt*. Exemplo hoc utitur Papinianus, *Pamphilus, si quod Titio debeo, solverit, liber esto*. Falsa, & impossibilis conditio est, si nihil Titio fuit debitum. Simili exemplo utitur Julianus in *L. ab omnibus 104. §. 1. de leg. 1.*, *Lucio Titio, si is heredi meo tabellas, quibus & pecuniam expromiseram, dederit, centum damo*. Hoc casu ait Jurisconsultus, *si testamenti faciendi tempore tabulae nullae fuerunt, legatum*

Titio deberi, quod adiret i. e. impossibilis conditio pro non scripta habetur. His accedat exemplum Alpheni in *L. Maevia 45. de her. inst.*, Si Fulvia filia mea vivet (quam testator nunquam habuit), tum mihi Lucius Titius heres esto. Respondisse Servium, inquit Alphenus, Titium heredem fore, quia id, quod impossibile in testamento scriptum esset, nullam vim haberet. Idem, si filia erat jam mortua, respondisse Servium, itemque Cassium & Sabinum refert Pomponius in *L. multa 6. §. 1. de cond. & dem.* Quid si testator conditionem naturae possibilem suo ipse testamento impossibilem fecit? Exempla sunt in *L. si qui 4.*, & *L. mulier 20. de cond. inst.* Vlpianus in *cit. L. 4.* heredem unum ponit ex asse institutum sub conditione si servum hereditarium non alienaverit. Haec conditio possibilis est, & quoniam in non faciendo consistit, statim impletur praestita cautione Muciana, de qua multa suo loco. Cavet autem heres ei, cuius interest, *L. servo 65. §. 1. ad Trebell.*, i. e. coheredi, aut substituto. At ubi unus ex asse scriptus est heres, non est, cui caveat: proinde eum scribit Vlpianus sub impossibili conditione institutum videri. Labeo in *cit. L. 20.* virum ab uxore scriptum ex asse heredem ponit sub conditione, si eam pecuniam, quam ipsa doti promiserat, neque petisset, neque exegisset. Recte monet Cujacius in *cit. L. 4. §. 1.*, accipiendum Labeonis locum non de dote profectitia, quae mortua in matrimonio muliere revertebatur ad patrem, sed de dote adventitia quae remanebat penes maritum, praeterquam si is, qui dederat, ut sibi redderetur, fuerat stipulatus, *Vlp. fragm. tit. 6. §. 4. & 5.* Jam conditio illa possibilis est, & dato coherede, vel substituto, per accipitationem, cautionemve Mucianam statim impletur. At marito ex asse herede, eam esse impossibilem Labeo inquit. Ergo in propositis, aliisque similibus exemplis conditiones id genus tanquam impossibiles remittuntur. Secundum ea, quae dicta sunt, sic generaliter habendum, pro non scriptis esse conditiones vel semper, vel ante testamentum, vel tempore testamenti impossibiles. Longe alia est ratio eorum, quae ex postfacto non possunt post testamentum impleri. Conditiones hae non remitti, aut evanescere, aut pro nullis, & pro non scriptis haberi tanquam impossibiles, sed deficere dicuntur. Tempora illa, ac diversa pro temporibus illis genera conditionum aperte distinguit Papinianus in *cit. L. 72. §. 6. de cond. & dem.* Falsam conditionem Cassius, & Caelius Sabinus impossibilem esse dixerunt, veluti, Pamphilus, si quod Titio debeo, solverit, liber esto: si modo nihil Titio fuit debitum: quod si post testamentum factum testator pecuniam exolvit, defecisse conditionem intelligi, quia iam semel a testatore impleta impleri a legatario amplius non potest. Alio autem effectu conditio remittitur, alio deficit. Quae remittitur, institutioni, legato, fideicommissum non nocet: quae deficit, nocet.

Sed vereor, ne forte obloquantur idem Papinianus in *L. servo 58. de condit. indeb.* & Julianus in *L. huiusmodi 84. §. 7. de leg. 1.* Papiniani verba sunt, Servo manumisso fideicommissum ita reliquit, si ad libertatem ex testamento pervenerit. Post acceptam sine iudice pecuniam (fideicommissum comprehensam) ingenuus pronunciatum est. Indebiti fideicommissi repetitio erit. Testator ingenuo homini, quem servum furtim falso putabat, libertatem; fideicommissumve pecuniarium reliquit testamento. Conditionem certe impossi-

possibilem fideicommissum adscripserit, si ad libertatem ex testamento, h. e. non alia ex causa, quam ex causa testamenti pervenerit: qui enim potest ad libertatem ex testamento pervenire ingenuus, cui non officit in servitute fuisse, & postea manumissum esse, §. 1. Insi. de ingen. ? Et eam tamen conditionem Papinianus ait nocere fideicommissum, ejus proinde conditio est. Verba Juliani sunt, Si ita cui legatum esset, si tabulas chirographi mei heredi meo reddiderit, heres meus ei decem dato, si tabulae in rerum natura non fuerint, aestimabatur implere conditionem, si heredem liberaverit: nec ad rem pertinebit, an tunc, quum testamentum fiebat, tabulae interciderint, an postea, vel mortuo testatore. Est iidem hic legato adscripta conditio impossibilis. Tabulas reddere, quae in rerum natura non sunt, est omnino impossibile. Et Julianus tamen ait, necesse esse, eam conditionem impleri: nec referre, num tabulae post testamentum, an ante interciderint.

Mirum quam infelicitur duo ista Pandectarum loca explicaverint antiqui interpretes juris. In specie Papiniani testatorem ignorasse ajunt ingenuitatem hominis, quem voluit manumissum: tum ex Papiniani responso regulam faciunt, conditionem impossibilem, quae testatori possibilis visa est, pro possibili haberi, adeoque deliciente nocere dispositioni. Nec alia Dionysio Gothofredo mens fuit. In specie autem Juliani potuisse ajunt conditionem impleri per aequipollens: proinde hanc statuunt regulam, si conditio ita uti scripta est, impossibilis sit, eam si possit impleri per aequipollens, pro possibili haberi, & non impletam dispositioni nocere. Utraque regula falsa est. Posteriores hanc falsam esse probat idem Julianus in cit. L. 104. §. 1. de leg. 1., ubi eandem conditionem de reddendis heredi tabulis, quae testamenti tempore nullae fuerunt, impossibilem esse inquit, ac pro non scripta: & impleri pariter poterat per aequipollens. Priorem illam aeque esse falsam monstrat, quod de falsa conditione jam dixi, haberi eam pro non adscripta: quod autem falsa appellatur, est id argumentum, eam a testatore habitam pro possibili; nam Romani Jurisconsulti, ubi non de erimine agunt, falsum dicunt, quod per errorem creditur aliter se habere, ac vere se habet. Ita Vlpianus in L. eleganter 23. de condit. indeb. Repeti posse scribit ex falsa causa datum. Huc iidem facit, quod est initio hujus capituli abunde demonstratum, jure praesumi omnes impossibiles conditiones testatoribus excidisse per errorem. Ecquae erit igitur locorum Papiniani, ac Juliani sententia? Papiniani locum egregie praeter caeteros exposuit Franciscus Sarmientus *Selectar. interpret. lib. 2. c. r. n. 27.* in hunc modum. Senatusconsulto cautum scribit Imp. Alexander in L. 1. C. de ingen. manumiss., ut qui post manumissionem originem repeterent, h. e. ad ingenuitatem proclamarent ea, quae de domo manumissoris habuerant, ibi relinquerent: quumque venisset in quaestione, num Senatusconsulto comprehenderentur etiam legata, ut liberis data, jurisprudentibus placuisse, comprehendi. Ergo apud Papinianum fideicommissi repetitio est non tanquam indebiti ex impossibili conditione, sed tanquam indebiti ex eo Senatusconsulto. Apud Julianum autem pecunia ei, cui fuerat legatum, vere debebatur, nam de herede liberando loquitur, ac de tabulis, quae interciderant. Non dicitur liberari, qui nihil debet: necque intercideri dicuntur tabulae, quae nullae unquam fuerunt: quem.

quemadmodum loquitur idem Julianus in *cit. L. 104. §. 1.*, ubi nihil debuit poni.

Facile est multa illicitarum, probrofarumve conditionum exempla repetere ex libris juris. Duo, aut tria seligam, quae interprete opus habent. Inter illicitas conditiones ea est, qua viduitas iungitur, aut quoquo modo nuptiis impedimentum infertur: quod fuisse certa Lege interdictum, patet ex *L. sed si hoc 62. §. ult.*, *L. quum ita 63. §. 1.*, *L. hoc modo 64.*, *L. quum tale 72. §. si arburatu 4.*, *L. mulieri 74. de cond. & dem.* Sed quae ea Lex fuerit, incertum. Quod Raphaeli Cumanus, aliisque veteribus placuit, eam fuisse *L. Aeliam Sentiam*, id nemini recentiorum placere video: Et fuit tamen aliquid *Legae Aeliae Sentiae* cautum de ea re, uti mox. Eam fuisse *Legem Juliam Miscellam*, de qua Justinianus in *L. 2. & 3. C. de indiſt. viduit. toll.*, & *Nov. 22. cap. 43.* opinio est Barnabae Brillonii *Antiqu. lib. 3. c. 3.* Hoc idem adstruit Cujacius sub nomine Mercatoris latens *Controv. cap. 1. 2. & 3.*, nisi quod *Legem* illam *Miscellam* caput facit *Legis Juliae & Papiae*, cujus itidem capita sunt *Lex Julia decimaria*, *Lex Julia caducaria*: quam eandem sententiam pluribus tuetur novissimus *Legis Juliae*; & *Papiae* interpres Heinkecius *Lib. 2. cap. 16.* Non omnino dissensit a Cujacio Robertus *Controv. cap. 1. 2. & 3.* Non negat is, quod de ea *Lege Cujacius* scribit, sed *Juliam Miscellam* *Papia* facit recentiorem: quia ea derogatam aliquid de *L. Papia* contendit. Ego rem totam paucis transigam: & fortasse erit mea utilior, quam aliorum, opera in ea re. Anno MDCCLVII. Sexto Aelio Cato, & Gajo Sentio Saturnino *Coll. duae Leges Romanae perlatae*, *Lex Aelia Sentia*, & *Lex Julia* de maritandis ordinibus. Praeivisse *Legem Aeliam Sentiam* probat Pauli locus in *L. adigere 6. §. 4. de jur. patron.* Deinde sub finem anni DCCLXII. M. Papio Mutilo, & Q. Poppeo Secundo *Coll. suff. dñs* perlati est *Lex Papia Poppaea*, in quam mutatis nonnullis *Julia* influxit. Inter *Legis Aeliae Sentiae* capita fuisse caput de libertorum, liberarumve viduitate tollenda testes sunt Paulus in *cit. L. adigere*, & Terentius Clemens in *L. quaesitum 31. qui & a quib. man.* Hic *Lib. V. ad L. Juliam & Papiam* non videri inquit contra *Legem Aeliam Sentiam* fecisse eum, qui non perpetuam viduitatem liberto injunxisset: ille *Lib. 1. ad Legem Aeliam Sentiam* scribit, *Adigere jurejurando, ne nubat liberta, vel liberos tollat, intelligi etiam eum, qui libertum jurare patitur.* Res ita se habuit. Quod *Lege Decemvirali*, cujus meminit Ulp. *Fragm. tit. 29. §. 1.*, libertorum, libertarumve intestato decedentium liberi excludabant patronos, solumne patronis erat a libertis, libertabusve stipulari, ne hae nuberent, illi ducerent uxores: & non raro stipulationi accedebat religio jurejurandi. Id ne facerent patroni, ea *Lex* vetuit, jusque patronatus contra facientibus ademit, *L. qui contra 15. de jur. patronat.* libertis tamen libertabusve jurejurandi gratiam non fecit: proinde eos, eaſve contractis nuptiis perjurii poenae manebant. Sed *Lege Julia de maritandis ordinibus jurejurandum permissum*, h.e. remissum, non novo loquendi genere, Paulus inquit in *cit. L. 6. §. 4.* Hinc facio conjecturam, caput illud *Legis Aeliae Sentiae* in *Legem Juliam* influxisse. Sed de conditione viduitatis libertati, quo tempore dabatur, adscripta, nihil *L. Aelia Sentia* cautum puto; nam quibus *Pandectarum* locis caput illud expli-

explicatur, patronorum, libertorum, stipulationis, & jurisjurandi mentio est. Quod vero pugnabat ea conditio cum fine Legis Juliae, de quo latissime Heineccius ad *L. Jul. & Pap. Lib. 1. cap. 3.*, eam primum Lege Julia, tum Papia, in quam Julia influxit, remissam reor. Sed quid opus conjecturis? Terentius Clemens in *L. sed si 62.*, ac *L. hoc modo 64.*, itemque Gajus in *L. quum ita 63. de cond. & dem.* Legem Juliam & Papiam interpretantes de ea conditione agunt nonnullosque casus proponunt, quibus ea conditione adjecta, aut *Lex locum non habet*, aut *Legi sit fraus*. Quin in *cit. L. 64.* dicitur ea *Lex utilis Reipublicae, sobolis scilicet procreandae causa lata*: quae verba alio referri, quam ad Legem Juliam & Papiam non possunt. Quantum ad Legem Julianam Miscellam sensu aliquando cum Joh. Roberto motus argumento, quo ille utitur, in speciem plane maximo, quod conditionem viduitatis, quae Lege Julia generaliter remittebatur, a moriente conjugē supersitū injunctam non alias remitti, quam adhibito quodam temperamento, Miscella Lex jussit: unde patet, perlata Lege Julia Miscella decessisse aliquid de *L. Julia*, tantum abest, ut hujus pars fuerit. Sed me a Roberti opinione illud dimovit, quod si Legem Julianam Miscellam prorsus aliam facias a *L. Julia*, vix ullam possis idoneam rationem adferre, cur inditum illi fuerit *Juliae* nomen; nam quod scribit Robertus, factum *Juliae Miscellae* nomen ab ejus Legislatore Julio Miscello, id mihi nunquam verisimile fiet; primum enim nulla Lex est, quae duplex a latore uno acceperit nomen: deinde istius Julii Miscelli nusquam mentio. Et frustra laudat in suam sententiam Robertus Justiniani Nov. 22. cap. 43., ubi de temperamento, quo supersitū conjugī permittēbatur ea Lege secundas nuptias contrahere, haec leguntur, *Sed hanc adjunctionem ipse Julius Miscellus haud invenit*; namque in eo Novellae loco latius reddendo certe erravit interpret. In Graeco textu est *Μισκυλλας*, *Miscella*, non *Μισκυλλος*, *Miscellus*, nec dubitandum, quin verba *Τελυος Μισκυλλας* praeiverit verbum *τοιας*, quod interpretis oculos fugit. De hoc ne ambigas, faciunt alia, quae praecunt eodem ipso Capite, Graeca verba Latine reddita in hunc modum, *Lex, quae vocatur Julia Miscella, Lex antiqua, Lex vetusta, filiorum procreationis proponens studium &c.* Haec eadem verba faciunt, ut Cujacio adsentiar Legem illam referenti inter capita Legis Juliae. Haec prae aetate Justiniani antiqua Lex erat; haec maxime omnium proposuit studium procreationis, Roberti argumentum nihil moror, namque eo Legis Juliae capite, quod Julianam Miscellam vocamus, non tam Legi Juliae derogatur, quasi Lege posteriore, quam regulae modus proponitur, seu casus regulae exemptus, quam praecedentia ejusdem Legis capita praescripserant. De ratione nominis *Miscellae* inferius.

Jam verba Juliae Legis, quae conditionem viduitatis remisit, aetatem non tulere. Fortasse in iis fuit verbum *viduitas* frequentissimum in Libris Jurisconsultorum, quibus locis ea Lex enarratur. Sive autem sit verbum ipsius Legis, live Jurisconsultorum, certe ad utrumque sexum pertinet, *L. heres meus 79. §. ult. de cond. & dem.*, & ad virgines aequae, ac viduas, *cit. L. 63.*, & *cit. L. 64. cod.*: quod a proprietate latini sermonis non abhorret. Legis sententiam expressit Papinianus in *cit. L. 72. §. 4.* in haec verba, *Legis sententiam videri, ne quod omnino nuptiis impedimentum infera-*

tur.

tur. Legis sententiam verbis, seu scripturae Legis opponi, multoque latius, quam verba patere, constat ex *L. Divus 15. §. & quatenus 3. ad L. Cornel. de fals.*, & *L. 1. §. incidit 13. ad senatusc.* Turpil. Hinc mihi verisimile sit, remissam verbis Legis eam solam conditionem, quae proprie, & ἀλλῶς injungeret viduitatem, qualis est conditio, *si non nupserit*: tum Jurisconsultos optimum factu rati Legem Reip. utilem interpretatione adjuvare, uti Terentius Clemens loquitur in *cit. L. 64. §. 1.*, idem ex sententia Legis respondisse de iis conditionibus, quibus licet proprie & ἀλλῶς non injungeretur viduitas, fraus tamen sibi Legi: quales sunt, quae nuptias faciunt difficiliore, cujus rei argumenta ex loci, temporis, personarumque circumstantia habes apud Terentium Clementem in *cit. L. 64. §. 1. ubi, si ita scriptum esset, Si Ariciae non nupserit, interesse, ait, an fraus Legi facta esset; nam si ea esset (mulier), quae aliubi nuptias non facite possit invenire, interpretandum, ipso jure rescindi, quod fraudandae Legis esset adscriptum.* De circumstantia temporis nihil est, quod sciam, expresse cautum in Libris juris: quin satis multi sunt, qui male accepto Terentii Clementis loco in *cit. L. 62. §. ult. eod.* putant, Legem ad viduitatem temporariam non pertinere. Sed quum illud quod Papinianus scribit in *cit. L. 72. §. 4.*, *Legis sententiam videri, ne quod omnino nuptiis impedimentum inferatur*: tum quod in *cit. L. 64. §. 1.* continuo subjicit Terentius Clemens, *Legem utilem Reipublicae, sobolis scilicet procreandae causa latam, adjuvandam interpretatione, movent me, ut ab iis seorsum sentiam, idemque de tempore dici oportere contendam; quid enim si mulieri injungatur viduitas ad id usque tempus, quo aut desitescens forma, aut ingravescens aetas spem minuat nuptiarum, atque adeo saecunditatis? Certe fiet Legi fraus.* In rem quoque est is idem Terentii Clementis locus in *cit. L. 62. §. ult.*, quem in suam illi sententiam laudant, *Quum vir uxori, si a liberis ne nupserit, in annos singulos aliquid legavit: quid juris sit? Julianus respondit, posse mulierem nubere, & legatum capere: quod si ita scriptum esset, Si a liberis imputeribus ne nupserit, Legem locum non habere, quia magis cura liberorum, quam viduitas injungeretur.* In posteriore hoc casu viduitas injungitur ad tempus, i. e. quousque liberi puberes fiant. Ratio autem, cur non remittatur conditio, non ex eo, quod Reip. magis interesse videatur, vacare matrem liberis educandis ea aetate, qua mores formantur, quam soboli procreandae. De circumstantia personarum scriptum est aliquid in Pandectis. Sed refert, num conditio personam designet, cum qua faciendae, vel non faciendae sunt nuptiae, an alium, cujus arbitrio faciendae sunt, cujusve interit nuptias non fieri. Quod ad prius pertinet, regulae loco habendum, heredem, legatarium, fideicommissarium, hereditate legato, fideicommissio excludi, nisi pareat conditioni. Ita Gajus in *L. quum ita 63. §. 1. de cond. & dem.*, *Si legatum sit, Si Titio nupserit, dubium non erit, quin nisi paruerit conditioni, excludatur a legato.* Ita Terentius Clemens in *L. 64. eod.*, *Hoc modo legato dato, si Lucio Titio non nupserit, non esse Legi (Juliae) locum, Julianus agebat.* Quin si legatum sit sub conditionem, si neque Titio, neque Sejo, neque Maevio nupserit, & denique si plures personae comprehensae fuerint, magis placuisse, inquit Gajus in *cit. L. 63. pr.*, *cuiuslibet eorum si nupserit, amissuram legatum.* Regulae ratio

tio hæc est. Qui ita legat, *si Titio nupserit*, certas præfert nuptias, ad easque proposito lucro mulierem invitat: tantum abest, ut viduitatem injugat. Multo minus injungere viduitatem videtur, qui legat *si neque Titio, neque Sejo, neque Maevio nupserit*, namque alii cuilibet satis commode nubere mulier potest, cit. L. 63. pr. Casus duos excipio, alterum, si indignus sit Titius, cui nubere mulier juberetur, hoc enim tale est, verba sunt cit. L. 63. §. 1., quale si generaliter scriptum esset, si non nupserit: imo, si verum amamus, durior hæc conditio est, quam illa, si non nupserit; nam & caeteris omnibus nubere prohibetur, & Titio, cui inhoneste nuptura sit, nubere juberetur; alterum, si tot sint personæ, quibus prohibetur mulier nubere, ut nec quo loco est, nec alibi nubere alii commode honesteque possit: quo spectare arbitror *Tō satis commode apud Gajum in cit. L. 63. pr.* Quod pertinet ad posterius, regula hæc est, si qua conditioni inferat ut persona, cujus arbitratu nuptiæ fiant, cujusve interlit nuptias non fieri, conditionem remitti. De nuptiis alterius arbitratu faciendis ita Papinianus in cit. L. 72. §. 4., *Si arbitraui Titii Seja nupserit, heres meus ei fundum dato. Vivo Titio etiam sine arbitrio Titii eam nubentem legatum accipere, respondendum est: eamque Legis sententiam videri, ne quod omnino nuptiis impedimentum inferatur; sed si Titius vivo testatore decedat, licet conditio deficiat, quia tamen suspensa quoque conditio pro nihilo foret, mulieri succuratur.* Idem habet Paulus in L. filiae 28. eod., & Pomponius in L. turpia 54. §. 1. de leg. 1. Arbitratu illo nuptiis moram fieri, quis non facile intelligit? Is, cujus arbitratu nuptias contrahere testator iussit, potest nolle arbitriari; potest has, illasve nuptias non probare, aut saltem causando ducere in longum. Certe autem labantur, qui putant, Titii arbitratum, de quo Papinianus, esse liberum arbitrium, quod nulla coercet necessitas juris, non arbitrium boni viri, quod aequitatis vinculo continetur, quasi collatis in prius illud arbitrium nuptiis, remittatur conditio, collatis in posterius, omnino sit conditioni parendum. His obstat Ulpianus, qui in L. 1. §. 1. de leg. 2., *Placere, inquit, in testamentis arbitrium alterius pro viri boni arbitrio accipi: obstat idem Papinianus, qui, si arbitrium alienius, quam pro arbitrio boni viri, tum pro libero arbitrio accipi posse existimasset, contra quod plerisque Prudentum placuerat, certe fuisset in respondendo ea distinctione usus: neque illud continuo subiunxisset, quo utrumque arbitrium excluditur, eamque legis sententiam videri, ne quod omnino nuptiis impedimentum inferatur: quin in ambigua oratione tueri debuisset voluntatem testatoris, ac Titii arbitratum accipere pro viri boni arbitrio. Quoties ambigua oratio est, verba sunt Iuliani in L. 13. de reb. dub., commodissimum est id accipi, quo res magis valeat, quam pereat. At enim in viri boni arbitrio non esse moram scribit ipse idem Ulpianus in cit. L. 1. §. 1. Ita vero, sed distinguendum est in hac re ius a facto. In arbitrio viri boni iure non est mora, quia continetur arbitrium illud vinculo aequitatis, quæ iure est certa, facto autem in eo arbitrio est mora; namque expectandum est, dum arbitrium illud explicetur: ac si iniquum videatur, adeundus est Magistratus: sique facto inferatur nuptiis impedimentum contra sententiam Legis. Ita obicem hunc amoveo, quem nemo, quod sciam, amovit ad hunc diem. De persona, cujus interest nuptias non fieri, ita idem Papinianus*

in cit. L. 79. §. ult. de cond. & dem.; Quod in fraudem Legis ad impediendas nuptias scriptum est, nullam vim habet, veluti, Titio patri centum, si filia, quam habet in potestate, non nupserit, heres dato: vel, Filiofamilias, si pater ejus uxorem non duxerit, heres dato. Loquitur Papinianus de eo, qui fraudem Legi facit, non de eo, qui facit contra legem: quae diversa inter se sunt. Contra Legem facit, quod id facit, quod Lex prohibet: in fraudem vero, qui salvis verbis Legis, sententiam ejus circumvenit, L. contra 29. D. de legi. Ergo verbis Legis comprehendebatur is casus, quum conditio non nubendi ad eam ipsam personam spectabat, quae testamento, codicillisve honorabatur: quae ratio est, cur legatum illi, puta Titio relictum sub conditione, si mulier, puta Maevia, non nupserit, contractis nuptiis defecisse, ideoque peti nequiquam posse: rescripserit Gordianus in L. 1. C. de ind. vid. toll. Quod vero Legis sententia erat, ne quod omnino nuptiis impedimentum inferatur, eam circumveniri utraque illa formula, recte sensit Papinianus ex circumstantia personae, namque in prior formula persona, cui legabatur, non extranea erat, sed pater: persona, autem, quam spectabat conditio filiofamilias erat, quae iustas contrahere nuptias non poterat sine illius consensu: in posteriore itidem non extraneae personae legabatur, sed filiofamilias: & conditio patrem spectabat, cui per filium acquirerebatur legatum: ut proinde esset utroque casu jure metuendum, ne pater legati lucrum nuptiis praeferreret. Sed hinc duplex nascitur quaestio: altera, num quod ait Papinianus de legato patri relicto sub conditione, si filia in potestate ejus constituta non nupserit, locum habuerit jure civili in sui juris filia, quae inscio etiam patre jure nubit: aut habeat hodie locum jure Canonico, quo nuptiae filiorumfam. invititis etiam parentibus valent: alteram, num quod ait de legato filiofam. relicto, si pater uxorem non duxerit, locum habeat jure novo, quo bona adventitia filiorumfam. non transeunt ad patres. Haec fuse disputat in utramque partem Emanuel Costa in cit. L. quam tale 72. §. 4. de cond. & dem. pag. m. 102. & 103. Ego, quod pertinet ad priorem quaestionem, Papiani locum ad positas species non ausim producere. Nominatim de filiofamilias loquitur Papinianus: & quum hominis styus, tum. proposita juris ratio vix possunt pati, ut verbum illud supervacuum dicas. Porro alia est ratio juris civilis, quae Papinianum movit, alia ratio juris Canonici, quae apud nos nuptiae reguntur. Quod vero ad posteriorem pertinet, quum bonorum adventitiorum usufructus transeat ad patrem, esse adhuc diminutioni Papinianae locum puto.

Haec omnia favor nuptiarum induxit. Sed pravalet favor libertatis. Servi usufructus, verba sunt Pauli in L. Titio 96. §. 1. de cond. & dem., mulieri, quoad vidua esset, legatus: idem servus, si ea nupsisset, liber esse iussus est. Si mulier nupserit, liber erit (sicque legatum usufructus intercidet) quia potior est legato libertas. Hinc ducto argumento traditum vulgo est, idem dicendum de legato in aliam quamcunque piam causam relicto sub conditione, si mulier nupserit. Sed vix alia pia causa est, cuius tantus, quantus libertatis est favor.

Verbo illo Pauli, quoad vidua esset, moneri me sentio, ut expendendum adjediar, quod Accursius, Bartolus, & plerique interpretum docent;

cent: aliud esse mulieri legare, donec, vel quoad nubat, aliud legare, si non nupserit: posteriore hoc casu conditionem pro non scripta esse, priore illo legatum, si mulier nupserit, amitti. Moventur verbis Jaboleni in *L. legatum 17. de ann. leg. pr.*, Legatum ita est, Attiae, donec nubat, quinquaginta damnas esto heres meus dare, neque adscriptum est, in annos singulos. Labeo, Trebatius praefens legatum deberi putat, Sed rectius dicitur, id legatum in annos singulos deberi. Moventur ea ratione, quod injungi in propolita specie videtur temporaria viduitas, quam leges injungi sinunt. Verum hoc, quod ajunt de viduitate temporaria, falsum esse evici: nec quod conficiunt ex textu Jaboleni, consequitur ex eo textu. Negat ibi Jabolenus, legatum esse praefens: annum esse ait. Quod esse annum inquit, ex eo illi conficiunt, annum esse, donec mulier nubat: at sequi ex eo aequè potest, annum esse, dum vivat, quamvis nupserit. Igitur locus Jaboleni in rem non est. Contra in rem est, & adversus eos facit praescriptus Pauli locus in *cit. L. 96. §. 1.* Legatur ibi mulieri quoad vidua est. Ei nubenti non debetur legatum. Id vero facit favor libertatis. Ergo ubi non de favore libertatis agitur, legatum etiam post nuptias debetur. Sed quod de hac re Oldradus habet *Conf. 162.*, dignissimum est, quod aequis judex sequatur. Interest, quo animo legatum sit in eum modum, nam potuit eo animo legari, ut nuptiae impedirentur: & hoc casu *Tò quoad vidua esset* aequè remittitur, ac *Tò si non nupserit*: potuit & eo, ut mulieri, quae maritum, a quo aleretur, non haberet, annuo illo legato succurreretur: & hoc casu contractis nuptiis amittitur legatum, quasi hujus causa cessante. Aequissimam hanc Oldradi sententiam non obscure meo quidem judicio confirmat Terentius Clemens in *cit. L. 63. §. ult. de cond. & dem.*, ubi legato mulieri dato, si a liberis impuberibus ne nupserit, Legi non esse locum scribit, quia magis cura liberorum, quam viduitatis injungeretur. Quod in specie Terentii Clementis honesta causa matrimonii impediendi animum excludens suasit, suadere idem potest in specie Pauli aequè honesta, animumque nuptiis inimicum aequè excludens causa innuptae mulieri subveniendi. Eandem sententiam multo etiam luculentius confirmat Alphenus Vatus in *L. filiae 22. de ann. leg.*, Filiae meae quotiescumque vidua erit, in annos singulos centum heres meus dato. Quaeritur, si filia minus annui temporis vidua fuisset, numquid minus ei centum deberentur. Respondit, sibi videri, tamen si totus annus nondum fuisset, tamen deberi. Species Alpheni proxime accedit ad speciem Pauli, nisi quod hic utitur adverbio quoad, ille adverbio quotiescumque: quae duo adverbia eo videntur differre, quod qui mulieri legat, quoad vidua est, legasse intelligitur in id tempus, quo ea primum est vidua, arg. *L. boves 89. §. 1. de V. S.*: qui vero legat, quotiescumque vidua est, certe legat in id etiam tempus, quo ea iterum, tertio, & quotiescumque vidua efficitur. Caeterum quemadmodum non dubitat Alphenus, quin contractis nuptiis amittat filia legatum; nam si non amitteret, frustra quaereretur, num ei intra annum nubenti integrum ejus anni legatum debeatur, an ejus pars pro rata temporis, quo vidua fuit; ita dubitandum non est, quin testator apud Alphenum adverbio ulius quotiescumque primas, & secundas nuptias filiae permiserit: tantum abest, ut impedimentum voluerit nuptiis inferre.

Nunc de Leg^a Julia Miscella. Hujus Legis sententia, quantum colligere est ex *L. 2. C. de indist. viduit. toll.*, & ex *Nov. 22. cap. 43.* haec erat. Conjux, cui erat aliquid a conjuge relictum sub conditione viduitatis, si intra annum jurabat, se liberorum quaerendorum causa ad secundas nuptias transire, relictum quasi non adscripta ea conditione capiebat: si is annus abiret, nec jurasset, contractis secundis nuptiis petere relictum non poterat: nondum contractis, non aliter capiebat, quam praeliua cautione Muciana. Quum in *cit. L. 2.*, tum in *cit. Nov. 22.*, quibus locis sententia proponitur ejus Legis, maritorum, uxorum, secundarumque nuptiarum nominatim sit mentio, ut mirari satis non possim Cujacii confidentiam adversus Robertum contententis, pertinuisse eam Legem etiam ad virgines. Senatusconsulti nescio cujus ad eam Legem facti meminisse quoque Justinianus in *L. 2. C. eod.*

Nunc commodum est inquirere in rationem nominis Legis Miscellae. Factum id nomen non a Julio Miscello, uti superius est demonstratum: nec ex eo, quod utrumque sexum comprehenderet: quae Cujacii opinio est in *cit. Tit. C.*, ita enim vix ulla Lex esset, quam non diceret jure Miscellam; sed vel ex eo, quod constaret capit illud Legis Juliae ex ipsa Lege Julia & Papia, itemque ex eo Senatusconsulto, & cautione Muciana, uti conjicit J. Gothofredus ad *L. Jul. & Pap.*, vel ex eo, quod praeter ea, quorum meminit Justinianus, alia etiam multa, ac diversa complecteretur, quorum notitia intercidit. Ita Lex Miscella, uti Lex Satura, diceretur: quod eidem Cujacio sub nomine Mercatoris latenti subvoluit *Lib. 1. notat. cap. 2.* Legem istam abroxit Imp. Justinianus sub initium anni 531. Extat ejus Constitutio in *cit. L. 2.*, qua jurisjurandi illius, cautionisque necessitate remissa liberum viduis nubendi arbitrium permisit, dum tamen, si existerent liberi, salva eis esset relictorum proprietas. Justinianum movit bonum Reip., cujus interest, numerum civium ex iustis nuptiis procreatorum augeri: movit iidem metus, ne mulieres, quarum aliae solo nuptiarum desiderio, aliae propter necessitatem, uti dicitur in *Nov. 22. cap. 43.*, h. e. paupertatis levandae gratia secundo nubunt, jurare coactae, se liberorum quaerendorum causa nubere pejerarent. Tum quod ea Constitutio nominatim de feminis loquebatur, altera ejusdem anni Constitutione, quae extat in *cit. L. 3.* idem de masculis eavit. Sed anno 536. Justinianum facti poenituit. Si quid igitur conjux conjugi relinqueret sub conditione viduitatis, usque ad annum penitus esse noluit petitionem relict, nisi superstes conjux Deo se vovens spem praecideret nuptiarum: post annum vero non aliter caperet, quam si nuptiis contractis acceptum cum fructibus restituere caveret: atque hoc est jux novissimum *Nov. 22. cap. 44.*, unde decreta est *Auth. cui relictum C. eod.*, uti & illud discrete exprimitur, num a conjuge, an a qualibet persona relictum sit, non referre.

Probrosarum conditionum numero est conditio certo loco morandi. Insignis est in hanc rem Papiniani textus in *L. Titio centum 71. §. 2. de cond. & dem.*, Titio centum relictum sunt, ita ut a monumento non recedat, veluti in illa civitate domicilium habeat. Potest dici, non esse locum cautioni, per quam jus libertatis infringitur, sed in defuncti libertis alio jure utimur;

Tò potest dici, ac *Tò alio jure utimur* non obfcure probant, conditionem certo loco morandi nulla certa lege remiffam. Igitur probrofa, non illicita conditio eft. Cautio, cujus meminit Papinianus, eft cautio Muciana, de qua dictum aliquid, & multo plura inferius dicentur. Quod Mucianae cautioni non eft locus, ex eo patet, conditionem illam remitti tanquam turpem, quippe qua infringitur jus libertatis, nihil enim multum, verba funt Vemleji in *L. nihil. 2. D. de hom. lib. exhib.*, a specie fervitium differt, quibus facultas non datur recedendi. Remittitur autem ea conditio in ingenuis, non in libertis. Publice quidem intereft, non minui libertatem, quae non privata, fed publica res eft, *L. fi quis rogatus. § 3. de fidecom. lib.*, in quam vide A. Fabrum *Jurifpr. Papin. tit. 3. pr. 2. flat. 3.*, fed vide, quid differat ab ingenui hominis libertate libertas liberti. Haec patroni beneficium eft, illa naturae. Si quis conditionem illam homini ingenio injungit, naturae jus laedit, quod femper efle fandiffimum debet: fi quis injungit libertò, repofcit ab eo grati, & obfequentis animi fignificationem, quam, fecundum naturam eft, a libertò edi patrono. Solemne olim patronis erat libertis legare ea lege, ut in eorum fepulchris morarentur, *L. libertis. §. ult. de alim. & cibar. leg.* Apud Romanos ditiorum fepulchra non ad corpora folum humana, fed ad habitationem fuiffe contructa. collatis multis Jurifconfultorum, aliorumque Auditorum locis probat Francifcus de Amaya *obferv. jur. Lib. 1. cap. 6.*

Verba illa Papiniani ita ut a monumento non recedat, vel ut in illa Civitate domicilium habeat modum continent, non conditionem. Hinc moti veterum nonnulli, in quibus eft Bartolus, aliud de modo, aliud de conditione jus efle arbitrantur. Laudant quoque in fuam fententiam Labbeonis locum in *L. qui quatuor. 30. §. uxori D. de leg. 3.* Illius autem difcriminis rationem hanc afferunt, quod quae in conditione funt, ea non funt in obligatione, obliget tamen modus: qua ratione quid magis abfurdum? Non diffiteor, quae in conditione funt, non efle in obligatione, fed quis non facile intelligit, adjecti hereditati, legatis, fideicommiſſive conditione turpi, hominis animum allici ad turpia ſpe lucri? Id vero eft, quod pati Leges non poſſunt. Jure Pandectarum conditio viduitatis teſtamento inferta reſtituitur, & viduitas tamen non eft in obligatione. Quod autem ea conditio hominis animum allicit ad viduitatem, hoc uno creditum eft nuptiis impedimentum adferri. Ita conditio morandi certo loco hominis animum allicit ad ſervitutem, atque hoc uno jus libertatis infringit. Hoc argumento a ſimillima conditione ducti moveor, ut locum Labbeonis alioſum efle accipiendum rear, quam contrariae opinionis aſſertores accipiunt. Ejus verba funt, *Uxori meae, dum cum filio meo Capuae erit, heres meus ducenta dato. Filius a matre migravit. Si ambo Capuae habitaffent, legatum marri debitum iri, putavi, quamvis una non habitaffent; ſin autem in aliud municipium tranſiſſent, unius anni tantummodo debitum iri, quo una habitarent quantolibet tempore.* Trebatius ait. Videamus, an his verbis, dum cum filio Capuae erit, non conditio ſignificetur, fed ea ſcriptura pro ſupervacua debeat haberi: quod non probò: ſin autem per mulierem mora non eſt, quominus cum filio habitet, legata ei deberi. Ecce conditio, dum cum filio Capuae eris, pro ſupervacua, ſeu pro non adſcripta efle videbatur: id vero

vero non probat Jurisconsultus: & ea tamen uxorem legatariam certo loco coercens jus libertatis infringit. Nam in specie Labeonis ideo probatur conditio Capuae morandi, quia injungitur matri in utilitatem filii, cujus commodis matrem servire etiam cum aliquo libertatis dispendio, honestum est? Sic mihi fuit aliquando persuasum de hac re. Nunc sententiam mutō; ait enim Labeo, si ambo, i. e. mater & filius alio, puta Neapolim demigraverint, legatum matri non debetur: deberi autem, si per matrem mora non sit, quominus Capuae habitet, filius vero solum mutet: unde facile est intelligere, testatorem magis ad certum locum, quam ad filium spectasse. Num conditio Capuae cum filio morandi ideo probatur, quia ea non invitatur mulier ad speciem perpetuae servitutis, ad quam invitaretur adjecta legato conditione, si Capuae domicilium habuerit, aut, si Capua non recesserit, quem casum tractat Papinianus in *cit. L. 71. §. 2.* Ita visum Emanueli Collae *Select. interpret. cap. 19. n. 5.*, & Francisco de Amaya *cit. cap. 6. n. 32.* Sed nihil est apud Papinianum, aut Labeonem, quod differentiam istius faciat indicium, nec videtur posse ingenio homini temporaria servitus imponi, quemadmodum injungi temporaria viduitas non potest. In re perdifficili versamur: proinde esse cuique liberum debet facere conjecturam: Mea haec est. De legato annuo loquitur Labeo, uxori relicto *dum cum filio Capuae erit*. Aliud est alicui legare, si Capuae erit: aliud, *dum erit Capuae*. Qui legat adjecta particula *si*, vere & proprie legat sub conditione, cujus ea vis est, ut si legatarius esse Capuae desierit, legata praeteritorum annorum, quibus Capuae fuit, restituere cum fructibus compellatur: qui vero legat adjecta particula *dum*, non omnino legat sub conditione. Hujus conjecturae auditor est mihi idem ipse Labeo, qui ait uxori legatum ejus anni, quo Capuae fuit, *quantolibet tempore* inibi fuerit. Ergo non videtur dubitare, quia ea possit recte retinere legata praeteritorum annorum, quibus Capuae habitavit. Contra meminit Papinianus Mucianae cautionis, quae in eo est posita, ut legatarius legata cum fructibus restituere compellatur, *L. heres 79. §. 2. de cond. & dem.* Nunc vide, quid a specie Papiniani differat species Labeonis. Hic mulierem alio demigrantem legata futuri temporis capere non patitur, legatus praeteriti temporis non privat: ille etiam privat legatis praeteritorum annorum. Ita uno casu mulier non facit lucrum, altero patitur etiam damnum. Multo gravioŕem, atque ingenuo homine indignissimam posteriore hoc casu servitutem imponi, quis est, qui non videat?

Restat conditio jurisjurandi, quae illicitis est accensenda, nam remittitur edicto Praetoris, *L. quae sub conditione 8. de cond. inst.*, & *L. si quis libertatem pr. de man. test.* Edictum autem Praetoris partem esse juris civilis, vimque legis obtinere non ambigitur. De conditione jurisjurandi pulchre Ulpianus in *cit. L. 8. de cond. inst.*, Quae sub conditione jurisjurandi relinquuntur, a Praetore reprobantur, providu enim, ne is, qui sub jurisjurandi conditione quid accepit, aut, omitendo conditionem, perderet hereditatem, legatumve: aut cogereŕur, turpiter accipiendi conditionem jurare. Voluit ergo eum, cui sub jurisjurandi conditione quid relitum est, ita capere, ut capiens hi, quibus nulla talis jurisjurandi conditio inseritur, & recte, quum enim faciles sint nonnulli hominum ad jurandum contentu religionis, alii perquam timidi

timidi metu Divini numinis usque ad superstitionem; ne vel hi, vel illi, aut consequerentur, aut perderent, quod relictum est, Praetor consulissime intervenire; etenim potuit is, qui voluit factum, quod religionis condicione adstringit, sub condicione faciendi relinquere: ita enim homines aut facientes admitterentur, aut non facientes deficerentur condicione. Verum id perpetuum non esse monet Marcellus in *L. non dubitamus 20. de cond. & dem.*, ubi, *Non dubitamus*, inquit, quin turpes condiciones remittendae sint: quo in numero plerumque sunt etiam iurijurandi. Tò plerumque argumento est, eam condicionem aliquando non remitti. Et vero scribit Paulus in *L. municipibus 97. eod.*, *Municipibus, si iurassent, legatum est.* Haec conditio non est impossibilis. Paulus. Quemadmodum ergo pareri potest? Per eos iurabunt, per quos municipii res geruntur. Porro Ulpianus in *cit. L. 12. pr. de manumiss. test.*, *Si quis, inquit, libertatem sub iurijurandi condicione reliquerit, edito Praetoris locus non erit, ut iurijurandi conditio remittatur.* Sed non levis est operae utriusque illius loci rationem adferre. Quod ad priorem illum pertinet, quidam putant, id unum fuisse Paulo propositum, docere impossibilem non esse condicionem iurijurandi municipibus iunctam: ex eo autem non sequi, condicionem illam probari. At quis facile credat, Paulo tantum otii fuisse ab re sua, ut quaereret, num impossibilem esset ea conditio, quae etiam si possibilis esset, pro non adscripta habebatur? Praestare sentire cum aliis, in quibus est Duarenus in *Tit. D. de cond. inst. cap. 4.* loqui Paulum de condicione iurijurandi in praeteritum tempus colata, qualis conditio proprie conditio non est, nec remittitur Edito Praetoris. Jurare in futurum tempus nihil habet utilitatis: at iusjurandum, quod in praeteritum tempus confertur, fidem facit rei gestae, de qua constare alius non potest. Ergo ubi quaeritur, num sit iurandum, nec ne, inquirendum est in causam iurijurandi. Si qua in eo posita utilitas est, omnino iurandum: ac vel ipse Praetor litium expediendam gratia iurare cogit, aut solvere, *L. 1. & L. iusjurandum 34. §. 6. de iurejur.*, si nulla iurijurandi utilitas est, remittitur. Ita ambiguum illam Pauli orationem, si iurassent, regulam juris sequuti in *L. quoties 13. de reb. dub.* sic interpretamur, ut res magis valeat, quam pereat. In eundem modum accipimus, quod scribit Javolenus in *L. Antistius 62. de adq. her.*, heredem scriptum sub condicione, si iuraverit, pro herede gerere, si ut heres iuravit. Quantum ad posteriore in Ulpiani locum, ejus ratio ab ipso Ulpiano subijciunt in haec verba, *Et merito, nam si quis remiserit condicionem libertatis, ipsam libertatem impedit: dum competere aliter non potest, quam si paratus fuerit condioni.* Sed verbis istis id unum his inculcatur, ut libertatis competat, omnino esse iurandum, nulla autem ratio adfertur, quare id de libertate testamento data jure peculiari sit constitutum contra quam edito Praetoris cautum est de aliis testamento relictis. Quandoque ipsi veteres Jurisconsulti rationes juris nullo saepae periculo ignorabant, regulas per manus traditas nosse contenti, uti scire Merillius *Obs. 34.*, & in *Quinq. Decis. Just. cap. 22.*, non raro etiam rationes juris reddituri, principium, ut in scholis dicitur, petunt, suntque exempla apud *Rad. Forner. Rer. quotid. lib. 3. c. 23.* Peremptoria illa Ulpiani clausula non potest certum certi juris indicium facit: quae de re J. Gothofredus in *L. quae ab initio 210. de*

reg. jur., ratio autem latet in obscuro. Num ideo jurare cogebatur servus, quia cogi non poterat facere, quod se facturum juraverat? Hæc est mihi animo injicit conjecturam locus Pauli in *L. 36. de man. test.*, ubi, *Servum*, inquit, *testamento ita manumisi, si juraverit, se Cornelio filio meo decem operarum daturum, liber esto*. Quaeritur, quid juris sit. Et sciendum est, jurando servum conditionem implere, sed non teneri operarum nomine, quia, nisi post manumissionem juret, non obligatur. Liber homo, quamvis non juret, facere obligatur, quod erat iustus jurare, actiones non aliter habiturus, quam si fecerit; *cit. L. 8. §. quotiens 6. de cond. inst.* Nihil est igitur necesse, eum jurare. At servi sive injurati, sive jurati nulla obligatio erat: proinde quo voluntati testatoris pareret, expedire visum fuit, adstringi eum religione iurijurandi. De conditione iurijurandi contradiis apposita videndus Emanuel Costa in *L. quum tale 72. §. si arbitratu de cond. & dem. p. 116. col. 2.*

Huic capiti finem imponant conditiones, quae perplexae, quaeque supervacuae dicuntur. Perplexae sunt, quæ circuitus quidam in semetipsum recurrens inexplicabiles facit. Perplexae conditionis exemplum avertit Marcianus in *L. talem 15. de her. inst.* Stichum ponit a domino scriptum heredem in hunc modum, *Stichus liber esto, & si liber erit, heres esto*. Quoniam autem libertas non prius competit, quam adita hereditas, *L. nam quum 8. quand. dies leg. vides*, Stichum non ante posse liberum esse, quam heres fuerit: at eum tamen non ante esse heredem vult dominus quam fuerit liber. Ita debet hereditas libertatem, & libertas hereditatem praecire: quo circuitu in semetipsum recurrente conditio sit inexplicabilis, atque impossibilis. Jam in proposito casu de vi institutionis quaerebatur. Et ait Marcianus, *Talem institutionem quidam valere non putabant*. Hos fuisse Sabinianos putat Cujacius, arg. *L. quotiens 9. §. si quis ita 14. de her. inst.*, ubi probatur contraria sententia Labeonis, Neratii, & Ariflonis, quorum hunc Proculianum fuisse, indicium faciunt quum notae, quas scripsit ad Cassium & Sabinum, quo uno argumento haud satis idoneo Cujacius utitur, tum alia, quae de hac re habet Gotsfridus Mascovius *de fælis Sabin. & Proc. cap. 5. §. 3.*: illos fuisse Proculianos non ambigitur. Tandem secundum sententiam Proculianorum a Divo Marco rescriptum addit Marcianus, eam institutionem, valere, perinde atque si non esset adjectum, *si liber erit*. De hac re redibit sermo *cap. seq.* Supervacuae conditiones sunt, quae ut ut adscriptae mutare conditionem juris non possunt: proinde sunt pro non adscriptis. Exemplum est apud Pomponium in *L. si Titio 22. §. 1. quando leg.*, *Quaedam conditiones etiam supervacuae sunt, veluti si scribat, Titius heres esto: si Titius hereditatem meam adierit, Maevio decem dato, nam pro non scripta ea conditio erit, ut omnimodo ad heredem Maevii legatum transeat, etiamsi Maevius ante aditam hereditatem decesserit.*

CAPUT V.

CONDITIONES, QUAE INSTITUTIONIBUS, LEGATIS, FIDEICOMMISSISVE NOLENT.

NON nocere dixi conditiones, quae sunt pro non scriptis: nunc nocere eas dico, quae vitiant institutiones, legata, fideicommissa. Sed non una omnium est ratio. Nocent quaedam institutionibus, non item legatis, fideicommissisve: quaedam his aequae, ut illis nocent. Ecce filio relinqui legatum fideicommissumve non potest sub qualibet conditione: *non tamen sufficit*, verba sunt Papiniani in *L. ult. de cond. inst.*, *sub qualibet conditione filium heredem institui, sed ita demum testamentum ratum est, si conditio sit in filii potestate*. Eadem habent Ulpianus in *L. suus 4. pr. de her. inst.*, & Paulus in *L. Lucius 83. de cond. & dem.* Igitur institutioni filii nocet conditio aut mere fortuita, aut mixta. Num autem conditio in potestate sit, nec ne, sciti esse, atque ex circumstantiis aestimandum, subicit Ulpianus in *cit. L. 4. §. 1.* Quod Papinianus, Ulpianus, Paulus de filio ajunt, omnino est de filiosfamilias accipiendum, *L. filius 28. D. de lib. & post., L. si pater 4. C. de inst. & subst.* Qui filiosfam. instituit sub conditione fortuita; vel mixta, quae maximam partem pendet a casu, ejus institutionem committit fortunae: id autem perinde est, ac filiosfam. praeterire: quod fieri salvo testamento Leges non patiuntur. Longe alia est ratio conditionis in ipsius filii arbitrium collatae. Tantum abest, ut pater adscripta ea conditione filium praeterire videatur, ut potius eum de necessario herede voluntarium faciat: cui consequens est, eum impleta conditione jus abstinendi non habere, *L. jam dubitari 86. §. 1. de her. inst.* Et scite Cujacius arbitrariam istam conditionem non deficere, sed a filio ipso omitti scribit, ut merito, quod conditioni non paruerit, ei debeat imputari. Uno casu recte potest filiosfam. sub fortuita, mixtae conditione heres institui, si *sub contraria conditione*, i. e. in defectum conditionis exheredetur, *cit. L. 86. pr., & cit. L. 4. C. de inst. & subst.*, namque aut existit conditio, & heres est: aut non existit, & est exheres. Non est igitur praeteritus.

Oblare videtur Justiniani constitutio in *L. si quis 7. C. eod.*, *Si quis ita filiam suam instituerit heredem, si nupta fuerit: vivo autem testatore filia nupta fuerit, vel a marito diverterit, omni veterum dubitatione explosa sancimus, quandocumque impleta fuerit conditio, sive vivo eo, sive mortis tempore, sive post mortem, conditionem videri esse completam?* Institutioni filiae adjicitur conditio, si nupta fuerit, quae mixta est: & valere tamen institutionem, conditionemque impleri oportere ait Imperator.

Sed ex ipsis Justiniani verbis liquido constat quaesitum in ea specie fuisse de conditionis implendae modo, non de vi institutionis. Hanc non ambigebatur valere. Ergo quum certi juris sit, filiosfam. sub ea conditione scribi heredem non potuisse, omnino ponendum est, in specie Imperatori proposita, aut filiam fuisse emancipatam, aut, si filiosfam. erat, sub

E e

con-

contraria conditione exheredatam. Ita Duarenus in *Tit. D. de cond. inst. cap. 4.*, & optimi quique interpretes ejus loci.

Quaeri hic solet, num quod de filiosam, dictum est, dici atque debeat de nepote, aliove quovis suo herede. Si sola juris ratione pugandum esset, idem jus esse contenderem de quovis suo herede. Nepotem caeterisque liberos, si in potestate sunt, & primum in familia gradum obtinent, eodem jure cum filiosam. censeri, vel ipsi Justinianaei sat norunt. Sed in ea, quam proitemur, arte ratio auctoritati cedat, necesse est: & ecce auctor nobis est Ulpianus in *L. servus 4.*, & *L. sed si 6. §. 1. de her. inst.*, & *L. 1. §. sciendum 8. de suis & leg. her.*, filios sub ea tantum conditione, quae in ipsorum arbitrio est, nepotes autem, & deinceps caeteros sub omni posse institui heredes, quamvis hi redigantur ad filii conditionem, i. e. primum tenere incipiant in familia gradum. Et ita se rem habere jure Pandectarum, exploratissimum est. Quantum ad jus Codicis, opinio est Vinnii, aliorumque, quos me sequutum memini in §. 9. *Inst. de her. inst.*, nepotes, ac deinceps caeteros filiosam. exaequatos constitutione Justiniani in *L. ult. C. de lib. praet.*, cujus mentio est in §. 5. *Inst. de exher. lib.* Nunc sententiam mitto; nam de filiisfam., aliisque liberis sub conditione instituendis ne verbum quidem unum in ea Constitutione: nec sine magna caussa correctio juris est admittenda.

Multo est gravior error eorum, qui putant altera Justiniani constitutione in *L. quoniam 32. C. de inoff. abrogatum* jus de inutili filiorumfam. institutione sub non arbitraria conditione facta. Est quidem inibi cautum, rejici conditiones legitimae liberis debitae adscriptas; hinc tamen non sequitur filiosam. sub non arbitraria conditione herede scripto, conditionem salva institutione detrahi usque ad legitimam, contra quam fuerat veteri jure constitutum, multa sunt, quae commonstrant. Et primum fuit ea constitutio Codici primae editionis inserta, nam scripta est anno 529., quo prodiiit Codex. Sed hic *vir. id. Apr.* editus est, illa 11. Kal. Apr. est scripta: non potest autem is Codex derogare Pandectis, qui non ante annum 533. prodire. Novum jus Codicis his tantum constitutionibus continetur, quas codici repetitae praelectionis post Pandectas edito primum inseruit Justinianus. Novas istas constitutiones subscriptione internoscimus; sunt enim scriptae post Lampadii, & Orestis Consulatum, aut ipsis Lampadii, & Oreste Consulibus. Vide Alciat. *Parerg. lib. 6. c. 14.*, & Duaren. in *Tit. D. ad L. Falcid. c. 8. sub finem*. Deinde quo tempore ea Lex prodiiit, nondum fuerat a Justiniano constitutum. ut legitima titulo institutionis relinqueretur: quod tandem cautum *Nov. 115. c. 3.* Ad haec quum *cit. L. 32.* referatur ad priores aliquot Justiniani Leges eidem titulo subjectas, quibus de legitima supplenda agebatur; eaque id illis addat, conditionem legitimae adscriptam pro non scripta esse, patet, eam non alio spectare, quam quo priores illae Leges spectabant: loquebantur autem illae de liberis non institutis heredibus, sed exhereditis, quibus erat minus legitima relatum: adeo ridiculum est *cit. L. 32.* accipere de filio sub non arbitraria conditione instituto. Postremo subjecta est ea Lex Titulo Codicis de *inofficioso testamento*: quo Titulo agitur non de testamento jure nullo, quale est testamentum, quo filius suus heres sub fortuita, vel

mixta conditione instituitur, sed de testamento, quod jure valet, proposita autem querela rescinditur, si quis liberorum fuerit a parentibus immerenter exheredatus, aut a matre, aliove per matrem ascendente praeteritus: qualis praeteritio loco est exheredationis. *V. interpretes Inst. in pr. tit. de inoff. test.* Igitur nihil novi ab Justiniano inductum est. Ea inter scribendum subit animum dubitatio, num jure novissimo, quo relinqui debet legitimus titulo institutionis, conditio etiam arbitraria detrahatur secundum Justiniani definitionem in *cit. L. 32.*, an sit omnino servanda secundum ea, quae de filiosam. herede instituto dicta sunt. Postea filium sub conditione arbitraria institui etiam in legitima heredem, scribit post Alciatum Cujacius. Ego quoniam Leges posteriores trahendae sunt ad priores, & *cit. Lex 32.* non de filiosam. loquitur, id novissimo etiam jure verum esse ajo. Quod vero inter arbitrarías est conditio dandi, *cit. L. 4. §. 1.*, puto, si filiosam. sub ea conditione instituantur heres ex sola legitima, quod conditionis implendae causa datum est, id ei ex hereditario redditu rependendum, ne minus legitima consequatur. Id mihi aequum videtur. Num tale sit, aliorum judicium esto.

Quod non arbitraria conditio non solum institutioni, sed etiam testamento nocet, ex eo sequitur, intestato eum decedere, qui talem conditionem adscripsit, proinde nullum jus esse reliquum coheredi, nisi is sit, qui cum filio possit succedere ab intestato. Contra quod arbitraria conditio non nocet testamento, sequitur ex eo, filium, quamvis non pareat conditioni, & decedat, patrem non facere intestatum. Juvat hic adscribere, quae Ulpianus habet in *cit. L. 4. de her. inst.*, *Filius non sub omni conditione institui potest: & quidem sub ea conditione, quae est in potestate ipsius, potest. Sed utrum ita demum institutio effectum habeat, si paruerit conditioni; an & si non paruerit, & decesserit?* Quaestio huc redit, num filius, qui non paruit conditioni & decessit, ab intestato succedat, an salvo testamento excludatur hereditate: qui est effectus institutionis conditionalis. Pergit Ulpianus, *Julianus putat, filium sub ejusmodi conditione institutum, etiamsi conditioni non paruerit, summorum esse (subaudi, hereditate, salvo testamento): & ideo si coheredem habeat ita institutus, non debet eum expectare, donec conditioni pareat filius, quum etsi (legendum meo judicio si, non etsi) patrem intestatum faceret non parendo conditioni, proculdubio expectare deberet.* Is est expectandus, qui jure potest subvertere judicium defuncti: filius autem non parendo conditioni patrem non facit intestatum. Ergo adibit hereditatem coheres, eique, si non impleta conditione decesserit filius, hujus portio adcreset.

Ex dictis consequitur impossibiles, turpesve conditiones, quamvis regulariter remittantur, institutioni filiosam. adscripias nocere: nam quae facere natura, aut jure non possumus, ea in potestate nostra non esse, exploratissimum est. Id de turpi conditione institutioni filiosam. adjecta expresse docet Papinianus in *L. filius 15. D. de cond. inst.*: idque de conditione natura impossibili multo verius dici, nemo non videt.

Venio ad conditiones, quae non institutionibus solum, sed & legatis, fideicommissisve nocent. Tales sunt, quarum vitium insluit in ipsam dispositionem: quod multifariam contingit. Et primum si conditio & dispositio

ritio ita pugnent inter se, ut altera alteram tollat : quo casu locus est regulæ Celli in *L. ubi* 188. *de reg. jur.*, *Ubi pugnantia inter se in testamento iuberentur, neutrum ratum est.* Qui pugnantia loquitur, nihil velle intelligitur. Si scriptum sit, *Si Titius heres erit, Sejus heres esto : si Sejus heres erit, Titius heres esto*, conditio hæc est plane impossibilis : & diferte ait Marcianus in *L. si Titius* 16. *de cond. inst.*, *eam conditionem existere non posse.* Adjecta autem ea conditione ipsa institutio inutilis est, non quia conditio existere non potest, quæ est ratio Marciani, namque impossibiles conditiones salva institutione remittuntur ; sed quia talis conditio dispositionem ipsam impossibilem facit. Perplexa est conditio, & ipsa itidem institutio est perplexa ; nam Titius, & Sejus invicem se impediunt. Idem Marcelli iudicium fuit de hac institutione, *Si socii una bonorum meorum permanferint usque ad annos sedecim, heredes sunt.* Marcello secundum verborum significationem perplexa visa est conditio, perplexa institutio. Et vero, quantum verba sonant, debet illi primum esse heredes, tum socii : & conditio tamen institutioni adscripta non ante existit, quam socii sint. Ita societas aditionem, & aditio impedit societatem. Contra Julianus nihil perplexi esse sensit in ea institutione, nam recte potest ante adiutam hereditatem iniri societas, quasi rei futuræ : tum hereditas adiri : sicque effectum habere voluntas testatoris : quod verum esse ait Vlp. in *L. si qui* 4. *D. de cond. inst.* Non obloquitur Marcianus in *L. talem* 11. *de her. inst.*, ubi perplexa conditio remittitur ; namque id favore libertatis placuit contra regulam juris. *V. dicta sub finem Capiis IV.* Sed Marciani loco videtur obflare locus Celsi in *L. servus* 21. *de cond. inst.*, *Servus alienus ita heres institui potest, quam liber erit : proprius autem ita institui non potest.* Ergo si servus proprius ita heres instituatur *quam liber erit*, non conditio remittitur, uti postulare favor libertatis videretur, sed & ipsa institutio vitatur. Non videtur facile posse obex hic amoveri. Vide quid mihi nunc veniat in mentem. Testator apud Marcianum scripserat, *Stichus liber esto, & si liber erit, heres esto.* In hac formula *Tō si liber erit, heres esto* conditionem, institutionemque inexplicabilem continet secundum ea, quæ *sub finem capis IV.* dicta sunt. Quoniam autem testator antequam libertatem poneret in conditione, libertatem pure dederat, habetur pro non adjecta : & ideo pro non adjecta habetur, quia eo, quod proxime praeit, verbo, *Stichus liber esto*, testatorem serio voluisse servum facere liberum, luculentissime demonstratur. Contra testator apud Celsum libertatem posuerat in conditione, non eam dederat pure, quam tamen potuisset. Inutilis est autem institutio non tanquam perplexa, sed tanquam non ex animo facta. Qui potest ipse per se dare servo libertatem, si hanc fortunæ committat, non videtur ex animo dare : quæ est ratio, cur Celsus a servo proprio separat alienum. Conjectionem hanc meam confirmat, quod continuo subiicit ex Gajo Tribonianus in *L. 22.*, *Quia ratio suadet, eum, qui libertatem dare potest, ipsum debere aut praesenti die, aut in diem, aut sub conditione dare libertatem : nec habere facultatem in casum a quolibet obvenientis libertatis heredem instituire.*

Deinde conditionis vitium insuit in dispositionem, si hanc expresse conferat in alienam voluntatem, Finge testamento scriptum, *Si Maevius*
volue-

voluerit, Titius heres esto, aut Titio decem do. Conditioni id inest vitii, quod per eam confectur expresse legatum in alienam voluntatem: Sed non in sola conditione id vitium est: influit etiam in ipsam dispositionem; facit enim ea conditio, ut pendeat dispositio ab arbitrio alieno: veteres autem *factis constanter decreverunt*, verba sunt Gaii in *L. illa institutio* 32. *de her. inst.*, testamentorum jura ipsa per se firma esse oportere, non ex alieno arbitrio pendere. Sed interest, num expresse, an tacite in alienum arbitrium dispositio conferatur. Facit huc Modestini locus in *L. nonnunquam* 52. *de cond. & dem.*, Nonnunquam contingit, ut quaedam nominatim expressa officiant, quamvis omissa tacite intelligi possissent, nec essent obfutura: quod evenit, si alicui ita legatur: *Titio decem do lego, si Maevius Capitolium ascenderit*: nam quamvis in arbitrio Maevii sit, an Capitolium ascendat, & velit efficere, ut Titio legatum debeat; non tamen poterit aliis verbis utiliter legari: Si Maevius voluerit, Titio decem do; nam in alienam voluntatem conferri legatum non potest. Inde dictum est. *Expressa nocent, non expressa non nocent.* Quod de legato Modestinus, idem de institutione docet Papinianus in *L. si quis* 68. *de her. inst.* Differentiae inter expressum, ac tacitum ratio haec est. Dispositio in arbitrium alienum expresse collata ab alieno arbitrio principaliter pendet: tacite collata pendet per consequentias, quae autem per consequentias contingunt, ad ea vix est, ut Leges attendant, *L. 1. D. de auct. tut.*, & *L. quaedam* 62. *D. de adq. rer. dom.* At enim Ulpianus in *L. 1. D. de leg. 2.* scribit, *In arbitrium alterius conferri legatum veluti conditio potest, quid enim interest, si Titius in Capitolium ascenderit, mihi legetur, an si voluerit.* Ita vero, & vix est alius difficilior locus juris. In eum scripsit Commentarius bene longum Hieronymus Orosius de *Apicib. jur. Lib. 2. c. 9.*, ubi aliorum conjectionibus rejectis confirmavit Cujacianam: quae profluit *Lib. 2. Obs. c. 2.* Vini totam sententiae Ulpiani ponit Cujacius in eo verbo, *veluti conditio*: tum legi mavult, *veluti conditionem*, ut ita conditio non ad legatum, sed ad arbitrium alterius referatur: postremo ait, quum quaeritur, num valeat legatum sub conditione *si alius voluerit*, voluntatis esse quaestionem, aut enim testator ea formula voluit legatum ponere in alterius voluntate, ut is sit arbiter, & quasi dator legati: & hoc sensu recte scriptum in *cit. L. 52. de cond. & dem.*, & *cit. L. 68. de her. inst.*, id inutiliter fieri: aut voluit legatum conferre in alterius arbitrium, veluti conditionem, quasi dixerit, si forte acciderit aliquando, ut id ille velit: & hoc sensu recte scriptum in *cit. L. 1. de leg. 2.*, nihil interesse, *si Titius in Capitolium ascenderit, mihi legetur; an si voluerit*: sicque fridem accipiendum illud ejusdem Ulpiani in *L. Senatus* 43. §. *legatum 2. de leg. 1.*, *Legatum in aliena voluntate poni posse, in heredis non posse.* In re prope desperata Cujactum sequamur.

Denique conditionis vitium influit in dispositi-
onem, si hanc faciat captatoriam. Pinge ita scriptum, *Titius heres esto, si me heredem instituerit*. Condicio id habet vitii, quod lucri spe Titium alicui ad instituendum heredem, quem alias non fuisset instituturus, sicque libertati ejus quodammodo infiduiatur: unde qui captat hereditatem *institutor* Horatio dictus *Sat. 5. v. 25.* Sed influit idem vitium in ipsam institutionem, quam Romanus Senatus in militari etiam testamento tanquam captatoria improbavit,

vit, *L. captatorias 70. L. illae 71. §. 7. de her. inst.*, *L. captatoriae 64. de leg. 1.*, & *L. 11. C. de test. milit.* Quo primum Senatusconsulto captatoriae institutiones fuerint improbatæ, ignoramus. Quæ de S. C. Liboniano Accursius, quæque Lipsius habet de Lege Julia, & Lege Papia, eæ recte rejicit Bynkershoekius in *Opusculo de captat. inst. cap. 1.* Facile autem non est intelligere, quid proprie sint captatoriae institutiones. Papinianus in *cit. L. 70.*, Captatorias, inquit, institutiones non eas Senatus improbat, quæ mutuis affectionibus judicia provocaverint, sed quarum conditio conferatur ad secretum alienæ voluntatis, ubi judicia sunt supremæ voluntates, prostantque multa apud Briffonium exempla de *V. S. lib. 6. v. judicium: secretum autem alienæ voluntatis* (quidquid alii dicant, quos solide rejicit Bynkershoekius *cod. Opus. c. 4.*) omnino est idem atque alterius testamentum, ita nec aliud sunt secreta judicia in *L. 1. §. 38. D. de pos.*, quam testamenta. Igitur Papiniani sententia est, captatorias institutiones esse non eas, quibus testator gratiam mutuo pendit (has esse honestas, probant Connanus *Comment. jur. civ. lib. 10. 1. 6. n. 6.*, & Cujac. *Obs. XVI.*, 39.) Sed eas, quæ adscriptam habent conditionem institutionis ab alio faciendæ in gratiam testatoris. Exemplo sit formula illa apud Julianum in *L. 1. de his, quæ pro non script. hab.*, *Qua ex parte me Titius heredem scriptum in tabulis suis recitaverit, ex ea parte heres esto*: ubi *Tō recitaverit* verbum est futuri temporis. Nulla sine conditione captatoria institutio est: neque ulla est conditio, quæ non spectet ad tempus futurum. Si quod me Titius heredem scripsit, ideo eum nunc scribo heredem; captatoria institutio non est, sed honesta institutio, quam mutua affectio provocavit. Exserte Paulus in *L. illae autem 71. pr. de her. inst.* captatorium esse negat institutionem, quæ in præteritum, non in futurum conlata est. Haec omnia pertinent etiam ad legata & fideicommissa, *L. captatoriae 64. de leg. 1. In cit. L. 71. pr. & §. 1. de her. inst.*, quæ difficultatis plurimum habet, *Vid. Bynkershoekium cod. Opusc. cap. 6.*

C A P U T VI.

CONDITIONIS REPETITIO.

HUic disputationi duo sunt præmunienda. Unum est, scripta priore testamento non censi repetita in posteriore, nam qui posteriore testamento facto prius rumpit, velle intelligitur, nihil eorum valere, quæ priore sunt scripta. Contraria, eaque expressa voluntate est opus, ut in *L. postumus 12. §. 1. de injust. rup.*, & *L. si quis priore 29. ad Trebell.*, excepto casu taciti fideicommissi, de quo Papinianus, & Paulus in *L. quis tacitum 3. de probat.*, & *L. Statius 48. de jur. fisci*. Alterum est, testamento scripta censi in codicillis repetita; sunt enim hi pars illius, cuius proinde jus sequuntur, *L. quidam 14. pr.*, & *L. ab intestato 16. de jur. codicill.*, nisi quid sit in codicillis expresse mutatum, *L. alumnae 30. §. qui filias 3. de adim. leg.* His consequens est, conditionem testamenti adscriptam censi in codicillis quidem repetitam, non in posteriore testamen-

mento, *L. avia* 77. pr. de cond. & dem.: quodque de singularibus, idem de pluribus codicillis est cautum, nam plures codicilli, ubi contraria non est testatoris voluntas, simul recte subsistunt, *L. quum proponas* 3. C. de codicil.

His praemunitis, de repetitione conditionis in uno eodemque testamento videmus. Et regulam hanc juris dat Gajus in *L. sub conditione* 73. de her. inst., *Sub conditione herede instituto. si substituiamus, nisi eandem conditionem repetemus, pure cum heredem substituere intelligimur.* Et quidem rectissime; namque non alias heres esse potest substitutus, quam si institutus non sit heres: non potest autem intelligi, institutum sub conditione heredem non esse, nisi etiam ponas defecisse conditionem; tantum abest, ut haec censeatur repetita in substitutione. Quod vulgo docent, solam conditionem potestativam in substitutione intelligi repetitam, id non videtur omnino verum. Tenetur quidem substitutus dare aut facere, quod institutum facere, aut dare testator iusserat, sed id non eam causam habet, quod potestativa conditio censeatur in substitutione repetita. Causam exprimit Justinianus in *L. un. §. pro secundo* 4. C. de caduc. toll., *Sancimus, omnes personas, quibus lucrum deferatur (nominatim loquitur Imp. de substitutis), eas etiam gravamen omnimodo sentire, sive in dando sit constitutum, sive in quibusdam faciendis, neque enim ferendus est is, qui lucrum quidem amplectitur, onus autem ei annexum contemnit.* Ita Averanius Interpret. jur. lib. 5. c. 2. n. 9. Ut ut sit, eodem res redit. Unus in jure est casus, quo conditio fideicommissi universalis adscripta habetur pro repetita in substitutione: eumque proponit Paulus in *L. Latinus Largus* 83. D. de leg. 2., quae descripta est ex *Libro XI. Quactionum, Latinus Largus. Proxime ex facto incidit species talis, libertinus patronum ex semisse (qui tum erat portio patrono debita ex Lege Papia) heredem instituit, & filiam suam ex alio semisse: fideicommissit filiae, ut quibusdam ancillis patroni restitueret, quum hae manumissae essent, & Si eadem filia heres non esset, substituit ei easdem ancillas: quoniam filia non voluit heres existere, ancillae jussu domini, id est patroni (subaudi, testatoris) adierunt defuncti hereditatem: post aliquantum temporis ab eo manumissae, quaerebant, an fideicommissum petere ab eodem patrono possint. Rogo ergo, quid de hoc existimes, rescribas. Respondi, nec repetitum videri in hunc casum fideicommissum (i. e. in casum hereditatis aditae ex vulgari substitutione), sed alterutrum datum, vel fideicommissum, vel ipsam hereditatem (ex substitutioni vulgari): melius autem dici, in eundem casum substitutas videri, in quem casum fideicommissum meruerunt (i. e. in casum manumissionis), & ideo ad substitutionem eas vocari; (quasi inutiliter ex eadem substitutione adiiissent, pendente adhuc manumissione, nam priusquam conditio existat, frustra aditur, aut repudiatur hereditas, *L. is qui* 13. de adq. her.) Quum enim servo alieno fideicommissum ab uno ex heredibus sub conditione libertatis fuerit datum, idemque servus ei heredi substituitur; licet pure substitutio facta sit, tamen sub eadem conditione substitui videtur, sub qua fideicommissum meruit. Ratio singularis illius juris in eo est posita, quod una eademque est persona, cui per fideicommissum, & per substitutionem una eademque hereditas relinquitur, Absurdum est, unam eandemque hereditatem uni eidemque personae non in eundem casum relidam videri.*

Quid

Quid si sit conditio non institutioni, sed legatis ab instituto relictis adscripta, & locus fiat substituto? Hic duplex suboritur quaestio, altera de repetitione legatorum, altera de repetitione conditionis. Sed altera in alteram insluit. Quod pertinet ad repetitionem legatorum, pupillaris substitutio separanda est a vulgari. In pupillari substitutione si pupillus patri heres extitit, nec solvit legatum,olvere substitutus teneur, non tanquam repetitum, sed tanquam non solum ab eo, cujus est heres. In vulgari, live expressa, live tacita ex Divi Marci, & Veri constitutione, de qua Modestinus in *L. jam jure 4. D. de vulg.*, legata regulariter repetita intelliguntur a substituto. Sed contrariis conjecturis est locus. Spectat huc Imperatorum Severi & Antonini rescriptum, de quo ita Ulpianus in *L. licet 74. D. de legat. 1.*, *Licet Imperator noster (Antoninus) cum pater (Severo) rescripserit, videri voluntate testatoris repetita a substituto, quae ab instituto fuerant relictæ; tamen hoc ita erit accipiendum, si non fuit evidens diversa voluntas, quae ex multis colligitur: (ecce, evidenter vocat Ulpianus voluntatem, quam conjecturis adsequimur) an quis ab herede legatum, vel fideicommissum relictum, noluerit a substituto deberi, quid enim, si aliam rem relinquit a substituto, ei fideicommissario, vel legatario, quam ab instituto non reliquerat? (Ipsa rerum diversitas argumento est, testatorem de repetitione non cogitasse) vel quid si certa causa fuit, cur ab instituto reliquerat, quae in substituto cessaret, vel quid si substituit ex parte fideicommissarium, cui ab instituto reliquerat fideicommissum? Qui legatarium instituto substituit ex parte, videtur velle, ut altero contentus sit, vel legato, vel substitutione. Si ex alie substituit, repetitioni locus non est, nam substituto a semetipso non potest repeti legatum, uti rectissime Cujacius in *L. si quis a filio 32. cod.*, *In obscura igitur voluntate locum habere rescriptum dicendum est.**

Eadem distinctione utemur in quaestione de repetitione conditionis. In vulgari substitutione tacite repetita legati conditio intelligitur, live tacite, live expresse sit repetitum, *L. quum pater 77. §. ab instituto 15. de leg. 2.*, & *L. ult. de fideic. lib.*, nisi conditionis repetitio noceat legato: quo uno casu legatum pure repetitum intelligitur. Exemplum extat apud Marcellum in *cit. L. ult.*, *Lucius Titius filios ex Paula uxore sua nascituros ex semisse scripsit heredes, ex altero semisse Gajum Sejum. Servis libertatem reliquit per fideicommissum adjecta conditione, quum ad pubertatem liberi ejus pervenissent: Tum non natis liberis substituit Lucium & Maevium. Denique codicillis petiit ab heredibus primis & substitutis, ut legata testamento relictæ praestarent. Non natis liberis factus est locus substitutis, & quaestio enata, num libertas sub conditione relictæ praestari confessim deberet. Marcellus respondit, si alterius generis conditio esset, expectandam esse: (ecce tibi regulam), sed non esse verisimile, hoc in ista conditione cogitatum (ecce tibi casum regulæ exemtum) quum admitti ad hereditatem substituti non possent, si impleretur conditio. Haec pubertate filiorum erat implenda: iis autem intra pubertatem defunctis, quum substitutionis, tum legati conditio defecisset. In substitutione pupillari inierest, num pater legata repetierit, nec ne. Si non repetiit, & pupillus patri heres extitit, (eo herede non exi-*

existente, vulgari tacitae est locus) ipse pupillus legata, uti sunt relicta, praeſtabit, eoque intra pubertatem mortuo, praeſtabit ſubſtitutus ex perſona pupilli, cujus eſt heres: ſi legata pater repetiit, rursus reſert, num repeierit itidem conditionem, an non. Repetita conditio ſervanda eſt, ac ſi inutilem faciat diſpoſitionem, nihil debetur, *L. ſi quis a filio 32. pr. de leg. 1.* Non repetita conditio non habetur pro repetita, & legatum praeſens debetur, ſive conditio talis ſit, quae repetita inutilem faceret diſpoſitionem, ſive non. Juvat adſcribere verba Vlpiani in *cit. L. ſi quis a filio 32.*, Si quis a filio pupillo herede inſtituto, quum is in tutelam ſuam veniſſet, pecuniam legaverit, & a ſubſtituto herede legata repeierat: impubere filio mortuo, ſecundus heres legatum non debet: quod ita verum eſſe tam Sextus, quam Pomponius putant, ſi repetitio legatorum ad eum modum concepta ſit, veluti, quae a filio meo legavi, quaeque eum dare juſſi, ſi mihi heres eſſet, id heres meus iſdem diebus, h. e. ſub iſdem conditionibus dato: (ecce ſi in pupillari ſubſtitutione repetatur conditio, quae diſpoſitionem vitiaret, a ſubſtituto non deberi legatum ait Vlpianus) ſed ſi ita repetita fuerint: quae a filio meo legavi heres meus dato, (ecce repetitum legatum, non itidem conditionem) pure repetita videbuntur legata, & dumtaxat demonſtratio eorum facta; igitur & hoc ipſum legatum, de quo quaeritur, praeſens debetur. De ratione differentiae inter vulgarem, & pupillarem ſubſtitutum laborant interpretes. Placet mihi quod habet Averanius in *cit. cap. 2. n. 14. & 15.* Subſtitutus vulgaris heres eſt teſtatoris, ut inſtitutus: uterque uno eodemque teſtamento ſcriptus eſt heres: proinde par eſſe debet conditio utriuſque. Contra pupillaris non teſtatoris eſt heres, ſed pupilli, neque iſdem tabulis ſcriptus eſt, quibus pupillus: proinde ex primis nomine pupilli tenetur, ex ſecundis nomine ſuo: cui conſequens eſt, ſi pure ſit legatum a filio, ſub condicione a ſubſtituto, hunc, ſi ille heres exitit, & intra pubertatem. deceſſit, ex perſona illius pure teneri: quumque jam ſit pure obligatus ex primis tabulis, non poſſe ex ſecundis obligari ſub condicione, *L. ſi fundum 81. §. ſi paterfam. 7. D. cod.*, quum certe voluerit teſtator ſemel deberi, *cit. L. 113 §. 3.*: contra ſi a filio legatum ſit ſub condicione, pure autem a ſubſtituto, & filius non dum exiſtente condicione, adeoque die legati non dum cedente, deceſſerit, ſuo nomine, & pure teneri ex ſecundis tabulis, in quibus conditio non eſt repetita: atque hoc eſt, quod Julianus ſcribit in *L. ſi fundum 81. §. 7. in fin. D. cod.*, ex ſubſtitutione ſola legatum valere. Nunc de inſtitutione videamus. Huc autem pertinet Gaji locus in *L. ſi quis ita 33. de her. inſt.* Si quis ita ſcripſerit: Titius ex parte dimidia heres eſto: idem Titius ex altera parte dimidia, ſi navis ex Asia venerit, heres eſto: quum ex pura inſtitutione adierit heres, quamvis conditio alterius inſtitutionis pendeat, ex aſſe ſit heres: ſcilicet etiam condicione deſiciente quum non proſit ei conditio quicquam exiſtens: quippe quum non dubitetur, quin, ſi quis ex parte dimidia-heres inſtitutus ſit: nec praeterea quisquam alius, ipſe ex aſſe heres inſtitui videatur. Vides conditionem parti hereditatis adjectam in alteram non repeti: cujus rei tam manifeſta eſt ratio, ut difficile ſit qualem qualem dubitandi rationem invenire.

De inſtitutione & legatis difficilis eſt diſputatio, multoque difficilior

de legatis solis. De institutione, & legatis quaeritur, num, si unus idemque sit legatarius, & heres, conditio adscripta legato censeatur repetita in institutione, & num institutioni adscripta censeatur repetita in legato. Posteriorius hoc interpretes affirmant, prius illud negant. Quod si negant, praecise negavit Julianus in *L. qui filio* 38. §. 2. de her. inst. his verbis, Si quis servum suum liberum sub conditione, heredem pure scripserisset, eumque vendidisset pendente conditione: jussu emptoris servus adire hereditatem potest, quia & consistit institutio, & est, qui jus imperandi habet. Quod si affirmant, negat Avertamus *Lib. 5. c. 3. n. 2.*, & meo quidem judicio rectissime; si enim pars una hereditatis multo propius abest ab altera, quam ab institutione legatum, quae potest ratio adferri, cur conditio parti hereditatis adjecta non repetatur in altera, adjecta autem institutioni repetatur in legatis? Accedit locus Juliani in *L. ab omnibus* 104. §. 6. de leg. 1., Quam quidam heredem instituit (puta Titium) quandoque (i. e. quandoque) mater ejus decessisset (Tō quandoque, seu quandoque nota est conditionis, *L. si qui* 18., & *L. rogo D. quā. dies leg.*) deinde secundus heres scriptus fuisset, (puta substitutus Titio Cajus) & ab eo (i. e. Cajo) legata ei, qui sub conditione heres institutus fuisset (i. e. Titio) relicta essent, ijsque viva matre decessisset post quam dies legati cesserit: quantum est, an heredes ejus legata deberentur. Verius est, legatum heredi deberi, sive pure a substituta legatum datum est primo heredi, sive sub hac conditione, si heres non fuerit, quia, moriente eo, conditio impletur. Institutus est Titius sub conditione si mater ejus decessisset: eidem non adscripta conditione relictum est legatum. Si Titius viva matre, h. e. non implera conditione degedit, legatum transmitti ait Jurisconsultus ad heredem Titii quasi mortui postquam cesserat dies. Ergo conditio institutioni adjecta non intelligitur repetita in legato. Si repetita intelligeretur, viva matre non transmitteretur legatum, neque ejus cederet dies. Legati conditionalis nec transmissio est, nec dies cedit, antequam exiterit conditio, *L. interdict* 59. de cond. & dem., & *L. si post diem* 5. §. 2. quā. dies leg. Quod autem subjicit Jurisconsultus, moriente eo conditio impletur, id non spectat ad conditionem institutionis, quandoque mater decessisset, sed ad conditionem substitutionis, quae proxime praecit, si Titius heres non fuerit. Haec substitutioni vulgari, & legatis a substituto relictis tacite inest, non illa. Volgo moveatur Scaevolae loco in *L. ult. §. ult. de doli mali & met. except.*, Marito & filio communi, ex parte dimidia scriptis heredibus, filiam suam ex priori matrimonio ita heredem instituit: Maevia filia mea ex sex unciiis heres mihi esto, si cum coheredibus tuis parem rationem feceris pro mea portione in diem mortis meae ejus actus, qui pendet ex tutela tua; quam Titius pater meus, avus tuus administravit: Quaesitum est, an, quia sub conditione instituta filia esset, si omiteret hereditatem, uti salvam tutelae actionem haberet, legata sibi a matre data consequi possit, respondit, secundum ea, quae proponerentur, eam, de qua quaereretur, contra voluntatem petere: & ideo exceptionem doli obstaturam. Cur autem filia contra voluntatem matris petat legata? Cur oblat ei exceptio doli? Quia conditio institutioni adscripta, si parem rationem fecisset cum coheredibus, i. e. si compensasset, repetita intelligitur in legatis: qui

autem non paret conditioni, dolo petit sub conditione relictam.

Sed quid ineptius hoc argumento? imo quis est alius ad repetitionem conditionis excludendam accommodatior locus juris? Filiae legata petenti obstat exceptio. Ergo ei jure competit actio, *pr. & §. 1. Inst. de except.* Si actio competit, repetita non intelligitur conditio in legatis: si legatis inesset, competere actio non posset: nec esset opus exceptione.

Restat disputatio de legatis solis, quae multos complectitur casus. Primus est, si quis rem eandem eidem, & ab eodem bis leget pure, & sub conditione: & refert, num id ex continenti faciat, an ex intervallo. Si pure legatum ex continenti legetur sub conditione, ut in hac formula, *Stichum illi Lego, eundem Stichum, si illud factum fuerit, eidem do lego*; potest arbitrato suo legatarius aut praesens legatum vindicare, aut expedire conditionem, si id ei magis expediat, veluti si non sit capax, quo tempore legati puri dies cedit: si ex intervallo, h. e. postquam testator ad alia aberraverat, posterius legatum valet, sive hoc pure, sive sub conditione sit datum, *L. non ad ea 89. de cond. & dem.*: ex quo juris loco venatur illud in scholis & foro protritum, neminem praesumi sententiam ex continenti mutare; nisi quod bis eidem legatur pure, & sub conditione quantitas sit, nam, quod potest haec multiplicari, utraque summa debetur, altera pure, altera sub conditione, nisi mutata a testatore voluntatem heres probaverit, *L. quum centum 9. de adim. leg., & L. Lucius Titius 22. in fin. de leg. 2.* Multas mutatae voluntatis conjecturas habes apud Interpretes *cit. L. 9. de adim. leg.* Institutionis alia ratio est, quam legati. Si te heredem institueris, & deinde eundem te sub conditione instituas, nihil valere sequentem institutionem Pomponius scribit in *L. si ve solum 27. §. 1. de her. inst.*, quia prior posteriore est plenior: interest autem testatoris heredem habere: quo sensu accipiendum quod sequitur apud Pomponium, quia satis plena prior fuisset. Atque haec ratio facit, ut credam si conditionalis institutio puram praeiret, aliud jus futurum. Ergo in specie Pomponii nisi de contraria testatoris voluntate liquido constet, non revocata prior institutio intelligitur. De contraria voluntate constare multifariam potest: satisque est, posteriorem institutionem sub commemoratione prioris factam: quod legatis, & institutionibus commune est, *cit. L. non ad ea, & L. filiumfam. 27. quando dies leg.* Secundus casus est, si quis rem eandem bis leget eidem, sed non ab eodem, h. e. ab instituto sub conditione, a substituto autem pure. Et refert, num substitutus sit vulgaris, an pupillaris secundum ea, quae dicta sunt: Tertius est, si quis eandem rem ab eodem, sed non eidem bis leget: h. e. si legatum uni relictum sub conditione in alterum pure transferat. Et regula juris est, *legatum sub conditione relictum & ad alium translatum, sub eadem conditione translatum videri, L. legatum 97. de cond. & dem.* Idem de quovis alio onere jus est, *L. Gajo 13. pr. de alim. leg.* Exceptionem hanc habes in *L. legatum 24. de adim. leg.*, Si non conditio priori personae cohaereat: veluti si quis uxori sublaris liberis legaverit. Sunt & aliae exceptiones in Libris juris, veluti, si aliud onus (onus est itidem conditio) legato iungatur, quum transferatur, *cit. L. Gajo 13.*: si conditio repetita inutile faciet legatum, *L. servo 113. §. si ab impubere 4. de leg. 1.*, ubi Marcianus, Si ab impu-

bere legatum fuerit sub conditione, si ad pubertatem pervenerit, & a substituto repetitum fuerit legatum, debetur & a substituto, nec videtur repetita conditio, quae inuito legatum facit; namque ea conditione existente substitutio, & per consequentias legatum exspiraret: quo etiam pertinet *L. ult. de fideicom. lib.* jam superius hoc ipso Capite explicata. Si demum legatarius legatario substituitur, argumento ducto ex eo, quod sub initium hujus Capitis dictum est, conditionem institutioni heredis adscribere non intelligit in substitutione repetitum. Quartus casus est, si quis duo legata eidem relinquat, alterum sub conditione, alterum pure: & interest, num ab uno eodemque herede, an a diversis relinquat: si a diversis, repetitioni conditionis esse locus non potest, namque idem est, atque si duobus testamentis esset legatum, *L. quid ergo 53. §. si quis 2. de leg. 1.* si ab uno eodemque herede non alias admittimus conditionis repetitionem, quam si testator verbis utatur, quae vim habeant repetendi, qualia sunt, hoc amplius, item, aliaque his similia, *L. in repetundis 63. de leg. 3.* Quintus casus est, si quis rem eandem pluribus leget. Hoc casu ita est distinguendum. Si rem eandem a diversis heredibus leget uni sub conditione, alteri pure, repetita non intelligitur conditio; cur enim testator, si repetitam vultit conditionem, personas heredum separavit, quum potuisset brevius, & clarius ita scribere, *Heres Gajo & Sejo fundum illum, si illud factum fuerit, dato?* an ita, *Gajo & Sejo fundum, si illud factum fuerit, lego?* Si ab eodem herede, rursus distinguendum est. Si leget disjunctim, veluti, *Gajo, si illud factum fuerit, fundum Tusculanum lego, Sejo lego fundum Tusculanum;* conditionem satis excludunt, quum duae legatariorum personae disjunctim vocatae, tum duae separatae orationes singulae perfectae. Si conjunctim leget, utrumque legatum sub conditione datum intelligitur, quod enim plures personae conjunctim vocatae vice unius fungantur, *L. plane 34. de leg. 1.* ipsa etiam legata unius loco sunt: ut proinde absurdum sit dicere, alterum conditionale esse, alterum purum, *L. si servo 32. §. 1. de statulib.* nisi si conditio personae unitus, non item alterius cohaereat. Istiusmodi conditionis exempla duo proferam, alterum ex Scaevola in *L. ult. §. Sejo 2. de leg. 2.*, alterum ex Valente in *L. si tibi 10. de leg. 3.*, Ait Scaevola, *Sejo, quem heredi substituerat, ita legavit, Sejo, si mihi heres non erit, & uxori ejus Marcellae argenti libras XV. dari volo. Quaero, quum Sejus heres extiterit, an Marcellae legati dimidia portio debeatur.* Respondi, secundum ea, quae proponerentur, deberi. Conditio si Sejus heres non erit personae Seji, quem testator heredi substituerat, ita cohaeret, ut uxori ejus Marcellae, quam non substituerat, convenire nullo modo possit. Ait Valens, *Si tibi, & ei, qui ex tribus liberis meis in funus meum veneris, centum aureos legavero, non minuiur in tua persona legatum, si nemo venit.* Conditionem veniendi in funus personis liberorum adhaerere, manifestissimum est; Uterque hic locus juris quantum ad jus adcrefcenti non parum difficultatis habet; Sed vide *Comm. de jur. adcrese.*

Nunc, quoniam varia & multiplex est materia, quae tractatur hoc Capite, ecce tibi totius Capituli summam his, quae sequuntur, enunciationibus comprehensam.

I. *Conditio institutioni adposita non intelligitur repetita in substitutione,*

ne, excepta conditione arbitraria, quae tanquam onus ad substitutum etiam transit.

II. *Conditio legati ab instituto relicti repetita intelligitur in vulgari substitutione, sive tacite, sive expresse sit repetitum legatum: verum si conditionis repetitio noceat legato, legatum pure relictum intelligitur:*

III. *In substitutione pupillari si pater non repetit legatum, hoc praestabit pupillus, & ex persona pupilli intra pubertatem mortui substitutus: si repetit legatum, & conditionem, haec servanda est, ac si inutilem faciat dispositionem, nihil debetur: si legatum repetit, non item conditio, haec non intelligitur repetita.*

IV. *Uno eodemque ex duabus partibus hereditatis herede instituto, ex una pure, ex altera sub conditione, haec non intelligitur repetita, & quamvis deficit, erit heres ex asse.*

V. *Si unus idemque sit legatarius & heres, conditio adscripta legato non censetur in institutione repetita, nec, si sit institutioni adscripta, censeri debet repetita in legato.*

VI. *Re eadem eidem & ab eodem bis legata pure & sub conditione, si id fiat ex continenti, optio est legatarii: si fiat ex intervallo, h. e. postquam testator ad alia aberraverat, posterius legatum valet, sive hoc pure, sive sub conditione sit datum: nisi legata sit quantitas, quo casu, quia potest ea multiplicari, utraque summa debetur, altera pure, altera sub conditione, nisi aliud sensisse testatorem probeatur.*

VII. *Si unus idemque bis instituatur heres, primum pure, deinde sub conditione, prior institutio valet, nisi de contraria testatoris voluntate liquido constet: si primum sub conditione, deinde pure, valet posterior.*

VIII. *Re eadem bis legata eidem, sed non ab eodem, h. e. ab instituto sub conditione, a substituto pure, conditio in substitutione vulgari repetita intelligitur, non item in pupillari, secundum ea, quae superius dicta sunt.*

IX. *Re eadem uni legata sub conditione, tum ad alium pure translata, ipsa etiam conditio translata ad alium videtur, nisi qua contrariae voluntatis conjectura aliud suadeat.*

X. *Duobus legatis eidem relictis, uno sub conditione, altero pure; si relicta sint a diversis heredibus, nunquam esse locus potest repetitioni conditionis: si ab uno eodemque herede, non alias est locus, quam si testator verbis utatur, quae vim habent repetendi.*

XI. *Re eadem a diversis heredibus legata uni sub conditione, alteri pure, repetita intelligi conditio non potest: legata autem ab uno eodemque herede, si sit conjunctim legata, conditio, quae personae unius non cohaereat, repetita intelligitur, si disjunctim non intelligitur repetita.*

DE CONDITIONIBUS
CAPUT VII.

CONDITIONIS IMPLENDAE TEMPUS.

DE tempore conditionis implendae bene multa veniunt in disputationem. Selectiora sunt quae sequuntur, Si conditioni dies adjicitur, num existente ante diem conditione expectandus sit dies, quaeritur. Et vulgo ajunt, referre, qualis conditio sit: si ea sit arbitraria, quamvis ante diem exiierit, peti non ante posse, quam venerit dies: si sit fortuita, aut mixta, recte posse, ut primum exiit, peti. Posterius hoc probant Pomponii loco in *L. hoc jure 10. de V. O.*, *Hoc jure vivimus, ut ex hac stipulatione; si Lucius Titius ante Kalendas Majas in Italiam non venerit, decem dare spondes? non ante peti quidquam possit, quam exploratum sit, ante eum diem in Italiam venire Titium non posse, neque venisse, sive vivo, sive mortuo id acciderit.* Prius illud verbis Pauli in *L. in illa 8. eod.*, *In illa stipulatione, si Kalendis Stichum non dederis, decem dare spondes, mortuo homine, quaeritur, an statim ante Kalendas agi possit?* Sabinus, Proculus expectandum diem aitori putant, quod est verius, tota enim obligatio sub conditione & in diem collata est: & licet ad conditionem (i. e. quantum ad conditionem, uti eum locum interpretantur Duarenus, Robertus, alique frustra in contrarium obniten- te Cujacio *l. Obs. 22., & IX. Obs. 17.*) committi videatur, dies tamen superest. Hanc sententiam egregie praeter ceteros tueri Avertanus Interpret. jur. lib. 1. cap. 20. & 21., ubi in rationem discriminis subtiliter inquit. Ego vero, quod multa sunt juris loca, quae graviter obstant, seorsim sentio, & non iam, qualis sit conditio, spectandum reor, quam quo animo a contrahentibus, testatoribusve adjectus sit dies; fortasse enim illi diem adjecerunt solius conditionis gratia, h. e. principaliter satagentes de eventu conditionis non ultra eum diem: & hoc casu statim ut exiit conditio, si intra diem exiit, potest peti: fortasse etiam illi diem adjecerunt non solum conditionis, sed & solutionis gratia, h. e. ut solutionem ipsam differrent, & hoc casu, quamvis exiit conditio, expectandus tamen est dies. Ut ita sentiam facit ratio illa, quam Paulus assert, cur dies sit expectandus, tota enim obligatio sub conditione, & in diem collata est: quasi dicat, contrahentes ad conditionem aequae atque ad diem, i. e. ad solutionis dilationem attendisse. Opinione meam confirmat aliter ejusdem Pomponii locus in *L. si his 4. §. 1. de cond. & dem.*, *Si ita scriptum sit, si in quinquennio proximo Titio filius natus non erit, tum decem Sejae heres dato.* (Ecce legatum sub fortuita conditione relatum) *Si Titius ante mortuus sit.* (Ecce jam exiit ante quinquennium conditio) *non statim Sejae decem deberi.* Ecce expectandus est dies: Quia voluit testator legati solutionem differre: istius autem voluntatis nota est particula tum, quae, ut idem Pomponius inquit, *extremi quinquennii tempus significat.* Uti hoc casu ea nota voluntatem testatoris cognoscimus, ita in aliis casibus eam judex aliis notis cognoscat.

Porro quum de implendis agitur conditionibus, quae institutioni, aut legato

legato adjectae sunt, tria possunt tempora spectari: primum, quod praeit testamentum: secundum, quod inter testamentum, & mortem testatoris intercedit: tertium, quod medium est inter mortem testatoris, & mortem heredis, legatariive, De tempore, quod praeit testamentum, ita Ulpianus in *L. haec conditio* 10. §. 1. de cond., & dem., Si sic legatum sit, si navis ex Asia venerit, & ignorante testatore, navis venerit testamenti facti tempore: dicendum pro impleta haberi. Et si cui sic legatum est, quum pubes erit, simili modo hoc erit dicendum: ita etiam Paulus in *L. 11. eod.*, Si jam facta sint, quae conditionis loco ponuntur, & sciat testator: quae iterum fieri possunt, expectentur, ut fiant: si vero nesciat, praesenti debeantur: ita demum Pomponius in *L. si ita* 45. §. 2. de leg. 2., Si pater filiae suae testamento aureos tot heredem dare jusserit, ubi ea nupsisset: si filia nupta sit, quum testamentum sit, sed absente patre & ignorante, nihilominus legatum debetur, si enim hoc pater non ignorabat, videatur de aliis nuptiis sensitse. Collaris tribus illis Pandectarum locis facite est intelligere, si testamenti tempore jam factum erat, quod conditionis loco ponitur, interesse, num illud iterari possit, nec ne: si potest iterari, rursus interesse, num testator factum sciat, an ignoret: si ignorat, conditionem haberi pro impleta, relictumque debet tanquam pure relitum: si scit, expectandum, ut iterum fiat: si non potest iterari, nihil interesse, num ignoret, an sciat testator, relictumque utroque casu statim deberi; nam si ignorat, quoniam erat jam factum, satis impleta est ejus voluntas: si scit, & nihilominus illud conditionis loco ponit, quoniam iterari non potest, impossibilis est conditio, ac proinde est pro non scripta. Ad tempus inter testamentum, & mortem testatoris medium pertinet, quod in *cit. L. 11. §. 1.* subjicit Paulus, Item sciendum est, promiscuas conditiones post mortem impleri oportere, si in hoc fiant, ut testamento pareatur; veluti, si Capitolium ascenderit, & similia. Non promiscuas, etiam vivo testatore existere posse, veluti, si Titius Consul factus fuerit. Ergo conditiones in arbitrium collatae impleri nonnisi post mortem possunt: fortuitae, mixtaeque vivo etiam testatore. Momentosa sunt verba illa Pauli, si in hoc fiant, ut testamento pareatur. Arbitrarie conditionis est illud itidem proprium, ut ab eo impleatur, qui eam testamento insertam sciat, nam si factu fecerit, (scita Vlp. in *L. 2. eod.*) non videtur obtemperasse voluntati. De tempore, quod inter mortem testatoris, & mortem heredis, legatariive intercedit, id unum monere sat est, posse eo tempore cuiusvis generis conditiones impleri. Sed arbitrarie ab aliis hoc differunt, quod implendae sunt, quanto citius possunt, si legatus, fideicommissive adscribantur, *L. haec conditio* 29. de cond. & dem., namque institutioni adscriptae, quum heres voluerit, implentur, *L. 4. in fine*, & *L. 5. de her. inst.*, & *L. ult. de cond. inst.*, nisi heres moras nectat, & urgeant creditores: quo casu certum tempus praestituit Praetor, eoque exacto, quasi defecta conditione, hereditas vacat, *L. si quis instituitur* 23. §. 1. de her. inst. Cum herede benignius agitur, quam cum legatario fideicommissatione; subit enim ille onera omnia hereditatis.

C O N D I T I O N I S I M P L E N D A E M O D U S .

INstitutionibus, legatis, fideicommissive plures quandoque apponuntur conditiones. Regula autem est, si *conjunctim* apponuntur, omnibus parandum esse, quia unius loco habentur: si *disjunctim*, cuilibet, L. si heredi §. D. de cond. insti. Potest tamen facere conjectura voluntatis, ut conditiones disjunctim adscriptae pro conjunctim adscriptis accipiantur: quo pertinet Graeca Imp. Justiniani constitutio in L. generaliter §. C. de inst. & substi. Verba sunt, Generaliter sancimus, si quis ita verba sua composuerit, ut edicat, si filius, vel filia intestatus, vel intestata, vel sine liberis, aut sine testamento, vel sine nuptiis decesserit: & ipse vel ipsa liberos susulerit, sive nuptias contraxerit, sive testamentum fecerit; firmiter res possideri, & non esse locum substitutioni eorum, vel restitutioni. Si enim nihil ex his fuerit, subsequutum; tunc valere conditionem, & res secundum verba testamenti restitui, ut incertus successionis morientis citius videatur certo substitutionis, vel restitutionis fine concludi. Cui enim ferendus est intellectus, si forsitan testamentum quidem non fecerit, posteritatem autem habuerit: propter hujusmodi verborum angustias liberos ejus omni pene fructu paterno defraudari? Viam itaque impiam observantes, ut ne quis alius deviet, hujusmodi facimus sanctionem; & hanc Legem in perpetuum valituram inducimus, tam patribus, quam liberis gratam; quo exemplo etiam aliis personis, licet extraneae sint, de quibus hujusmodi aliquid scriptum fuerit, medemur. In hunc Justiniani locum videndus A. Faber Lib. 17. Conject. cap. 18.

Possunt plures conditiones institutioni, legato, fideicommissive adscribi, neque conjunctim, neque disjunctim, veluti si cui in una testamenti parte sub una conditione, in altera sub altera conditione eadem hereditas, hereditatisve pars, aut idem legatum relinquatur. Et videtur discrimen intercedere inter legatum, & hereditatem. De hereditate Florentinus in L. si plures 17. D. de cond. insti., Si plures institutiones ex eadem parte sub diversis conditionibus fuerint: conditio, quae prior extiterit, occupabit institutionem. Contra de legato Modestinus in L. sub diversis §. 1. de condit., & dem., Sub diversis conditionibus disjunctim potius liber esse jussus, eam conditionem eligere potest, quae sibi levior esse videbitur: legato vero eo modo relicto, legatarium novissimae conditionis parere oportet. Huc etiam pertinet illud Valentis in L. quod traditum 87. eod. In legatis novissimum, in libertatibus levissimam conditionem spectandam esse. Ratio differentiae ex eo petenda est, quod testatoris maxime interest heredem habere. Quod in libertatibus levior conditio spectetur, facit id favor libertatis. In cæteris legatis, fideicommissive, videtur testator, quum posteriorem conditionem adscribit, velle priorem mutare. Haec vera sunt, si eadem sit pars hereditatis, eademque res, quae legatur; nam si sub diversis conditionibus diversae hereditatis partes, aut diversa legata relinquuntur, juris ratio dicat, quo partes omnes, aut legata omnia adquirantur, omnes impleri oportere; & recte Florentinus in cit. L. 17. ait ex eadem parte.

Ubi

Ubi una conditio adscribitur testamento, interest, num in faciendo consistat, an in dando. In dando consistens dividua est: individua vero quae consistit in faciendo: unde legato duobus fundo sub conditione dandi decem, si unus eorum dederit quinque, fundi partem recte petet, *L. tales 112. §. 2. de cond. & dem.*: legato autem fundo sub conditione mumentum faciendi, conditionem non posse, nisi in omnibus simul personis existere scribit Pomp. in *cit. L. 112. pr.* Illud habere dubitationem inquit Ulp. in *L. si ita 13. de man. test.*, an altero faciente satisfactum voluntari videatur: & id magis esse, nisi aliud expressit testator, eum tamen, qui fecit, sibi conditionem implere, alteri non: quinimo huic extinguere conditionem, cui amplius parere non potest, quum semel expleta sit. Successit nova Justiniani Constitutio in *L. pen. C. de cond. inst.*, ubi dubitationis ab Ulpiano propositae mentio est: Justinianus ibi dubitationem ab Ulpiano propositam, & quod a Pomponio de conditione faciendi scriptum est, tollit, jubetque, eum, qui perfecit, quod erat positum in conditione, solidum legatum capere, socio excluso. Igitur post constitutionem Justiniani haec una reliqua est differentia inter conditionem, quae in dando, & conditionem, quae in faciendo consistit, quod quum haec individua sit, pars facti non potest praestari, nec videtur fecisse qui non perfecit: illa autem recte potest impleri pro parte. Vide Cujacium in *tit. C. de cond. inst.* Porro conditio in faciendo consistens impleri per alium non potest: recte autem potest ea, quae consistit in dando, *L. ult. de cond. inst.*: cui consequens est, hanc posse a moriente impleri, non illam, quae proinde, herede, vel legatario animam agente, deficere intelligitur. Huc spectat species, quam tractat Papinianus in *tit. L. ult. Testator filium scripsit heredem sub conditione, si Alexandriam ierit*; substituitque nepotes ex eo. Num impleta conditione nepotes ad hereditatem admitti ex substitutione? Papinianus ait *vivo filio*, quia hic animam agens, licet non dum mortuus, ire Alexandriam amplius non potest: quum tamen si conditio consisteret in dando, recte potest nomine filii per alium impleri, adeoque filio animam agente penderet. Quid est autem momenti positum in hac re? Equis erit differentiae illius effectus? Dicam paucis. Desiciente vivo adhuc filio conditione, nepotes in ejus potestate positi hereditatem, ad quam ex substitutione admittentur, ipsi filio animam agenti, acquirebant: hicque eam ut aditam transmittent ad suos heredes. Vide *Duarenium in Tit. D. de cond. inst. cap. 6.* Jure novo; quo adventitii peculii proprietas non transit in patrem, propositae differentiae vix ullus est usus. Jam quod dictum est conditionem in faciendo consistentem impleri per alium non posse, verum meo judicio est, si tale sit factum, ut ipsius personae operam requirat; quale est Alexandriam ire: quo exemplo utitur in *cit. L. ult.* Papinianus. Caeterum si tale sit factum, ut non ipsius personae operam requirat, quale est monumentum extruere, recte videtur per se facere, qui per alium facit, excepto si conditio factum contineat, quod ad ipsius personae artificium spectet; tunc enim videtur testator personae heredis, legatariive operam elegisse. Jam conditio in faciendo consistens rursus interest, num per affirmationem, an per negationem exprimitur. Per affirmationem expressa etiam ante aditam hereditatem impleri

pleri de facto potest, quamvis jure inutilis sit effectus, per quem impletur. Si quis, inquit Labeo in *L. mulier 20. §. 1. de cond. inst.* hereditarium servum jussus est manumittere, & heres esse: quamvis si manumiserit, nihil agat: tamen heres erit: verum est enim, eum manumisisse, sed post additionem libertas servo data, secundum voluntatem testatoris convalescit. Expressa per negationem videretur impleri non posse, dum heres vivit: sed utilitatis causa inductum est, ut impleteretur per cautionem, quae a Q. Mutio ejus auctore Mutianae nomen accepit: & non solum in legatis, sed etiam in hereditatibus admissa est, *L. mucianae 7. pr. de cond. & demenst.* Atque hic explicandus est Ulp. locus sane difficilis in *L. si qui 4. §. 1. de cond. inst.* Idem Julianus scribit, eum, qui ita heres institutus est, si servum hereditarium non alienaverit, caventem coheredi, implere conditionem: ceterum, si solus heres scriptus sit, sub impossibili conditione heredem institutum videri: quae sententia vera est. Id luculentius exponit ipse idem Ulpianus in *cit. L. 7. §. 1. de cond. & dem.* his verbis, Si uxor maritum suum, cui dotem promiserat, ita heredem scripserit ex parte: si dotem, quam ei promissi, neque petierit, neque exegerit: denuntiare eum posse coheredi, paratum se accepto facere dotem, vel cavere: & ita adire posse hereditatem, sed si ex asse sit institutus maritus sub ea conditione, quoniam non est, cui caveat, non impediri eum, quo minus adeat hereditatem: nam jure ipso videtur impleta conditio, eo quod non est, quem possit de dote convenire, ipse adeundo hereditatem: ex quibus novissimis verbis Nostri colligunt, pro facto haberi quod fieri non potest. Difficile autem captu est, quod Ulpianus in *cit. L. 4.* scribit heredem ex asse sub impossibili conditione institutum videri: quod ipse sui interpretes scribit in *cit. L. 7.*, ideo impossibilem esse, quoniam non est, cui caveat: nonne enim scriptum est apud Gajum in *L. si cui 18. de cond. & dem.*, eum, cui sub conditione non faciendi aliquid relictum est, mutiana cautione cavere debere ei, ad quem jure civili deficiente conditione legatum, vel hereditas pertinere potest? Ergo si coheredi caveatur, cur non itidem cavendum est legitimis heredibus, quorum itidem interest non impleri conditionem. Multo quae ab antiquioribus scripta sunt in locos istos juris, (ea collegit omnia A. Faber *Lib. 2. conject. cap. 16.*) nam vix est, ut possint cuiquam probari. Quae J. Cujacio, & A. Fabro in mentem venerunt, expendamus. Cujacius *Lib. 5. Obs. cap. 2.* scribit, Mucianae cautioni locum esse in iis conditionibus, quae morte heredis, legatariive, cui adscribuntur, essent implendae, veluti si cui relinquatur hereditas, aut legatum sub conditione, si in Capitolum non ascenderit; non item in iis, quae alterius, quam heredis legatariive morte possunt impleri, herede, aut legatario vivo, ut in specie Ulpiani in *cit. L. 4. §. 1.*; potest enim ibi servus vivo herede mori: quo casu impletur vivo herede conditio non alienandi: Cujacianam conjecturam confirmat idem Julianus, cujus auctoritate Ulpianus utitur. Hoc genus legati, inquit in *L. hoc genus 106. de cond. & dem.*, Si Titio non nupserit, perinde habendum est, ac si post mortem Titii legatum fuisset: & ideo nec Muciana satisfactione interposita capere legatum potest. Eam multo luculentius confirmat Papinianus in *L. quum tale 72. §. 2. cod.* his verbis, Titius heredem institutum rogavit post mortem suam hereditatem restituere, si fideicommissi cautio non fuisset petita (est haec

cujus meminit Papinianus, cautio de servando legato, fideicommissore, suisque diebus restituendo) *Mucianae cautionis exemplum ante consummationem remissae cautionis* (h. e. antequam placuisset D. Marco, cuius constitutio est in L. 2. C. ut in poss. leg., ut testatori liceret cautionem illam remittere) locum habere non potuit. Addit continuo rationem, quae eadem ipsa est, qua Cujacius movetur, *Quoniam vivo eo, cui relictum est, impleri conditio potuit*. At vero Faber loc. cit. subtiliter animadvertit, si id. verum esset, Idem jus futurum de herede scripto ex asse, ac de herede, cui datus est coheres, nam dato etiam coherede, alterius, quam ejus, cui relictum est, morte impleri conditio posset: proinde Mucianae cautioni locus non esset. Et Ulp. tamen in cit. L. 4. §. 1. coheredi cavendum inquit, si- que implendam conditionem non alienandi: tum non eleganter dici posse putat, heredem ex asse scriptum sub conditione, si servum hereditarium non alienaverit, ideo videri sub impossibili conditione institutum, quod quum implere conditionem debeat ante aditam hereditatem, non potest tamen eam, nisi post aditam hereditatem, implere; porro debere heredem ante aditam hereditatem implere conditionem, ipsa conditionis natura demonstrari Faber ait, namque institutioni frustra adiceretur, si ea non impleta adiri ex institutione hereditas posset: eum autem non posse conditionem implere ante aditam hereditatem, ex eo intelligi, quod non dum adita hereditate alienare servum non possit. Postremo rationem, cur in cit. L. 4. §. 1. de cond. insti. Mucianae cautioni locus non sit, petendam omnino ait ex voluntate testatoris, quae (ipsius Fabri verba adscribam) in proposito casu talis fuit, ut heres post aditam hereditatem conditioni satisfaceret, cui scilicet ante satisfacere nequeat, haec vero praepostera conditionis natura est. Utrumque enim testator voluit, & heredem prius heredem non esse, quam conditionem implevisset, & conditionem prius non impleri, quam adita hereditas esset: quae quum porus contraria & pugnantia sint, in dubio melius est ut hereditas adeatur, & conditio tanquam impossibilis rejiciatur: impossibilis enim est, quae ante aditam hereditatem impleri non potest. Quod si heres ita institutus coheredem habeat, conditio haec impossibilis non est, quoniam utrique testatoris voluntati recte satisfieri potest, ut nimirum hereditas ab eo, qui pure scriptus est, adeatur, tum conditio ab altero impleatur. Neque enim, quod ad testatoris voluntatem pertinet, quicquam interest, uter prius heres sit, ut conditio impleatur, si modo aliquis testamentarius heres sit. At quia testamentarium heredem habere omnimodo voluit, ob idque talem conditionem adscripsit, quae non nisi post aditam hereditatem impleri possit, dicimus voluntatem ipsius non fuisse, ut deficiente conditione legitimi heredes admitterentur, acque ideo nulla ratio est, cur iis cautio praestetur. Coheredis alia ratio est, ad quem ex voluntate testatoris deficiente conditione, hereditas pertinet; ut postquam in eo testatori satisfactum est, quod ex testamento heredem habet, in eo etiam satisfiat, ut servus hereditarius non alienetur. Fabiana ista subtilia quidem sunt, & in speciem pulchra; sed vix est ut consistant. Cujaciana illa omnino vera sunt, utpote quae recte confirmantur verbis Iuliani in cit. L. 106. de cond. & dem., multoque rectius verbis Papiniani in cit. L. 72. §. 2. eod. Non diffiteor tamen, perquam diffi-

C A P U T IX.

CONDITIONIS RETROTRACTIO.

Retrotrahi dicitur conditio ad initium, h. e. ad tempus rei gestae recurrens: vis autem retrotractionis in eo est posita, ut quum conditio extitit post tempus rei gestae, res perinde habeatur, quasi si illa ab initio extitisset, aut quasi res esset pure gesta, *L. potior 11. §. 1. D. qui potior. in pign.* Sed non omnes conditiones, neque in omnibus negotiis retrotrahuntur. Fortunae mixtae in contractibus semper retrotrahi, exploratissimum est: quo fit, ut si sub conditione hypothecca data sit, qua pendente alius credidit pure, & accipit eandem hypotheccam: deinde prioris existat conditio, potior sit is, qui primum credidit sub conditione, *cit. L. 11. §. 1. Ex diverso* non retrotrahuntur conditiones in arbitrium collatae: proinde in iis tempus spectatur, quo extiterunt, *L. pen. D. quae res pign., L. qui balneum 9. §. 1., & cit. L. 11. §. 2. D. qui potior.*; debent enim sibi imputare, qui conditiones implere poterant suo arbitratu, nec impleverunt.

In hereditatibus cujusvis generis conditiones, vel ipsae arbitrariae retrotrahuntur ad tempus mortis testatoris, quocunque tandem tempore hereditas adeatur, *L. heres 54. de hered.*: cujus rei petenda ex eo est ratio, quod hereditas dari ex die, aut ad diem non potest, *L. hereditas 34. de hered. inst.*: qua de re vide interpretes Institutionum in §. *heres pure Lib. II. eod.*

In legatis fideicommissive sub conditione datis retrotractioni locum non esse communis sententia fert. Innititur ea quum multis locis juris, tum maxime Ulpiani loco in *L. si post diem 5. D. quando dies leg.* Scribit Vlpianus §. 1., *Si purum legatum est, ex die mortis dies ejus cedit: tum §. 2., sed si, ait, sub conditione sit legatum relictum, non prius dies legati cedit, quam conditio fuerit impleta, ne quidem si ea sit conditio, quae in potestate sit legatarii.* Diem cedere est nasci obligationem, seu rem incipere deberi, *L. 113. de V. S.*: legatum igitur sub conditione relictum non ante deberi incipit, quam extiterit conditio. Id argumento est plane maximo, conditionem legato adscriptam non retrotrahi: unde consequitur, legatum sub conditione ei datum, qui alieni juris erat, ipsi legatario adquiri, si tempore existentis conditionis sui juris sit: datum autem ei, qui sui juris erat, tum quo tempore existit conditio sub patria, aut dominica potestate est, patri, aut domino adquiri, *L. 5. §. ult., & L. si usufruct. 14. in fin. D. quando dies leg., L. si uxorem 5. C. de cond. inst.* De ratione discriminis satagunt interpretes. V. Averanum *Lib. III. interpret. jur. cap. 9. n. 8, 9. & 10.*

C O M M E N T A R I I

P A R S II.

DE MODIS.

AD conditiones videntur accedere modi; namque hi aequae ut illae futurum tempus respiciunt: unde in multis locis juris, qui proprie modi sunt, *conditiones* dicuntur, *L. liberto §. Lucius de an. leg.*, *L. Maevia de manumis. test.*, & *L. Titio §. 1. de cond. & dem.*: vere tamen inter modum & conditionem magna differentia est. Quod vulgo ajunt, particulam Si facere conditionem, particulam Ut modum facere, id quidem plerumque est verum, & non obscure colligitur ex *L. demonstratio 17. §. ult.*, & *L. eas 80. eod.*; sed non in hoc vere posita est differentia. Haec in eo est posita, quod conditio suspendit, non item modus: quo fit, ut legatarius sub conditione non ante legatum adquirat, quam existat conditio, legatarius autem sub modo legatum statim adquirat, modum deinde impleturus, nisi quod ejus rei gratia cavere debet heredi, *cit. L. eas 80.*

Doctrinae gratia est hoc loco animadvertendum, quandoque modum poni pro causa, ut in *L. ult. de her. inst.*, & contra causam pro modo: proprie tamen modum esse causam legandi futuram, ut in hac formula, *Lego Gajo fundum*, ut *Sejae praebeat alimenta*: causam proprie esse causam legandi praeteritam, ut in hac formula, *Lego Gajo fundum, quia praebeuit alimenta Sejae*. *V. Cujac. in L. quum tale 72. §. falsum 6. de condit. & dem.*

Quod de impossibili, falsae conditione dictum est, idem de modo impossibili, aut falso dicendum est. *V. Cujacium loc. cit.*

Quandoque conditio resolvitur in modum, ut apud Julianum in *L. haec scriptura 26. de cond. & dem.*, Si heres scriptus erit sub conditione si juraverit, se decem daturum, aut monumentum facturum, quamvis verbis edicti ad hereditatem, vel legatum admittatur, tamen compellitur facere id, quod facturum se jurare jussus est, solo jurejurando remisso. Vides conditionem resolveri in modum, quasi ille scriptus sit heres, ut decem daret, aut faceret monumentum.

Cui legatum, fideicommissumve relidum est, ut aliquid faciat, is cavere de modo implendo debet heredi, etiam si hujus nihil interfit, quia boni viri officio continetur voluntatem defuncti, cujus est heres, tueri. Nisi caverit, negandam ei actionem, Nerva & Atilicinus putarunt: quod item placuit Valenti in *L. si tibi 19. de leg. 3.*, in quam *Vid. commentaria Cujacii*.

Olim iis, quibus sub modo relinquebatur, modum impleri cozi extra ordinem poterant, non proposita ab eo actione, cujus gratia fuerit adscriptus, *L. si cui 92. de cond. & dem.* Et vero modus legati legatum, fideicom-

com.

commissumve non facit, nam quod ad eum pervenit, cuius gratia adscriptus est modus, non testamenti nomine, sed mortis causa capitur, L. Macvius § 5. de cond. & dem. De hac re multa Cujacius in cit. L. si tibi 19. Verum hodie videtur is posse agere quasi ex fideicommisso, L. 2. C. de his quae sub modo.

Si possit modus ita, uti a testatore praescriptus est, impleri, omnino ita est implendus: si ita non possit, alia ejus implendi ratio quaerenda est, quae ad voluntatem testatoris quam proxime accedat. Vide L. in testamento 27. de cond. & dem., & L. legatum 16. de usa & usufr. leg.



C O M M E N T A R I I

P A R S III.

DE DEMONSTRATIONIBUS.

Expendendus est hic Marciani locus in L. falsa demonstratio 33. de cond. & dem. Ait is, Falsa demonstratio neque legatario, neque fideicommissario nocet, neque heredi instituto, veluti si fratrem dixeris, vel sororem (subaudi, qui, quaeve, nec frater, nec soror erat), vel quodlibet tale. Florentini Pandectae habent, vel quodlibet aliud: veluti, ut exemplo utar Gaji in L. 17. §. 1. h. t., si quis leget Stichum coquum, Stichum sutorem, qui neque coquus erat, neque suus. Pergit Marcianus, Hoc ita juris civilis ratione, & constitutionibus Severi & Antonini cautum est. Constitutiones istae, quarum meminit Marcianus, aetatem non tulerunt. Quid autem causae est, cur Marcianus a jure civili separet Constitutiones, quasi haec non sint, uti certe sunt, pars juris civilis? Jus civile constitutionibus oppositum, jus est in conventu Jurisconsultorum inductum per interpretationem quod dicebatur jus veniens sine scripto, & communi nomine jus civile, L. 2. §. 5. de orig. jur.; id autem, quo sanctius esset, non raro Constitutionibus Imperatorum confirmabatur. Vid. a me dicta de hac re in Hist. jur. Denum scribit Marcianus, Sed si controversia sit de nomine inter plures, (puta si duo sint Titii, & testator ad designationem nominis singulari nomine utatur, quam speciem tractari Modestinus in L. 62. §. 1. de her. inst., & Paulus in L. 8. §. 3. de leg. 2.) qui probaverit, sensisse de se defunctum, ille admitteatur. At quales esse debent ejus rei probationes? Apertissimae reposcit Modestinus in cit. L. 62. Subobscuris conjecturis non est locus. Si apertissime probationes deficiant, non legatum, non fideicommissum, non institutio valebit, cit. L. 62. Sententiae, quam ex Marciano proposuit rationem hanc adfert Florentinus in L. si nominatim §. 4. h. t. his verbis, nam demonstratio vice nominis fungitur. Et vero quid interest, rem nomine, an alia quavis nota demonstrare? Florentino exploratius visum fuit, falsum nomen non obesse legato, aut institutioni, quam non obesse falsam demonstrationem; proinde quod falsum nomen non obesset, ex eo conficit non

non itidem obesse falsam demonstrationem, quae vice nominis fungitur. Ea sane de falso nomine extat Gordiani rescriptum in *L. 4. C. de testam.* In nomine, vel praenomine, seu cognomine, seu adnomine si testator erraverit, error huiusmodi nihil officii veritatis. Florentini ratio subobscura est. Veta & luculentissima ratio, cui nec falsum nomen, nec falsa demonstratio roceat, ea videtur, quam tradit Vlpianus in *L. ex falso 35. de her. inst.* In testamentis totum facit voluntas defuncti. Legata, & hereditates argumenta sunt amoris, & honoris, unde heredes, & legatarii multis locis juris, quae congestis Gul. Fornerius *Selec. Lib. 1. cap. 19.*, dicuntur amici, & honorati. Quis est autem, qui nesciat, quod eleganter, & vere Vlpianus scribit in *L. 9. D. pro socio, hereditatem, vel legatum ob mericum aliquod accedere*? Ecquis est, cui verisimile videatur, testatorem meriti loco habuisse nudum heredis, legatarii nomen, aliamve notam extrinsecus accedentem?

Atque hic occurrit obscurissimus Pauli locus in *L. Titius 25. §. 1., de lib. & post.*, ad quem frustra accesserunt interpretes, & in quo explicando animum despondit vel ipse audacissimus A. Faber, quum libros scribebat *Conjecturarum*: & tamen adhibita ea juris definitione, falsam demonstrationem institutioni non obesse, quam tum ipse Faber adhibuit Libros scribens *De erroribus Pragmaticorum*, facile explicabitur. Lucius Titius neptem habens ex filia praegnantem *suprema sua ordinavit*, cui elegantissime Paulus, id est, suum condidit testamentum. Lucius Titius in urbe, neptis ruri agebat. Eodem die, sed non eadem hora fecit avus testamentum, & fuit neptis masculum enixa. Enixa haec fuit *eplo albescere*, inquit Paulus; fecit ille testamentum *hora diei sexta*, h. e. meridie, de qua temporis computatione pulchre Fabrotus in *Exercitatione De tempore humani partus*. Quo igitur tempore testamentum condebatur, partus jam erat ruri editus ex nepte; at vero id in urbe ignotans *L. Titius heredem scripsit*; quod neptis in uero haberet, & defunctus est. Quaesitum fuit de vi institutionis. Dubitabundus Paulus respondit, *institutionem jure factam videri*. Ecquid difficultatis ea species habebat? Ecquid in ea institutione inesse poterat vitii? Si nostris hisce temporibus eadem species incidere, certe nihil vitii inesset. Postumus etiam alienos, h. e., qui non nascuntur sui, scribi heredes permisit nova Imp. Justiniani Constitutio, quam Codici repetitae praelectionis certe insertam imperii librarii, quod esset Graece scripta, omiserunt, quamque meminit Tribonianus in §. 27. *Inst. de leg.* At aevo tamen Pauli eos scribi heredes civile jus non patiebatur, teste vel ipso Triboniano, *pr. tit. Inst. de bon. poss.*: nec alio, quam ad civile jus referri potest, quod inquit Paulus, *institutionem jure factam videri*. Scio, alienum postumum a Praetore admissum ad bonorum possessionem secundum tabulas, *cit. pr. Inst.*: sed de jure civili Paulum disputare, ne ambigas. *Vid. Acran. Interpret. jur. Lib. 5. cap. 18. n. 2. & 7.* Nunc quis non videt, quam difficile sit Paulum intelligere respondentem, *institutionem jure factam videri*? In specie Pauli postumus erat omnino alienus, tanquam filius neptis ex filia: proinde eum institui heredem Leges vetabant. Longum esset interpretum commenta in medium asserre. Igitur adhibita praecedente A. Fabio, cui me comitem addo, ea juris definitione falsam demonstrationem

tionem non nocere institutioni, salva res est. Neptis albescens coelo fuerat masculinum enixa. Testamentum conditum est hora diei sexta. Ergo tempore testamenti pronepos non erat postumus: erat ante horas aliquot natus. Ergo Leges de non instituendis postumis alienis prorsus cessabant. Id unum aliquid habebat difficultatis, quod testator neptem putans adhuc praegnantem, testamento heredem scripserat non pronepotem jam natum, sed quod neptis in utero haberet. Id vero quid est aliud, nisi falsa demonstratio? At falsam demonstrationem non nocere institutioni docet Marcianus cit. loc.

Quod de falsa demonstratione legatarii tradit Marcianus, idem ius est de falsa quavis demonstratione ipsius rei, quae legatur. Sexcenta sunt loca iuris, quibus id expresse caveatur. Seligam locum unum, ad quem emendatrices manus (& certe est de mendo suspectus) interpretes admovent. Est is Vipiani in L. 1. §. ult. D. de dot. praeleg. Maritus uxori legavit fundum Titianum adiecta ea demonstratione, *is enim fundus propter illam ad me pervenit*. At falsa erat ea demonstratio. Fundus ille ad virum pervenerat non propter uxorem. Et tamen eum omnimodo deberi Vipianus respondit: & secundum ea, quae dicta sunt, rectissime. Rationem subiecit in haec verba, *Nam quidquid demonstratae rei additur satis demonstratae frustra est*. Sensus est, rem legatam satis fuisse demonstratam, etiam non addita altera ea nota, *is enim fundus propter illam ad me pervenit*, sorte quia alius non erat in hereditate viri fundus, qui diceretur Titianus, qualem fundum maritus legaverat: proinde alteram illam ejusdem fundi notam supervacuam esse. At quid monstri est illud, *Quidquid demonstratae rei additur satis demonstratae*. Jam dixerat Ulpianus, *quidquid demonstratae rei additur*. Quorsum igitur repetitio illa *Tō demonstratae*? Et tamen sic habet Codex Florentinus magnae aetatis, & fidei liber. Locum istum Vipiani Haloander, aliique varie emendant, nemo ex alicujus antiqui codicis fide: omnes ex conjectura. Certe aliqua insedit macula verbis Vipiani: sed unus eam videtur mihi eluisse A. Schultingius in ejus Jurisconsulti Fragmenta Tit. 24. §. 19. Is verecunda emendatiuncula, quo primum loco nunc legitur *demonstratae*, legit *demonstrandae*. Sed est hic amovendus obex, quem Schultingius non praesensit. Si legamus, ut ipse mavult, *Quidquid demonstrandae rei additur satis demonstratae*, *Tō demonstrandae rei* quis casus erit? aut a quo verbo pendebit? & qui poterunt cohaerere *Tō demonstrandae*, quod futurum, ac *Tō demonstratae*, quod tempus praeteritum spectat? Videte, quid mihi ad emendationem Schultingii adstruendam venerit in mentem. *Tō demonstrandae rei* scriptum puto more Graecorum: & accipio quasi scriptum, *demonstrandae rei gratia*. Et ecce quam bene conset oratio Vipiani. *Frusira est, quod demonstrandae rei gratia additur rei satis demonstratae*. Exemplum bene multa istius graecismi deprehendit in libris veterum Jurisconsultorum vir Graece & Latine doctissimus A. Augustinus, congestisque in Caput 1. Lib. II. emendat., quibus exemplum, quod ego nunc deprehendo, addas velim periculo meo.

Obstare videtur Papiniani locus in L. quum tale 72. §. 8. D. de cond. & dem., *Falsam legati demonstrationem non facere legatum, Sabinus respondit*. Si legatum non facit, legato nocet. Sed diversa sunt non facere lega-

H h

tum

tum, & non vitare legatum. Id clare patet ex ipsis Papiniani verbis, quae sequuntur, *veluti si quis quum Titio nihil legasset, ita scriptum reliquit: ex centum, quae Titio legavi, quinquaginta heres Sejo dato: idque sumpsit* (subaudi Sabinus) *ex defuncti voluntate, quia non animo legandi, sed diminuendi legatum, quod falso datum existimaret; ita scriberet, propter falsam: tamen demonstrationem legati, non plus Sejus adsequetur, quam si vere demonstratum fuisset.* Igitur Sejo debentur quinquaginta ex centum, quae Titio legata falso putabantur: sicque falsa demonstratio non facit legatum, h. e. non facit, ut Titio relidum legatum intelligatur, sed non nocet legato relicto Sejo.

Scite autem monet Cujacius in *cit.* §. 8. duplicem esse demonstrationem, alteram necessariam, quae legatum ostendit: alteram, quae abundat, nec necessario adjiciuntur rei, de qua satis constat: hanc non vitare legatum: illam vitare, si falsa & nulla sit, quia magis est status & causa legati principalis, quam simplex demonstratio, seu simplex accessio rei. Igitur si legavi Titio decem, quae ei debeo, Titio decem debentur, quamvis ante legatum deberetur ei nihil, quia certam quantitatem Titio legavi, non obligationem quantitatis, esset enim haec obligatio, ut Cujacius loquitur, *passiva*, quam ridiculum est legari. Activa, non passiva nomina legantur. Contra si sic legavi, Decem, quae mihi Titius debet, heres meus damnus esto Titio dare, i. e. Titio remittere, inutile legatum est, si nihil Titius debebat; quia non certam quantitatem, sed liberationem Titio legavi: ridiculum est autem non obligato homini liberationem legari. Igitur verba illa, *quae mihi Titius debet* potius continent statum, & causam legati principalis, quam simplicem & accessoriam demonstrationem. In summa tunc demum falsa demonstratio non nocet, quum res erat, etiam non apposita falsa ea nota, quam testator apposuit, jam satis demonstrata, uti Vipianus agebat in superius exposita *L. 1. §. ult. de doct. praeleg.*, non quum ea tantum nota, quae falsa est, demonstratur; hoc enim casu est ea nota non simplex demonstratio, sed jus ipsum, & substantia legati. Ita si cui legavero decem, quae habeo in arca, nihil debetur, si nihil in arca sit, aut debetur minus, si minus sit in arca, quia decem, quae in arca sunt, tanquam certum corpus legantur, ac *Tō quae in arca habeo* certi corporis designatio est, quin ea proprie numerorum corpora, quae inibi sunt, non alia legantur: ubi autem certum corpus, quod legatum est, aut omnino, aut ex parte in rerum natura non est, deficit omnino, aut ex parte substantia ipsa legati. Facit huc locus Africanus in *L. si servus 108. §. qui quinque 10. D. de leg. 1.*, Qui quinque in arca habebat, ita legavit, vel stipulanti promisit: decem quae in arca habeo: & legatum, & stipulatio valebit, ita tamen, ut sola quinque, vel ex stipulatione, vel ex testamento debeantur, ut vero quinque, quae decurrunt, ex testamento peti possint, vix ratio patietur, nam quodammodo certum corpus, quod in rerum natura non sit, legatum videtur. Eodem spectant *L. item quod Sabinus 17. §. sed si ex asse, & L. ex falso 19. de her. inst.*

Quid si demonstratio ex parte sit falsa, ex parte autem vera? Spectem hanc tractat Javolenus in *L. heres 100. §. ult. de leg. 3.* Cui testudinea legata essent, ei lectos testudineos pedibus inargentatos deberi, Labeo, Trebatius responderunt. Quod verum est. Testudinei lecti dicuntur lecti laminis

lecti.

testudineis vestiti. De Pollione memoriae prodidit Plinius *Lib. 9. cap. 11.*, eum instituisse testudinum putamina secare in laminas, hisque lectos vestire. In specie Javolenti pedes testudinei non erant, sed lignei inargentati: proinde quantum ad pedes falsa erat demonstratio: & tamen etiam pedes continentur legato; si enim demonstratio prorsus falsa legatum non vitiat, multo minus quae est ex parte falsa, vitare legatum potest.

Interdum demonstratio ex parte est falsa, quia rem legatam diminuit testator. Persequitur hoc argumentum Pomponius in *L. scribit 34. §. 1. Et 2. D. de aur. arg. leg.*, cujus verba sunt hic adscribenda, *Item scribit Quintus Mucius, si mortuus uxori, quum haberet quinque pondo auri, legasset illa: aurum quodcumque uxoris causa paratum esset, uti heres uxori daret: etiam si libra auri inde venisset, & mortis tempore amplius, quam quatuor librae, non deprehenduntur: in totis quinque libris heredem esse obligatum, quoniam articulus Est praesentis temporis demonstrationem in se continet: Quod ipsum, quantum ad ipsam juris obligationem pertinet, recte dicitur: id est, ut ipso jure heres sit obligatus. Verum sciendum, si in hoc alienaverit testator inde libram, quod diminuere vellet ex legato uxoris suae, tunc mutata voluntas defuncti locum faciet doli mali exceptioni: ut, si perseveraverit mulier in petendis quinque libris, exceptione doli mali submoveatur. Sed si ex necessitate aliqua compulsus testator, non quod vellet deminueri ex legato, tunc mulieri ipso jure quinque librae auri debebuntur, nec doli mali exceptio nocebit adversus petentem. Quod si ita legasset uxori, aurum, quod ejus causa paratum erit, tunc rectissime scribit Quintus Mucius, ut haec scriptura habeat in se demonstrationem legati, & argumentum, (lege cum Cujacio, diminutionem, & augmentum (qua de re jam dictum), ideoque ipso jure, alienata libra auri, amplius quatuor pondo non remanebunt in obligatione: nec erit utendum distinctione, qua ex causa alienaverit testator. Sententia huc redit. Si demonstrata res fuit verbo temporis praesentis, tota debetur, qualis erat tempore testamenti, nisi ejus partem alienaverit testator animo minuendi legati: si verbo temporis futuri, quod tempore mortis reliquam est, debetur.*

Sunt casus nonnulli, quibus falsa demonstratio nocet. Primus est, si certum corpus demonstretur, quod in rerum natura non est. Huc pertinet productum superius ex Africano exemplum ejus, qui quum minus, quam decem haberet in arca, decem, quae in arca habebat, legavit. Huc etiam pertinet exemplum alterum apud Gajum in *L. si ita 65. pr. de leg. 1.*, *Si ita legatum sit: Sejo servos decem do, praeter eos decem, quos Titio legavi: si quidem decem tantum inveniantur in hereditate, inutile est legatum; si vero ampliores, post eos, quos Titius elegit, in caeteris valet legatum; sed non in ampliores, quam decem, qui legati sunt, quod si minus sunt, in tantis, quanti inveniantur.* Sunt & alia in Libris juris exempla, quae compendio studens omitto. Sed vereor, ne officio desim, si exemplum omittam falsi creditoris, qui, quum sibi nihil debeatur, alicui legat, quod sibi debetur: quae difficilis est disputatio, & praeceptiore opus habet. Ait Ulpianus in *L. si sic legatum 75. §. 1. eod.*, *Si mihi, quod Titius debet, fuerit legatum, neque Titius debeat: sciendum est, nullum esse legatum, & quidem, si quantitas non sit adjecta, evidentii ratione nihil debebitur, quia non*

apparet, quantum fuerit legatum: nam & si quid ego Titio debeo, ei legavero quantitate non adjecta: constat, nullum esse legatum: quum si decem, quae Titio debeo, legavero, nec quicquam Titio debeam, falsa demonstratio non perimit legatum: ut in legato dotis Julianus respondit. Ergo interest, num certa quantitas expressa sit, nec ne. Non expressa quantitate, sive ipsi falso debitori, sive alii legatum sit, inutile est legatum, quia quantum legatum sit, non apparet. Id Vlpianus confirmat exemplo debitoris, qui non adjecta quantitate inutiliter legat creditori, ibi, nam & si quod ego Titio debeo, ei legavero quantitate non adjecta, constat nullum esse legatum: quod intelligendum est de falso creditore, perinde ac si scriptum sit, nam etsi quod ego Titio non debeo, quasi debeam, ei legavero quantitate non adjecta. Vero creditori etiam non adjecta quantitate recte legatur. Quod si a falso creditore certa quantitas sit expressa, videtur referre, cui sit legatum. At si quidem non ipsi falso debitori, sed alii ab eo sit legatum, nihil esse in legato, ipse idem Vlpianus inquit in cit. L. 75. §. 2., fortasse ea ratione, quia qui uni decem legat, quae debere sibi alium falso putat, non legat decem in genere, quae certe sunt in natura, sed decem illa, quae sibi putat deberi: haec autem in natura non sunt. Dicam clarius. Huiusmodi legato non summa ipsa continetur, sed actio adversus certum debitorem, quae actio certe nulla est. Quid si ipsi falso debitori sit legatum certa quantitate, aut specie expressa? Non expedita res est, pen-
detque tota ab interpretatione verborum Pauli in L. legavi 25. D. de liber. leg., quae haec sunt, Quod si etiam centum aureorum, vel fundi debiti mentionem fecit, si quidem debitor fuisse probeatur, liberandus est: quod si nihil debeat: poterit dici, quasi falsa demonstratione adjecta, etiam peti, quod comprehensum est. Sed poterit hoc dici, si ita legavit: centum aureos, quos mihi debet, vel Stichum, quem debet, heres meus damnas esto non petere. Quod si sic dixerit: heres meus centum aureos, quos mihi Titius debet, damnas esto ei dare, etiam illud tentari poterit, ut petere possit; quasi falsa demonstratione adjecta; quod mihi nequaquam placet, quum dandi verbum ad debitum se referre testator existimaverit. Distinguit Paulus formulas duas, quibus debitori potest liberatio legari. Una est, Centum aureos, quos mihi Titius debet, heres meus damnas esto non petere. Altera est, Heres meus centum aureos, quos mihi Titius debet, damnas esto ei dare, Priorem formulari Paulus expendens ait, Poterit hoc dici, i. e. quod proxime praecit, puta, si Titius nihil debeat, quasi falsa demonstratione adjecta, etiam peti, quod comprehensum est. Posteriores expendens, tentari posse inquit, posse etiam peti, quasi falsa demonstratione adjecta: sed continuo addit, sibi id non placere, quia verbum dandi relatum ad debitum vim habet liberandi debitorem, L. ult. §. 1. de liber. leg. Sed quis facile intelligat, herede damnato non petere, legatum deberi; damnato autem dare, non deberi legatum? Si formularum vim spectes, multo significativius est *To dare*, quam *To petere*. Ignoscendum igitur Cujacio ex conjectura, & contra hunc omnium Codicum legenti, sed non poterit hoc dici, si ita legavit. Ita ex sententia Cujacii sive hac, sive illa formula testator sit usus, quum legatarius nihil debet, legatur ei inutiliter. Ratio autem, cur utroque casu inutiliter legetur, ea est, quia non quantitas legatur, sed jus, quod in re-

rum

rum natura non est: quae ratio facit, ut non dubitem, quacumque formula testator leget, idem jus esse, maxime quum post constitutionem Justiniani in *L. 1. C. comm. de leg.* una sit legatorum natura. Nunc facile est intelligere rationem ejus, quod scriptum est apud Ulpianum in *cit. L. 75. §. 1. de leg. 1.*, *Si decem, quae Titio debeo, legavero, nec quidquam Titio debeam, falsa demonstratio non perimit legatum.* Quum falsus debitor expressa certa quantitate legat creditori, non legat jus, sed certam quantitatem, quae est in rerum natura. Si quis vero est, cui Cujaciana ista emendatio displiceat (& mihi quidem vix placet), sentiat is, cum Averanio *Interpret. jur. Lib. 1. c. 22. n. 3.*, Paulum propositis duabus legati formulis verbo illo, *poterit hoc dici*, itemque illo *sentari poterit* nihil affirmasse, sed tantum dixisse quod secundum vulgarem juris regulam dici posse videbatur: tum de utraque legati formula pronunciasse, *Quod mihi nequaquam placet*, nec obillare quae continuo sequuntur, *quum dandi verbum &c.*, unde videtur consici, *Tò quod ad posteriotem tantum formulam referri*; namque ideo Paulus addidit ea verba, quia multo plus difficultatis posterior formula habebat. Ego quod pertinet ad verba Pauli, amplius deliberandum pronuncio: quantum ad ipsam juris definitionem; utraque formula inutiliter legari non ambigo. Certe Paulus inutiliter legari ait ea formula, *damnas esio dare*, quia verbum *dandi* pro subiecta materia *liberandi* vim habet, non domini transferendi, quae alias propria est ejus verbi significatio: verbum autem *non petere* non solum pro subiecta materia; sed sua vi sonat prorsus idem, ac *liberare*: sicque utraque formula jus legatur, quod non est in natura. In obscurissimum istum Pauli locum multa scripti A. Faber *Conject. lib. 5. cap. 2.* Sed iis abstinere. Textum is more suo inverecunde emendavit, ut de re ipsa scorsim ab aliis sentiret.

Secundus casus, quo falsa demonstratio dispositionem vitiat, is est. si vim habeat conditionis, i. e. si concepta sit in futurum, ut in hoc exemplo, *Stichum, qui meus erit, quum moriar, heres dato.* Ergo si tempore mortis meae Stichus meus non est, legatario quasi conditione defecto nihil debetur, *L. Stichum 6. de leg. 1.*, & *L. nuper 85. de leg. 5.*

Tertius casus ex communi interpretum sententia est, si demonstratio cognationem, adfinitatemve respiciat. Vulgo laudantur in eam sententiam *L. si pater 4.*, & *L. nec apud 7. C. de her. insti.* Sed a vulgari sententia discesserunt duo, quantum scio, interpretes juris, Richardus in §. 31. *Insti. de leg.*, & Averanius *Interpret. jur. Lib. 5. c. 19. n. 2. & 3.*, quibus subscribo. Et vero Marcianus in *cit. L. falsa 33. de cond. & dem.* haec assertit falsae demonstrationis exempla, *velui si fratrem dixerit, vel sororem, vel nepotem*: & Florentinus in *L. 34. eod.* nihil interesse inquit, num altcui nominatim legetur, an per demonstrationem *necessitudinis, vel adfinitatis*: nec interesse, *falsa, an vera* sit demonstratio. Laudatae in contrarium Leges pertinent ad falsam causam, de qua in postrema hujus Commentarii parte, quam ecce ingredior.

C O M M E N T A R I I

P A R S IV.

D E C A U S S I S .

Dixi, causam proprie esse causam praeteritam, ut in hoc exemplo ; *Tuio lego, quia negotia mea curavi.* Falsam causam legato non obesse scribit Papinianus in *L. quum tale 72. §. 6. de cond., & dem.* Quin de fideicommisso, & institutione idem jus sit, non dubitatur. Rationem subjicit Papinianus in haec verba, *quia ratio legandi legato non cohaeret, h.e. quia legatum, ut quaelibet donatio, liberalitate sola constat, etiamsi nulla alia subsit causa: proinde causae adjectio pro supervacua est: nec solent, quae abundant, vitare, L. non solent 94. de reg. jur.* Sequitur autem apud Papinianum, *sed plerumque doli exceptio locum habebit, si probeur alias non legaturus fuisse.* Hic unus est casus, quo falsa causa vitiat legatum: proinde cavendum ab opinione Bartoli, qui duplex causae genus agnoscens, alterum remotae, alterum proximae, & cohaerentis legato, docet remotam, si falsa sit, non nocere legato, contra nocere proximam: hanc autem esse eam, quae, si vera esset, induceret obligationem, veluti si scriptum sit, *Tuio, quia mihi aureos decem mutuos dedit, decem lego.* Cavendum, inquam, ab hac absurdissima opinione, cui quum supra scriptus Papiniani locus, tum alii non pauci apertissime obstant. Ex his unum seligo in *L. longe magis 31. Inst. de leg.*, ubi non nocere legato scriptum est falsam hanc causam, *quia negotia mea curavit:* quis est autem qui ignoret, ex negotiorum gestione obligationem. actionemque nasci? *V. L. si quis absentis 4. de obl. & act., & §. 1. Inst. de obl. quae ex quasi contract.* Igitur unus est casus, quo falsa causa nocet, si ea fuit finalis. Rectissima est in Philosophorum, Jurisconsultorumque scholis causae partitio in *impulsivam*, & *finalem*. Dicunt *impulsivam*, quae nos ad faciendum impellit, idem, licet ea non impelleret causa, facturos. *Finalem* dicunt, qua una movemur, alias non facturi. Hujus illustre exemplum extat in *L. ult. de her. inst.*, in quam certe accipiendae sint de falsa causa finali. Si pater tuus, inquit Gordianus in *cit. L. 4.*, eum quasi filium suum heredem instituit, quem falsa opinione ductus suum esse credebat, non instituturus, si alienum nosset, ique postea subditiui esse ostensus est, auferendam ei successionem, Divorum Severi & Antonini placui conimetur. Subditiui filio tanquam indigno auferit fiscus successionem, *L. auferetur 46. pr. de jur. fisci.* Sed moribus hominum potiores sunt fisco qui ea institutione non facta ad successionem veni-

nirent. Jam in *cit. L. 4.* Tò non institutus ex Latini sermonis ingenio finalem causam explicat. Minus perspicua est *L. 7.*, sed eodem sensu interpretanda. *Vid. Avera. Interpret. jur. Lib. 5. 1. 19. n. 10.* Quod autem in dubio praeferuntur causa potius impulsiva, quam finalis, ei, cuius interest non valere dispositionem, onus incumbit probandi: idque manifeste ostendunt verba illa Papiniani, *Sed doli exceptio locum habebit, si probetur alias legaturus non fuisse.* Si heredi, cuius interest, non valere legatum, doli exceptio datur, is debet exceptionem probare, *I. si pactum 9. & L. in exceptionibus 19. de probat.*

INDEX CAPITUM:

DE JURE AD CRESCENDI

CAP. I.	<i>Juris Adcrescendi Definitio.</i>	pag. 1
CAP. II.	<i>Juris Adcrescendi Origines.</i>	pag. 2
PARS I.	<i>De diversis Conjunctionum Speciebus.</i>	pag. 6
CAP. I.	<i>Re Conjuncti.</i>	pag. 8
CAP. II.	<i>Verbis Conjuncti.</i>	pag. 13
CAP. III.	<i>Re & verbis Conjuncti.</i>	pag. 16
PARS II.	<i>De variis Conjunctionum effectibus.</i>	pag. 13
CAP. I.	<i>Rei partitio inter concurrentes.</i>	pag. 16
CAP. II.	<i>Pars deficiens Adcretio.</i>	pag. 18
CAP. III.	<i>Praelatio Conjunctorum.</i>	pag. 23
PARS III.	<i>De modis, quibus pars deficiens adcrescit.</i>	pag. 25
CAP. I.	<i>Pars Adcrescens ipso Jure.</i>	pag. 25
CAP. II.	<i>Pars volens, aut invito Adcrescens.</i>	pag. 27
CAP. III.	<i>Pars cum onere, aut sine onere Adcrescens.</i>	pag. 31
PARS IV.	<i>De causis, in quibus Juri Adcrescendi est locus.</i>	pag. 35
CAP. I.	<i>Jus Adcrescendi in Substitutionibus.</i>	pag. 37
CAP. II.	<i>Jus Adcrescendi in Legitima, Falcidia, ac Trebellianica.</i>	pag. 38
CAP. III.	<i>Jus Adcrescendi in moris causa Donationibus, vel Capionibus.</i>	pag. 41
CAP. IV.	<i>Jus Adcrescendi in usufructu.</i>	pag. 42
CAP. V.	<i>Jus Adcrescendi ex Lege.</i>	pag. 45
PARS V.	<i>De causis, in quibus cessat jus Adcrescendi.</i>	pag. 47
CAP. I.	<i>Contractus.</i>	pag. 47
CAP. II.	<i>Servitius Individua.</i>	pag. 48
CAP. III.	<i>Contraria testatoris voluntas.</i>	pag. 48
CAP. IV.	<i>Militare testamentum.</i>	pag. 51
CAP. VII.	<i>Alimenta.</i>	pag. 58
CAP. VIII.	<i>Successio ex jure singulari, & contra voluntatem defuncti.</i>	pag. 59
CAP. IX.	<i>Certa pars Legibus definita.</i>	pag. 60
CAP. X.	<i>Diversum succedentium jus.</i>	pag. 61
DE VULGARI, ET PUPILLARI SUBSTITUTIONE.		
PARS. I.	<i>De Substitutis in locum heredum. Substitutionis definitio.</i>	pag. 65
CAP. I.	<i>Substitutionum genera.</i>	pag. 67
CAP. II.	<i>Substitutionum origines.</i>	pag. 69

CAP. III.	Substitutio vulgaris.	pag. 71
CAP. IV.	Substitutio pupillaris.	pag. 88
CAP. V.	In L. precibus 8. C. de Impub. & alius substitutionibus.	pag. 103
CAP. VI.	Substitutio quasi Pupillaris.	pag. 105
CAP. VII.	Substitutio Militar.	pag. 107

DE SEPARATIONIBUS.

DE LEGATIS, ET FIDEICOMMISSIS

PARS I.	De Legatorum Fideicommissorumque natura.	pag. 121
CAP. II.	Veteres Legatorum & Fideicommissorum differentiæ.	pag. 122
CAP. II.	Legatorum, & Fideicommissorum exæquatio.	pag. 126
CAP. III.	Veterum differentiarum vestigia in libris juris Justinianæ.	pag. 131
CAP. IV.	Legati partitionis, & Fideicommissi universalis collatio.	pag. 135
CAP. V.	Legati, & Fideicommissi definitiones.	pag. 158
PARS II.	De modis, quibus Legata & Fideicommissa relinquuntur.	pag. 139
CAP. I.	Verba Legatorum propria.	pag. 139
CAP. II.	Verba Fideicommissorum propria.	pag. 141
CAP. III.	Clausula Codicillaris.	pag. 146
CAP. IV.	Legata Tacita.	pag. 153
CAP. V.	Fideicommissa Tacita.	pag. 154
CAP. VI.	Verba consueti.	pag. 163
PARS III.	De regulis, quibus Fideicommissa deferuntur.	pag. 165
PARS IV.	De causis, quibus Fideicommissa minuantur, aut pereunt.	pag. 168
CAP. I.	Act alienum Testatoris.	pag. 168
CAP. II.	Legitima, & Trebellianica.	pag. 169
CAP. III.	Dos, & donatio propter nuptias.	pag. 170
CAP. IV.	Utilitas Fideicommissi.	pag. 173
CAP. V.	Eorum, quorum interest, consensus.	pag. 179
CAP. IV.	Alicnationis denuntiatio iis, quorum interest, facta.	pag. 180
CAP. VII.	Fideicommissum conventionale.	pag. 182

DE CONDITIONIBUS ET DEMONSTRATIONIBUS.

PARS I.	De conditionibus.	pag. 185
CAP. I.	Conditionis definitio.	pag. 185
CAP. II.	Conditionis notæ.	pag. 189
CAP. III.	Conditionis multiplex genus.	pag. 197
CAP. IV.	Conditiones, quæ Institutionibus, Legatis, Fideicommissis non noceant.	pag. 202
CAP. V.	Conditiones, quæ institutionibus, legatis, fideicommissis sine noceant.	pag. 217
CAP. VI.	Conditionis repetitio.	
CAP. VII.	Conditionis implendæ tempus.	pag. 230
CAP. VIII.	Conditionis implendæ modus.	pag. 232
CAP. IX.	Conditionis retrotractio.	pag. 237
PARS II.	De modis.	pag. 238
PARS III.	De demonstrationibus.	pag. 239
PARS IV.	De causis.	pag. 246

F I N I S.

592940





